

UNIVERSITY OF TORONTO



3 1761 01308630 1














24

2202  
I



5 2 3 2 8  
2 6 | 1 2 | 0 1





# JO. SCHRADERVS ERVDITO LECTORI

S. D.

**N**on dubito, quin multi saepe mecum mirentur, *Burm annum*, cum vehementius in *Bentlejum* inveheretur (in praefatione ad *Phaedrum*), cum alia, tum haec, ante annos ferme quinquaginta, scripsisse: „ Ut tamen verum fatear, aliquem quoque in hoc malo, & emendandi „ omnia pro arbitrio cupiditate & morbo, utum esse „ deprehendi; immo gratias etiam a me novae hujus „ disciplinae conditoribus habendas lubens agnosco. „ Exhausta enim dudum omnis commentandi ratio videbatur, nihil fere industriae posterorum reliquerat „ priorum interpretum industria. Tot editiones omnium „ Latinorum scriptorum cumulatae, tot codices „ manu exarati undique collecti, excusti, excerpti, „ tot notis & commentariis, & separatim editis, & in „ unum collatis, illustrati Scriptores exierunt, ut nihil vel certe parum novae diligentiae in hac studio-

„ rum parte, superesse diu sit visum. — Nihil ergo  
 „ viris etiam industriis & doctis hodie relictum est, qui  
 „ Furum & Compilatorum exempla sequi nolint, nisi  
 „ ut, - illos, qui novos nobis auctores recidunt, &  
 „ pro acumine ingenii sui lectiones diversas a prioribus  
 „ in ipsum contextum inducunt, & refutandi & anti-  
 „ quas lectiones adserendi partes fuscipiant. — „  
 Etenim sagacibus hominibus etiam nunc

*materiae tanta abundat copia,  
 Labori faber ut desit, non fabro labor.*

Quam vera dicam, vel ex hoc intelligi potest. Satis constat in eo maxime nobiles elaborasse Criticos, ut poëtarum scripta vulgarentur emendata: tantum tamen abest, ut omnia librariorum vitia correxisse videantur, ut jaectari nondum queat, eos insignia in modis syllabarum vitia sustulisse. Quod ne quis in dubium vocet, aut fortasse neget, exempla supponere non gravabor.

Magnis nuper plausibus, magnaue approbatione complures *Orphei* Carmina, quae *J. M. Gesnerus*, vir optime de literis meritis, & ipsa senectute venerabilis, in vulgus ediderat, exceperunt: hujus tamen generis menda prope innumerabilia (non loquor υπερβολικῶς) in iis relictæ sunt; ut Argon. v. 13. Καὶ Κρόνον δὲ εὐόχουσαν -, cum *Vossii* liber, in bibliotheca Leidensi servatus, & a me juvene versatus, δὲ, omitteret; & 257.

*Ἀργῶ πεινχσὶν τ' ἰδὲ δρυσὶν γουμφασαῖσα.*

licet

licet *Pierfonus* & *Rubnkenius*, ab editore laudati, correxissent, ἤδ᾽; & quivis hoc amplius corrigat, ὄρυσι. Contra manere passus est in v. 275. Τοῦτι δ' Αἰσυνίδης, cum liber idem, τοῦτιν, exhiberet. v. 546. dedit:

Δοῦναι ὑποχθονίοισι καὶ δάκρυα λειβέμεν ὄσσων.

sed vel aurium causa dare debuerat, ὑποχθονίοις. v. 781. - ἐὺρρύτου ποταμοῖο, pro, ἐὺρρείτου, quod in optimo libro repperat. v. 834. Οὐδὲ τι δὴ νώνυμοι -, pro, νώνυμοι. 958. - ἰδὲ στρώθιον ἔμιζα. Nos fidei magnae codici credimus, in quo scriptum invenitur, στρωθῆϊον; nec dubitamus, quin pariter emendanda sint, ψάλλιον ἀειδὲς v. 959. Ἑρμιονία 1134. & similia passim relicta. v. 941. vulgatur: γυνάσσονται. Lex carminis, quam Critico notam esse oportebat, corrigere jubet, γυνάζονται. v. 968.

Καίετο δ' αὐτίκα βόθρος, ἐσμαράγχει δ' ὀλοὸν πῦρ.

Ego vix dubito, quin a poëta scriptum sit, ἐπεσμαράγχει. Nam pariter in *Voss*. v. 1089. ἐτείρετο, pro, ἐπετείρετο, reperitur; in aliis 396. ἐτέρπετο, pro, ἐπετέρπετο.

v. 974. Vir clarissimus edidit: Τρισσοκέφαλος ἰδεῖν. Ego correxeram: Τρισσοκάρηνος. Mecum facit, nisi memorio-la vacillo, C. G. Heynius ad *Virgilium*.

1254.

Νῆα δ' ἄρ' αὐτόθι οἱ κατέσχευ βόας, οὐδὲ μιν εἶα  
Προπροθέειν, οὐδ' αὐτικ' ἀναδύσσεσθαι ὀπίσσω.

Liber tamen praestantissimus, congruentia versuum le-  
gibus,

gibus, offerebat, *κἀτεχεν*, &c, *ἀναρρώσσεσθαι*. Nec minores maculae permanserunt in 1279.

*Καὶ ὁ αἰγὸν διεσκέδασεν κατ' ἀτρίονα πόντον.*

Equidem feliciter Observ. p. 78. sic cas elueram:

*Καὶ ῥα καταίγδην σκέδασεν.*

*Gesnerus* tamen, de, *διεσκέδασεν*, *securus*, misere laborat in, *αἰγὸν*.

Hymn. vii, 13. legitur:

*Αἰθάλῃς, ἀμύλη, χρόνου πέρας.*

Fallor? an poëta scripsit, *Αἰθαλλέεις*. Editori placebat, *Αἰθαλλῆς*, viii, 6. in pervulgatis libris est:

*Ἥλεκτρίς, βαρύνουμε, καταυγάζειρα, νυχία.*

In *Vosfiano*, *νυχία*. Recte. Similis itaque similibus adhibenda est medicina; veluti, *σπέρμιε*, xxxiii, 3. &c, *στερμία*, xxxix, 5. quae prope pudet memorare.

xxxvii, 16. etiam nunc habetur:

*Ὀλλύντες βίον καὶ κτήματα.*

Ipsè tamen olim, *βίον*, Observ. p. 76. correxeram.

Lxvii, 7.

*Εὐθαλλῆς, εὐκταιστάτη.*

pro, *Εὐθαλλῆς*. *Θα* corripì notum est vel ex Argon.



910. Δένδρεσιν ἑὺθαλέεσσι κατὰ σκιον. Aliter tamen *Gesnero* videbatur ad Argon. 746. sed corruptis locis decepto.

De Lapid. ῥ'ποθ. v. 65.

Ἐρχομαι εἰς ἀκρώρειαν ἄγων χορὸν ἡδὺν ἑταίρων.

vel, ut AI. ἀκρώρειαν, pro,

Ἐρχομ' εἰς ἀκρώρειαν, —

ut XX, 16.

Νῶϊ δὲ ποιήσσαν εἰς ἀκρώρειαν ἰούσι.

XI, 37.

Χρῆ δὲ σε τετληῶτι νόω —

pro, τετληῶτι. *ibid.* 39.

Ἐκ χερὸς οὐδας δε βαλὼν,

pro, Ἐκ χερῶν *ibid.* 46.

Σοὶ δ' ἔτι καὶ σθένος ἄλλο σιδηρίταιο πιφύσκω.

Ἐρπετῶ γὰρ δὴ πάμπαν ὑποτρομέοντι ἔοικε.

Σεῖο δ' ἔχεν πολὺ μείζον ἀκοιμητὸν τε νόοιο

Δεῖμα Φιλοκτήτης.

*Ipfa* tamen res, & carminis lex corrigere jubent:

Ἐρπετὰ γὰρ δὴ πάμπαν ὑποτρομέοντι ἔοικας.

*Nihil* enim prorsus tribuendum praecipienti *Gesnero*:

„ Cor-

VIII P R A E F A T I O.

„Corripienda inter scandendum vox, ἑρπῆς, ib. v. 86. edidit:

Γλώσσησιν μεμάσσι περισσάβην, σκύλακες ᾤς.

pro, περισσάβην.

XII, 13.

Κατὸν, ὑπὸ σπλάγγχεισιν ἀίσσοντα δέχχεται.

pro, ἀνἀίσσοντα.

XIV, 7.

Μέτρῳ δ' ὅς κεν μιξείην βοῶδενι ἐλαίῳ,  
Βάψας ἐκ τυρὸς ὀπὸν, ἐναυχενίαις ὀδύναισι  
Ἄλκαρς ἄγει. μέλιτος δὲ μετὰ γλυκεροῦ κερασθεῖς,  
Ἵδατος ἀτρηὴν δλέκει κατὰ γαστέρος ὕλην.

Sed, mihi crede, scripsit auctor, ὀπὸν — ἰλὺν.

xv, 2. reliquit,

Καὶ Περσηίδαο μένος μέγα κυραλίσιο.

pro, Περσηίδαο.

v. 57.

Ἄμφ! δ' ἄρα σφιν αἰψὰ θοαὶ πόντιοι δῖγατρες  
Λύθρον ἐπεσσύμεναι θάμνοις περιπήγνουσ' Ὠραι.

pro, σφίσιν. Sed graviore morbo poeta laborat. **Horis enim nullus in hac de curatio fabella locus est.**  
Quid? quod Hymn. xxxxi, 1. dicuntur,

Θυγατέρες Θέμιδες καὶ Ζητὸς ἄνακτος.

Ne

Ne multa: restituo,

περιπήγνυον Αὔραι·  
 Πήγνυσιν ὥστέ σε πάγχυ λίσσον στερεήν οἴσασθαι·  
 Οὐδέ τ' ἔην οἴσασθαι, ἔπει στερεή λίσθος ἦεν.  
 Ἐκ δ' ὄλεσεν βοτάνης ὑγρὸν δέμας.

Appositus ad medicinam probandam locus est *Ovidii* *Metam.* xv, 416.

*Sic ἔρ curalium, quo primum contigit auras  
 Tempore, durefcit. mollis fuit herba sub undis.*

Ut autem πόντοιο θύγατρει hic vocantur Αὔραι, sic *Eurip.* *Hecub.* v. 444.

Αὔρα, ποντιάει αὔρα.

& Hymn. Lxxx, i.

Αὔραι ποντογενεῖς, Ζεφυρίτιδες.

ib. v. 93. legitur in editis libris:

Ἄμφι περὶ σταχέεσσι περισυνέχουσα κάθηται.

in Reg. convenientius metro, περισμυχοῦσα.  
 xviii, 50. vulgatur:

Τοῖο δ' ἔκητί μ' ἐκείνος ἀμοιβὰδ' ἀρέσασθαι.

Sed a poëta scriptum fuit, ἀμοιβήδην ἀρέσασθαι.  
 ib. 71.

Τοῦ δὲ διαμελίσσι δαίξειν ἐννέα μοίρας.

\*\*

pro,

pro, διαμμελείσθι. v. 91. - κορένυσθαι τε μεμαῶτας. pro, κορένυσθαι μεμαῶτας; quod liber Reg. suppeditat. Omitto cum alia, tum, Κεύροις μερόπτεσσιν (Argon 1125.),

Φάρμακα, μὴ μόνον ὄφρων κατένωπα εὐνασθαι

(Lapid. xi, 120.), &, γλυκερῷ μέλιτι δὲ διάνας (xviii, 28.); quae quis in, Κεύροις, μόνων, &, μέλιτι γλυκερῷ, mutet; ἔποτε καί, Argon. 188. Δὴ τὸτ' ἄρα κατὰ Συμὸν 887. &, Ευρυβία Πηλῆα, 1259. spreto magnae fidei libro, qui dabat, ἔπερεν, Δὴ τότε εἰ, &, 'Ευρυβίην, relicta, praetereo: non quia non vitia sunt; sed quia defensores forte syllabas breves ob caesuram saepe produci dicent, & ad infigniolem maculam delendam festinat animus.

Ea penitus infedit in libello de Lapid. xi, 48.

Σείο δ' ἔχεν πολὺ μείζον ἀκοίμητόν τε νόσο.  
 Δεῖμα Φιλοκτήτης, μεμνημένος αἰὲν ἐχίδνης.  
 Τούνεκα Παλαμήδαο σάοφρονος εὐποτε νόσφι  
 "Ἦθέλεν εὐχεσθαι, γυνούμενος, ὄφρα τιν' εἴποι  
 Θαλπωρῆν, εἰπέρ ποτ' ἐπὶ χθόνα μητέρα θηρῶν  
 "Ερχεται, πῶς κεν πολὺν γένος ἐκπροφύγῃσι.  
 Τῷ δ' ὅγε Λητοῖδην ἐπέων ἐπιμάρτυρα Φοῖβον  
 Κικλήσκων ἀγόρευε, τὰ δὴ νῦν σοι κατὰλέξω.  
 Εὐτέ με παῖδ' ἐδίδασκέν 'Ακερσεκόμης ἀγορεύειν  
 Μαντοσύνας, μέγαν ὄρκον ἐκέκλετο πρῶτον ὁμόσσαι,  
 "Ψευδέα μήποτε μῦθον ἐπισπεῖν ἀνθ' ὠποιοῖσι.  
 Τοῦνεκ' ἀτρεκέως μάλα τοι ἐρέω τὰ ἕκαστα.  
 Φράζω νῦν, "Ἦως ἐκατηβόλε, μῦθον ἐμείο.  
 „Αὐτὴ γαῖα μέλαινα πολυκλαύτοισι βροτείσι  
 Τίττει καὶ κακότητα καὶ ἀλγεὺς ἄλλων ἐκάστω.

Quip-

Quippe, Παλαμήδης, prima syllaba brevi, tertia longa, semper effertur. Erunt forte, qui, Ναυπλιάδαι, corrigant. Sane *Naupliaden* *Ovidius* vocavit *Metam.* xii, 39, 310. & in *Ibin* 621. Sed nec illud ferri potest. Quis enim *Palameden* vatem fecit *Apollinis* institutionibus eruditum? Ne plura: corrogo,

— Πριαμίδαο σαόφρονος — —

*Heleni prudentis.* Hic *Priamides* vocatur ab *Homero* *Il.* N, 586. ut Πριαμίδης Ἑλένος *Il.* Z, 76. & *Priamides Helenus* a *Marone* *Aen.* iii, 376. & 295. Hic summa prudentia, & sapientia clarus fuit. *Pausan.* v, 12. p. 435. *Isaacius Porphyrogenn.* apud *Rutgers.* Var. L. v. p. 514. Hunc vatem fuisse celeberrimum consentiunt *Cicero* de *Divin.* i, 40. *Philostr.* *Heroïc.* cap. 16. *Sophocles* *Philoct.* 621, 1379. *Homerus* *Il.* Z, 76.

Πριαμίδης Ἑλένος, διωνοτόλων ὄχ' ἄριστος.

& *Virgilius* *Aen.* iii, 474, 433.

*Praeterea, si qua est Heleno prudentia, vati  
Si qua fides, animum si veris implet Apollo,  
Unum illud tibi, nate Deâ, proque omnibus unum  
Praedicam; & repetens iterumque iterumque monebo.*

& 358.

*His vatem aggredior dictis, ac talia quaeso:  
Trojugena, interpretes Divûm, qui numina Phoebi,  
Qui tripodas, Clarii lauros, qui sidera sentis,  
Et volucrum linguas, & praepetis omina pennae.*

Hic cum Graecis ducibus vixit. De familiaritatis autem causâ duplex fama fuit: alii, in his *Sophocles* Philoct. 624. ab iis captum tradunt: alii, in his *Canon* Narr. 34. & *Tryphiod.* 44. transfugissē. cf. *Tzetzes* ad *Lycophr.* Alex. 911. & *Serv.* ad *Virg.* Aen. 111, 166. Ut ut est, a quibusdam vates habitus est patri Trojanisque inimicus, amicus autem Graecis. v. *Tryphiod.* et *Christodorus* Anth. Gr. V, xxix. Indicavit autem cum alia, tum Trojam capi non posse, nisi Philoctetes, qui sagittas Herculis, urbi fatales, servabat, eo venisset. *Sophocl.* Philoct. 627-630. Praedixit item Philocteten, morsu serpentis ulceratum, illic sanatum iri. *Sophoc.* 1375, 1387.

Congruenter itaque fabulis Helenus, vates celeberrimus, de se praedicat v. 56.

με παῖδ' ἐδίδασκεν Ἀκροσέκμοις ἀγορεύσαι  
Μαντοσύνας.

Congruenter itidem Philoctetes, μεμνημένος αἶνεν ἐχίδνης, virum de se bene meritum supplex rogat (v. 51),

ὄφρα τίς ἔποι  
Θαλπωρὴν, ἔπερ ποτ' ἐπὶ χθόνα μητέρα Θηρῶν  
ἔρχηται, πῶς κεν πολλὸν γένος ἐκπρὸφύγησι.

Is autem libens de lapidum, qui serpentium morfibz aliisque malis medeantur, viribus exponit v. 59.

ἀτρεκέως μάλα τοι ἐρέω τὰ ἕκαστα.  
Φράζο νῦν, Ἥρωις ἐκατηβόλε, μῦθον ἐμείο'

Ἄυτη)

„Αυτὴ γαῖα μέλαινα πολυκλήυτοισι βροτοῖσι  
 Τίττει καὶ κακότητα καὶ ἀλγος ἄλλακ' ἐκάστου·  
 Γαῖα μὲν ἔρπετ' ἀ τίττει, τέκεν δ' ἐπὶ τοῖσιν ἀρωγὴν.  
 Ἐκ γαίης δὲ λίθων πάντων γένος, ἐν δ' ἄρα τοῖσι  
 Κάρτος ἀπειρέσιον καὶ ποικίλον.

Neque enim dubitari potest, quin Ἡρώς ἐκατηβόλος sit Philoctetes, jaculandi peritia praeter caeteros clarus. v. *Valer. Flaccus* I, 393. *Manilius* v, 293, 302. *Dictys* 3, 1. & 18. *Pindarus* Pyth. I, 104. *Homerus* Odyss. Θ, 219. II. B, 718. τόξων εὖ εἰδώς. & *Quintus Calaber* IX, 495. & 459.

Ὀκταίεραν μάλα πάντες ἐκηβόλον ἀνέρα, λυγροῖ  
 Ἐλκεῖ τειρόμενον.

Idem intelligitur *Orph.* v. 74.

Ἄλλ' ἀ σὺ γ', ἥξως,  
 Λαῖ' σιδηρίτῃ πεφυλαγμένος, ἔρπετ' ἀ πάντα  
 Θαρσαλέως, εἰ καὶ τοὶ ὀμιλαδὸν ἀντιώσιν,  
 Ἐρχεσθαι διὰ μέσσα.

Quod si verbis memoratis Helenus gemmarum miracula Philoctetae narrat, nemo dubitet, quin ejusdem sermo sit ad eundem XX, 10.

Ἀυτὰρ ἐγὼ καὶ πρόσθεν ἀπάμοσα κάρτερον ὄρκον,  
 Ψευδῆα μήποτε μῦθον ἐνισπεῖν ἀνθρώποισι·  
 Καὶ νῦν ἀτρεκέως μάλα τοὶ λέξαντος ἔκαστα,  
 Ἡμετέροισι, Ἡρώς ἐκατηβόλε, πείθεο μύθοις.

Adeo similia sunt verba praecedentibus xi, 56.

Εὖτε με παῖδ' ἐδίδασκεν Ἀκερσεϊόμης ἀγορεύειν  
Μαντοσύνας, μέγαν ὄρκον ἐκέλετο πρῶτον ὁμῶσαι,  
Ψευδῆα μήποτε μῦθον ἐνισπεῖν ἀνθρώποισι  
Τούνεκεν ἀτρεκέως μάλα τοι ἐρέω τὰ ἔκαστα.  
Φράζεο νῦν, Ἥρωε ἑκατηβόλε, μῦθον ἐμῶ.

Dubitantem tamen subsequētia cogent credere:

Ὡς ἄρ' ἔφη Πριάμοιο διοτρεφέος φίλος υἱός,  
Ἀτρεΐτου θεράπωνι φέρον χάριν Ἡρακλῆος.

quibus Helenus Priami φίλος υἱός appellatur, pariter atque Iliad. H, 44. Πριάμοιο φίλος παῖς; θεράπων Philoctetes, ut ὁμωρόφιος φίλος Quinto Calabro x, 205. comes Serv. Aen. III, 402. *Dict.* I, 14. *Senec.* H. Oet. 1714. &, ne scrupulus reflet, *Philosfr.* Imag. Cap. XVII. p. 889. θεράπων.

Quod si constat, ergo etiam xi, 26. — xx, 14. Heleni sermo cum Philocteta de Lapidum virtutibus exponitur. Et sane nihil in eo deprehenditur, quod non in hunc Priami filium conveniat. Hic enim (18, 104.) congruenter fabulis de se praedicat,

Ταῦτ' ἐγὼ ἐκτελέσας, ὅσα τ' ἔσσεται, ὅσα τε κοῦροι  
Ὅρμιθες κλάζουσιν, ἐπίσταμαι

hic (18, 34.) Ajaci, quippe amico, commendat haematiten: hic (18, 49. 20, 18.) Priamum vere patrem vocat, ut (18, 46.) αὐτοκασιγνήτην Hectora; & (20, 7.) αὐτοκασιγνήτην Cassandra: eadem enim matre He-  
cuba



cuba nati erant. Hic (XI, 93.) Menalippum vocare potest ἀναιψιδόν, qui κασίγνητος Hectoris est *Hom.* II. O, 549. hic (18, 45.) Dolona θεράποντα.

Dicit aliquis: Nonne matrem suam nominavit Abarbaream XI, 117.

Ὡς καὶ ἐμῆς ποτὲ μητρὸς Ἀβαρβαρέης ἐπάκουσας,  
 Ἀνδρῶν εὖ μάλα νοῦσον ἐπιταμένης ἀκέσσειναι,  
 Βουκολίδης Εὐφροβος ἀγαυὸς φάσκεν ὀφίτου  
 Φάσμακα; —

Minime vero. Poëta scripserat, ἑῆς μητρὸς: *Tzetzes* enim, diligens hujus libelli lector, Euphorbum tradit ab *Orpheo* vocari filium Abarbareae, & Bucolionis *Hist. Chil.* XIIII, 574. & I, 228.

Εὐφροβος Φροντίδος υἱὸς, καὶ Ὅμηρον, καὶ Πάνθου,  
 Ὁρφεὺς Ἀβαρβαρέης δὲ καὶ Βουκολίδην λέγει.

Adde, quod ita Bucolion & Abarbarea junguntur pariter atque II. Z, 21. et *Nonni* Dion. xv. p. 434.

*Gesnerus* itaque peccat, quod Heleni sermonem Thiodamanti, filio Priami, tribuit, & in Philoctetæ locum substituit Orpheæ. Quid? quod intelligi non potest, quo modo Priami filius cum Graecorum ducibus, Trojam circumfredientibus, familiariter vixerit. Quid? quod Thiodamas, Priami filius, nunquam fuit. Etenim nec *Hyginus* f. 90 nec *Apollodorus* III, XI, 5. nec *Homerus*, nec alius auctor locuples in Priami liberis eum numeravit. Non me fugit in argumento carminis, quod *Demetrio Moscho* tribuitur, inveniri: Θειο-  
 δάμαντι

δάμαντι τῷ Πριάμῳ συνέτησεν Ὀφείδης, cumque multos, in his *Fabricium* Bibl. Gr. I, xviii, 5. sequi: sed Graeculus, eodem captus errore, quo *Gesnerus*, Heleno tribuenda, Thiodamanti tribuit, & pro vero Priami filio falsum subjecit. In prima quidem parte carminis, quae se, sacra Soli facturum, scriptor occurrissē narrat,

Ἀγρόθεν ἄνδρ' ἴοντι περίφρονι Θεοδάμαντι,

nunquam Priami filium vocat, atque adeo perfamiliares cum eo sermones confert, ex quibus confici possit, amicos veteres fuisse, qui eandem urbem colerent. Itaque notus ille *Lucretii* versus,

*Pergula pictorum, veri nihil, omnia falsa,*

convenit in haec, quae de Thiodamantis genere tradit *Gesnerus* p. 293: „Theodamas vel Theiodamas L. 20, „14. Abarbareae F. L. 11, 117. Frater Hectoris „L. 18, 46. & 55. & Cassandrae L. 29, 7. Dolonem „*ἑτάποντα* suum vocat L. 18, 54. „Convenit itidem in alia genealogi, veluti p. 291: „Menalippus La. 11, 93. *ἀνεψιός* Theodamantis: „Hectoris & „Dolonis id. O. 554. „Menalippus enim fuit *ἀνεψιός* Heleni; Laomedontiades autem Dolops, non Dolon, ab *Homero* nominatur.

Hoc vero metri vitio lusus,

*velut obscura captus regione viarum,  
Noctivagum qui carpit iter,*

ubique

ubique haesit & lapsus est. Pauca, ne quis de veritate dubitet, exempla ponam. Notat igitur ad xi, 56: „ Hinc Palamedes loquitur, & v. 60. ut tanto veracior fiat oratio, ipsius & Apollinis orationem directe refert a 60 -- 74 „ Sed ipse suo, quemadmodum dicitur, gladio confici potest. Nam si, (ut in Thef. L. L. tradit), „ Heroës dicuntur ii, qui cum sint homines, rebus tamen gestis eam opinionem apud vulgus emeruerunt, ut inter Divos relati credantur, „ Apollo dici nequit Ἡρώς ἑκατηβόλος. Quid? quod inepta versuum junctura foret,

Τοῦνεκεν ἀτρεκέως μάλα τοι ἔρέω τὰ ἑκαστα.

Φράζεο νῦν, Ἡρώς ἑκατηβόλε, μῦθον ἐμεῖο.

„ Αὐτὴ γαῖα μέλαινα πολυκλαυτοῖσι βροτοῖσι

„ Τίττει καὶ κακότητα.

Quod? quod Graeca male versa sunt:

*Nunc referas quaesō, o Heros longe jaculans, sermonem meum.*

Notat itidem ad v. 74:

„ Ἦτοι ὅσαι βοτάναι, τόσσοι λίθοι. „ Ἀλλὰ σὺ γ', Ἡρώς, Λᾷ σιδηρεῖτη πεφυλαγμένος —.

„ Hic abrupta oratione Phoebi & Palamedis, adeo „ Theiodamas firmare pergit contra serpentium metum „ Orphea. „ Immo vero Helenus sermone non abrupto Philoeteten, ab serpente laesum, contra serpentium metum firmare pergit.

\*\*\*

Haec

Haesit itidem ad ~~xx~~, 15, & 10.

Καὶ οὖν ἀτρεκέως μάλ' αὖ τοῖς ἰσχυροῦς ἑκάστῃ,  
 Πιετέρεσι, Ἡρώς ἐκαστὴ βόλῃ, πείθεο μύθοις.

Exponit enim de Apolline, & hoc amplius Graeca male vertit, & ad suum sensum sic accommodat:

*Nostriis, Heros longe jaculans, verbis placatus esto!*

Omniū autem errorum maximus latet in hac nota; quam apposuit ad ~~xx~~, 14.

Ὡς ἂν ἔφη Πριάμοιο δοτρεφέος φίλος υἱός,  
 Ἀτρέεω θεράποντι Φίλων χάριν Ἡρακλῆος.

Personam veluti facit aram, famulam Herculis (qui idem Sol est) ut Lap. γρ. 61. ἀμύτορα βωμὸν dixerat. Paucis enim verbis ἀτρέεων Herculem vertit in Solem; ejus autem θεράποντα Philocteten in aram transformat: in quā joculari metamorphosi vix ἀγέλαστος risum tenere posuit.

In *Arati* carminibus itidem multa reperias hujus generis menda; veluti φαν. v. 40. ἐπιβράσασθαι. v. 415. [ & Διοσ. 94, 126. ] ἀνέβελον. 573.

Ἥμισυ μὲν κεν ἰδοῖαι μετῆροσιν, ἥμισυ δ' ἤδη.

pro, ἐπιβράσασθαι, ἀνέβελον, ἰδοῖαι; quae codices optimi suppeditant; & 184. ὅση. 309. — ὁ δὲ δύεται ἡδὺν πρὸς 624. καταμελεῖσι, pro, ὅση, δύεται, καταμελεῖσι.

Quid? ipse *Callimachus*, a tot hominibus eruditis & faga-

sagacibus curatus; etiam nunc talibus vitiiis contaminatus est; ut in Lavacr. Pall. v. 70.

Δὴ ποτὲ γὰρ πέπλων λυσσάμενα πρὸνάς,

Ἴππῳ ἐπὶ κρήνῃ Ἑλικωνίδι καλὰ βροῖσα

Λῶντο· μεσαμβρινὰ δ' εἶχ' ὄρος ἀσυχία.

Ἀμφοτέρω λῶντο, μεσαμβρινὰ δ' ἔσαν ὦραι·

Πολλὰ δ' ἀσυχία τῆνο κατέχεν ὄρος.

Ut enim *ἡμερινός*, sic *μεσαμβρινός*, tertia syllaba brevi, poëtae semper efferunt; in his *Nonnius* Dion. II. p. 72. v. p. 176. vi. p. 190. XL. p. 1036. XLI. p. 1054. XLVIII. p. 1266. *Theocritus* Id. 13. 1. & *Orpheus* Argon. v. 1123.

Ἄσσαν ἐπιτιμάουσα μεσημβρινὸν ἡέρα Φλέγρη.

Equidem vix oculos in versus conjeceram, cum vidi *Callimachum* scripsisse,

Λῶντο· μεσαμέρια δ' εἶχ' ὄρος ἀσυχία.

ut *Theocr.* VII, 2.

Πᾶ δὴ τὸ μεσαμέριος πόδας ἔλκεις;

sed inpostor non viderat, qui ex vitioso versu vitiosiores fecit,

Ἀμφοτέρω λῶντο, μεσαμβρινὰ δ' ἔσαν ὦραι·

Πολλὰ δ' ἀσυχία τῆνο κατέχεν ὄρος.

Nam sequor *Ernestium*, qui distichon, quod jam *Rubnkenius* & *Hemsterbusius* rejecerant, ex alio poëta non

credit adscriptum, sed ad similitudinem prioris factum.

Non disimile vitium latet in *Theocriti* Idyll. xvii, 88.

Παμφυλίοισι τε πᾶσι, καὶ αἰχμηταῖς Κιλίκεσσι.

Nam secunda vocis, Παμφυλίοισι, syllaba corripitur. v. *Heinsf. ad Claud. in Eutrop.* ii, 465. Itaque leviter emenda, Παμφύλοισι.

Longe pluribus Anthologia Graeca contaminata est: sed haec & alia forsan alio tempore corrigam.

Nunc ad Latinos propero poëtas; in quorum libris, emendatis scilicet maxime, similia non videntur inveniri. Falso: nam praeter ea, quae feliciter in Observationibus & Emendationibus jam sublata sunt, in elegante & jocosò Carmine, quod *Catullo* tribuitur, contra metri leges, Emend. p. 13. traditas, legitur:

*Hunc ego, juvenes, locum, villulamque palustrem,  
Teclam vimine junceo, caricisque maniplis,  
Quercus arida, rusticâ conformata securi,  
Nutrivi:*

pro,

*rusticâ fabricata securi:*

quod simillimum carmen ejusdem, ut putant, scriptoris doceat:

*Ego haec, ego arte fabricata rusticâ,  
Ego arida, o viator, ecce populus*

*Agel-*

*Agellulum bunc, sinistra, tute quem vides,  
Herique villulam, hortulumque pauperis  
Tuor.*

*If. Vosius* senferat vitium; sed infelicitè reponebat, *fo-*  
*mitata*; verbum poëtis inauditum.

In *Virgilio*, quem curavit *Heynius V. C. Georg.*  
*IV*, 355. manet:

*Tristis Aristaeus Penei genitoris ad undam  
Stat lacrymans.*

At, *Penei*, duabus syllabis pronuntiari nequit, pro-  
pterea quod nomen est *Peneüs*, Πηνειός. Unus hoc vidit  
*Bentlejus*, qui credebatur (ad *Lucan.* III, 191.) „ de-  
disse poëtam:

„ *Tristis Aristaeus magni genitoris ad undam* : „

de quo mihi nondum liquet; cum solis luce clarius esse  
videatur, *Penei* nomen ex interpretatione fluxisse.

At male facis, inquiet aliquis, qui versum corrige-  
re coneris, cum *Virgilius* ipse scripserit in *Culice v.* II 4.

*Hic etiam viridi ludentes Panes in herba,  
Et Satyri Dryadesque choros egere puellae  
Naiadum coctu. Tantum non Orpheus Hebrum  
Restantem tenuit ripis, sylvasque canendo,  
Quantum te, Peneu, remorantem dia chorea,  
Multa tibi laeto fundentes gaudia vultu.*

Immo scripsit,

*Quantum te pernix remorantem, Diva, chorca.*

*Pernix olim Vossii liber offerebat; Diva, plures; ut 108.*

*Ut procul adspexit luco residere virenti,*

*Delia Diva, tuo.*

Mecum facit *Heynius*, Germanorum, qui nunc poëmata veterum tractant, cruditissimus.

In *Horatio* suo *Bentleyus*, omnium nostrae memoriae Criticorum ad talia vestiganda sagacissimus, Carm. I, xv, 35. reliquit:

*Post certas hyemes uret Achaëus*

*Ignis Iliacæ domos.*

Nec tamen dubitari potest, quin brevis sit postrema vocis, *ignis*, syllaba. Libens igitur, aequè ac *Cuningamus*, accipio, quod alios dare codices olim *Glareanus* monuit,

*uret Achaëus*

*Ignis Pergameas domos:*

non, *Dardanias*, aut, *barbaricas*; quae conjecturae apud *Jonesium* reperiuntur.

In *Ovidio* N. *Heinsius* & *Burmamius*, Critici pariter ac poëtae, cum alia nimis patienter tulere, tum Metam. v, 97.

*Hic quoque Cephenum post regem primus Odites  
Ense jacet Clymeni: Protenora percudit Hypseus.*

At



At Graecis est Προθοήνορ. v. *Homer.* Il. ζ, 450. B, 495.  
Ocyus itaque reponendum:

*Prothoënora perculit Hypseus.*

Tulerunt itidem in Ibin v. 345.

*Utque Dryantidae Rhodopeia regna tenenti:*

pro, *Dryantiadae*; quod Aldina suppeditabat editio.  
Ut enim ab *Abas*, *Abanti*, *Abantiades*; ab *Atlas*, *Atlanti*, *Atlantiades*; ab *Athamas*, *Athamanti*, *Athamantiades*; sic a *Dryas*, *Dryanti*, formatur, *Dryantiades*, syllaba, *ti*, semper correpta. Nonnus Dionys.  
xx. p. 542.

Ἀρράβης μεδέοντι Δρυαντιάδῃ Λυκοόργῳ.

xxi. p. 554.

᾽Οὐδὲ Δρυαντιάδης προτέρης ἀπελύσατο χαρμῆς

& p. 558.

᾽Οὐδὲ Δρυαντιάδην χλοεῶν ἀπελύσατο δεσμῶν.

In *Senecae* Tragoediis editores reliquerunt Oedip. v.  
472.

*Sensere terrae te Dacum feroces;*

quod tandem *Bentlejus* in, *Dabum*, mutavit ad *Lucan.*  
ii, 296.

Agam. 58.

O reg-

*O regnorum magnis fallax  
Fortuna bonis, in praecipiti  
Dubioque nimis excelsa locas.*

cum Flor. liber offerret lectionem, carminis legi congruentem,

*Dubioque locas excelsos nimis:*

unde *Witbofus* in Annotationibus ineditis eliciebat, ---  
*locas nimis excelsos.*

Herc. Oet. 1874.

*fleat Alciden  
Caerula Crete, magno tellus  
Clara Tonante; centum populi  
Brachia pulsent.*

Sed accipio, quod dat Flor. *Cara Tonanti.*

Equidem non inficior exempla similia pasim reperi-  
ri, velut Thyest. 881.

*Sive expulimus. Abeant questus.*

Hipp. 30.

*Jam notus aper. At vos laxas.*

43.

*Inpresa tenet. Alius raras.*

Agam. 314.

*Stirps*

*Stirps Inachia. Tu quoque nostros.*

Sed multa, vocibus leviter trajectis, commode corrigi queunt; ut Thyest. 879.

*O nos dura sorte creatos,  
Seu perdidimus Solem miseri,  
Sive expulimus.  
Abeant questus, discede timor.  
Vitae est avidus, quisquis non vult,  
Mundo secum pereunte, mori.*

Hipp. 29.

*Metus agricolis, vulnere multo  
Jam notus aper.  
At vos laxas canibus tacitis  
Mittite habenas: teneant acres  
Lora Molosfos; & pugnaces  
Tendant Cressae fortia trito  
Vincula collo.*

42.

*Dum signa pedum roscida tellus  
Inpressa tenet.  
Alius raras cervice gravi  
Portare plagas; alius teretes caet.*

Agam. 310.

*Canite, o pubes inclyta, Phoebum.*  
\*\*\*\*

*Ti*

*Tibi festa caput turba coronat :*

*Tibi virgineas laurum quatiens*

*De more comas innuba fundit*

*Stirps Inachia.*

*Tu quoque nostros Thebana manus caet.*

Pariter autem *Melissus* ultimum, *Grutero* teste, corripbat. Nec deerunt, qui plura leviter eodem modo corrigenda judicent. Ut ut est, veritatis, quam contentionis, cupidiores optimi libri lectiones accipere non dubitabunt, a *Gronovio* neglectas, qui bonis suis uti nesciret.

Dubito, an & error lateat in *Lucani* lib 1, 430.

*Et, qui te laxis imitantur, Sarmata, braccis*

*Frangiones: Batavique truces, quos aere recurvo*

*Stridentes acuere tubae: qua Cinga pererrat*

*Gurgite: qua Rhodanus raptum velocibus undis*

*In mare fert Ararim: qua montibus ardua summis*

*Gens habitat cana pendentes rupe Gebennas.*

Nam *Silius Italicus*, *Martialis*, & forte *Propertius*, si quid conjecturae tribuatur, II, XIV, 25.

*Nunc etiam insectas demens imitare Batavas,*

*Ludis & externo tincla nitore caput:*

mediam syllabam producunt; in hoc autem solo, quod sciam, versu corripitur. Quod si ita est, permagnum pondus accedit ad confirmandam sententiam, quam de versibus his *Oudendorpius*, vir eruditissimus atque amicissimus,

cissimus, in literis ad me super Emendationibus in *Lucano* scriptis anno 1755. ferebat: „ — 431. &c. *Van-*  
 „ *giones* non sunt Galliae Braccatae, sed Germaniae  
 „ populi: multo minus *Batavi*. Cinga his oris inco-  
 „ gnitus, quem velim a Cl. *Cannegietero* repertum.  
 „ *Linga* in Batavis. Gebennae urbs ignota Lucani  
 „ tempore. Abusive, ut bene mecum notasti, tubae  
 „ vocantur *Stridentes* & *incurvo aere litui*. Ad haec alia  
 „ multa insunt v. 434, 435. quae sano iudicio non re-  
 „ spondent: quare hos quinque versus nunc censeo  
 „ supposititios aequè esse ac seqq. quinque, *Pictones*---  
 „ ut omnes docti jam consentiunt. Librarii hic vehe-  
 „ menter grassati sunt. nam & alios insititios in Mss.  
 „ nonnullis memorat Cortius ad v. 423. „  
 Pariter contaminatus est *Statius* Sylv. I, vi, 12.

*Quicquid nobile Ponticis nucetis,  
 Secundis cadit aut jugis Idumes,  
 Quod ramis pia germinat Damascos,  
 Et quod perecoquit Ebofia caumis,  
 Largis gratuitum cadit rapinis.  
 Molles caseoli, lucumculique,  
 Et massis Amerina non perustis,  
 Et mystaceus, & latente palma  
 Praegnantès caryotides cadebant.*

Etenim si, *i*, in, *fortuitus*, producitur, etiam produ-  
 citur in, *gratuitus*: in, *fortuitus*, autem produci per-  
 spicuum est ex iis, quae *Vossius* accurate disputavit de  
 A. G. II, 37. producitur igitur in, *gratuitus*. Röget

nunc aliquis, quid laboranti versui faciendum esse arbitrer, delendum videri dicam. Hoc docent confusa tempora, *cadit*, *sequente*, *cadebant*: hoc violata lex carininis: hoc aliae rationes, quibus motus *Marklandus* eundem vel spurium vel depravatam esse censebat. Neque enim vir fuminus, qui, *Toupio* iudice (Emend. in *Suid.* Part. I p. 71.), „ solus in hujusmodi rebus na- „ sum atque oculos habebat, „ insigne vitium in modo syllabae vidit.

Longe plura manserunt in *Avieni* Carminibus; veluti D. O. v. 602.

*hanc rursus gens late prisca virorum  
Lotophagi includunt. durosque Nasamonas inde  
Accipe, quis quondam —*

pro,

*duros Nasamonas at inde;*

quod remedium pariter *N. Heinsius*, & *Witbofius* invenerunt.

v. 827.

*Cespitem dorso trabens Nyssaeum in Platamona.*

pro, in *Nyssaeum*; quam conjecturam firmat scriptura codicis Ambrosii. in *heliseum plantavaia*.

996.

*arva canoris  
Persultant cygnis, curvas sedet undique ripas  
Creber ales. lactis adsurgunt gramina campis.*

pro,

pro,

*curvâ sedet undique ripâ**Creber olos.*

& hoc volebat *N. Heinsius*, cum praeciperet ad *Virg.*  
*Aen.* xi, 892: „ — *olos*, pro *olor*. Hinc emenda  
 „ locum insignem *Avieni Descr. Orb.* p. 257. nam V.  
 „ *C. olos.* „

1012.

*furgunt ibi culmina Tauri**Pamphyliae in fines.*

pro, *Pamphylum in fines.* *Heinsio* placebat, *Pamphylae* hic *fines* ad *Claud.* in *Eutrop.* ii, 465. sed hoc refutari non debet.

*Orae Marit.* v. 110.*Hacc inter undas multum cespitem jacit.*

pro, *cespitem multum*; quod *Opitius*, *Criticus* in paucis  
*felix*, conjecit; praestantissimus autem liber V. exhibet.  
 196.

*Ophiusae in agro. propter hos pernix lucis*  
*Draganumque proles sub nivo so maxime*  
*Septentrione conlocaverant larem.*

pro, *pernix Ligus*; quod olim multis argumentis affirmabo; nunc uno *Silii*, sed appposito, versu 607. lib. viii:

*Tum pernix Ligus, & sparsi per saxa Vagenni.*

335. servavit *Hudsonus*:

*Locus. utrosque interfuit tenue fretum.*

At *Opitius* restituerat, *Locos utrosque*; quod *Ambr.* confirmat.

673. de curfu *Rhodani*:

*inferit semet dehinc*  
*Vastam in paludem, quam vetus mos Gracciae*  
*Vocitavit Accion, quae praecipites aquas*  
*Stagni per aequor egerit.*

pro,

*Vocitavit* —, atque ———

704.

*Exieit arte; si quae prisca te juvant*  
*Haec in novella nominum deducere.*

pro,

*si qua prisca te juvat* —

Prius firmat *Ambros.*

Ad haec exempla, quae protulimus, innūmera possunt adjungi, quibus dicta confirmantur: sed occurrendum puto satietati.

Nec vero de tot ac tam perspicuis mendis, in Poëtarum monumentis etiamnunc permanentibus, admirandum videtur: nam, si libros hominum literatorum per-  
 volutaveris, plerosque (dolenter hoc dico, non contumelio-



tumeliose,) in arte numerorum & modorum parum prudentes; nonnullos autem rudes ignarosque reperie. Quid enim? in *Clerico*, quid? in *Reiskio*, quid? in *Cortio*, quid? in editoribus *Lucretii*, quid? in *Hudsono*, quid? in *Corradino* num quod hujus scientiae vestigium videtur? Poëtas tamen attigerunt; attigerunt autem? immo corrigere, atque edere non dubitaverunt. Itaque, quod necesse fuit inperitis emendatoribus, relicta vitia non minuerunt; sed potius auxerunt; & magna detrimenta literis intulerunt. *Clericus* enim *Menandri*, *Philemonis*, & aliorum versus foedavit; *Reiskius* Anthologiam Graecam deformavit; *Cortius* *Lucano* nocuit; plures *Lucretio*. Sed non impune. Nam temeritatis & inscitiae gravissimas poenas *Burmanno*, *Bentlejo*, *Toupi*que perfolverunt. Nec *Hudsonus*, ut ad *Britannos*, qui multum caeteris in hac arte praestare creduntur, veniamus, in hoc genere prudentior fuit: in *Avieni* enim Descriptione Orbis edidit, aut reponi voluit:

*Cespes terga jaciens Asiae succedit in oras.*

281.

*Masfylisque super populi per aperta locorum.*

1192.

*Si adjerit bos saltus.*

Or. Marit. v. 87.

*Abyla*

*Abyla atque Calpe. laevâ dicti cespitis.*

176.

*Vento; recedit nonnunquam medium aceris.*

197.

*Draganum proles sub nivoso maxime.*

220.

*Castrorum in usum & nautis in velamina.*

261.

*Stannum vocavit. inde est fani prominens.*

270.

*Cognominata est. multa ac opulens civitas.*

515.

*Callipolis illustris quae olim per moenium.*

Ex eâdem Britannia Oddius D. O. 117. reponerat:

— *populis caput antea clarum.*

O. M. 127.

*Obire semper huc illuc ponti feras.*

172.

*Ophiusae*

*Ophiusae in oris; cujus ab arvi jugo.*

Omnes vero, quos quidem viderim, temeritate & impudentia *Corradinus ab Alio* vicit, homo non ratione (Italus enim fuit), sed natura, moribus, & sermone barbarus, & *Catulli* corruptor; de cujus licentia non toleranda jam pauca dixi Emend. p. 4, 5. plura forte dicturus, si non a chartis longe refugerem

*Plenis ruris & inficetiarum.*

Similia vitia cum in aliis videas, tum *Christ. Crusio*: nam Prob. Crit. p. 46. in *Sidonii* Carm. XXI, 48. reponi vult:

*Solis fixe gyris, nec expetito.*

p. 63. *Rutilii* II, 49.

*Ipsa satellitibus pellitis Roma parebat.*

p. 214. *Petronii* cap. 89.

*mox adaucta cuspide*

*Uterus nutavit.*

ib. v. 50.

*invadunt virum*

*Jam morte pari.*

p. 262. *Pervigil. Ven. v. 91.*

*Recinent & tota nox est pervigil a canticis.*

\*\*\*\*\*

Sed

Sed quid ego *Corradinos*? quid *Crusios* infector? *If. Vosius* eodem modo centies peccavit; veluti, cum corrigere conaretur in *Avieni* Ora Mar. v. 349.

*Teretisque visu nuncupatur et jugis.*

& in Catal. *Virgilio* vi 1, 3. p. 150. ed. *Heynii*:

*Et vos, Aelique, Tarquitique, Varroque.*

*Joannes* itidem *Fridericus Gronovius*, ut alii pene innumerabiles nunc omittantur, in accuratis & meditati Annotationibus ad *Senecae* Tragoedias, per saepe, quae corrigere volebat, depravavit. Etenim dedit *Hippol.* v. 4.

*Quae saxoso loca Parnethi  
Subjuncta jacent; & quae Thriasis  
Vallibus amnis.*

cum vulgatis in libris haberetur, quae *Thriasis*; *Raphelengius* autem, quem laudat ipse, convenientius metro legeret, quaeque *Thriasis*. Primam quidem syllabam *Philippus* Anthol. Gr. III, vi, 52. corripuit:

Εἰπὸν ἀνειρομένῳ τίς, καὶ τίνας ἔσσι; Φιλαυλος  
Ἐυκρατίδῃ. ποδαπὸς δ' ἔρχε ἔμεν; Οριασεύς.

ib. v. 14. multa reperias effutita temere:

*Ubi Maeander* super inaequales.  
*Tibi, Maeander*, par & aequalis.  
Uti *Macander* inter aequales.

Tot enim fere vitia, quot voces. Ad, *uti*, vero, tanquam scopulum, plures offenderunt, in his *Meursius*, qui pariter atque *Gronovius*, conjecit, *uti Macander* -; & *Clericus*, qui in Aetna *Severi* v. 350. non dubitavit edere:

*Sparsa liquore manus sacros uti ventilat ignes.*

Sed contra miserum satis superque dictum est a *Burmanno*. *Gesnerus* tamen, exemplo non territus, in *Horatio* reposuit Epist. I, vii, 73.

*Tandem dormitum dimittitur. ergo uti saepe  
Occultum visus decurrere piscis ad hamum.*

Nec miror. Nam saepius in Thesauro L. L. labitur, & in Observationibus ad *Orphea*. Sed in viam.  
ib. v. 44. *Gronovius* corrigit:

*Cervice gravi rotare plagas.*

v. 959.

*O magna parens Natura rerum,  
Tuque igniferi rector Olympi.*

ad quod *Fortinus*, Criticus eximius, in Ephem. Britann. *Matii* T. xviii. p. 94: „O Doctissime! ποιων  
σε επος φησεν; Lex carminis prohibet illud *rerum*. „

Agam. 655.

*Te magne parens, flemus Iliades.*

Herc. Oet. 1175.

*Prô cuncta tellus, Herculis vestri placet  
Morte feriari? dirus o nobis pudor!*

quod, ut alia nonnulla, *Witbofius* in notis *Mss.* pariter notavit; & 1214.

*Sed tuac laus est, venerande, manus,  
Quod nulla fera, nullusque gigas,  
Nec quis dignus necis Herculeae  
Supereft auctor, invicte, vive.*  
vel, vive, dextra tuis.

in quibus quatuor peccata licet animadvertere.  
ib. 1908.

*Pondere liber strigavit Atlas.*

quam correptionem *Burmannus* ad *Phaedr.* III, VI, 9. memorat, nihil de viro tu picatus. Atqui, *strigare*, prima brevi effertur. *Placcenas* apud *Sucton.* ed. *Ondend.* p. 889.

*Ni te visceribus meis. Horati,  
Plus jam diligo, tu tuum fodalem  
Himulo videas strigoficrem.*

Auctor Parodiae *Virgilianae*, quae composita est ex puris iambis, *Anth. Burm.* T. 1. p. 311.

*laeva, sive dextera  
Strigare mula.*

quo

quo versu jam *Salmasius* ad *Solin.* p. 40. *Scaligerum* refutavit conantem sic depravare *Propert.* IV, VIII, 23.

*Striga. nam tacco volfi carpenta nepotis.*

Nec tamen cautiores fecit eos, qui reponere conati sunt *Anth. Burm.* T. I. p. 18.

*Alcmenae, Jovis & magni fortissima proles*  
*Strigosus subito post mea fata vocor.*

Miror vero *Toupinum*, cum pro vulgata lectione, *Tricosus*, Emend. ad *Suid.* Tom. III. p. 162. propugnaret, insigne vitium non animadvertisse.

Quid? quod *N. Heinsius*, Criticus sagacissimus, & idem poeta summus, hujusmodi conjecturarum copiam effudit. Etenim *Valerii Flacci* lib. III, 152. corrigere conabatur:

*Currit byems, Zeten, & Broten, Abarinque relinquit.*

in quo bis erravit: primum, quod, *Ze*; deinde, quod, *ten*, corripuit. Ut enim Graeci, *Ζήτης, Ζήτην*, sic Latini, *Zetes, Zeten*, utrâque syllabâ productâ, pronuntiant. Ne multa: scribendum cum *Masferio, Zelyn.* sic *Apollonius Rhodius*, quem *Valerius* sequitur, I, 1041 vocat:

Ἡδὲ μεγαβρόντην, Σφόδριντ' ἐνάριζεν Ἀκασος,  
Πηλεὺς δὲ Ζέλυν εἶλεν.

sic liber *Carrionis* exhibet.

Idem reponi volebat I, 412.

Phleias *immisfis* —

& III, 149.

Phleias, & *gravis irruit Oebum*  
*trepido* —

Sed in hoc uno tria peccata admisit: unum, quod bisyllabum mutavit in trisyllabum: nam Graecis est *Φλείας*, bisyllabum. *Apollonius* Rhodius I, 115.

*Φλείας δ' αὖτ' ἐπὶ τοῖσιν Ἀραιδουρήθεν ἵκανε.*

*Orpheus* Argon. 192.

*Φλείας δ' ἐξαφῆκανε* —

alterum, quod primam syllabam produxit: tertium, quod ultimam corripuit. *As* enim producitur a bonis poëtis (v. *Voss. A. G. II*, 36.), a malis autem corripitur; velut auctore versus ab *Hygino* f. 221. memorati:

*Plures esse malos Bias indicat ille Prieneus.*

v. *Munck. Diss. de Hyg. p. 7.* Enimvero scribendum, *Phlias*, priore longa; quod vel *Apollonius* & *Orpheus* doceant. Nec diversus syllabae modus est servatus in, *Phliasius*. *Ovidius* in *Ibin* v. 327.

*Quaeque in Adimantum Phliasia regna tenentem.*

In Adversariis autem saepius lapsus est in uno *Seneca*  
 corri-



corrigendo ; veluti cum p. 72. reponeret in Hippol.  
1136.

*Montium coelo Jupiter alto.*

p. 43. Thyest. 833.

*Et mare segnis & vaga picli.*

(p. 450.) H. Oct. 642.

*Vidit miseros renata dies.*

1652.

*His utere felix : has enim nunquam irritas.*

p. 513. Octav. 813.

*Fervidae est irae facilisque regi.*

Errorum vero plena sunt , quae notavit ad *Virg.* Aen.  
111, 299.

*Et patrio Harpyias infontis pellere regno :*

„ *Harpyias infontis* scripti vetustiores. optime. alterum  
„ enim legibus metricis adversatur ; τὸ *Harpyia* enim  
„ tetrasyllabum est , in quo mediae duae corripuntur,  
„ ut in illo *Rutilii* pentametro 608.

*Circumsistentes repulit Harpyias.*

„ quanquam me non fugit Maronianum illud hemisti-  
„ chium inf. 365. *Harpyia Celaeno*, in quo penultima  
„ syllaba eliditur. Certe Mediceus codex *Harpeia* il-  
„ lic

„ lic agnoscit. Sic *Orithyia* quinque syllabarum est  
 „ apud *Nasōnem* vii Metam. 695. „ Ἀρπυια enim tribus  
 syllabis effertur ab *Homero* Odyll. γ, 77. ε, 371. & Α,  
 241.

Νῦν δ' ἐ μὲν ἀκλειῶς Ἀρπυιαὶ ἀνηρείψαντο

ubi nomen positum vides eâdem sede, qua v. 249. *Maronis*:

*Et patrio infontes Harpyias pellere regno.*

Nec aliter extulerunt *Horatius*, *Ovidius*, & *Seneca*.  
 Depravate igitur in Mediceo libro scriptum fuit, *Harpeia*; quod vel indicet *Homerus* ll. π, 150.

Ἀρπυια Ποδοῖγγη.

*Rutilius* autem notos syllabarum modos mutavit indocte  
 canens:

*Circumsistentes repulit Harpyias.*

Hunc vero coecum ducem secuti *Maronis* editores ruerunt. Aequè falsâ est doctrina de *Orithyia*: quatuor enim syllabis, congruenter naturae nominis, effertur; velut ab *Homero* ll. Σ, 402.

Μαῖρα, καὶ Ὀρειθυῖα, εὐπλόκαμός τε Ἀμάθεια.

& *Ovidio* Metam. vii, 695.

*Orithyian amans* —

quod

quod si quinque syllabis extuleris, poëtam corrumpes, & in eum scopulum incidēs, in quem *Broekbuisus* incidit p. 114:

*Non sterilem spondet Ilithyia domum.*

Nam Graecum nomen *Ἰλίσθια* non unum venustissimi vatis errorem ostendit.

Nec vero *Burmannus*, *Clerici* Germanorumque reprehensor, in hoc genere prudentior fuit; ut, cum *Miscell. Observ. Vol. 11. p. 45. tetigit*, in *Ovidii Trist. I, iv, 81.*

*(Denique quæsitos tetigit tamen ille penates,  
Quæque diu petiit, contigit arva tamen.)*

mutaret in, *reperit*: nam, *reperi*, primâ longâ pronuntiatur. Sed vir doctissimus cum multis erravit, in his *Jacobo Wallio*, qui cum principibus poëtis aequatur, *Heroïc. I, 2. p. 27.*

*Et Cameracena, quas Gallus cinxerat, arces,  
Marte tuo & magnæ servatae munere Divæ,  
Praeconem reperere.*

Quapropter nostri temporis homines in hoc errore diutius versari non patiar. Dico igitur, *reperi*, & inde deducta tempora, semper efferrî primâ productâ, sive, *reperi*, scriptum fuerit, sive, syllabâ brevi, Graecorum more, per geminationem productâ, *repperi*, de quo

\* \* \* \* \*

nunc

nunc disputare non vacat. *Ausonii* enim, qui, veterum lege neglecta, corripuit *Epigr.* xxiii.

*At, qui condiderat, postquam non reperit aurum,  
Aptavit collo, quem reperit, laqueum.*

rationem non habemus. Errant itaque, qui librarios quosdam felici lapsu scripsisse putent *Aen. Virgil.* vi, 434.

*qui sibi letum*

*Infantes reperere manu.*

Eandem legem veteres servarunt in *retuli*, & *repuli*. Nam *Lucretii* libro vi, v. 672. pro,

*Sunt, ubi forte ita se retulerunt semina aquarum.*

editiones meliores habent, *tetulerunt*; scriptor autem Epitomes *Homeri*, quem ridicule *Pindarum* Thebanum vocant, v. 559.

*Hospitis arma vides, Veneris quae vulnere dextram  
Perculit, & summo repulit certamine Martem.*

sic emendandus est:

*Veneris qui vulnere dextram  
Perculit, & summo pepulit certamine Martem:*

quod vel indicent lectiones codicum, *pupigit*, & *populit*. Pariter olim librarii *Claudianum* corruperant, & *Ovidium* *Heroïd.* xii, 165.

*Quaeque feros pepuli doctis medicatibus ignes.*

v. *Hein-*

v. *Heinsius*. Hoc autem *Nafonis* versu mendose scripto lusi cum alii, tum *Marius* ad Amor. I, VII, 62. 8: *Erythracus* Ind. *Virg.* in v. *repperit*, falsam de modo syllabae doctrinam tradiderunt. Erravit igitur *Sidronius Hoffebius*, poëta praestantissimus, III, IV, p. 88.

*Si nimium Aesonides ventos timuisset, & undas,  
Vellera Phryxae num retulisset ovis?*

E contrario praesentia *reperio*, *refero*, *repello*, prima syllaba brevi, nec unquam geminatione literarum producta, leguntur. Etenim falsa est doctrina *Bedae Putsch.* ed. p. 2344: „re praepositio geminatur, *cado*, *recido*, *rettuli*, *repello*, *reddo*, *rellego*; falsa itidem *Dra-* „*kenborchii*, quem tamen omnes fere sequuntur, ad „*Sil. Ital.* I, 309: „Apud veteres vocula *re* anceps erat in verbis compositis, quae a consona incipiebant, ut -- *refero*, *reperio* --. „Nusquam, mihi crede, *re*, in his productum invenitur. Itaque *Sidronium* non sequor *Eleg. V*, x. p. 175. scribentem:

*Haec te pastoris profugam quaerentis imago  
Tangit, & amissam repperientis ovem.*

Equidem non inficior veterrimos poëtas, tanquam *Lucretium*, in paucis verbis, *re*, produxisse, vel, ut brevis syllaba produceretur, literas subsequentes geminasse; sed mihi nondum persuaderi potest, eos id promiscue fecisse. *Virgilius* quidem, *Ovidius*, & aequales parcius fecerunt. Quid? quod exemplorum

numerus in dies magis magisque decrefcit. Sic olim proferebatur ex *Horatio* Sat. II, III, 191.

*Dii tibi dent capta classem reducere Troja.*

nunc *Bentlejus*, rationem fecutus, & auctoritatem codicum, dedit, *deducere*.

Incaute igitur agunt Interpretes, qui tales ineptias, veluti gemmas legunt, poëtas fcilicet suos iis ornaturi! ex. gr. *Maronem* Aen. I, 644.

*rapidum ad naves remittit Achaten.*

*Claudianum* in Prob. & Ol. Conf. 260.

*Liris, & Oebaliae qui reparat arva Galaefus,*

& *Lucanum* III, 113.

*Viribus an possent refistere jura —*

Incautius, qui nullis in libris repertas ingerunt; ex gr. *Nasoni* Metam. XIII, 273.

Rettudit —

*Propertio* II, XIX, 41.

*Miles depositis annofus recubat armis.*

& *Senecae* H. F. 37.

*Qua sol relucens, quaque repponens diem.*

Sed

Sed tempus est ad errores *Burmanni* redire. Vehementius peccavit vir eruditissimus, cum *Valerii Flacci* libr. 1, 67. corrigere conaretur hoc modo:

*nunc aërii plantaria vellet  
Perseos, aut curru saevos frenasse dracones  
Celidae, ignaras Cereris qui vomere terras  
Inbuit.*

Κελεός enim tribus syllabis, atque adeo prima brevi pronuntiatur. Alia generis hujus delicta studiose non conquirō; juvenes tamen in carminibus egregii poëtae legendis volo cautos esse, cum similia paslim reperiantur; ut p. 215.

Et Tityrus lentis recubans *Amaryllidos* ulnis.

p. 100.

*Ardet* ἴο! & pulchrae factus jam praeda puellae.

p. 25.

*Hofis* ἴο! en, vestros turbat novus advena fines.

In eadem voce labitur *Gesnerus* V. C. in Thef. L. L. tradens: „*Priorem produxisse videtur* Ovid. Met. v, 625.

Et bis *Io* Arethusa, *Io* Arethusa vocavit.

*Sic* Mart. 11, 2. [XI, 11, 5.]

Clamant ecce mei *Io* Saturnalia versus.

*Sed apparet, posse enumerari diversimode syllabas.* „ Quis est enim, qui nescire possit, *iō*, iambum esse? Versus autem *Martialis* mendum continet. *Vossi* liber exhibet, *mitio*. Forte scriptum fuit, *jam*. Sed ipse non ignoro, quam sit hoc incertum. *Daviesius* Misc. Crit. p. 32. particulam putat una syllaba pronuntiari in noto *Catulli* carmine v. gr. v. 163.

Jo, *Hymen*, *Hymenace*, *io*.

Sed *Achilles Statius*, aliique versus aliter disponunt; quos sequi malim. Plura videas in Append. veluti p. 456.

*Sodamin rapuit familiaris aqua.*

P. 443.

*Naufragium dignus bis erat ille pati.*

ib.

*Ignem carebat homo. Superis hunc callidus aufert  
Iapetides. furtum vindicat ira Jovis.*

P. 446.

*Hepate quae gestans in guttura dirigit hostis,  
Occidit & vindex una sagitta duos.*

P. 437.

*Urbis enim validae, ignaro commissa tyroni,  
Obsidio leto millia multa dedit.*

Ejusdem tamen libri p. 439. similis negligentiae nomine *Vegelinus* reprehenditur, & irridetur:

*Infe-*



*Infelix vates, decorande volumine Smeti,  
 Ut justos habeat syllaba quacque modos;  
 Ausoniae Veneris, numerorum ignare poeta.*

Dicet aliquis: haec nuper: at, qui nunc sunt, homines, territi tot exemplis, in scribendo sunt cautiores. Immo vero conplures, veluti metu liberati, pudoris & legum repagula perfringunt, & praecipites in vitia ruunt. *In facinus jurasse putes.* Si dubites, Erudite Lector, in manus iume *Manilium*, quem *M. E. Stoeberus* a. 1767. cum suis annotationibus Argentorati edidit. Invenies illic I, 164.

*Adjacuitque cavis fluvidum convallibus aequor;*

idque, quod mireris, affirmatum v. 463. lib. II. *Lucretii*: ——— quae fluvida constant.

cui similis poterat addi 465.

*Nam quod Fluvidum est, e Laevibus atque Rotundis.*

ib. 167. Itaque de cunctis mediam tenet undique sedem.

774. *Perfidus & ultor, strarat quae clasibus aequor.*

II, 383. *Gratia: nam consensus habet quia visus ademptos.*

887. *Atque eadem interior, fortunae sorte dicatur.*

Vult enim, dicatur, „ esse conjunctivum τὸν dici, quod „ est, appelletur, vocetur. „

ib. 901. *Hoc momenta manent nostrae plerumque salutis.*

addit enim: „rectius statueris, hoc *manent* dictum es,  
„ se, per enallagen Modi pro *manant*. „

111, 80. *Atque aliis alio fors quacque accideret astro.*

519. *Afferit atque dies tradit sequentibus astris.*

533. *Tempora consistunt propriis carentia signis.*

617. *Immatura tradet natalis corpora morti.*

IV, 43. *Adde etiam Italicas vices, Romanque suismet.*

46. *Quod consul totiens exul: quod ex exsule consul.*

182. *Et parare metum sylvis, & vivere raptō.*

240. *Quodque in terra gerit curvato spicula cornu.*

298. *Quam partem decan dixere decuria gentes.*

315. *Totque ducit vires, dominos quotquotque recepit.*

693. *Gallia praetextis, Hispania maxime bellis.*

757. *Ultimus & solidus Ganges; cedit India Cancro.*

V, 44. *alios montes, aliamque videre*

*Phasin, & in scopulos ---*

nam sapienter ad *phasin* addit, „scil. Lunae. „

50. *Hicra Syracusas: Salamis non teget Athenas.*

525.

— *timuit naufragia tellus.*737. *Sic etiam magno quaedam resplendere mundo.*

Omitto lectiones, quas lex carminis repudiat, relictas, aut defensas; ut II, 253.

Contra jacet *Cancer*.

&amp; IV, 804.

— *Babylon & Sufa, Panosque.*

addit enim: „ Πανός secundo casu a Pan, Panis insula in sinu Arabico. „

Plura generis hujus exempla (sunt enim prope innumerabilia) ex aliis, etiam amicis, proferre possum; sed ab iis me contineo, qui non libenter alios reprehendam, & nunc quoque verissimum esse sciam Comici dictum: -- *veritas odium parit.*

In ipsius etiam *Stoeberi*, viri doctissimi, & humanissimi, tot tantisque peccatis connivere perrexissem; nisi consuetudo, quam tenuit in annotationibus, perniciosissima literis foret. Nam, more multorum, certissimas *Bentleji* correctiones persaepe futilibus argumentis impugnavit; atque adeo genuinas lectiones, quas pervulgati scriptique codices offerebant, aut indicabant, iis mutavit, quas sensus communis, Latinitas, & carminum leges simul interdum refutarent. Praeterea viris ipso longe majoribus, in primis *Bentlejo*, petulanter insultavit, & ad lib. I. v. 764.

*Assaracum atque Ilium, tutamque sub Hectore Trojam.*

\*\*\*

„ hanc

„ hanc iudicii formulam adscripsit: —

QUANTAE MOLIS ERAT DEFORMEM REDDERE  
VERSUM! „

Ut enim *Bentlejus*, praeclare de *Manilio* meritis, temerarias fecerit correctiones, *Stoeberum* tamen minime omnium decebat, *deformes* ei versus objicere; quippe qui plurimos finxerit, quos verissime dixeris *deformes*; veluti modo memoratos, &

II, 3. *Herculem eumque facit, tutamque sub Hectore Trojam.*

& IV, 404. *Luxuriae quoque pernix est, vigilatque ruinis.*

& V, 524. *Naturam cruere, orbemque invertere praedae.*

Utinam nostri temporis homines, qui nunc paschim praecipites in vitia feruntur, tot exemplis deterriti, tandem cautiores reddantur, & ipsi sua corrigant errata; juvenes autem, nostrae praesertim disciplinae alumni, quorum complures magno amore in literas inflammati sunt, numerorum modorumque scientiam, Criticis pariter ac Poëtis necessariam, quam maturissime consequi studeant! Etenim poëtas emendare nemo potest, nisi qui syllabarum modos intelligit; in errores autem pueris ridendos ruunt, qui rudes eorum pulcherrima monumenta contrectant.

Cum pateret igitur veteres poëtas graviter adhuc laborare, & ab inperitis medicis infelicitur curari, studiosè semper operam dedi, ut eos arte mea sanarem. Hoc consilio *Observationes in vulgus edidi a. 1761.*  
pro-

propenso doctissimorum virorum favore exceptas. Alii enim, ut *Witthofius*, *Weselingius*, & *Hemsterbuius* eas per literas vehementissime collaudarunt; multi nonnullas in libris editis approbarunt, ut *Burmamnus* ad Anthologiam, *Valckenaerius* ad *Euripiden*, *Heynius* in Add. & Corrig. ad *Virgilii* Georgica p. 225.

Unus, quod sciam, *Ruhnkenius* V. C. (nam iudicis, qui pro *pullis*, quibus ego codicis auctoritate *Juvenalis* Sat. xiv, 74. *nidos* substitueram, propugnavit, rationem non habeo) de correctione *Virgiliani* versus 134. lib. 1. Aen. dissensit. Ut igitur lectores, antequam judicent, rem diligenter penitusque cognoscant, ipsa verba reponam:

*Eurum ad se Zephyrumque vocat. dehinc talia fatur:*  
*Tantane vos generis tenuit fiducia vestri?*  
*Jam coelum terramque meo sine numine, venti,*  
*Miscere; & tantas audetis tollere moles?*  
*Quos ego. sed motos praestat componere fluctus.*  
*Post mihi non simili poenâ commissa luetis.*  
*Maturate fugam, regique haec dicite vestro:*  
*Non illi inperium pelagi sacrumque tridentem;*  
*Sed mihi sorte datum. tenet ille immania saxa,*  
*Vestras, Eure, domos. illa se jactet in aula*  
*Aeolus, & clauso ventorum carcere regnet.*

Ad haec Observ. cap. V. p. 54. cum alia, tum haec scripsi: „ — placetne inter vos -- audetis -- luetis -- maturate -- dicite -- [*Eure*] interponi, Quos ego. videlicet ulciscar? At quibus, quaeso, nisi ventis Neptunus

adeo vehementer minatur? Cur igitur ab his avertit repente sermonem stomachosiorum? -- Itaque tentabam: *Vos ego*. sic incommoda, quae dat vulgata lectio, devitantur., Dein ipsa Scriptorum loca, quae contra me facere viderentur, ostendi testimonio esse, eos in suis libris, *quos*, non invenisse. Postremo conjecturam *Statii*, magnum magistrum semper imitati, loco simillimo firmavi Theb. iv. ubi Tiresias graviter minatus subicit v. 512.

*Ne tenues annos, nubemque hanc frontis opacae  
Spernite, ne moneo, & nobis saevire facultas.  
Jamque ego vos. avide subicit Phoebēia Manto,  
Audiris, genitor, vulgusque exsangue propinquat.*

Quid ad haec reprehensor? Argumenta nostra silentio praeterit; conjecturam modestissime propositam damnat ad *Aquil.* p. 147. hac nota: „*Vos ego*: vir doctissimus; a quo ita dissentio, ut, si omnes codices haberent, *Vos ego*, unus spectatae fidei, *Quos ego*, hunc *Virgilii* manum conservasse putarem. „ Modeste! Sed operae pretium est audire dissentientis argumenta: „ Adeo luculenter oratio turbata exprimit Neptuni animum turbatum. Vere *Longinus* Π. γ. § 20. ἐν ταῖς γὰρ τὸ ἡρεμεῖν, ἐν ἀταξίᾳ δὲ τὸ πάθος. quam personarum etiam mutationem in tali animi commotione similibus exemplis illustrat § 27. „ Equidem turbato turbatum sermonem convenire non nego; verumtamen puto dubitari posse, an animus Neptuni, qui

*summa placidum caput extulit unda,*  
valde

valde turbatus fuerit. Sed fuerit turbatus: personarum mutationem in tali animi commotione *similibus* exemplis illustrari § 27. nego. Quatuor ibi reperias exempla, primum *Homeri*, secundum *Hecataei*, tertium *Demosthenis*, quartum *Homeri*. Poëtae versus hi sunt Il. O, 346.

Ἐκτωρ δὲ Τρῳέσσιν ἐκέλευτο, μακρὸν αὔσας,  
 Νηυσὶν ἐπιτσεύεσθαι, ἔῃν δ' ἔναρα βροτόεντα.  
 Ὅν δ' ἂν ἐγὼν ἀπάνευθε νεῶν ἐτέρωθι νόησω,  
 Ἄυτοῦ οἱ θάνατον μητίσσομαι.

& Odyss. Δ, 681.

Κῆρυξ, τίπτε δὲ σε πρόσσαν μνηστῆρες ἀγαυοί;  
 Εἰπέμεναι δμῳῇσιν Ὀδυσσεύος θελοῖο  
 Ἔργων παύσασθαι, σφίσι δ' αὐτοῖς δαῖτα πένεσθαι;  
 Μὴ μνησεύσαντες, μὴδ' ἄλλοθ' ὀμιλήσαντες,  
 Ὑστατα καὶ πύματα νῦν ἐνθάδ' δειπνήσειαν,  
 Ὅι θάμ' ἀγειρόμενοι, βίοτον κατακείρετε πολλόν,  
 Κτῆσιν Τηλεμάχιο δαΐφρονος· οὐδέ τι πατρῶν  
 Ὑμετέρων τὸ πρόσθεν ἀκούετε, παῖδες ἔόντες,  
 Οἷος Ὀδυσσεὺς ἔσκε.

Sed qui summam dissimilitudinem non sentit, nihil sentit. *Demosthenis* & *Hecataei* exempla, aequè dissimilia, Iæctoris oculis itidem subjicerem, nisi chartae parcendum videretur. Longe similia sunt ipsius *Maronis* exempla, quae *Tollius* dedit, Aen. XI, 405. & IV, 363.

*Nec tibi diva parens, generis nec Dardanus auctor,  
 Perfide; sed duris genuit te cautibus horrens  
 Caucasus, Hyrcanaeque admorunt ubera tigres.  
 Nam quid dissimulo? aut quae me ad majora reservo?  
 Num fletu ingemuit nostro? num lumina flexit?  
 Num lacrymas victus dedit? aut miseratus amantem  
 est?*

Habeo tamen, quod respondeam. Hic mulier Furiis  
 incensa (376) loquitur; ibi Neptunus, qui

*summa placidum caput extulit unda.*

Miror itaque *Heynium*, quod *Ruhnkenii* iudicium subsequutus ad *Virgilium* scripsit: „Vir Doctus conj. *Vos* ego, quod vel in pedestri oratione deterius esset, ut praeclare jam monuit elegantissimus *Ruhnkenius*. -- „ Sed aut vehementer fallor, aut vir doctus Observationes nostras suis oculis non vidit. Vidisset enim se refutari loco *Statii*, qui tantum absuit, ut sermoni pedestri similia scriberet, ut nonnullis ore vix humano tonare dictus sit. Sed ne plura: *Guyetus*, Criticus & poeta nobilis, quod mecum doctissimi reprehensores ignorabant, pariter antea correxit ad *Stat. Th. iv, 276.* ubi in annotationibus, Parisiensi *Michaelis de Marolles* editioni junctis, sero reperi: „*Vos*] Mss. quos. contra apud *Virg. quos ego*, pro, *vos. G.* „ Hujus autem iudicium (pace dissentientium dicere liceat) multorum Rhetorum judiciis antepono.

Tempus etiam fuit, quo doctissimus *Verbeykius* de veri-



veritate correctionis dubitaret in *Ovidio* factae *Metam.* VII, 399.

*quae te, justissima Phini,*  
*Teque, senex Peripha, pariter videre volantes:*

quam *Pierfonius*, judex si quis alius idoneus, probaverat: sed amico veteri mox omnem dubitationem *Laclantius*, a me citatus, sustulit in *Argum.* *Venisse etiam Athenas, ubi Phineum & Periphan in aves conversos. ubi Burmannus:* „ *Hicque Phenen -- Parm.* „ a. 1496. Hinc enim conficias eum legisse, *Phini*, vel, *Phene.* conf. not. ad *Anton. Liber.* p. 47.

Ut autem *Laclantii* verba, deinceps reperta, correctioni pondus addunt, sic reperi, quorum judicio meum de pluribus locis judicium confirmarem. Nam *Nicolaus Heinsius*, quem Criticorum principem gaudemus in republica nostra fuisse, pariter inter alia conjecit in annotationibus ineditis in *Germanici Phaen. Arat.* v. 38.

*Dietaeis texere adytis famuli Corybantes.*

& in *Avieni D. O.* v. 166.

*Quod procul in Casiae vergit confinia rupis.*

168. *Isficus immodico donec sinus ore patefcit.*

808. *Harum aliae duris referant vix litora nautis.*

& in *O. M.* 556.

*Inter ferarum lustra ducebat diem.*

*Witbo-*

*Witbofsius* itidem in ora libri, qui cum plurimis aliis ad me pervenit, D. O. v. 980. correxit:

*Explicat & Phrygiam tellus incurva Minorem.*

Quid? quod quaedam correctiones firmantur lectionibus codicum deinceps editis; velut haec, quam p. 77. fecimus in *Orpheo* de Lapid. xv, 25.

Τερπωλὴ δ' ἡδεῖα θεωμένον ἐς Φρένα σείο  
βήσεται.

nam Reg. exhibet, *δηδία*. Ex eodem libro reponendum **xviii**, 62.

Δεύτερον αὐτ' αἰθωνος ὑπὲρ λίθου Ἡφαίστιο  
τήκειν, ἡδεῖα τανάους δέλγοντα δράκοντας  
ὀδμή.

pro, *τόνγ' ἰδίγ*.

Quid? quod quaedam in ipsis Mss. libris inveniuntur. Quod enim conjecimus in *Arat. Phaen. Germanici* v. 34.

*prima incunabula magni*  
*Foverunt Jovis,*

totidem literis exstat in Mf. P. quem cum pervulgatis libris *Heinsius* contulit; in duobus autem *Maximiani* V, 25.

*Grande erat inflexos gradibus numerare capillos,*  
*Grande erat in niveo pulla colore coma,*

in

in *Avieni* vero Cod. Ambros. D. O. 951.

Erigitur *celsa in fastigia prisca Sinope*.  
1152. Spreverit *hos saltus*.  
(quod & V. confirmat.) 1161.

*Inde Teredoniae juga propter maxima rupis.*  
& 1314. *vestimenta laborant*

Linea.

nisi conjectura sit ipsius *Heinsii*; & 464.

*Denique longo*  
*Quá porrecta jacet spatio piscosa Propontis,*  
*Et se praecipiti fluctu furit Hellespontus,*  
*Aegaeumque dehinc procul in mare; plurima Thraces*  
*Arva tenent.*

Ibidem viri docti, *furit*, mutant, in *fugit*, aut, *ruit*.  
,, Neutrum recte, inquit *Toupius* in *Epist. Crit. ad*  
,, *Warburtonum* p. 170. Corrigendum omnino,

*Et se praecipiti fluctu fert Hellespontus.* ,,

Equidem non inficior similes versus apud hunc inveniri  
869.

*Inter cauricrepas & scruposas convalles.*

657. *Extulit, insanam sectantes Aetinen.*

1225. *Saxa habitant: saxis excudit Narcisiten.*

1203. *Et procerarum fluctu vèrnat palmarum.*

Inveniri item apud *Catullum*; veluti de N. P. & T. 3, 44. ad Manl. C. LXIII, 87. & apud *Maronem*, artificem summum naturae rerum exprimendae;

*Saxa per, & scopulos, & depressas convalles.*  
& *Aut leves ocreas lento ducunt argento.*

& *Francium*, magni magistri vestigia sequentem, in admirabili Epicedio *Ruteri*:

*duكتورque Batavi*  
*Nominis in magno procedit Constantino.*

Sed quis, nisi contra naturam contendere velit, praecipitis Hellesponti furorem tarditate spondeorum minuere conetur? Equidem non dubito, quin poëta scripserit:

*Et qua praecipiti fluctu furit Hellespontus.*

nam sic Ambros. librum habere testor; *Heinsius* autem multis ante annis testatus est ad *Virg.* Aen. x, 587. Aliae praeterea correctiones in Mss. libris olim reperientur. *Abrahamus* enim *Gronovius* V. C. multas, in his p. 72. factas, in iis legi confirmavit.

Hoc successu animosus, & promissi memor prima libri secundi capita brevi post edidi, viriliter in hac Academia per juvenes, disputandi cupidos, defensa; quod memoro, ne quis *Hemsterbusium* viventem Cap. II.

p. 26. laudari miretur, & tertium caput ab amicissimo *Valckenaerio* citari Diatr. in *Euripidis* Perditorum Dramatum Reliquias cap. xv. p. 160. *Chalmotus* exinde, bibliopola nobilis, qui librum nitidius edendum susceperat, a me contendit, atque inpetravit, ut titulus mutaretur. Hinc *Emendationum liber* inscriptus est. Ab eo tempore parum procescit opus, cum vel me vel librarium aliud ex alio moraretur. Unde accidit, ut nonnulli correctiones a me repertas, & cum juvenibus, literarum studiosis, & amicis, communicatas, veluti suas, ederent. Sed non habeo necesse singulas vindicare: nam quis repertor fuerit, ipsae rerum peritis indicabunt.

Interea, jam confectis & editis Animadversionibus in *Propertium*, leges in hac regione latae sunt, quae praeclaros librarii conatus plane retardarent. Itaque satius fuit librum, praesertim qui jam justae magnitudinis videretur, adjectis aliquot notis in versus *Ovidio* suppositos, vulgare, quam diutius meliora tempora sperare. In eo praecipuis aurei seculi poëtis, graviter aegrotantibus, adhibui medicinam, vel in Mss. libris, quorum semper fuit copia, feliciter repertam, vel ab ingenio petitam. Pleraque enim vitia, praesertim graviora, superstitibus libris sunt vetustiora. Cap. II & III disputationes invenies de *Culicis* & *Ciris* auctore; correctiones autem, quas *Ti. Hemsterbuisius* in *Propertio* fecit, per V, & subsequētia dispersas. Id vero persaepe egi, ut fuitiles & commenticias de syllabarum modis opiniones, licet penitus infitas, animis hominum radicitus evellerem, longe plures evulsurus, si telam

pertexere licuisset, & ad Christianos poëtas, atque adeo *Gualteros* & *Guntheros*, a me quondam correctos, devenire.

Emendationes pleraeque, nisi multum fallor, ipso sole sunt illustriores & clariores; nonnullae tamen in Conjecturarum numero reponendae. Causa, quod amici veteres, in his *Janus Grotius*, & *Carolus Antonius Wetstenius*, Ictorum elegantissimi, iidemque poëtae clarissimi, flagitabant, ut vel conjecturae meae de versibus *Propertii* & *Nasonis*, quibus delectantur, ederentur. Verum sic quoque, quantum auguror, novus hic libellus Criticis, veri studiosis, placebit. Ut enim mittam, quod aliae correctiones *Heynii*, viri praestantissimi, qui *Culicem* & *Cirin* nuper edidit, iudicio firmantur; aliae praeclarae vocantur in humanissimis ejusdem literis d. 9 Julii Gottingae scriptis; *Hemsterbusius* primas paginas approbavit; reliquas *Petrus Fonteinus*, nostri temporis *Aristarchus*. Quid? quod eruditissimi viri in libris editis jam praeclara de particulâ operis, & nonnullis Emendationibus iudicia fecerunt; ut *Valckenaeus* l. c. *Burmannus* in Commentario *Dorvilii* Siculis addito p. 650. & *Bavius Voorda* ad *Janî a Costa* Praelectiones ad illustriores titulos locaque selecta J. C. p. 108; de omnibus autem *Wetstenius* Carminum p. 121. Sed haec hactenus; ne videar tuo, Benevole Lector, iudicio diffidere.



I N

# JANI SCHRADERI

E M E N D A T I O N E S.



Dum Latium sublime, bonas dum funditus artes,  
Orta sub Arcæo cardine, perdit hyems;  
Dum temere infrenus ferro grasclatur et igni  
Hostis; & in cineres ruderæque ipsa furit;  
Rara quidem Gothicis subducta volumina flammis;  
Raræque de tanta serinia clade super.  
Sed lacera adspersisque jacent deformia naevis;  
Et medicam ad plagas poscere visa manum.  
Pulvere in hoc igitur doctorum cura virorum  
Aestuât. hinc titulos, hinc sibi nomen amant.  
Scaeva sed eximiis obrepit inertia ceptis;  
Marcet & inculto palma relicta situ.  
Scaligeri Manes! tuque, ô Salmafia laurus!  
Laurus, Apollineo suspicienda choro!  
Aque novem numeros edocte Sororibus, Heinfi!  
Heinfi, Castalio pectora plene Deo!  
Aptæque tollendis, Gronovia dextera, naevis!  
Et Criticæ Veneris, Graevia lima, salus!  
Faxque triumphati domitrix Bentleia faci.  
Grande per Europam spargere nata jubar!  
Per vos robigo senii deterfa maligni;  
Et fuus antiquis stat recidivus honos.  
Inlustres animæ! plaudentibus addita stellis  
Nomina, vel fera non abolenda die!

\*\*\*\*\*


Osibus e vestris acer (gaudete!) resurgit  
Ultor; & in vestro pulvere flectit equos.  
Exsulet ut pridem Critice Romana Batavo  
Linnæ; finitimo templa sub axe tenet;  
Et Mystam, teneris sibi quem studiosa sub annis  
Finxit; & arcanis inbuit ipsa suis.  
Spumanti vicina falo, qua Franca dulci  
Hospitio Musas castaque sacra fovet.  
Addiderim nomen; sed me res ipsa tacente  
Clamat; & Auctorem scripta latere vetant.  
Equis enim, Schradere, tuæ nesciret acumen  
Mentis, & eloqui fulmina vimque tui!  
Quid loquar, antiquis non inficienda Poëtis,  
Carmina, Romanam te feriente lyram?  
Carmina; nequidquam quæ Zoïlus ore canino  
Impetat; Aonio quippe probata choro!  
Carmina; quæ legimus dum suspicimusque; (Poëtæ  
Credula quos Phoebo fama silente vocat)  
Pene pudet lauros adfectavisse negatas.  
Pene pudet steriles increpuisse fides.  
Jure quidem tanto Lavica superbus alumno  
Hac tibi, Rhene pater, cedere laude negat.  
Adgnosco fateorque lubens, Schradere. Camoenis  
Si qua meis veniat; gloria tota tua est.  
Tu mea cum docto renovas commercia Pindo,  
Saepius abjecta pene diremta lyra.  
Idem Censor ades; quum chartis carmina mando.  
Seu vulganda mones; sive abolenda jubes.  
Quæ vulganda mones, dia mox luce fruuntur.  
Traduntur rapidis deteriora focis.  
Non etenim, (scis hoc) inflati more Vacerræ,  
Solutus amo Musas ipse proboque meas.  
Sint, mea qui laudent, sint, qui mea carmina culpent.  
Hic mihi det nomen Vatis; at ille neget.  
Non ego fallacis venor suffragia famæ.  
Jane, tuas aures consuluisse fat est.  
Vix mihi te donat spatium Lavica trimestri.  
Ah! nimium votis invidus ille meis.  
Quo brevior nobis, quo rarior, ista voluptas  
Plenior hoc certe liberiorque venit.



Sive per Historiae pelagus vectamur apertum;  
Quaque lubet, vastis exspatiamur aquis.  
Fortunaeque vices, validisque revolvimus armis  
Parta, sed, heu! nulli regna retenta diu.  
Assyrios, Persas, &, belli fulmina, Grajos;  
Teque, potens rerum, Martia Roma, caput.  
Seu sacris Critices operamur; &, auspice Diva,  
Pellimus admissa nubila tetra face.  
Seu magis excussas fugitivi Temporis alas,  
Qua licet, Aëoniae sistimus arte lyrae.  
Saepe dies molli veniens offendit in herba  
Dulcia pangentes carmina; saepe cadens.  
Interea pleno quum Luna ter orbe recrevit;  
Finibus a nostris te dare vela jubet.  
Depositumque suum Batavos Lavica reposit.  
Ah! nimium votis invidus ille meis.  
Digredimur, junctis in mutua foedera dextris;  
Et moestum moesto dicimus ore vale.  
ô Ubi nunc hilares ad pocula plena Camoenae!  
Vosque, coronatae flore juvante lyrae?  
ô Ubi sermonumque vices? Censuraque vatum  
Libera; sed, quamvis libera, vera tamen?  
Hei mihi! mente pares cur dividit aequor Amicos;  
Et vetat adspectu conloquioque frui?  
Te tenet Aëoniis operantem Franeca sacris.  
Me tenet ad Rheni Leida sonantis aquas.  
At sine Schradero mihi Rhenus amarior Istro.  
Nec sine Schradero me mea Leida juvat.  
Jamque vale, dilecte! vale! limaque potenti  
Scrinia nativo prisca nitore bea.  
Fercula plebejo sapiant plebeja palato.  
Nauscet ad sacras turba profana dapes.  
Tu fatuam fatuis glandem permitte Vacerris.  
Cocta tuam melius sedet arista famem.  
Alter inutilibus nugis infudet; & atro  
Dente petat, nugis quae meliora suis.  
Te majora vocant (quid enim, nisi grande, minaris?)  
Sertaque, selecto, Jane, legenda jugo;  
Semita qua potior mirantia surgit in astra;  
Non nisi praeclaris semita trita viris.

Te procul adspiciant, intabescantque tuendo;  
 Quos adytis Critice submovet alma suis.  
 Exsere, Piërio plenum jubar exsere coelo.  
 Vatribus, ô! solus qui potes, adfer opem.  
 Quicquid enim Latii majestas enthea Phoebi  
 (Cessierit ingenio Grajus & arte!) dedit;  
 Quicquid edax Tempus non abstulit; ecce! renidet  
 Cultius & curis tersus omne tuis.  
 Gestit inumbratus frontem vernante Catullus  
 Flore salutiferas demeruisse manus.  
 Tum Phrygis Aeneae qui bella viasque renarrans  
 Inplet Homericam, quo decet, ore tubam.  
 Quin & Pindaricos vastum per inane volatus  
 Flaccus ovat penna jam propiore sequi.  
 Nec minus his orsis debes, facunde Properti,  
 Grator hinc Dominae nempe future tuae!  
 Aut tu, cui Neïnesis, posito cui Delia fastu,  
 Elysia violas valle rosasque legunt.  
 Tuque, pharetrati, Naso, praeceptor Amoris!  
 Naso, Castalii cygne canore Dei!  
 Seu (nova materies!) priscis tua Musa puellis  
 Dictat ab ingratis verba legenda viris.  
 Sive Châos, vastique refers primordia mundi:  
 Et canis in varios corpora versa modos.  
 Eruta seu patriis Annalibus acta recensens;  
 Attraque, sub terras lapsa, vel orta polo.  
 Seu querulum, Dominae recubans in limine, carmen  
 Non audituras concinis ante fores.  
 Ecquis in Aufonio, precor, ingeniosius orbe  
 Movit Apollinæe fila sonora lyrae?  
 Litora sed fati veterum si cura laborum  
 Trajicit; & Manes laudis adurit amor;  
 Te plausu, te, Jane, lyra, te voce frequentant;  
 Sertaque de querna civica fronde parant.

*CAROLVS ANTONIUS WETSTENIVS, J. C.*



# JO. SCHRADERI EMENDATIONVM LIBER.

\*\*\*\*\*

## C A P V T I.

*Disquisitio de corruptissimo Catulli versu. Pulvis Erythrii rejicitur. ac in Erythraci, & similibus breviter dici nequit. Erythreus, Dioneus, & similia non dicuntur brevi syllaba, quae est proxima a postrema. Scaligeri, & Achillis Statii conjecturae rejiciuntur. Inperitia, & barbaries J. F. Corradini de Allio exemplis ostensa. Pulveris Eretri refutatur. Pulvis Euboicus; aethereus; aridus. Emendatus Catullus. Arenas & sidera numerare. Pulverem numerare. Appellativa nomina nonnunquam in propria abeunt. Causa corrupti versus Virgilii. Servius non tradidit Veteres declinasse, hic pulvis, hujus pulvis. Varii versus Catulli leviter correcti. Thalassio jubet servire. Jubet, & lubet confunduntur. Barathrum siccit solum emulsa palude. Tantum mutatus. Vestibuli tecta ferri nequeunt. Carmen Catullo tributum corrigitur. In Priapeis versibus ejus poetae quarta sede fere semper trochaeus apparet. Saepè & semper permutantur. Duae conjecturae in Catullo propositae. Salsa male. Hesperus idem est, qui mane Eöus mutato nomine. Utrunque nomen venuste ponitur.*

**C**um multa, post tot doctissimorum hominum curas, in Catulli scriptis nequaquam fatis adhuc emendata sunt, tum grave mendum continet Carm. LXII. in Nuptias Juliae & Manlii v. 206.

*Ille pulveris eritci,*

A

*Siderumque*

*Siderumque micantium  
Subducatur numerum prius,  
Qui vestri numerare vult  
Multa millia ludi.*

De quo tollendo tam variae sunt interpretum, tamque diversae sententiae, ut omnes perdifficiliter exponi queant.

*Is. Vosfius* censet omnino poetam scripsisse *pulvis Erythrii*, quem, sic explicat p. 145. Erythron tractus est seu pars Cyrenaicae, cujus mentionem facit Ptolemaeus. Tractus hic satis late patebat, utpote qui non tantum promontorium, quod *Ἐρυθρὸν ἄλγεα* Stephanus vocat, sed complura insuper oppida seu vicos contineret. -- porro ab Erythrio agro, ejusque oppidis Palaebisca & Hydrace incipiebat Libya siticulosa seu arenosa. -- Cum itaque Erythros vel Erythron vocetur illa Cyrenaicae portio, quae Libyae arenae est vicina, & ab eo dictus sit sinus Erythrius, -- clarum est pulverem Erythrium a Catullo appellari arenas Cyrenaicas. Ipse semetipsum explicat in Epigrammate ad Lesbiam,

*„Quam magnus numerus Libysae arenae,  
„Laserpiceris jacet Cyrenis &c.*

Multa tamen sunt, quae nos asensionem cohibere jubeant. Primum codices omnes, in his duo *Vosfiani*, quos inspeximus, offerunt, *pulveris*, idemque exhibet exemplar vetus, quod Regii Lepidi prodit Anno 1481, uti jam monuit *Jo. Ger. Vosfius* de Vitiis L. S. I, 21. Deinde nemo omnium scriptorum, qui quidem supersunt, *pulvis* usurpavit pro *pulveris*. Praeterea satis est argumenti Catullum non scripsisse *pulvis*, quod Grammaticorum nulli insolitae rei meminerunt. Denique Latinorum poetarum scriptis pervolutanti *Erythraeus* omnibus locis se offert; *Erythrius* autem nunquam reperias. Postremo, si Catullus, qui plane & dilucide loqui solet, arenas Cyrenaicas intelligi voluisset, ad *Erythrium* pulverem aliquid adjunxisset, quod aperte locum indicaret, ne quis Erythraei maris arenam significari putaret, ut nunc *Erythraeum pulverem* videmus explicari. Quam multis, exempli causa, verbis mentem explicat, & situm loci aperit in his ipsis verbis, quibus opinionem confirmare conatur *Vosfius*,

*Quam*

*Quam magnus numerus Libysæ arenæ  
 Laserpiceris jacet Cyrenis  
 Oraculum Jovis inter æstuosi,  
 Et Battî veteris sacrum sepulcrum?*

Temere itaque fecit, ut sæpe, *J. Antonius Vulpus*, qui parum certam *Vossii* conjecturam nuper ascensione sua conprobavit, atque adeo fidenter edidit.

Gravius tamen peccant *Guarinus*, *Pasferatius*, *Gebbardus*, *Douzae*, & alii, qui *pulvis Erythraei* dederunt. Nam diphthongus *ae*, sequente vocali, in hoc vocabulo nusquam corripitur, nec corripipotest. Multi quidem, in his *J. G. Vossius* Art. Gramm. II, 15. atque adeo *N. Heinsius* ad *Prudentii* Cathem. VII, 124. putant diphthongos in talibus esse communes: sed corruptis locis pugnant, in primis *Ovidii* Trist. III, XII, 1.

*Frigora jam Zephyri minuunt, annoque peracto  
 Longior antiquis visa Maeotis byems.*

ubi meliores interpretes, atque ipse *Heinsius* vocem *Maeotis* mendum continere confitentur; quod *J. Hildebrandus Witbofius*, in principibus Criticis habendus, in observatis ad Orat. in Obit. Regis Borusiae p. 72. nuper sustulit hoc modo:

*Frigora jam Zephyri minuunt, annisque peracta  
 Longior antiquis visa remisit byems.*

Nam *Prudentii*, qui *Macandros* extulit brevi prima syllaba, & similitum poetarum rationem non habemus.

Non tamen audiendus est *Muretus*, qui legit *Erythrei*, detrita, ut inquit, una e diphthongo litera metri causa. Poëtis enim tantum licentiae non datur. Exemplum quidem *Muretus* affert e Carm. xxx, 9.

*Ut albulus columbulus Dioneus.*

quam lectionem *Vossius* itidem tuctur A. Gramm. II, 33. Sed & haec dubia est, & controversa. In libris enim manu scriptis, etiam *Vossianis*, invenitur, *columbus aut idoneus*; unde *Achilles Statius*, & *Scaliger*, quos *Vulpus* & alii sequuntur, emendant, aut *Adoneus*; *Isacus* autem *Vossius*, *columbus Aidoneus*; *Nicolaus Heinsius*

vero *columbulus* *Dionius*, in *Notis ad Catull.* p. 641. & *Virgil.* *Aeneid.* 1, 201. *Erythrei* tamen patronum non e multis habuit *Jac. Phil. Dorvillium*, qui in schedis ineditis defendi posse notaverat exemplis *Phaedri* V, 1, 1.

*Demetrius*, qui dictus est *Phalereus*.

& *Theocriti* IV, 6.

Ὅσα ἀνέσας; ἄγαν νιν ἐπ' Ἀλφειὸν ἄχθετο Μίλων.

Sed primum de Latinis, non autem Gracis agimus: deinde *Erythreus* pro *Erythraeus*, & Ἀλφειὸς pro Ἀλφειῷ differunt: denique locus *Phaedri* controversus est. *Heinsius* enim *Sylog. Burm.* Tom. v. p. 69. legit *Phalerius*; *Burmmanus* autem, vocibus trajectis, edidit:

*Demetrius*, *Phalereus* qui dictus est.

Postremo *pulvis*, uti monitum, plane ferri nequit.

Sed haec haecenus: ponam nunc in medio sententias eorum, qui *pulveris* servant. *Parthenius* olim dedit, *pulveris Erythraei*; sed longius excurrente versu, quam per legem liceat, uti jam *Pasferatius* monuit. *Scaliger* autem notat: prisca scriptura, *eritheis*, prae, se ferre videtur *entheis*, ut alludi possit ad entheos *Bellonae*, quos, Bellonarios vocabant, qui fursum vim magnam pulveris subiectabant. Sed nemo repertus est, qui in ejus sententiam nulla re probabilem discederet. *Achillis* vero *Statii* singularis est instantia: modo enim legendum conjicit, ille pulveris *interim*; modo, pulveris *Antaei*; modo, *Eretri*, vel *Erretri*; tum autem *Erytri*, sic ut prima in voce producat *ὀμνημαῶς*, ut loquitur. Sed *interim* frigidum, & plane jejunum videtur; *Antaei* autem non magis ferri potest, quam *pulvis Erythraei*; minus *Erythri*. Nam prima syllaba vocum Ἐρυθρεῖς, Ἐρυθραῖος, & *Erythraeus* ab omnibus poetis corripitur. Hoc tamen placuit *J. F. Corradino de Allio*, cujus *Catullus* in integrum restitutus, ut jactat, ex manuscripto codice, Romae reperto, lucem vidit Venetiis anno 1738. Sed, quam peritus numerorum fuerit, ostendit sic edens *Carm.* XLVIII, 4,

*Nec unquam inde coram satur futurus.*

& LXIX, 79.

*Quam jejuna pium deficeret ara cruorem.*

& XXXVII, 12.

*Quae sanctum Idalium, Erycosque apertos.*

„ cujus

„cujus lectionis hanc causam reddit: Nam urbs Eryx erat in  
 „valle Mazara, ubi fuit templum nobile Veneris, quae inde  
 „Erycina dicta est. & xevi, 7.

*At Volusi annales Gadium portentur ad ipsam.*

cujus scripturae venustas ut intelligi possit, auctoris verba ponam:  
 „contra quae somnia amplector lectionem auream codicis nostri,  
 „*Gadium* portentur ad ipsam, ex *Gadium* tamen facio, *Gadium*,  
 „*u* & *a* invicem in mss. ut omnes norunt. Gades enim insula  
 „parva Hispaniae in mari Oceano, ubi scombrorum maxima  
 „copia. Mitto nunc alia non minus absona & absurda, quibus,  
 „aeque ac maledictis ex trivio arreptis, impudens conviciator saepe  
 „totas paginas inplevit annalium Volusianorum fato dignissimas.  
 „Nam quid de fide ejus ostentatoris, codicem Romae repertum  
 „jactantis, judicandum sit, apparet ex hoc testimonio *Scipionis*  
 „*Masseji* in Appendice Musei Veronensis p. ccv. Prodiit quidem  
 „ante hos decem annos Corradinus quidam, literis satis in-  
 „natus, qui Catullum ex antiquissimo codice Romae reperto  
 „edere jactavit; sed illum mendacii manifestum tenemus: quin  
 „de hac ludificatione ridebat interdum, ut accepi, fabulando.  
 „In eo libro cum quibusdam ingenii luminibus deliria sociavit  
 „multa. Catulli etiam apud me codicem laudavit saepius, quem  
 „ego nec appellavi, nec habui. Nec tamen desuere, qui notas ho-  
 „minis, ut exquisita doctrina refertas, commendarent, eumque, uni-  
 „cum scilicet *Catulli* restitutorem, summis in coelum laudibus effe-  
 „rent, & in carminibus edendis sequerentur! Sed tempus est ad  
 „*Achillis Statii* conjecturas redire. Tertia, *pulveris Eretri*, quodam  
 „tempore placuit *Heinsio*, qui in epistola, d. 17 Martii A. 1678. ad  
 „*Gracivum* scripta, sed nondum edita, sensa mentis explicat hoc modo:  
 „In *Catulli* loco nihil praesidii a codicibus scriptis, quorum ex-  
 „cerpta complura posideo, cum petatur, assentior *Achilli Statio*  
 „mutatione minima reponenti, *Ille pulveris Eretri*, pro *Eretrii*,  
 „ab Eretria, oppido Euboico. An dicemus allusisse *Catullum* ad  
 „pulverem illum, cui pares annos ab Apolline Sibylla olim est  
 „precata? & hanc dici vatem Euboicam minime ignoras. Equi-  
 „dem non ignoro *Statium* dixisse Sylv. I, iv, 126.

*Euboici transcendere pulveris annos.*

Verum quis credat pulverem, cui pares annos Sibylla, ab urbe

Italiae Cumaea dicta, rogaverat, pariter *Eretrium* vocari, idque a poëta, qui plane & aperte loqui soleat? Nemo certe *Eretrii pulveris*, ut *Euboici*, vel *arenae Libycae* meminit. Deinde nemo omnium poëtarum Latinorum longa prima syllaba dixit *Eretrius*. *Homerus* tamen, inquit, *Iliad.* B, 537. scripsit,

Καλκίδας Ἐρέτριάν τε; vel Ἐρέτριάν τε.

Immo vero constat ex *Eustathio* poëtam scripsisse Ἐρέτριαν, ut nunc in pervulgatis notae melioris libris exhibetur. Idem *Heinsius* alias conjecturas profert in Notis ad *Catullum* p. 644. ubi, Lege, inquit, *pulveris aetheri*, vel *aëri*, pro *aetherei* vel *aërei*. -- scriptum fuerat „ *aetherei*, hinc *Erythraei* factum. Per *pulverem aethereum* atomos „ innuit, quas esse numero infinitas ex *Epicuri* & *Democriti* statuit „ sententia, mundosque infinitos, quos sub stellarum nomine com- „ plectitur. -- forte & *Africi*. Prius debetur *Tib. Marcilio*, qui „ sic exponit: *pulvis aethereus*, aut *aërens*, corpuscula in sole, de „ quibus *Lucretius* lib. IV. aut *pulvis aethereus*, sive *aërens*, qui „ excitatur de terra in aërem, ut cum *Maroni*, *stat pulvere coelum*. Posterior explicatio, quae simplicior & verisimilior est *Heinsiana*, firmari potest *Aeschyli* loco in septem contra Thebas v. 81.

Ἀίθερ ἀνὰ κόνιν με πείθει φανά —  
ἄ, ἀναυδῶ, σαφὴς, ἐτυμῶ ἄγγελῶ.

ubi Scholia: ὁ ἐν τῷ αἰέρι ἀναφερόμενῶ κονιορτῶς — αἰθερία δὲ κόνιν, ἡ αἰρομένη μέχρι τῷ αἰέρι. Atque hanc lectionem *Vulpus* adolescens probabat. Vellem tamen docuissent Latinos poëtas *aethereum pulverem* sic usurpasse, & cum sideribus in hujusmodi locutionibus conjunxisse. Multis igitur forte probabilior videbitur altera viri perspicacissimi conjectura, *pulveris Africi*: centies enim *Libycae* arenas in talibus poëtae memorant.

Vix tamen dubito, quin *Catullus* olim scripserit,

*Ille pulveris aridi,  
Siderumque micentium  
Subducatur numerum prius.*

Hoc ad optimorum librorum, quos *Achilles Statius* inspexit, & *Assianorum* scripturam, *ericei*, & *ericei*, proxime accedit. Nam literas *t* & *d*, atque *a* & *e* perpetuo permutari constat. *Pulvis* autem *siccus* *Lucano* dicitur IX, 342, 974. *Columellae* X, 153. & *ari-*  
da



*da Propertio* II, x, 35. qui nunc jacet *arida pulvis*; ut habet *Sospater Charisius* Instit. Gramm. 1. p. 69. ed. *Putsch.* & excerpta codicis *Borrichiani*. In designanda vero magna multitudine saepe scriptores *arenas* & *sidera* similiter conjungunt, ut *Moses* Genes. xxii, 17. *Daniel* iii, 36. *Paullus* ad Rom. iv, 18. Auctor ep. ad Hebr. xi, 12. *Sedulius* I, 85. *Boëthius* de Consol. Philos. II. M. 11, 3. & quos laudat *Burmannus* ad *Lotich.* Tom. 1. p. 282. atque adeo *Catullus* ipse vii, 3. de basiationibus *Lesbiae*:

*Quam magnus numerus Libysae arenae  
Laserpiceris jacet Cyrenis:  
Aut quam sidera multa, cum tacet nox,  
Furtivos hominum vident amores.*

Dicat aliquis *arenas* in his locis, non autem *pulverem* occurrere: sed ea verba saepe scriptores permutant, ut *Horatius*, *Ovidius*, *Lucanus*, *Claudius* de B. Gild. 398, 403. & *Sidonius* Carm. II, 59.

*Dicarcheae translatus pulvis arenae.*

v. *Bentley.* ad *Lucan.* viii, 761. & *Pasferat.* ad h. 1. qui *pulvis* hic pro arena sumi dudum monuit. Deinde *κόνις*, & *pulvis* eodem modo frequentantur. *Homerus* Iliad. I, 385.

‘Οὐδ’ εἰ μοι τόσα δαίη, ὅσα ψάμαθός τε κόνις τε.

*Philippus* Anthol. iv. p. 404. ed. *Wechel.*

Λοιπῶν δ’ ἀέθλων ἣν ἐρευνήσῃς κρείττω,  
καὶ τὴν Δίβυσσαν ἐξαεθμήσεις κόνιν.

ubi vides *Δίβυσσαν κόνιν* plane usurpari, ut arenam *Libysam*. *Vulgatus* interpres Genes. xiii, 16. *Faciámque semen tuum, sicut pulverem terrae: si quis potest hominum numerare pulverem terrae, semen quoque tuum numerare poterit.* & xxviii, 41. *eritque semen tuum quasi pulvis terrae.* & Paralip. II, 1, 9. *Tu enim me fecisti regem super populum tuum multum, qui tam innumerabilis est, quam pulvis terrae.* *Ovidius* Metam. xiv, 145.

*Supereſt numeros ut pulveris aequem.*

& 136.

*ego pulveris hausti  
Oſtendens cumulum, quot haberet corpora pulvis;  
Tot mihi natales contingere vana rogavi.*

Sed

Sed inprimis appositus ad probandum locus est Trist. I, v, 47.

*Tot mala sum passus, quot in aethere sidera lucent,*

*Parvaeque quot siccus corpora pulvis habet.*

ubi, ne de imitatione, & veritate correctionis dubites, *sidera* & *siccus pulvis* eodem modo conjunguntur, ut in versu Catulli per nos restituto. Favere videtur etiam sententiae nostrae Calpurnius Ecl. 11, 72.

Qui numerare velit, *quam* multa *sub arbore nostra*

*Poma legam*, citius tenues numerabit arenas.

Manifesta est enim imitatio verborum Catulli:

*Ille pulveris aridi*

*Subducat numerum prius,*

*Qui vestri numerare vult*

*Multa millia ludi.*

At enim, forte dicet aliquis, nomina appellativa in propria non mutantur. Sed praestantissimi codices habent *eritei*, & *ericei*, unde *erithrei* fluxit, quod in suo legi monet Burmannus ad Lotich. l. c. Deinde librariorum interdum sic lapsos esse constat ex Juvenale VI, 204.

*Paupertas Romana perit: hinc fluxit ad istos*

*Et Sybaris colles; hinc & Rhodos, & Miletos,*

*Atque coronatum, & petulans, madidumque Tarentum.*

uti recte correxerunt Hieronymus Nogarola apud Fanum Parrhasium in Quaesitis per epistol. 28. Balbus ad Valer. Flacc. 111, 555. & Pithecius, cum codices offerant *Istros*, *Ilistros*, & *Hystros*; & Marone Aen. VII, 764.

*Virbius: insignem quem mater Aricia misit,*

*Egeriae eductum lucis, Hymettia circum*

*Litora, pinguis ubi & placabilis ara Dianae.*

Sic enim N. Heinsius & Burmannus edidere, cum codex Mediceus, & alii notae melioris recte haberent *humentia*. Labes autem fluxit ex IX, 583.

*Genitor quem miserat Arcens*

*Eductum Martis luco, Symaethia circum*

*Flumina, pinguis ubi & placabilis ara Palici.*

Videlicet hinc librarii fecere *Symaethia*, quod in *Leidenſi* codice reperitur, & ſa præcedente litera abſorpta, *ymctia*, *ymettia*, *Hymettia*, quæ varii codices exhibent.

Hæc fere multis abhinc annis ſcripſeram, cum indicio *Burmanni* ad *Lotichium*, per id tempus editum, Tom. I. p. 282. cognovi *Broekhuſium* pariter tentante, *pulveris aridi*, & pene ſtatui correctionem, rationibus & exemplis firmatam, quod & alteri in mentem veniſſet, premere. Sed nuperrime conſilium mutavi, quod inventori ſua conjectura non ſatis placuerit. Sic enim poëtarum diſertiffimus interpres in nota MS. quam *Burmannus*, vir omni liberali doctrina, & humanitate politiſſimus, quocum de nonnullis *Catulli* verſibus correctis communicaveram, in his diebus ad me „ miſit: Nihil hinc ſani elicere eſt. Vide *Scalig.* p. 49. *Poſſer.* „ p. 22, 23. *Voſſ.* p. 145. legit, *Ille pulvis Erythii*, ut *pulvis* ſit „ genitivus antiquus. idem illud fecerat *Guarinus* apud *Acbillem* „ *Statium* p. 196. quem vide. Ego quoque capillum promittam, „ & hariolari incipiam. Fuit, cum ſuſpicarer non incommode „ legi poſſe, *Ille pulveris aridi*, quod non multum abludit a veſti- „ giis priſcæ ſcripturæ. *Virgilius* de cornice pluviam vocante:

„ *Et ſola in ſicca ſecum ſpatiatuſ arena.*

„ *Sicca arena* eſt *Catulli aridus pulvis*. pulveris autem proprium „ *arere*. *Propertius* quoque, quanquam non eodem ſenſu, *aridam* „ dixit *pulverem* lib. II. El. x. 35. Nec tamen, (ut dicam, quod „ res eſt,) mea mihi conjectura ſatis placet. Veteres declina- „ bant, *hic pulvis*, *hujus pulvis*. v. *Serv.* ad IV. *Georg.* 122. *Vul.* „ gatam lectionem imitatione ſua comprobare videtur *Georg. An-* „ *ſelmus* VII. Epigr. XIII. 108.

Sed, pace viri doctiſſimi dixerim, nihil tale *Servius* tradidit, cujus hæc verba ſunt: Sane *hic cucumis*, *hujus cucumis* decli- „ natur; ſicut, *agilis*, ſecundum idoneos. Nam neoterici, *hic* „ *cucumer*, *hujus cucumeris* dixerunt, ſicut *pulver*, *pulveris*. Nec *Præſcians*, qui lib. VI. p. 707. ed. *Putſ.* eandem materiam „ tractat: Illa quoque tam in *is*, quam in *er* finita nomina regulam „ ſervant in *er* terminatorum, id eſt, accepta *is* faciunt geniti- „ vum, ut *hic pulvis*, & *pulver*, *pulveris*; *hic cucumis*, & *cucumer*, „ *cucumeris*; *hic cinis* & *ciner*, *cineris*; *hic vomis* & *vomer*, *vomeris*.

Verum de correptione versus vexati simi satis superque dictum est;  
de caeteris agam quam brevissime poterō.

Eodem carmine v. 126.

*Nec diu taceat procax  
Fescennina locutio:  
Nec nuces pueris neget  
Desertum domini audiens  
Concubinus amorem.  
Da nuces pueris, iners  
Concubine, satis diu  
Lufisti nucibus, lubet  
Jam fervire Thalassio.  
Concubine, nuces da.*

Ad verba, *lubet jam fervire Thalassio*, notat *Pasferatius*: lubet hero  
„ tuo operari Hymenaeo, non tibi, ut *Propertius* El. 6. lib. I.

„ *Nam tua non aetas unquam* servivit amori.

„ & *fervire*, quia Dii heri, & domini. *Thalassius*, & *Thalassus*,  
„ & *Thalassio* dicebatur. Vellem probasset in usu fuisse *Thalassius*.  
Deinde, quem non offendat ad herum referri *lubet*, cum sermo  
convertatur ad concubinum? *Vulpinus* interpretatur: Nuptiis  
„ videlicet veteris domini, ac dominae tuae vel nuptiarum Deo.  
Sed quo modo *lubens* nuptiis fervire dici potest concubinus ab  
hero, cui fuerat in deliciis, desertus, atque adeo brevi post *mi-*  
*ser* vocatus?

*Nunc tuum cinerarius  
Tondet os. miser, ab miser  
Concubine, nuces da.*

Quanto rectius legas,

jubet

*Jam fervire Thalassio!*

Nuptiae veteris heri, & herae novae jam te, delicias ante domini,  
fervire jubent. Nihil facilius hac mutatione. Sic apud *Livium*  
V, xv, 8. pro, *jubere*, liber offert *lubere*: contra in *Catulli* Carm.  
xxvii, 4. pro,

*At*

*At vos, quo lubet, hinc abite lymphæ.*

duo *Vosfiani*, jubet.

Carm. LXIX, 107.

*tanto te absorbens vertice amoris  
Aestus in abruptum detulerat barathrum:  
Quale ferunt Graji Pheneum prope Cylleneum  
Siccari emulsa pingue palude solum,  
Quod quondam caesis montis fodisse medullis  
Audet falsiparens Amphitryoniades.*

Hæc egregie illustrat unicus & perappositus *Pausaniae* locus in *Arcad.* cap. XIV. Καρύων δὲ σάδια πίντε ἀφίστηκεν ἢ τε Ὀρεξίς καλλυμένη, ἢ ἕτερον ὄρεα Σιάδης, ἐφ' ἑκατέρω δὲ ἐστὶ τῷ ὄρει βάραθρον τὸ ὕδωρ καταδεχόμενον τὸ ἐκ τῆς πεδίας. τὰ δὲ βάραθρα οἱ Φενεάται ταῦτα φασὶν εἶναι χειροποίητα, ποιῆσαι δὲ αὐτὰ Ἡρακλέα διὰ μέσας δὲ ἄρουρας Ἡρακλῆς τῶ Φενεατῶν πεδίῳ ρεῖμα εἶναι τῷ πεταμῷ τῷ Ὀλβίῳ—μὴν μὲν τῷ ἐνύγματο, σάδιοι πεντήκοντά ἐστι. βάραθρον δὲ ὅσον μὴ πεπτακός ἐστιν αὐτῶν, ἢ ἐς τετράκοντα καθήκει πῶδας. — Τῶν βάραθρων δὲ ἐν τοῖς ἐρχομένοις πεπωκημένων ὄρεσιν ἀπωτέρω πεντήκοντά πες σάδιος ἐστὶν ἡ πόλις. Hinc autem colligi conficique potest emendandum esse, *siccare*. Videlicet ipsum barathrum, quod Hercules quondam caesis montis, uti poëta loquitur, medullis fodisse memoratur, siccet pingue solum palude emulsa. Nam ridiculi sunt, qui ipsum barathrum ab Hercule ficcatum putant.

Carm. LXV, 277.

*Sic tum vestibuli linquentes regia tecta  
Ad se quisque vago pasfim pede discedebant.*

Quis unquam dixit *tecta vestibuli*? Lege *vestibulo*, ut v. 293.

*Hæc circum sedes late contexta locavit,  
Vestibulum ut molli velatum fronde vireret.*

nisi quis malit *vestibulis*, ut apud *Juv.* VII, 124.

*Aemilio dabitur, quantum libet, & melius nos  
Egimus; bujus enim stat currus æneus, alti  
Quadrijuges in vestibulis, atque ipse feroci*

*Bellatore sedens curvatum hastile minatur  
Eminus, & statua meditatur praelia lusca.*

& Statium Theb. 1, 385.

*tandemque reclusis  
Infertur portis. aclusum regia cernit  
Vestibula. hic artus imbri, &entoque rigentes  
Projicit, ignotaeque acclinis postibus aulae  
Invitat teneros ad dura cubilia somnos.*

Carm. LXVII, 31.

*Quis te mutavit tantus Deus?*

Quivis corrigat, *tantum.* Virgilius Aen. 11, 274.  
quantum mutatus *ab illo*

*Hectore!*

quem Valerius Flaccus imitatur 1v, 398.

*Qualis, & a prima quantum mutata juventa!*

Ipse Catullus xxii, 11.

*tantum abborret, ac mutat.*

Sed omittamus de minutis dicere, & majus mendum tollamus  
ex elegante & jocosò carmine, quod Catullo Victorius Var. Lect.  
xii, 3. tribuit, & cum secuti Muretus, & Jf. Vossius p. 344.  
Vulgo legitur v. 5.

*Hujus nam domini colunt me, Deumque salutant  
Pauperis tuguri pater filiusque coloni:  
Alter asidua colens diligentia, ut herba  
Dumosa, aspera a meo sit remota sacello:  
Alter parva ferens manu semper munera larga.*

cum Priapi verba postrema corrigenda sint hoc modo:

*Alter parva ferens manu saepe munera larga.*

Sic enim semper in talibus loquuntur scriptores, ut Propertius  
IV, 1v, 23. Ovidius Fast. 1v, 726. Lucanus vi, 709. Martialis X,  
xcii, 7. Calpurnius Ecl. 11, 62. Virgilius Ciris v. 94. & 523.

*nam*

*nam saepe tepenti  
Sanguine taurorum supplex respererat aras :  
Saepe Deum largo decorarat munere sedes.*

Ecl. 1, 8. & Aen. x, 619.

*Et tua larga  
Saepe manu, multisque oneravit limina donis.*

Ubi eadem verba in eadem re posita plane correctionem probant.  
Accedat tamen auctor carminis ad Priapum, quod a quibusdam  
Tibullo tribuitur, v. 9.

*At, o Tripballe, saepe floribus novis  
Tuas sine arte deligavimus comas.*

Praeterea constat ex uno & quinquaginta versibus hujus generis  
in hac sede trochaicum, non autem spondeum Catullo placuisse,  
qui tantum reperitur v. 2. hujus carminis,

*Quercus arida rustica conformata securi.*

invito tamen *Is. Vosso*, qui p. 346. corrigat *fomitata*; & Carm.  
xvii, 19, & 20.

*In fossa Liguri jacet supper nata securi,  
Tantundem omnia sentiens, quam si nulla sit usquam.*

quemadmodum *Politianus* legit pro *separata*. Trochaeus itidem  
occurrit in versibus *Maccenatis*, hoc modo constitutis a *Scaligero*  
ep. xxxiii. ad *Pitboeum*:

*Debilem facito manu; debilem pede, coxa :  
Tuber adstrue gibberum : lubricos quate dentes :  
Vita, dum superest, bene est : hanc mihi vel acuta  
Subdas, sustineo, cruce \* \**

At enim *Marius Victorinus* p. 2599. ed. *Putf.* nonnunquam; *Terentianus Maurus* p. 2444. saepe, non ferme semper, in ea sede trochaicum agnoscit ipse spondeum solitus adhibere; *Diomedes* autem p. 512. Priapeii carminis exemplum ponit hoc :

*Incidit patulum in specum procumbente Priapo.*

Illud vero *Sercius* p. 1825.

*Hellespontiacos tuum numen protegit hortos.*

Fateor. Sed ego *Catullo*, quam Grammaticis fidem habere malo. Denique supina librariorum negligentia crebro *saepe* in *semper* abisse discimus ex variis lectionibus indicatis ad *Lucret.* iv, 936. & *Sallust.* B. Catil. xx, 14. Codex etiam *Vossianus Propert.* I, iii, 44. pro,

*Externo longas saepe in amore moras,*

offert *semper*, ut *Basileensis* in *Fuzenale* vi, 602. Item apud *Ciceronem* *Tuscul.* Quaeft. iv, 12. pro *dicimus quosdam torminosos, non quia jam sint: sed quia saepe*; & *Pacatum* *Paneg.* c. 40. pro *saepe jejuna* vulgabatur *semper*, antequam *Gebhardus*, & *Lizinejus* e melioribus libris correxerant. Eandem maculam nuper e *Caesaris* libris de Bello Civ. iii, 96. delevit *Marklandus* in *Explicat.* Veter. aliquot *Scriptorum* p. 278. praelare restituens: *At hi miserrimo ac patientissimo exercitui Caesaris luxuriam objiciebant, cui saepe omnia ad necessarium usum defuissent.* Contrarium mendum vir doctissimus in *Observ.* *Miscell.* Vol. iv. p. 39. iustulit e *Lactantio* de *Mortibus Persec.* c. v. auctoritate MS. codicis corrigens: *Adversarios Dei semper dignam scelere suo recipere mercedem.* *Groninganus* etiam liber *Propertii* III, xv, ii. pro,

*Semper enim vacuos nox sobria torquet amantes,*

habet *saepe*.

Emendationi certissimae duas conjecturas subijcere liceat. *Carm.* x, 33. vulgo legitur:

*Sed tu, insulsa, male, & molesta vivis,  
Per quam non licet esse negligentem.*

Sed insulse puella dicitur *insulsa*, quam totum carmen ostendit falsissimam fuisse, atque adeo poeta v. 4. vocat *scortillum*

*Non sane illepidum nec invenustum.*

Quapropter *Is.* *Vossius*, *incisa*, id est, odiosa, inopportuna, corrigebat. Hoc quidem jure Cl. *Burmanno* displicuit *Observ.* *Miscell.* Vol. v. p. xi. ubi totum carmen illustravit, sed difficultatem non tollit ipsi probata lectio:

*Sed tu, insulsa, mala, & molesta vive.*

nec explicationes interpretum satisfaciunt. Mihi requiri videtur:

*Sed*



*Sed tu, falsa male, & molesta vivis,  
Per quam non licet esse negligentem:*

id est, perverse, & cum molestia mea jocosa es, plane, ut apud  
*Horatium* Satyr. I, ix, 65.

male falsus

*Ridens dissimulare: meum jecur urere bilis.*

Conf. *Bentl.* ad Carm. III, xiv, 11. Similiter autem *Flaccus* male  
post adjektivum collocat Sat. I, iv, 64.

*Sulcius acer*

*Ambulat, & Caprius, rauci male, cumque libellis.*

& II, v, 45.

*Si cui praeterea validus male filius.*

Nec aliter *A. Cuningamus* edidit II, 111, 137.

*Quin, ex quo est habitus tutae male mentis Orestes.*

In Carmine Nuptiali LXIII, 31. pervulgati libri exhibent:

*Hesperus e nobis, aequales, abstulit unam.*

*Namque tuo adventu vigilat custodia semper,*

*Nocte latent fures, quos idem saepe revertens,*

*Hespere, mutato comprehendis nomine eosdem.*

codex autem *Thuanens* offert *eospem*. Hinc *Is. Vosii* conjectura  
nata est, *eospē*: sed ea nulla dote se commendat. Equidem su-  
spicabar aliquando in, *eos*, latere *Eöus*, & *Catullum* dedisse,

*quos idem saepe revertens,*

*Hespere, mutato comprehendis nomine Eöus.*

Elegantes enim & docti scriptores in talibus utrumque nomen *Hespe-  
ri*, & *Eöi*, sive *Luciferi* ponere solent. *Virgilius* Ciris v. 350.

*Quem pavidae alternis fugitant, optantque puellae;*

*Hesperium fugitant, optant ardescere Eöum.*

quemadmodum *Bentlejus* emendat ad *Callimachi* Fragm. LII, ex  
poëtae versibus:

*Ἀπὸν μὲν Φιλέω, αὐτὸν δὲ τε περιέκασιν,  
Ἐσπέριον Φιλέω, ἀπὸς εὐγέσεων Ἑῶν.*

*Cinna*

*Cinna* in *Zmyrna* apud *Servium* ad *Virgil.* Georg. 1, 288.

*Te matutinus flentem conspexit Eöus ,  
Et flentem paulo tidit post Hesperus idem.*

Similiter *Manilius* 1, 177. *Columella* x, 290. *Seneca* Hipp. 177. *Boëthius* I. M. v. & *Statius* Theb. vi, 238.

*Roscida jam noxies coelo demiserat astra  
Lucifer , & totidem Lunae praevenerat ignes  
Mutato Nocturnus equo.*

v. *Ludovicus Cerda* ad *Virgil.* Ecl. viii, 30. *Vossius* Theol. G. II, xxxi. & *Vulpius* ad h. l. qui pleraque loca pridem attulerunt , ut ostenderent *Hesperum* eundem esse ac *Luciferum*. Quam facile *Eöus* in *Eos* abire potuerit , atque ita , cum syllaba deesset , adijci *dem* , monere non necesse est. Hanc autem conjecturam addidi , quod eam *Bærmanno* , Poëticarum elegantiarum in paucis perito , valde placere viderem.



## C A P V T II.

*Virgilius* , auctor *Culicis* , aliquot locis restitutus. *Oibus & Epibaltes* non conati sunt mundum incendere. Rescindere colum. *Capellae* subter dunos , non autem super iis cubant. Subter saepius in super abiit. *Tellus* multo , non autem magno sanguine manare dicitur. *Magnus* sanguis. *Magnus* , & multus permulantur. *Vis Argea*. *Pinus Argoae* navi decus addita. *Telamon* habuit in matrimonio *Periboeam Alcathei* , *Megaræ Regis* , filiam , qua natus est *Ajax* ; *Teneor* autem nothus *Hesione* captiva procreatus est. *Zanclæa Charybdis*. *Hædoris* ira. Propter. Mutare loca. *Laestrygones* atri nequeunt cocari. Scriptores jam geminant , non autem frequentant jam , jam , jamque.

**C**ulicem *Maronis* antiqui scriptores non pauci memorant : sed de ejus , qui nunc exstat , auctore dubitatur. *Carolus* enim *Ramus* in Hist. Virg. ad A. V. C. 696. & *Franciscus Oudinus* in Adversariis Criticis , & singulari Disceptatione de *Virgiliano* Culice , quam *Dorvilius* in Obs. Misc. Nov. T. iv. p. 307. edidit , indignum

num esse censent, qui poetarum maximo tribuatur. Et ille qui, dem ab inepto posteriorum actatum scriptore fictum esse; se; hic autem a farcinatore Gotho vel Vandalo, forte *Thrasu-*, mundi temporibus, in Africa confectum esse pronunciat. E contrario *Jos. Scaliger* in Comment. ac Castigat. in Culic. p. 4. eumque secuti *Frid. Morellus* ad Stat. Sylv. II, vii, 73. & *Frid. Taubmannus* non pueri, & tironis, sed *Maronis* ἀδρῆς ὁ τελεῖς opus esse judicant. Equidem vehementer miror id ex ore *Scaligeri* excidis. Redarguitur enim Grammaticorum testimoniis, quorum consensus multum valet, atque adeo *Martialis* VIII, lvi, 19.

*Protinus Italiam concepit, & Arma, virumque,  
Qui modo vix Culicem fleverat ore rudi.*

Conf. *Barth.* ad Stat. l. c. Quid? quod, auctoritatibus omis- sis, ipsum carmen, quod doctrinam redolet, exercitationemque puerilem, facile *Scaligerum* refellit. Nec tamen *Ruaei*, & *Oudini* sententiam probare possum. Codices enim non modo Culicem, quem nunc in manibus habemus, *Maroni* tribuunt; sed etiam, quod majus est, & commentum *Ruaei* convincit, *Nonius*, ex eo p. 211. proferens v. 52.

*Densaue virgultis avide labrusca petuntur.*

ut omittam nunc auctorem vitae, & *Phocam* Grammaticum, qui duos ultimos memorant. Deinde multa reperiuntur in hoc carmine, quae *Virgilius* in aliis ornatiora reposuit. Denique nihil ostendi potest, quod ei tribui nequeat, ne quidem locus ab *Oudino* p. 312. sic reprehensus: „Hic pastor domum reducit, ut lecto, compositus videat in somnis effigiem obtriti Culicis, & audiat, de Charonte, de Furiis, ac Cerbero, de Orpheo & Eurydice, de Argonautis, Trojano bello, Ulyssis reditu, Graeca omni, Romanaque Historia, non puerilem, sed pecuariam declamationem.” Satis enim constat bonos poetas interdum longius evagari. Quid? quod, *Heynio* iudice, auctor Panegyrici in *Mes- salam* juvenili more digressionem taedii plenam, & a re penitus alienam, de *Ulyssis* erroribus instituit. Quid? quod hic ipse locus, quem vitio carere nemo facile dixerit, reprehensorem redarguit. Etenim, si *Virgilio* tribui nequit, *Vandalus*, aut *Gothus* auctor putandus est. At negamus in Africa, regnante *Thrasamundo*, fuisse,

se, qui versus facere posset vel his decem, ex longissimo loco sumtis, similes:

*Hic regit aversos proles Laërtia currus,  
Et jam Strymonii Rhefi, victorque Dolonis,  
Pallade jam laetatur evans, rursusque tremiscit  
Jam Ciconas, jamque borret atrox Laestrygonas ipse.  
Illum Scylla rapax canibus succincta Molossis,  
Aetnaeusque Cyclops, illum Zancleae Charybdis,  
Pallentesque lacus, & Squallida Tartara terrent.  
Hic & Tantalei generis decus amplius Atrides  
Aspidet, Argivum lumen: quo flamma regente  
Doris Erichthonias prostravit funditus arces.*

Oudinus quidem in *monstrosis elegantiae Gothicae speciminibus*, in *Salmasii* codice visis, *Maronem* se dicit agnoscere, ut in *Culice*; sed carmina, quae *Burmannus* in *Anthologia Latina* nuper inde edidit, & *Culex* plurimum inter se differunt. At multa (sic enim dicunt) in carmine deprehenduntur obscura, horrida, atque adeo barbara, verbi gratia, v. 164.

*Obvia vibranti carpens gravis aëra lingua.*

quod vitium carpere, & vehementer reprehendere gestit *Oudinus*. Quasi vero non iniquissime faciant, qui perspicua librariorum menda scriptoribus tribuant! Etenim Critici magni & nobiles, in his *P. Bembo* in libro de *Virgilii Culice*, *Scaliger* p. 4. & *Heinsius* Syll. Ep. *Burm.* Tom. v. p. 400. consentiunt nihil hoc carmine mendosius posse reperiri. In correctoribus autem, qui saepe carmini noverunt, ipse *Scaliger*, si vera fateri volumus, est habendus. Quippe multa, quae corrigere vult, depravat, & ea scriptori nonnunquam alligit, quae ne Latino quidem poeta, nedum *Marone* digna videantur. Sed haec, meritorum memores, non insequemur, in primis quod errata palmaribus correctionibus, & observationibus minime vulgaribus abunde compensavit; quin potius id agemus, ut & ipsi, sublatis quibusdam mendis, pro nostra parte poetarum principi succurramus.

Initium faciemus a v. 233.

*Nam vincētus sedet immanis serpentibus Othos,*

*Deviētum*

*Devictum moestus procul adspiciens Ephialten :  
Conati quondam cum sint incendere mundum.*

Sic in pervulgatis libris habetur : sed nemo repertus est , qui traderet Aloïdas voluisse mundum incendere. Quapropter ante multos annos corregebam :

*Conati quondam cum sint rescindere mundum.*

Ipse *Virgilius* de geminis fratribus *Georg.* I, 280.

*Et conjuratos coelum rescindere fratres.*

*Ter sunt conati &c.*

& *Aeneid.* VI, 582.

*Hic & Aloïdas geminos immania vidi*

*Corpora : qui manibus magnum rescindere coelum*

*Adgressi , superisque Jovem detrudere regnis.*

Similiter autem in , & re saepe librariorum incuria permutantur. v. varias lectiones additas *Ovidio* *Metam.* VII, 78, 278. IX, 208. & *Virgilio* *Georg.* IV, 552. & 241. Nunc video *Vossianum* primae notae codicem , quem *Leidenfis* bibliotheca servat , habere :

*Conati cum sint quondam rescindere mundum.*

unde discimus correctores , cum *rescindere* abiisset in *incendere* , vocēs insuper trajecisse , ne versus turpiter hiaret. *Pitboeus* edidit *incendere* , quod in duobus codicibus *Mss.* invenitur. Hinc autem *N. Heinsii* conjectura nata est , *escendere* : sed ea nostram non muto.

V. 152.

*At circa passum fessae cubuere capellae ,*

*Excelsisque super dumis : quos leniter adflans*

*Aura susurrantis possit confundere venti.*

Medius versus multum difficultatis habet. Quis enim credat fessas capellas *super dumos* cubare ? Deinde , qui parvae capellae *super excelsis dumis* cubare possunt ? Praeterea scriptores rustici praecipunt , ut pastores aestus meridianos , de quibus agit poeta , sub ramis arborum vitent. v. *I. L. de la Cerda* ad *Virg.* *Georg.* III, 331. Postremo , *que* superfluum videtur. Quis itaque non sentiat , in iis verbis maculam manere ? Sensit certe *Barthius* , qui & eam delere conatus est. Sic enim vir doctissimus *Advers.* XXI, XXIII. „ Nihil editi libri variant aut scripti. Et tamen cuivis patere po-

„test rem integram minime esse. Durum enim, ne dicam absurdum, super dumos cubare capellas. — Legendum arbitror; „*Excelsique super dum*, quos leniter adflans &c. circa capellae, super vel supra, Excelsi dum. Bardi exscriptores, qui capellas in „excelsos usque dumos cubatum duxerint, quasi *circa* tale quid „significare posset; At pastor ipse in lucum tectum ante ductus „erat. Equidem vix dubito, quin corrigendum sit: *Excelsos subter dumos*, ut v. 109. *subter muscum*. Apposite ad probandum *Horatius* Carm. III, xxix, 21.

*Jam pastor umbras cum grege languido,  
Rivumque sesus quaerit, & horridi  
Dumeta Sylvarum: caretque  
Ripa vagis taciturna ventis.*

Saepe autem librariorum *subter* in *super* mutasse constat ex variis lectionibus, quas exhibet *Havercampus* ad *Lucret.* v, 537. & vi, 857. & 614. ubi unus *Vossii* codex offert *super*, alter autem *supter*; quae scriptura plerumque vitii causa fuit. Conf. *Lamb.* ad v, 762. Eadem macula, post amplissimi *Boubierii* curas, inhaeret omnibus libris *Pervigilii Veneris* v. 81.

*Ecce jam super geneastas explicant tauri latus;*  
cum *subter geneastas* emendandum esse res ipsa doceat, & simillimus *Calpurnii* locus *Ecl.* 1, 3.

*Cernis ut, ecce, pater, quas tradidit, Ornite, vaccae  
Molle sub hirsuta latus explicuere geneasta.*

Sed hujus correctionis, ante plurimos annos feliciter a nobis inventae, laudem libentissime tribuimus *Broekbusio*, praestantis ingenii viro, qui firmis argumentis eam probavit ad *Tibullum* II, 1, 62. Addi tamen velim, quae magnus *Boerhavius* animadvertit, amicus autem *Burmannus* memoriae prodidit ad *Grat.* Cyneg. v, 130. Caeterum *Scaliger*, quod mihi fere exciderat, ad v. 97. p. 13. plurimos versus hujus carminis trajicit, & eum, quem correximus, ad pastorem refert, sic locum constituens:

*Compacta solidum modulatur arundine carmen,  
Quem circa sesfae passim cubuere capellae.*

*Seu libet ad fontem densa requiescere in umbra*

Excelsis

*Excelsis supra dumis; quos leniter afflans  
 Aura susurrantis posset confundere venti.  
 Anxius insidiis nullis, & lentus in herbis  
 Concipit hic mitem projectus membra soporem.*

Nec aliter edidit *Taubmannus*, qui sic exponit: „Dumeto aut  
 „fenticeto supra fontem celsius eminente. Judicent sagaciores.  
 Equidem fessas capellas sub excelsis dumis collocare malim.  
 v, 303.

*O quis non referat talis divortia belli,  
 Quae Trojae videre viri, videreque Graji?  
 Teucra cum magno manaret sanguine tellus,  
 Et Simois, Xanthique liquor.*

Emendandum videtur:

*Teucra cum multo manaret sanguine tellus.*

Sic enim loqui solent ejus seculi scriptores. *Ovidius* *Metam.* 1, 157.

*Perusam multo natorum sanguine terram  
 Immaduisse ferunt.*

v, 155.

*Pollutosque semel multo Bellona penates  
 Sanguine perfundit.*

*Virgilius* *Aen.* vi, 87.

*Et Thybrin multo spumantem sanguine cerno.*

*Multus* autem *sanguis* millies occurrit. Apud *Statium* quidem  
 reperias *Achill.* 11, 412.

*Si sparsus magno remearem sanguine.*

Sed agitur de sanguine ferae majoris, & nobilioris, ut vel an-  
 tecedentia doceant:

*Nunquam ille inbelles Osfaea per avia lynces  
 Sectari, aut timidos passus me cuspide damas  
 Sternere, sed tristes turbare cubilibus ursas,  
 Fulmineosque sues, & sicubi maxima tigris,  
 Aut seducta jugis fetae spelunca leaenae.  
 Ipse sedens vasto facta expectabat ab antro,  
 Si sparsus magno remearem sanguine.*

Conf. vetus *Barthii* Scholiaſtes. Eodem modo vocabulum ſumitur VIII, 594.

*innumeris veluti leo forte potitus  
Caedibus, inbelles vitulos, mollesque iuvencae  
Transmittit, magno furor eſt in ſanguine mergi,  
Nec niſi regnantis cervice recumbere tauri.*

& v. 573.

*ſic Hyrcana leo Caſpius umbra  
Nudus adhuc, nulloque jubae flaventis honore  
Terribilis, magnique etiamnum ſanguinis inſons,  
Haud procul a ſtabulis captat cuſtode remoto  
Segue pecus teneraque famem conſumit in agna.*

*Dorcilius* quidem in *Animad.* ad *Charit.* p. 375. interpretatur, mutae, magnae caedis; verum comparationis viſ, & ipſa verba redarguunt interpretationem. Rectius multo vetus *Barthii* Scholiaſtes: caedis majorum animantium; & *Lactantius*: Tauri, aut hominis. Nec aſiter uſurpavit *Gratius* *Cyneg.* v. 164.

*Tunc & manſuetis tuto ferus errat adulter  
In ſtabulis, ultroque gravis ſuccedere tigrin  
Auſa canis, majore tulit de ſanguine ſetum.*

ubi *Titius*: praetantiori, nobiliori genere. Similiter *major ſanguis* eſt nobilior, generoſior, apud *Statium* *Theb.* v, 25.

*Dic, quis & ille pater? neque enim tibi numina longe,  
Traſſerit fortuna licet, majorque per ora  
Sanguis, & adſiſto ſpirat reverentia vultu.*

Nec tamen negamus quenquam eſſe, qui *magno ſanguine* dixerit. Etenim ſic locutus eſt *Sidonius* apud *Dorcilium*, & melior auctor *Juſtinus* XXII, VII, 6. *iterato Carthaginienſes, omnibus viribus bellum cientes, magno utriusque exercitus ſanguine, gravi praelio ſuperat.* quae de more ab eo deſcripſit *Oroſius* IV, 6. *Parvus etiam ſanguis* occurrit apud *Lucanum*, & *Propertium* III, XIX, 19.

*Sanguine tam parvo quis enim ſpargatur amantiſ.*

v. *Burm.* ad *Lucan.* II, 128. & *Wopkenſ.* in *Obſ.* *Misc.* Nov. T. x. p. 208. Verumtamen haec nondum mihi perſuadent optimos poëtas dixiſſe, *tellurem*, & *fluvios magno ſanguine manare.* Quid? quod a me facit perpetua permutatio vocum, *magnus* & *maltus*; de qua



qua vid. *Markland.* ad *Stat. Sylv.* III, III, 68. & *Burm.* ad *Valer. Flacc.* v, 274, & *Virg. Aen.* I, 245.

v. 341. de Graecis, capta Troja, domum redeuntibus:

*ibat in altum*

*Vis Argoa petens patriam ditataque praeda*

*Arcis Erichthoniae.*

„ Audiamus hic *Scaligerum*: Miror hoc hominum genus, qui om-  
 „ nia mutare solent, adeo coccos fuisse, ut dispicere non po-  
 „ tuerint, quid intersit inter Ἀργῶα, & Ἀργεῖα. Nam *Argo* ab  
 „ *Argo* navi: illud ab Argivis. Quare legendum esset, *Argiva*.  
 „ Sed veteres editiones admonent aliam fore lectionem, si earum  
 „ corrupta vestigia sequamur. Habent enim:

*Vis repetens Argo patriam —*

ut malim fane:

*Vis repetens Argos patrium —*

„ Vis, copia, ut infra. *Taubmannus* autem non spernit lectionem;  
 „ *Vis repetens Argo patriam*, si *Argo* pro qualibet nobiliore navi  
 „ aut etiam clasce, usitata poëtis figura, sumatur. *Nicolaus Hein-*  
*sus* vero notaverat in libro quodam legendum: *Vix Argo repetens*.  
 Sed unius literae mutatione facta corrigendum puto:

*Vis Argea petens patriam.*

quomodo locuti sunt *Horatius*, *Ovidius*, *Martialis*, & *Guntherus*.  
 v. *N. Heinsius* ad *Ovid.* Amor. III, vi, 49. qui & libro suo, quod  
 nuper ex amicissimi *Burmanni* literis intelleximus, adscripserat:  
 Lege, *Vis Argea*, vel *Argiva*. Saepissime autem librarii confu-  
 derunt *Argeus*, *Argous*, & *Argivus*; ut *Manil.* I, 692.

*Argivamque ratem per aplustria summa.*

cum scribere debuissent, *Argoam*. Nec aliter correxit *J. F. Gro-*  
*novius*, vir magnus in primis, *Observ.* II, x. p. 290. quod, ut alia  
 non pauca, *Bentlejum* fugit.

v. 135.

*Hic magnum Argoae navi decus edita pinus*  
*Proceras decorat sylvas.*

Scriptum videtur:

Magnum *Argoae* navi decus addita *pinus*.

*Corippus*

Corippus III, 79.

*Temporibus, Justine, tuis, spes urbis & orbis,  
Romani jubar imperii, decus addite cunctis  
Retro principibus.*

uti recte correxit Barthius Advers. LV, 11. p. 2581. Statius  
Theb. I, 22.

*Tuque o Latiae decus addite famae.*

Virgilius Aen. VIII, 301.

*Salve, vera Jovis proles, decus addite Divis.*

ubi v. J. L. de la Cerda. Verba autem permutari docet Burmannus  
ad Phaedr. I, XIV, 13. Eandem vero medicinam fecit N. Heinsius,  
Criticus nobilissimus atque optimus. Praeterea Livinejus ita versum  
profert ad Catull. LXV, 1. Denique conjecturam firmat & probat  
Vossii liber, in quo reperitur, *adita*.

Sed taedet in parvis morari, cum tot magna menda carmen con-  
tineat, ut v. 295.

*hic & uterque  
Aeacides. Peleus namque & Telamonia virtus  
Per secura patris laetantur numina, quorum  
Connubiis Venus, & virtus injunxit honorem.  
Hunc rapuit serva: ast illum Nereis amavit.*

ita quidem Scaliger edidit, verumtamen *feritas* approbavit, quod  
in margine, & libro Vossii reperitur. Audiamus argumenta:  
„ Quia fuit *ἄγριός τις*, propterea ipsi favit Virtus, sicut contra Ve-  
„ nus Peleo, qui *ἀπεργύων* fuit, ut uxorem Thetidem meruerit.  
„ Quare imprudenter nimis fecit ille, qui nuper edidit: Hunc ra-  
„ puit *serva*. & quanam fuit illa *serva*? Non Hesionem putat, si  
„ sapit. At Ajacem filium rapuit Tecmesfa ancilla. Sed quam  
„ Homerus *ῥιπέρην* vocat, *feritatem* Virgilius vertit, ut & paulo post:  
„ *torva feritate repulsos*. Ego, quatenus de correctione, *Hunc ra-*  
„ *ruit serva*, judicat, ei prorsus assentior: de veteri lectione, *Hunc*  
„ *rapuit feritas*, in alia omnia transeo. Quippe cum verbis,

*quorum  
Connubiis Venus, & virtus injunxit honorem,*  
non de Pelci magis nuptiis, quam Telamonis praedictur, uxor  
autem

autem Pelei versu proximo memoretur, (*illum Nereis amavit*), non de feritate Telamonis, sed conjuge mentio facienda est. Quis igitur dubitet, quin turpe mendum feliciter hoc modo corrigendum sit,

*Hunc rapuit Periboea, illum Nereis amavit?*

Sic *rapere* Ovidius usurpat Heroïd. IV, 65.

*Thesides, Theseusque duas rapuere sorores.*

Sic Alcathoi, Megarorum regis filiam, Telamoni nuptam, *Xenophon*, *Apollodorus*, *Pausanias*, & *Plutarchus* appellant. v. *Leopardus* Emend. III, x. *Mezeriacus* ad *Ovid.* Heroïd. III, 4. *Burmamnus* in *Argon.* Catal. v. *Telamon*, & Interpretes *Hygini* c. 97. *Sophocles* autem, *Pindarus*, *Diodorus Siculus*, *Hyginus*, *Lycomphronis*, & *Homeri* Scholiastae vocant *Eriboeam*. Nulla igitur olim *Jo. Meursio* causa erat, cur in *Theseo* c. 13. confidenter in *Hygini* Poët. *Astron.* II, 5. *Eriboeae* substitueret *Periboeam*, licet nunc *Vossii* liber opinioni robur addat. Agi enim de Alcathoi filia perspicuum est ex *Pausania* p. 101. Haud dubie vero nomen hoc reddendum est *Athenaeo* XIII, 1. ubi refert ex *Istro* *Thesea* varias quidem puellas rapuisse, νομίμως δ' αὐτὸν γῆμαι Μερίβοιαν τὴν Αἴαντος μητέρα. Neque hoc fugit *Augustinum van Staveren* de fabulari historia praeclare meritum. *Burmamnus* tentabat, *Ἐρίβοιαν*; sed altera mutatio minor & verisimilior est, eamque probat geminus *Plutarchi* locus in *Theseo* p. 13. ubi, commemoratis puellis a *Theseo* raptis, similiter subjicit: γῆμαι δὲ ἡ Περίβοιαν τὴν Αἴαντος μητέρα. Jam vero nuptias illas Telamoni perhonorificas fuisse constat. *Xenophon* initio libri de Venatione: Πηλεὺς δ' ἐπιθυμίαν παρέσχε ἡ θεοῖς, δυνάει τε θέτιν αὐτῶ, ἡ τὸν γάμον παρὰ Χέρονι ὑμῖσαι. Τελαμῶν δὲ τοσούτῳ ἐγένετο, ὥστε ἐκ μὲν πόλεως τῆς μεγίστης, ἣν αὐτὸς εἰβέλετο, γῆμαι Περίβοιαν τὴν Ἀλκάδου. quae verba valde congruunt cum *Virgilianis* per nos restitutis:

quorum

*Connubiis Venus, & virtus injunxit honorem:*  
*Hunc rapuit Periboea; illum Nereis amavit.*

Ex hac autem conjuge Telamon suscepit Ajacem; de quo poëta versibus proxime subsequenribus agit:

*Assidet hic juvenis, sociat quem gloria, fortis,  
Acer, inexcusatus, referens a navibus ignes  
Argolicis Phrygios torva feritate repulso.*

Nihil itaque nostra correctione commodius; nihil aptius excogitari potest. Eandem *Tiberius Hemsterhusius*, vir incredibili in his rebus sagacitate, feliciter adhibuerat, ut visa p. 24. mihi in his diebus affirmavit. *Hicinsius* itidem nomen feminae proprium latere senserat. Conjecerat autem vir summus: *Hunc rapuit Tecmesia illum*; vel, *Hic rapit Hesionem illum*. sed priorem conjecturam refellit historia. Quippe

*Movit Ajacem Telamone natum  
Forma captivæ dominum Tecmesiae.*

Nec posteriorem probare queo: primum, quod a vestigiis antiquae scripturae longe recedit: deinde, quod nec historiae, nec *Virgilii* verbis congruit:

*quorum  
Connubiis Venus, & virtus injunxit bonorem.*

Hesionem enim captivam Telamon in matrimonio non habuit. Hinc Teucer ea procreatus vocatur nothus. v. *Homerus* *Iliad.* ②, 284. & *Sophocles* in *Aj. Flag.* v. 1033. in qua tragoedia multis insuper verborum contumeliis laceratur juvenis, quippe qui servus, & captiva & barbara natus appelletur, v. 1251, 1259, 1278, & 1307.

Transeamus ad v. 330.

*Illum Scylla rapax canibus succincta Molossis,  
Aetnaeusque Cyclops: illum metuenda Charybdis,  
Pallentesque lacus, & squallida Tartara terrent.*

Pro, metuenda, *Vossi* liber antea laudatus exhibet, *ranolea*. Hinc statim suspicabamur, vel potius intelligebamus poëtam scripsisse, *Zynelaca Charybdis*. *Ovidius Fast.* iv, 499.

*Effugit*

*Effugit & Syrtes, & te, Zanclosa Charybdi,  
Et vos, Nisai, naufraga monstra, canes.*

Et Trist. V, 11, 73.

*Hinc ego dum muter, vel me Zanclosa Charybdis  
Devoret, aque suis ad Styga mittat aquis.*

Mecum facit *Burmamnus*, vir eruditissimus, in commentario *Dorvilii* Siculis addito p. 605. ubi correctionem laudat, vehementissimeque conprobat.

Hinc autem, ne nunc alia commemorem, colligitur, quanta licentia, vel potius audacia librarii, aut librarii saepe nocentiores correctores ipsa juvenilis carminis ornamenta turpaverint. Sed & hinc perspicitur excellens praestantia libri *Leidenfis*, cujus ope plura scripturae menda tolli queunt, ut v. 303.

*O quis non referat talis divortia belli,  
Quae Trojae videre viri, videreque Graji!  
Teucra cum multo manaret sanguine tellus,  
Et Simois, Xanthique liquor, Sigeaque praeter  
Litora, cum Troës saevi vos Hectoris ira  
Videre in clasces inimica mente Pelasgas  
Vulnera, tela, neces, ignis inferre paratos.*

Exhibet enim perspicue,

*Troas saevi ducis Hectoris ira:*

cui correctioni robur addunt duo codices, in quibus invenitur, *Troas saevi* dos. Ibidem conjectura ductus emendo:

*Sigeaque propter*

*Litora.*

Quod nec *Heinsium* fugit. Voces autem permutari vidimus *Observ.* 1, 4. p. 49.

Idem codex v. 172. pro,

*Metabat sese circum loca,*

repraesentat :

*Metabat late circum loca :*

quod si mecum recipias, erudite lector, non necesse habebis exponere cum *Barthio*, metabat loca circum sese. Nam *metari sese circum loca* ferri nequit.

Denique v. 326. pro,

*Hinc regit averfos proles Laërtia currus,  
Et jam Strymonii Rhesi, victorque Dolonis,  
Pallade jam laetatur ovans, rursusque tremiscit  
Jam Ciconas, jam jamque horret Laestrygonas atros.*

offert,

jamque horret atrox *Laestrygonas* ipse :

de quo pauci dubitabunt, praesertim, quia *Petavianus*, & alter *Vossianus* pariter habent, *jamque horret atrox*. Certe nemo reperi-  
tus est, qui *Laestrygonas* vocaret *atros*. In talibus autem scripto-  
res *jam* geminant, non autem frequentant, *jam, jam jamque*.  
Noster h. l.

*Et jam Strymonii Rhesi, victorque Dolonis,  
Pallade jam laetatur ovans.*

Et v. 47.

*Jam sylvis dumisque vagae ; jam vallibus abund  
Corpora : jamque omni celeres e parte vagantes  
Scurpea desertae perrepunt ad cava rupis.*

Et v. 253.

*At discordantes Cadmeo semine fratres  
Jam truculenta ferunt, infestaque lumina corpus  
Alter in alterius : jamque aversatur uterque,  
Impia germani manat quod sanguine dextra.*

ut e MSS. corrigit Oudendorpius ad J. Obseq. cap. cxviii. Sed  
lumina

*lumina jam Scaliger p. 25. ex membrana Contii restituerat; aver-*  
*satus autem Barthius Advers. xxi, 20.*

Postremo liber eximius eximiam probat *Scaligeri* correctionem  
 v. 353.

*Euboicas & per cautes, Aegeaque late*  
*Litora.*

Habet enim perspicue, *egea*. Vulgo legitur: *Heraea*.



## C A P V T III.

*Ciris a multis valde laudatur; a paucis autem reprehenditur. Obscuritatis caus-*  
*fac. Dona multum vigilata. Rationes afferuntur, cur Virgilio carmen adju-*  
*dicandum sit. Cecropius hortulus. Poëta primis annis Epicureum Syronem au-*  
*divit. Mendum ex ejus carmine sublatum. Iidem versus in Maronianis scri-*  
*ptis, qui in Ciri, reperiuntur. Complures interpretum errores coarguuntur. Ap-*  
*probata Burmanni in Aenide correctio. Tellus in Delos mutatur. Responde-*  
*tur argumentis Ruæi, qui carmen a Marone abjudicat. Opinio Scaligeri, su-*  
*premius ejus opus esse statuentis, convellitur. Ejusdem errores notantur. Ae-*  
*tas Valerii Mesalæ. Ciris post Calicem videtur edita, priusquam compone-*  
*rentur Eclogæ. Juvenis. Juvenes anni. Petronii carmen emendatum.*  
*Refellitur Eglinus, qui Cirin Catullo tribuit. Catullus juvenis obiit. Refu-*  
*tatur Fontanius, qui Gallum poematis scriptorem facit. Ejusdem varii erro-*  
*res indicari. Philosophiæ sedes in colle data. Fontanius ficta & commentici-*  
*cia carmina Gallo tribuit. Diluuntur argumentationes eorum, qui scriptorem*  
*Ciris Ovidio ætate posteriorem faciunt. Aliquot mendosissimi carminis versus*  
*correcti. Suspiciere altius ad sidera. Nictantia sidera. Exterritus prodigiis,*  
*monstris. Flores in foribus dependent. Minoi inhiare. Poëtæ refugisse vi-*  
*dentur a quarto casu Minoem. Carum caput. Quod ut o potius fallar! Venat-*  
*us ferrarum. Medicina, quam Marklandus Manilio fecit, probata. Viri,*  
*& feræ permittantur. Utinam ne! Alia, & ulla ratione confunduntur. Ist-*  
*haec. Fessum corpus. Classis a litore resoluta, non autem revoluta. Strophæ-*  
*des in Sporadas mutatae.*

**T**ranseamus ad *Cirin*, de cujus præstantia summaque elegan-  
 tia tantum non omnes uno ore consentiunt. *Gasendus* de  
 Vita & Mor. Epicuri II, vi. Principium illud elegantis poë-  
 ,, matis (*Ciris*). *Anglus*, literis doctrinaque præstans, *Obierv.*

„ Misc. Vol. iv. p. 317. Elegantissimum poemation est, &  
 „ pulcherrimis refertum locis. *N. Heinſius* apud *Fontan.* Hist.  
 „ Lit. Aquil. p. 41. Exemplar Ceiris, quod poematum multo  
 „ elegantius est. *Broekhusius* ad *Tibull.* I, x, 57. Auctor Ciris,  
 „ elegans ille & politus, quicumque tandem exstiterit. & ad  
 „ IV, vi, 1. Auctor Ciris, delicatissimi poematii. & ad III, v,  
 „ 22. Auctor Ciris, amabilis poematii: quanquam versus laudati  
 „ reperiuntur in Culice. *Barthius* in Praef. p. 26. tentare Ceirin  
 „ *P. Virgilii Maronis*, unum toto Latio formosissimum poemati-  
 „ on. & ad *Stat. Sylv.* IV, vii, 2. Poëma optimum. & ad *Theb.*  
 „ 1, 333. Capillum Nisi & Scyllam consecravit illo longe cul-  
 „ tissimo poematio, qui Ceirin nobis, unicam linguae Latinae  
 „ gemmam, nec *Marone* indignam dedit. & ad vi, 693. Sic  
 „ enim in ornatisimo poematorum legendum. & ad v, 609.  
 „ Similia sunt Charmes carmina in divino poematio Ceiri. Conf.  
 „ idem ad *Theb.* II, 515. IV, 30. v, 617. *Scaliger* ad *Cirin* p. 65.  
 „ tam culto & nitido poematio. & *Animadv.* in *Chron. Euseb.*  
 „ p. 54. *Virgilius* in divino poematio Ciri. Alia aliorum testi-  
 „ monia recitat *Justus Fontaninus* Historiae Literariae Aquilejen-  
 „ sis lib. I, II, 8. ubi ipse vocat opus, in quo omnes Gratiae  
 „ & Veneres ornando certarunt, ut §. 5. aureum poemata; &  
 „ §. 6. auro & cedro dignissimum propter artificium, summam-  
 „ que elegantiam. Illud denique poemata praeclare commendat,  
 „ quod propter elegantiam *Catullo*, *Gallo*, *Virgilio*, clarissimis  
 „ poetis, adjudicatum est.

Quis itaque est, qui *Bockarti* fastidium ferre possit in *Histor.*  
*Anim. S. S. Part. 1. lib. v. cap. 7.* Virgilium adhuc in Ciri pueri-  
 liter balbutire consentis, atque adeo *Ruaeii* in *Hist. P. Virgilii*  
*Maronis* ad A. V. C. 696. carmen ab intelligentibus probatum notan-  
 tis hoc judicio: quanquam fufum est feliciore vena, quam Cu-  
 lex; tamen jacent in eo multa, multa horrent, nitent quam  
 paucissima. Hoc certe *Broekhusius* ferre non potuit ad *Tibull.* I,  
 IV, 57. Auctor Ciris, quem ego satis credo non fuisse *Virgi-*  
 „ *lium*, nec tamen cum Ruaco Jesuita pro jacente atque horrido  
 „ velim traduci, fastidio nimis delicato.

Fuere tamen in ipsis laudatoribus elegantiae, qui pauca in car-  
 mine reprehenderent. Nam *Fontaninus*, ob trajectionem verbo-  
 rum



rum alicubi durius esse existimat; *Anglus* autem in Obs. Misc. variis in locis obscurum, ut ultimam poëtae manum desiderasse videatur. Equidem trajectiones verborum non agnosco: paucis in locis obscurum carmen esse concedo. Obscuritatis autem duae sunt causae; una plurimorum versuum corruptio; altera bonorum librorum penuria. Nam conjectura viri doctissimi refellitur v. 45.

*Accipe dona meo multum vigilata labore.*

Sic enim poëtae loquuntur de carmine accurato. v. *Barthius* ad *Stat.* Theb. XII, 811.

*O mihi bisfenos multum vigilata per annos  
Thebai.*

Quis autem carmen, omnium fere consensione laudatum, composuerit, inter eruditos non convenit. Equidem vix dubito, quin *Virgilio* sit adjudicandum. Ei tribuere videtur *Servius* ad *Ecl.* VI, 3. & *Aeneidos* initium: nam pro *Cirinam* legi debet *Cirin*, uti monuit *Heinsius*. Conf. *Dorvill.* Obs. Misc. Vol. IV. p. 317. Tribuunt & editi libri, in quibus inter carmina poëtae *Cirin* a tribus fere seculis receptam videmus; &, quod majus est, manu scripti, v. gr. *Basilcënsis*, in quo legitur: *P. Virgilii Maro. Ciris ad Mesalem*. Eodem ducunt quaedam carminis loca, quae maxime in illum conveniunt.

Ac primum quidem scriptor *Ciris Epicureae Philosophiae* se deditum fuisse refert:

*Esti me vario jactatum laudis amore,  
Irritaque expertum fallacis praemia vulgi  
Cecropius suaves expirans hortulus auras  
Florentis viridi Sophiae complectitur umbrâ:*

Interpretes enim, & *Pasferatius* ad *Propert.* III, 21. p. 531. *Barthius* *Advers.* XX, 10. *Gassendus* de *Vita & Mor. Epic.* cap. VI. *Vossius* de *Philos. sectis* cap. VIII, 26. &, ne plures nunc commemorem, *Bruckerus* in *Hist. Crit. Philos.* T. II. p. 72. consentiunt *hortulum Cecropium* esse *Epicuri*; quod firmatur similimo *Martialis* loco VII, LXX, 3.

*Hanc*

*Hanc sibi jure petat magni senis Atticus hortus ,  
Nec minus esse suam Stoica turba velit.*

ubi *Scrivenerius* errorem *Calderini*, *Heraldi*, & *Gruteri*, qui putabant Academiam significari, jam correxit. Similiter autem *Virgilius* Philosophorum praeceptis institutus est ab Epicureo Syrone. v. *Donatus* in vita, *Servius* ad Ecl. vi, 13. & Aen. vi, 264. & ipse *Virgilius* Anthol. *Burm.* T. 1. p. 428. Ejusdem Philosophi meminit p. 677.

*Villula, quae Syronis eras, & pauper agelle,  
Verum illi domino tu quoque divitiae,  
Me tibi, & hos una mecum, quos semper amavi,  
Si quid de patria tristius audiero,  
Commendo, in primisque patrem: tu nunc eris illi,  
Mantua quod fuerat, quodque Cremona prius.*

In quibus verbis leve mendum manet hoc modo tollendum:

*Verum illi domino tum quoque divitiae.*

quod argumentatione non eget. Nam voculas permutari notissimum est. v. *Drakenb.* ad *Liv.* X, XL, II.

Deinde, ut scriptor *Ciris*, Epicuri peramoeno delectatus hortulo, se fere disjunctis a carminibus, ita tamen, ut *interdum ludere liberet*,

*Et gracilem molli pede claudere versum:*

simillime *Virgilius*, Epicureae Philosophiae flagrans amore, Musis, quarum illecebris aliquamdiu delinitus fuerat, nuntium remisit, sic tamen, ut interdum aliquod commercium cum iis habere vellet, *Anth. Burm.* Tom. 1. p. 428.

*Nos ad beatos vela mittimus portus,  
Magni petentes docta dicta Syronis,  
Vitamque ab omni vindicabimus cura.  
Ite hinc Camenae:  
Dulces Camenae: nam fatebimur verum,  
Dulces fuistis: & tamen meas chartas  
Revisitote: sed pudenter & raro.*

Postremo

Postremo scriptor Ciris librum dicavit Mesalae, quem colere & venerari solebat (18—40): eundem coluit & veneratus est *Virgilius*, ut ostendit elegans carmen, quod ad hunc ipsum misit, Anthol. *Burm.* II, cxxii. *Heynius* quidem, vir politus, & elegans, ad *Tibull.* p. 177. recentiorem putat esse scriptorem propter v. 47.

*Saepe audendo mare vincere, saepe hiemem.*

Sed hunc scrupulum facile *Broekbuius* exemit trajectis vocibus pulchre restituens:

*Saepe mare audendo vincere, saepe hiemem.*

Quid? quod iidem loquendi modi, & eorundem verborum creberrima & simillima repetitio, summa venustate conjuncta, eundem scriptorem prodere videntur.

In Ciri praeterea voces, & formulae dicendi *Lucretianae*, & imitatio *Catulli* manifesta reperitur, adeo ut non defuerint, qui carmen huic adjudicarent: ab his autem poetis multa *Virgilium* summissee veteres & novi interpretes ostenderunt.

Denique, ne multis videamur argumentis onerare lectorem, tot versus non solum dimidii, sed etiam, quod majoris est ponderis, integri, iique continui in *Eclogis*, *Georgicis*, & *Aeneide* creberrime repetiti, vel maxime dicta confirmant.

Cum vero *Scaliger*, aliique Ciris editores, quamvis hoc argumento usi, & interpretes *Virgilii* paucos admodum notaverint, & idcirco forte quidam veritatis ignari de alio scriptore cogitaverint, atque adeo *Iustus Fontaninus*, vir doctissimus, qui magna cum cura atque diligentia nuper hanc materiam tractavit, hujus „poëmatii versus, praeterquam semel in *Bucolicis*, legi negaverit *Ilistor. Liter. Aquilej.* I, II, 7. operae pretium esse credidimus uno in conspectu plerosque collectos ponere. Ciris itaque v. 3. habes:

*Cecropius suavis exspirans hortulus auras*  
*Florentis viridi Sophiae complectitur umbra.*

*Aeneid.* I, 693.

*Ubi mollis amaracus illum  
Floribus, & dulci adspirans complectitur umbra.*

Ciris v. 51.

*Caeruleis sua tecta supervolitaverit alis.*

Ecl. vi, 81.

*Infelix sua tecta supervolitaverit alis.*

Ciris v. 52. de Scylla :

*Hanc pro purpureo poenam scelerata capillo,  
Proque patris solvens excisa funditus urbe.*

Georg. 1, 405.

*Et pro purpureo poenas dat Scylla capillo.*

Ciris v. 58.

*Illam esse, aerumnis quam saepe legamus Ulixi  
Candida succinctam latrantibus inguina monstros  
Dulichias vexasse rates, & gurgite in alto  
Deprensos nautas canibus lacerasse marinis.*

Ecl. vi, 74.

*Quid loquar, ut Scyllam Nisi, quam fama secuta est,  
Candida succinctam latrantibus inguina monstros  
Dulichias vexasse rates, & gurgite in alto  
Ab timidis nautas canibus lacerasse marinis.*

Ciris v. 125.

*Concordes stabili firmarant numine Parcae.*

Ecl. iv, 47.

*Concordes stabili fatorum numine Parcae.*

Ubi *Tollius* corripbat *nemine*, quod *Ciris* versu jam *Burmannus* redarguit Anthol. p. 281. *Ciris* v. 160.

*Aurea fulgenti* depromens tela pharetra.

Aen. v, 501.

*Pro se quisque viri*, & depromunt tela pharetris.

*Ciris* v. 167.

*Infelix virgo* tota bacchatur in urbe.

Aen. iv, 301.

totamque incensa per urbem

Bacchatur.

*Ciris* v. 170.

*Non nixeo retinens* baccata monilia collo.

Aen. i, 654.

colloque monile

Baccatum.

*Ciris* v. 208.

*Excubias foribus* studio jactabat inani.

Ecl. 11, 5.

*Montibus & sylvis* studio jactabat inani.

Vereor tamen, ne librarius, aut corrector hinc, *jactabat*, in *Cirin* transtulerit. *Heinsio* quidem legendum videbatur, *ductabat*, ad *Ovid. Fast.* 111, 245. *Ciris* v. 233.

*Quo rapidos etiam* requiescunt flumina cursus.

Ecl. viii, 4.

*Et mutata suos requierunt flumina cursus.*

Nam scriptura quorundam librorum, *liquerunt*, & *Ludovicus de la Cerda*, qui verbum *mutata* cum *cursus* conjungit, auctoritate Ciris refelluntur. Ciris v. 241.

*Ut nullo possim cognoscere signo.*

Georg. 1, 394.

*certis poteris cognoscere signis.*

Ciris v. 267.

*extremum hoc munus morientis habeto.*

Ecl. viii, 60.

*extremum hoc munus morientis habeto.*

Ciris v. 280.

*Aut ferro hoc (aperit ferrum, quod veste latebat.)*

Aen. vi, 406.

*At ramum hunc (aperit ramum, qui veste latebat.)*

Ciris v. 299.

*Gnosia neu Partho contendens spicula cornu.*

Ecl. x, 59.

*libet Partho torquere Cydonia cornu  
Spicula.*

Ciris v. 302.

*Praeceptis aërii specula de montis abisfes.*

Ecl. viii, 59.

*Praeceptis aërii specula de montis in undas  
Deferar.*

Quo

Quo loco convellitur opinio *fac. Nicol. Loënfis* Misc. Epiphyl.  
VIII, 26. legendum cententis, *Nec specula aëriis praeceps de  
montibus esces.* Ciris v. 307.

*Nunquam ego te summo volitantem in vertice montis.*

Aen. xi, 526.

*Huc super in speculis, summoque in vertice montis.*

Ciris v. 349.

—— ——— diem mortalibus alnum.

Aen. v, 64.

—— ——— diem mortalibus alnum.

Ciris v. 369.

*At nutrix patula componens sulfura testa,  
Narcissum casiamque herbas incendit olentis:  
Terque novena ligat triplici diversa colore  
Fila: ter in gremium mecum, inquit, despue, virgo:  
Despue ter, virgo: numero deus inpare gaudet.*

Ecl. viii, 73.

*Terna tibi haec primum triplici diversa colore  
Licia circumdo, terque haec altaria circum  
Effigiem duco: numero deus inpare gaudet.*

& II, 11.

*Allia serpyllumque herbas contundit olentis.*

Unde scriptor libri Basileënsis in Cirin transtulit exhibens:

*Narcissum, casiamque herbas contundit olentis.*

Ciris v. 394.

*Ille etiam, junctis magnum quae piscibus aequor  
Et glauco bipedum curru metitur equorum.*

Georg. iv, 388.

*Caculeus Proteus*, magnum qui piscibus aequor  
Et *juncto* bipedum curru metitur equorum.

Ciris v. 398.

*Cara Jovis* soboles, magnum Jovis incrementum.

Ecl. iv, 49.

*Cara Deum* soboles, magnum Jovis incrementum.

Ciris v. 402.

Ad coelum *infelix* ardentia lumina *tollens* :  
Lumina : nam teneras arcebant vincula palmas.

Aen. ii, 405.

Ad coelum *tendens* ardentia lumina *frustra* :  
Lumina : nam teneras arcebant vincula palmas.

quo loco convincitur vir doctissimus, qui in Ciri corrigit, *ar-*  
*tia*. Ciris v. 405.

Dum queror, & divos, (quanquam nil testibus illis  
Profeci) extrema moriens tamen adloquor hora.

Ecl. viii, 19.

Dum queror, & divos, (quanquam nil testibus illis  
Profeci) extrema moriens tamen adloquor hora.

ubi miror in mentem venisse *Burmanno* purissimam, & Ciris auctoritate confirmatam lectionem, & *divos*, mutare vitiosissima lectione cujusdam codicis, *ad divos*, cum perspicuum sit in his,

*Dum queror ad divos (quanquam nil testibus illis  
Profeci) extrema moriens tamen adloquor hora,*

deesse copulam, qua versus inter se jungi queant. Ciris v. 430.

Ut



Ut vidi, ut perii, ut me malus abstulit error.

Ecl. viii, 41.

Ut vidi, ut perii, ut me malus abstulit error.

Ciris v. 437.

Omnia vincit amor.

Ecl. x, 69.

Omnia vincit amor.

Ciris v. 473.

*Linquitur ante alias longe gratissima Delos  
Nereidum matri & Neptuno Aegaco.*

Aen. iii, 73.

*Sacra mari colitur medio gratissima tellus  
Nereidum matri & Neptuno Aegaco.*

Hic autem *Burmānus*, & ad *Ovid.* Fast. vi, 178. timide dicit, legendum forte, *Delos*. Paulo fidentius vir magnus locutus esset, si meminisset hunc locum totidem verbis ex *Ciri* translatum esse. *Delos* itidem videtur legisse vetus poëta, cujus carmen exhibetur *Anthol. Burm.* iii, 7.

*Delos, jam stabili revincta terra,  
Olim purpureo mari natabat,  
Et moto levis hinc & inde vento  
Ibat fluctibus inquieta summis:  
Mox illam geminis Deus catenis  
Hac alta Gyaro ligavit, illac  
Constanti Mycono dedit tenendam.*

Totum quidem carmen versibus de *Virgilii* loco sumtis contextum est. Eandem vero medicinam *Spanhemius* ad *Callim.* H. in Del. v. 255. *Senecae* fecit H. F. v. 15.

*Quibusque*

*Quibusque natis mobilis Delos fluit.*

Vulgo legitur, *tellus*. Ut autem *Burmanni* conjectura Ciri confirmatur, sic error *Roberti Titii* convincitur *Virgilium* sic corrigentis :

*Nereidum matri, & Neptuno Ennosigaco.*

Correctionem, ex Loc. Controv. xv, 16. petitam, memorat *Alexander Cuningamus* in brevibus Emendationibus *Virgilio* subiectis, qui comprobasse videtur. sed ad propositum revertamur. *Ciris* v. 518.

*Incultum folis in rupibus exigit aevum.*

*Aen.* xi, 569.

*Pastorum & folis exegit montibus aevum.*

*Ciris* v. 538.

Quacunque illa levem fugiens fecat aethera pennis,  
Ecce inimicus atrox magno stridore per auras  
Insequitur Nisus : qua se fert Nisus ad auras,  
Illa levem fugiens raptim fecat aethera pennis.

*Georg.* i, 404.

Quacunque illa levem fugiens fecat aethera pennis,  
Ecce inimicus atrox magno stridore per auras  
Insequitur Nisus : qua se fert Nisus ad auras,  
Illa levem fugiens raptim fecat aethera pennis.

Conf. praeterea *Ciris* v. 16. & *Aen.* vi, 378. *Ciris* v. 96. & *Ecl.* 111, 63. *Ciris* v. 120. & *Georg.* 11, 30. &c. *Ciris* v. 161. & *Aen.* xi, 841. *Ciris* v. 196. & *Ecl.* x, 58. & *G.* iv, 364. *Ciris* v. 222. & *Aen.* i, 499. *Ciris* v. 248. & *Aen.* ix, 595. xii, 811. *Ciris* v. 284. & *Aen.* x, 844. *Ciris* v. 288. & *Aen.* iv, 321. *Ciris* v. 358. & *Aen.* x, 146. *Ciris* v. 446. & *Georg.* iv, 348. *Ciris* v. 476. & *Aen.* 111, 125. *Ciris* v. 516. & *Georg.* iv, 431. *Ciris* v. 517. & *Ecl.* vi, 47.

„ At,

„ At, inquit *Ruaeus*, in Ciri jacent multa, multa horrent,  
 „ nitent quam paucissima: reperiantur etiam, quae nec ab juve-  
 „ ne, nec a fene *Virgilio* scriptam esse doceant.

Extrema aetate carmen a *Virgilio* scriptum putabat editor *Jos. Scaliger*. Sic enim p. 44. „ Scripsit autem hoc poëma, cum  
 „ Megaram se contulisset motus memoria rei, quam locus ipse ei  
 „ excitabat. Nam & Grammaticus is, qui ejus vitam scripsit,  
 „ id propemodum innuere videtur, quum scribit: *Quum Mega-*  
 „ *ram, vicinum Athenis oppidum, visendi gratia peteret, languo-*  
 „ *rem nactus est.* Ac sane videtur id supremum Virgilii opus  
 „ fuisse, cum ex illius verbis Grammatici, qui ait postea lan-  
 „ guorem nactum fuisse; tum ex ipso Virgilio canente:

„ *In quo jure meas utinam requiescere Musas,*  
 „ *Et leviter blandum liceat deponere amorem.*

„ — Profectus erat Athenas, ut Philosophiam Epicuri perdi-  
 „ sceret. Quin etiam eo anno videtur Athenas ingressus, qui in  
 „ Quinquatria Minervae incideret: ut inde videatur nactus occa-  
 „ sionem pepium Minervae describendi, qui Panathenaicis in  
 „ pompa ferebatur.

Equidem moleste fero tantum ingenium tam levibus argumentis  
 in tam levem sententiam incidisse. Nam quod illi *Virgilius* Athe-  
 nas ingressus videtur anno, quo Panathenaea majora celebraren-  
 tur, atque hinc occasionem nactus pepium Minervae describendi,  
 in eo temporibus errat. *Hieronymus* enim, interpretes *Eusebii*,  
 notavit in Chronico celebrata esse anno tertio Olympiadis exc.  
 cum jam superiore *Virgilius* obiisset. v. *Fontanus* in Hist. Liter.  
 Aquil. p. 38. cui tamen non assentior, cum poëtam festis diebus  
 in urbe fuisse negat propter v. 27.

*Felix ille dies, felix & dicitur annus,*  
*Felices, qui talem annum videre, diemque.*

Poëta quidem *felices* non vocat,

*qui talem annum videre, diemque;*

sed felices dici tradit. Tantum autem abest, ut Grammaticus,  
 cujus testimonio *Scaliger* abutitur, propemodum innuat *Virgi-*  
 lium

lium Cirin scripſiſſe, cum Megara ſe contuliſſet, ut hoc eodem teſtimonio vir ſummus facillime redargui reſellique poſſit: *Sed cum aggreſſus iter Athenis occuriſſet Auguſto, ab Oriente Romam revertenti, una cum Caſare redire ſtatuit. At cum Megaram, vicinum Athenis oppidum, viſendi gratia peteret, languorem naſtus eſt: quem non intermiſſa navigatio auxit, ita ut, gravior in dies, tandem Brundiſium advenaret: ubi diebus paucis obiit.* Ex his enim perſpicuum eſt poëtam, qui in Auguſti comitatu redire ſtatuerat, cum Megara viſendi tantum gratia peteret, languorem naſtum eſſe, eoque ex navigatione aucto Brundiſii paucis poſt diebus deceſſiſſe. Quis autem credat vatem, qui operoſe ſcribebat, languentem in itinere amabile illud poëma condidiſſe, cum præſertim ipſe neget v. 45.

*Accipe dona meo multum vigilata labore ?*

Quod vero ſupremum opus fuiſſe colligit ex v. 10.

*In quo jure meas utinam requieſcere Muſas,  
Et leviter blandum liceat deponere amorem.*

vitioſe colligit. Incredibile eſt enim, qui ſeceſſerit ad Aeneida limandam, & moriens imperfectam comburi juſſerit, cum de levi poëmate dixiſſe,

*In quo jure meas utinam requieſcere Muſas,  
Et leviter blandum liceat deponere amorem.*

Multae porro rationes aſſerri poſſunt, quibus opinio ſingularis reſutetur. Primum enim *Virgilius*, cum Cirin edebat, a Muſis fere ſe diſjunxerat unius philoſophiae ſtudioſus: at anno „ quinquageſimo ſecundo, ſicut *Donatus* tradit, ut ultimam manum Aeneidi imponeret, ſtatuerat in Graeciam & Aſiam ſecedere, triennioque continuo omnem operam limationi dare, „ ut in reliqua vita tantum philoſophiae vacaret: quibus verbis itidem coargui poteſt error *Scaligeri*, qui *Virgilium* putat Athenas proſectum eſſe, ut Epicuri philoſophiam perdiſceret.

Deinde Cirin edens principia Philoſophiae ſolummodo cognoverat, ut totum proœmium oſtendit, maxime autem v. 41.

*Sed*

*Sed quoniam ad tantas nunc primum nascimur artes,  
Nunc primum teneros firmamus robore nervos :*

at in Eclogis, Georgicis, & Aeneïde tanta philosophiae scientia elucet, ut a quibusdam summus doctor istius disciplinae vocetur. Non me fugit *Fontaninum* p. 38. *tantas artes* interpretari *metricas*: sed ipsa series orationis indicat eum graviter errare.

Praeterea quam probabile principem poetarum Eclogis, & Georgicis in vulgus editis, & Aeneïde, quam de manibus nunquam deponebat, imperfecta, leve carmen lufisse! quam vero simile in ludendo sic Musas invocasse, (v. 97.)

*nunc age, Divae,  
Praecipue nostro nunc adspirare labori,  
Atque novum aeterno praetexite honore volumen!*

Denique suo, quemadmodum dicitur, gladio Scaligeri sententia confici potest. Scilicet M. Valerius Mesfala Corvinus, ex sententia Scaligeri, eo tempore, quo *Virgilius* illi Cirin dicavit, annum quinquagesimum agebat. *Hieronymus* enim, quem fere *Ayrmannus* in vita *Tibulli* §. 23. & *Heynius* sequuntur, in Chron. p. 151. & 157. ed. *Scal.* Mesfalam notat in vitam venisse anno Abrahami MDCCCLVIII; inedia autem se confecisse aetatis LXXII, Abrahami MMXXIX. *Scaliger* vero, (*Animadv. ad Euseb. Chron.* p. 180.) cujus opinionem *J. Masfonus* in *Ovidii* vita ad A. v. c. DCLVII. firmavit & probavit, gravibus argumentis in hoc erratum ostendit, & antea virum magnum decessisse, natum putans anno Abrahami MDCCCLXIX, mortuum MMXX. v. c. DCLVII. Est autem perabsurdum summis honoribus perfunctum, & annum aetatis quinquagesimum agentem vocare *juvenem doctissimum* (35). *Varro* quidem tradit apud *Censorin.* de D. N. c. 14. *juvenes* usque ad XLV annum dictos esse: sed nemo repertus est, qui quinquagesimum annum agentes eo nomine vocaret. Liqueat itaque Cirin a *Virgilio* sub finem vitae non esse conscriptam.

Sed quid pluribus haec disputo, cum *Virgilius* ipse seniores se Cirin scripsisse neget v. 44.

*Haec tamen interea quae possumus, in quibus aevi  
Prima rudimenta, & primos exegimus annos,*

*Accipe dona meo multum vigilata labore.*

v. *Fontaninus* p. 37.

Itaque libenter *Eglio*, *Ruæo*, & *Fontanino*, viris eruditissimis, concedo *Cirin* supremum *Maronis* opus non fuisse, illud quod *Ruæus* adjungit, nec a juvene confectam minime concedo. Vix enim dubito, quin, *Culice* jam scripto, carmen illud, primis annis exorsum, in *Epicuri* horto detexuerit, antequam componeret *Eclogas*. Et primis quidem annis scriptum constat ex v. 45: recentius autem *Culice* esse declarat ipsum poemam, quod etiam vituperatores longe, multumque praestare confitentur. Ante vero prodiiisse, quam componerentur *Eclogae*, *Phocas* indicat in vita tradens poetam primum lussisse *Culicem*, deinde *Syronem* *Epicureum* audivisse, post *Eclogas* scripsisse; quod confirmat *Servius* ad *Ecl.* vi, 13. *Vult exsequi sectam Epicuream, quam didicerant, tam Virgilius, quam Varus docente Syrone: & quasi sub persona Sileni, Syronem inducit loquentem.*

Ex disputatis itaque efficitur, fere tum compositum esse, cum *Virgilius* *Epicurei* horti captus amoenitate caneret:

*Nos ad beatos vela mittimus portus,  
Magni petentes docta dicta Syronis.  
Ite hinc Camenae:*

quibus versibus, ne nunc alias rationes asseram, labefactatur & convellitur opinio *Ruæi* sic argumentantis: Nec *Virgilium* juvenem & *Bucolica*, *Georgica*, *Aeneida* meditantem tantum rei, poeticae jam tum ceperat taedium, ut in hoc tam levi opere, desinere non dubitaret:

*„ In quo jure meas utinam requiescere Musas,  
„ Et leviter blandum liceat deponere amorem.*

Nam quod clamat in *Ciri* jacere multa, multa horrere, tot praclaris intelligentium testimoniis, poetæ tributis, refutatur.

Dicit aliquis: *Messala* juvenum doctissimus v. 37. vocatur: carmen igitur a *Virgilio* juvene non est compositum. Damus quidem libenter *Heinsio*, sic in notis ineditis, nuper a *Burmanno* nobiscum communicatis, argumentanti, saepissime minores natu juvenes

*juvenes* a senioribus appellari; sed & Turnus, plerumque *juvenis* vocatus, Aen. ix, 51. hoc modo loquitur:

*Ecquis erit mecum, Jvenes.*

Ancaeus itidem in juvenibus, qui conflixere cum Calydonio apro, numeratus ab *Ovidio* Metam. viii, 300, 315. socios v. 392. compellat his verbis:

*Discite, femineis quid tela virilia praesent,  
O juvenes, operique meo concedite.*

Plura testimonia studiose conquirere non necesse videtur. Quid? quod hic ipse versus, quo nititur *Heinsius*, ostendit carmen ab juvene confectum. Nam, si vera est *Scaligeri* & *Masfoni* sententia de tempore, quo Mesfala Corvinus in vitam venit, aequalem fere *Virgilio* fuisse confitendum est: *Virgilius* igitur, eum vocans *juvenum doctissimum*, docet eodem tempore se juvenem fuisse. Quod si ita est, v. 45. admitti nequit MS. five potius ed. Ald. lectio, quam *Burmamnus* V. C. ad *Seren. Sammon.* v. 52. probat,

*juvenes exegimus annos.*

Etenim, cum *juvenis* carmen scriberet, nondum juvenes annos exegerat. Venusta quidem scriptura firmatur auctoritate *Nasonis* Metam. vii, 295. & xiv, 139.

*Excidit, optarem juvenes quoque protinus annos.*

sed vulgatae favet *Virgilius* Aen. ii, 87.; favet perelegans repetitio poëtae propria;

*Prima rudimenta & primos exegimus annos;*

favet MS. Basileënsis, & libri pervulgati; favet ordo in studiis Romae fervari solitus. Primum enim se dabant poëticae, deinde philosophiae. v. Interpretes ad *Petron.* c. 5.

*det primos versibus annos,  
Maconiumque bibat felici pectore fontem:*

.. . . *Mox & Socratico plenus jam mittat habenas*  
*Liber, & ingentis quatiat Demofthenis arma:*

ut levi mutatione facta corrigendum videtur pro, *immittat. N. Heinſius* ad *Propert.* p. 726. legebat, *sibi mittat.* Alias aliorum conjecturas, minime probabiles, exhibet *Anthol. Burm.* p. 581.

Sed hæc hæcenus: nunc consideremus eorum rationes, qui *Cirin* ab aliis scriptoribus compositam volunt. Alii enim *Catullo* tribuunt: alii *Gallo*: alii incerto poetæ.

*Catullo* tribuit *Eglinus* Tigurinus in *Vindiciis Catullianæ Ciri*s adversus *Scaligerum* editis. Primum ejus argumentum est, „ *Scaligerum* verba, versus, lemmata subinde in *Ciri* agnosce-  
 „ re, quæ in *Argonauticis Catulli* reperiuntur, nec ovum ovo  
 „ tam simile esse atque hæc duo inter se poemata; *Cirin* igitur  
 „ ab eodem scriptam esse. Equidem nullum *Catulli* versum in *Ciri*  
 „ agnovi; sed dictionem, numeros, & manifestam poetæ *Vero-*  
*nenſis* imitationem. His autem non efficitur *Cirin* ab eo scriptam  
 esse, præsertim cum tanta eorundem versuum copia in ea & *Ma-*  
*ronianis* carminibus habeatur.

Alterum vir eruditus argumentum ducit ex *Plinio* N. Hist. xxviii, 4. *Hinc Theocriti apud Graecos, Catulli apud nos, proximeque Virgilii incantamentorum amatoria imitatio.* „ Quæ e-  
 „ nim, rogat, ante *Maronem* incantamentorum amatoria imitatio  
 „ *Catulli*, nisi hæc in *Ciri*? „ At in illa tam pauca hujus ge-  
 neris occurrunt, ut *Catullum Plinius*, etiam si verus auctor habitus  
 esset, ob ea *Theocrito*, & *Virgilio* non adjunxisset, qui late ma-  
 teriem tractarunt *Eid.* ii. & *Ecl.* viii. Verisimilius igitur est o-  
 pus *Catulli* deperditum respici. *Barthius* autem peradolescens-  
 lus ad *Cirin* p. 28. *Eglini* argumentum dissolvere conabatur  
 hoc modo: *Plinius* tradit *Catullum* incantamenta *Theocriti* imi-  
 tatum esse: in *Ciri* autem talis imitatio non invenitur: non i-  
 gitur est *Catulli*. Sed *Plinius* non refert *Catullum* & *Virgilium*  
*Theocriti* incantamenta imitatos esse. Præterea cæteras *Eglini*  
 rationes, quibus cum *Scaligero*, *Cirin* ultimum *Maronis* o-  
 pus faciente, pugnat: neque enim iis nostra labefactatur sen-  
 tentia.

Quam



Quam multa vero possunt afferri, quibus *Egliniana* convellatur opinio! Nam quis veterum Cirin *Catullo* tribuit? quis Mes-salae veneratorem fecit? quis philosophiae deditum fuisse tradi-dit? Id quidem probare conatur versibus supra memoratis.

*Nos ad beatos vela mittimus portus  
Magni petentes docta dicta Syronis:*

Sed illos *Maronis* esse non tantum docti consentiunt, verum etiam Syronis mentio docet, cujus auditorem fuisse poetam multi testan-tur, cum de *Catullo* plane non constet.

Si quis autem forte miratur me non uti argumento, quo solò *Barthius* ad *Claudian.* in *Ruf.* 1, 253. p. 1160. controversiam di-rimi posse censet, is, si rem cognoverit, mei consilii causas probabit. Argumentatur ille *Hieronymum* in Chronico notare, *Catullum* decessisse anno altero post natum Mes-salam, cui Ciris dicata est, quarto Olympiadis clxxx: igitur huic Cirin adscribi non posse; nam ridiculum esse carmen ad infantem in cunis va-gientem scribere eumque *juvenum doctissimum* vocare. Sed inepto risu nihil est ineptius. *Hieronymus* enim temporibus erravit, cum Mes-salam eo anno mortuum esse memoriae proderet, uti jam monuimus. Erravit itidem tradens *Catullum*, anno aetatis tricesi-mo, Olympiadis autem clxxx quarto decessisse. Satis enim constat ex ipsis carminibus poetam postea vixisse. v. *Ob. Gifanius* in vita *Lucretii*; *Vulpus* ad *Catulli* Carm. lII. & cxi. & *Jos. Scaliger* in *Animadv.* ad *Euseb.* Chron. n. mdccclx. p. 155. Nec tamen *Scaligeri* sententiam probo censentis *Catullum* ludis seculari-bus A. v. c. 737. celebratis carmen xxxiv. scripsisse, quum an-num aetatis lxxi. ageret. Is enim *Vossius* accurate eam refutavit in *Observ.* ad *Catull.* p. 180. Refutare autem potuisset uno, sed gravissimo, *Ovidii* testimonio *Amor.* III, ix, 6.

*Obvius huic venias bedera juvenilia cinctus  
Tempora cum Calvo, docte Catulle, tuo.*

unde patet obiisse juvenem. v. *J. G. Vossius* *Instit.* Orat. IV, viii. 8. Quivis itaque fatebitur argumento, quod certissimum *Barthio* videbatur, nihil tribui posse. Tantopere tamen *Fontanino* placuit, ut, rationibus paullum mutatis, (nam *Vossium* secutus *Catullum*

*Caullum* statuit obliſſe A. v. c. 704. Meſſala adhuc ſuptenni,) eo ſolo rem conſici poſſe exiſtimaret.

*Gallu* tribuunt *Obertus Giſanius*, (ſi *Barthium* ſequimur *Adverſ.* III, 21.) *Barthius* ad *Stat.* Sylv. I, II, 49. IV, VII, 2. Theb. I, 616. II, 140, 486. IV, 30, 414. V, 617. VI, 289, 693. VII, 363. VIII, 205. XI, 49. XII, 811. imprimis *Adverſ.* l. I. & *Fontanius* *Hiſt. Lit. Aquil.* lib. I, II, 6. ſed argumentis & rationibus uſi parum firmis ad probandum. Ponemus tamen, ne vim diſſimulaſſe videamur. ſic igitur *Barthius* *Adv.* l. c. „ Ob. Giſanius „ odoratus eſt ex ſexta *Ecloga* Maronis poemation, quod Ceiris „ nomine Virgilio adſcribitur, ad Corn. Gallum pertinere poſſe. „ Nōs rationibus ſubductis & initio Ceiris, non ut a Scaligero „ nobis que ipſis eſt conſtitutum, ſed ut in primis editionibus ha- „ betur, ſuſpicionem animo noſtro augemus tale aliquid poematio „ illi accidiſſe. Cum enim ait Virgilius,

„ *Tum canit errantem Permeſi ad flumina Gallum*  
 „ *Aōnas in montes ut duxerit una ſorum.*

„ Ceiris illius divinae auctor vario ſe laudis amore jaētatum tan- „ dem Eratōs auxilio (illa enim correctio certiffima eſt) requie- „ tutum. Quod ait Maro *in montes* deduxiſſe, nonne poteſt il- „ lud alludere, quod in Ceiri dicitur?

„ *Et placitum paucis auſa eſt adſcendere collem.*

„ Quod non ſine ope divini numinis & quidem Apollinei factum „ Virgilius ſcribit. Alia quae occurrunt in eandem rem argu- „ menta in commentario dubiorum ſcriptorum prolixius perſe- „ quemur. „ *Fontanius* autem p. 34. „ Tantus ubique con- „ ſenſus elucet inter ea, quae de Gallo narrantur a Sileno Vir- „ giliano, quaeque de ſe ipſo Gallus narrat in Ciri, ut nihil „ ſupra. Etenim Silenus de Gallo ſcribit, *errantem ad flumina* „ *Permeſi* ab una ex novem Muſis in montes Aōnas ductum: „ Gallus in Ciri, quo reſpexit Silenus, ait, *ſe vario jaētatum* „ *laudis amore, ſub viridi umbra in Cecropio hortulo florentis So-* „ *phiae* conſediſſe, & Eratum, ejus Muſam, amorum praefi- „ dem, cujus nomen reticuerat Silenus, *paucis placitum collem,* „ nempe Aonium, adſcendiſſe „

Equidem

Equidem miror simillima viris eruditis videri tam dissimilia.  
Aliud enim est, in Aönium montem ab una Musarum duci, &  
calamos accipere, quibus

*Grynaci nemoris dicatur origo,  
Ne quis sit lucus, quo se plus jactet Apollo:*

aliud nuntium Musis fere remittere, & in hortulo Cecropio

*Florentis viridi Sophiae confidere in umbra.*

Quod autem v. 8.

*Et placitum paucis ausa est adscendere collem,*

de monte Aönio capiunt, ipso carminis contextu redarguuntur:

*Et si me vario jactatum laudis amore,  
Irritaque expertum fallacis praemia vulgi  
Cecropius suaves exspirans hortulus auras  
Florentis viridi Sophiae complectitur umbra,  
\* Num mea quaeret eo dignum sibi quaerere carmen?  
Longe aliud studium, atque alios accincta labores  
Altius ad magni suspexit sidera mundi,  
Et placitum paucis ausa est adscendere collem:  
Non tamen abistam ceptum detexere munus:  
In quo jure meas utinam requiescere Musas,  
Et leviter blandum liceat deponere amorem.*

Nam liquet intelligi collem Sapientiae sedem, cui versibus sequen-  
tibus arcem tribuit:

*Si mihi jam summam Sapientia panderet arcem,  
Quatuor antiquis quae haeredibus est data consors,  
Unde hominum errores longe, lateque per orbem  
Despicere, atque humiles possem contemnere curas:*

& Lucretius, quem, ut saepe, imitatur, II, 8.

*Sed nil dulcius est, bene quam munita tenere  
Edita doctrina sapientum templa serena,*

*Despicere unde queas alios, passimque videre  
Errare, atque viam palantes quaerere vitae.*

Similiter autem *Silius* xv. 101. domum Virtutis in celso colle ponit, & *Simonides* apud *Clementem* Alex. Strom. iv. p. 585. in rupibus aditu difficilibus: 'Ἐστὶ τις λόγος, τὰν ἀρετῶν ναίειν θυρεμβάτοις ἐπὶ πέτραις: quem locum *Barthius* adolescentulus ad v. 8. protulit.

Sed audiamus caetera *Fontanini* argumenta: *Silenus*, inquit, „ haeret, quid primum loquatur, aut ut *Scyllam* *Nisi*, aut ut „ aliam *Scyllam*, *Phorci* filiam, *Gallus* narraverit; quarum prima „ in avem, altera in monstrum faxeum conversa est: hoc pacto „ innuens de utraque *Gallum* cecinisse. Id quidem hujus parti- „ culae aut, utrique *Scyllae* aptatae, non inanis repetitio confir- „ mat: — *Gallus*, *Scylla* *Phorci* in aliud tempus seposita, „ *Scyllam* *Nisi* suis carminibus celebrandam, se delecturum pro- „ fitetur:

„ potius liceat noscere *Cirin*,  
„ Aut unam ex multis *Scyllam* nosse puellis.

Equidem doleo virum doctum magno conatu magnas nugas dixisse. In verbis enim *Maronis*,

*Quid loquar, ut Scyllam Nisi, aut quam fama secuta est;*

nec *Macrobius*, nec *Heinsii* membranæ particulam, aut, agnoscent, quam Criticus nobilissimus additam judicat ab iis, qui nescirent utramque *Scyllam* a poetis confundi. Quod autem dicit *Gallum*, *Scylla* *Phorci* in aliud tempus seposita, *Scyllam* *Nisi* suis carminibus celebrandam se delecturum profiteri, commentum est. Nam quod ejus rei vestigium apparet in verbis poetæ, quibus confidit?

„ potius liceat noscere *Cirin*,  
Atque unam ex multis *Scyllam* nosse puellis.

Nec majoris ponderis est sequens argumentum: Demum *Silenus* „ *Phorci* filiae metamorphosin ab *Gallo* descriptam comme- „ morans tres integros *Galli* versus ex *Ciri* (57, 58, 59.) usur- „ pavit, (Ecl. vi. 75, 76, 77.) initio tertii leviter immutato,

„ Quid

„ *Quid loquar aut Scyllam Nisi, aut quam fama secuta est*  
 „ *Candida succinctam latrantibus inguina monstis*  
 „ *Dulichias vexasse rates, & gurgite in alto*  
 „ *Ah! timidos nautas canibus lacerasse marinis:*

sunt enim unius ejusdemque scriptoris *Virgilii*, quemadmodum supra docuimus: nec pertinent ad *Gallum*. Quis enim repertus est, qui *Scyllae*, *Phorco natae*, metamorphosin ab hoc scriptam traderet? *Servius* quidem ad *Virg. Ecl. x.* in. libros poetæ commemorat, & ad *Ecl. vi, 72.* *Euphorionis* carminum, quae dicit eum *transfuisse* in Latinum sermonem, exponit argumentum; sed hujus operis, quod tamen *Maronis* interpretes memorare debuerat, non meminit. Deinde verba,

*Quid loquar, aut Scyllam Nisi, aut quam fama secuta est*  
*Candida succinctam &c.*

cohaerent cum sequentibus,

*Aut ut mutatos Terei narraverit artus?*  
*Quas illi Philomela dapes, quae dona pararit?*

Dicendum itaque foret itidem Terci & *Philomelae* metamorphoses a *Gallo* scriptas esse. Sane id statuit *Fontaninus* p. 31. Sed totus *Eclogae* contextus repugnat, quippe qua *Virgilius* exponat, quid *Silenus*, non autem *Gallus*, narraverit:

*Namque canebat, uti magnum per inane coacta*  
*Semina terrarumque, animaeque marisque fuissent.*  
*Hinc lapides Pyrrhae jactos, Saturnia regna,*  
*Caucaesasque refert volucres, furtumque Promethei.*  
*His adjungit, Hylan nautae quo fonte relictum*  
*Clamasent:*  
*Et fortunatam, si nunquam armenta fuissent,*  
*Pasiphaën nicei solatur amore juvenci.*  
*Tum canit Hesperidum miratam mala puellam:*  
*Tum Phaëthontidas musco circumdat amaræ*  
*Corticis, eque solo proceras erigit alnos.*  
*Tum canit errantem Permesin ad flumina Gallum*

*Aënas in montes ut duxerit una sororum.  
 Quid loquar, ut Scyllam Nisi, quam fama secuta est &c.  
 Aut ut mutatos Terei narraverit artus?  
 Quas illi Philomela dapes, quae dona paravit?  
 Omnia quae Phoebo quondam meditante beatus  
 Audiit Eurotas, jussitque ediscere lauros,  
 Ille canit.*

Quis enim non videt haec omnia, *canebat, refert, adjungit, solatur, canit, circumdat, erigit, canit, canit, narraverit, canit*, uni Sileno tribui, nec nisi perabsurde versus medios,

*Quid loquar, ut Scyllam Nisi, quam fama secuta est  
 Candida succinctam latrantibus inguina monstros  
 Dulichias vexasse rates, & gurgite in alto  
 Ab! timidos nautas canibus lacerasse marinis:  
 Aut ut mutatos Terei narraverit artus?  
 Quas illi Philomela dapes, quae dona paravit?  
 Quo cursu deserta petiverit, & quibus ante  
 Infelix sua tecta supervolitaverit alis?*

Gallo tribui posse? Ex his item luce clarius est *Fontaninum, Virgilio* verbis non intellectis deceptum, nullo jure Scyllae, Phorci filiae, & Terei & Philomelae metamorphoses inter Galli libros retulisse.

Videamus ultimum ejus argumentum, quo *Cirin Gallo* vult adjudicari: „iis, quae diximus, accedit; quamvis propter arti-  
 „ficiam, summamque elegantiam, *Ciris* poema auro & cedro  
 „dignissimum sit, tamen ob trajectionem verborum alicubi du-  
 „rius videri, quem naevum in carminibus *Fabium* tetigisse paulo  
 „supra indicavimus.„ Sed primum nullas verborum trajectio-  
 nes in poemate deprehendimus: deinde *Quintilianus* de elegia lo-  
 quens *Gallum, Tibullo, Propertioque* duriores esse judicat *Inst.*  
*Or. X, 1, 93*: denique nemo praeter *Fabium* ejus duritiem nota-  
 vit. Utinam nobis superesset aliquod vatis, ab aequalibus adeo  
 celebrati, carmen, ut ipsi per nos judicare possemus! *Servius* qui-  
 dem tradit complures versus, eosque minime duos, a *Virgilio*  
 servatos esse *Ecl. x.* sic enim doctissimus interpretum ad v. 46.

*Hi autem omnes versus Galli sunt, de ipsius translati carminibus. v. Fontaninus p. 35. a quo locum notatum esse fero vidimus. Putat autem vir doctus hos esse:*

*Tu procul a patria (nec sit mihi credere) tantum  
Alpinas, ab dura, nives & frigora Rheni  
Me sine sola vides. ab te ne frigora laedant!  
Ab tibi ne teneras glacies secet aspera plantas!  
Ibo, & Chalcidico quae sunt mihi condita ferus  
Carmina, pastoris Siculi modulabor avena.  
Certum est in silvis, inter spelaea ferarum,  
Malle pati, tenerisque meos incidere amores  
Arboribus: crescent illae: crescetis amores.*

Quod si vera tradit *Servius*, perspicue fallitur *Broekhusius*, qui nullum Galli versum superesse statuit ad *Prop. II, xxv, 29*. Unum quidem *Vibius Sequester* servavit, uti *Fabricius* in *Biblioth. Lat.* notavit, & antea *Barthius Adv. xl, 26*. Sed hac duriorum fuisse *Gallum*: nihil id ad sententiam *Fontanini* probandam adjuvat. Hac enim ratione concludi queat: *Ciris* ab intelligentibus vocatur carmen elegans, amabile, & delicatum: *Gallus* autem durior erat: ergo *Ciris* a *Gallo* non est composita.

Restat tertia eorum sententia, qui dubitare se profitentur, an *Virgilio* *Ciris* sit adjudicanda, aut ab eo confidenter abjudicant, & incerto poetæ tribuunt.

Dubitare se profitentur *J. G. Vosius* de *Philos. Sectis* cap. viii. §. 25. & *Bochartus* de *Animal. S. S. T. I, ii, 19*. Abjudicant autem *Scrivenerius* ad *Martial. p. 161*. *Broekhusius* ad *Tibull. p. 90*. *Heynius* ad eundem *p. 319*. & *Ruæus* in *Hist. Virgilii* ad *A. v, c. 696*. qui sententiam rationibus affirmare conatus est: „ Idem „ esto de *Ciri* judicium, quam *Ovidii* tempore posteriorem esse „ indicat *Scyllae*, patris & patriae ruinam meditantis, cum nutri- „ ce colloquium; locus omnino exaratus ad similitudinem illius „ colloqui, quod habet *Myrrha*, patris amore insaniens, cum „ nutrice item sua, *Metam. lib. 9*. Nec abstinet *Scyllae* nutrix „ ab exemplo ipsius *Myrrhae* proferendo; ut plane existimem fi- „ ctorem illum *Virgilianae* *Ciris*, ad *Myrrham* *Ovidianam* inter

„ scribendum oculos intendisse. — jacent in eo multa, multa „ horrent, nitent quam paucissima. „

Equidem miror hominem sententiae suae, tam levibus argumentis affirmatae, tam ferociter confidere. Quis enim dabit ei Ciris scriptorem Scyllae colloquium cum nutrice imitatione expressisse ex colloquio Myrrhae & nutricis apud *Ovidium* *Metam.* x, 382 — 431? Certe non *Fontanus*, qui similitudinem inde ductam se negat agnoscere. Quod si colloquia simillima essent, nonne probabilius videretur *Ovidium*, qui toties in libris *Metamorphoseon* *Virgilium* secutus est, eundem pariter in his expressisse? Quam credibile porro est, poetam venustissimum tot versus, eosque continuos, a *Virgilio* sumxisse? *Virgilius* solitus erat iisdem versibus bis uti, sic ut saepe unam aut alteram vocem mutaret. v. *Heins.* ad *Ecl.* v, 37. & *Aen.* ix, 814. Verisimilius itaque est, cum versus in Ciri positos similiter in alia carmina transtulisse, quam alium scriptorem politum & artificem tot, tamque aperta, furta fecisse. Quid? quod dictio, & prisca quaedam vocabula ejus temporis scriptorem indicant. Verum pluribus verbis hanc opinionem labefactare non debeo, cum mentio *Mesalae*, cui carmen dicatur, penitus eam faciat. Inter omnes enim constat eum decessisse, priusquam *Ovidius* relegaretur. v. *Scaliger* ad *Euseb.* *Chron.* p. 180. *Masfonus* in vita *Ovid.* ad A. v. c. dcccvii. & *Fontanus* p. 39.

Res igitur confecta est, mihi quae, qui longior fui, perorandum.

Utinam vero carminis *Maroniani* splendor paucioribus & minoribus maculis adpersus esset, aut saltem veteres membranae reperirentur, quarum ope deleri posset! Sed harum pertenuis, aut nulla spes ostenditur. *Heinsius* quidem, diligentissimus earum investigator, tantum libri recentis & in charta scripti, quem publica Basileae bibliotheca servat, (v. *Syll. Epist. Burm.* T. iv. p. 148.) exemplar habuit, idque editis, ut usu didici, simillimum. Nam benevolentissimus atque amicissimus *Burmmanus* ipsum illud Amstelodamo nuper ad me misit. Nihilominus *Parthasius*, *Contarenius*, *Leopardus*, *Jac. Nic. Lönnis*, *Turnebus*, *Barthius*, *Bentlejus*, vir doctus in *Observ. Misc.*, *Dorvilinus*, *Heinsius*, *Burmmanus* in notis ineditis, & in primis *Scaliger* quaedam



dam scripturae menda fustulere, quorum fecuturus exemplum ordiar a v. 6.

*Longe aliud studium, atque alios accincta labores,  
Altius ad magni suspendit fidera mundi,  
Et placitum paucis causa est adscendere collem.*

Versus medius vehementer eruditissimos viros exercuit. *Livineius* ad *Plin. Paneg.* cap. 6. & *Catull.* LXV, 104. legens,

*Altius at magni suspendit fidera mundi,*

*suspendit*, interpretatur, suspensa & superne inpendentia describit: *Bartbius* autem, *suspensa est*: *Eustathius* vero *Stewartius* *Anal.* III, 14. cum verbo *quaerere*, quod praecedat v. 5. conjungit: sed haec ferri nequeunt. *Scaliger*, probante *J. M. Gesnero*, (v. *Thef. L. L.* v. *subtendo*) corrigit, *subtendit*, hoc est, sursum tendit: *Heinsius* autem, *se tendit*: vel, *suspendi*: *Burmmanus* vero *V. C.* dum pendet, vel, tendit, vel, mens tendit. Ego malim:

*Altius ad magni suspexit fidera mundi.*

*Lucretius*, quem saepe *Virgilius* imitatur, II, 1038.

*Susplicere in coeli dignatur lucida templa.*

*Virgilius* *Aen.* IX, 402.

Suspiciens *altam* ad Lunam:

ut quidem codex *Zulichem.* habet; &, quod rem conficere videtur, ipse *Ciris* v. 216.

¶ altum

Suspicit ad *culti nutantia fidera mundi*:

ubi eadem ferme verba reperias. Hoc autem loco *Scaliger* pro, *coeli*, (nam sic vulgatos olim libros habere testatur) legendum suspicatur: *celsi* mundi. Robur addit MS. liber *Basileënsis*, in quo, *celi*. Addit vir summus: „ potes & legere, *nutantia fidera*.

„ dera. videntur enim connivere, cujus rei causam reddidit *Aristoteles* in *Meteorologicis*. „ Favere videtur *Lucretius* ▼, 181.

*Semina, quae faciunt nictantia fulgura flammae.*

Praeterea librarii solent, *nictus*, in, *nutus*, mutare. v. *Heins.* ad *Claud. Conf. Mall.* v. 313. & in primis *Burmannus* ad *Ovid. Metam.* III, 461. Denique *Basilicënsis* liber in margine habet, *nictancia*, quod *Joh. Rud. Wetstenio*, qui ejus exemplar ad *Heinsium* misit, valde placebat.

v. 46.

*Accipe dona meo multum vigilata labore,  
Et praemisfa tuis non magna exordia rebus.  
Impia prodigiis ut quondam exterruit amplis  
Scylla, novosque avium sublimis in aëre coetus  
Viderit.*

*Scaliger* ad v. 48. „ Hic ἀνακλῶσθαι est, & procul dubio aliquod „ magnum monitrum alit lectio. „ Legit autem, plaudente *Barthio*:

*prodigiis ut quondam exercita amoris;*

hoc est, amore prodigioso. Sed, minore mutatione facta, corrigendum est: *prodigiis exterrita.* *Ovidius Metam.* IV, 487.

monstris exterrita conjux,

*Territus est Atamas.*

*Virgilius Aen.* III, 307.

*magnis exterrita monstris.*

Nec aliter *Valerius Flaccus*, & *Statius* loquuntur. v. *Marklandus* in *Epist. Crit.* p. 119. *Quintilianus* l. O. I, x, 47. ne velut prodigio divinitus facto militum animi terrerentur. *Suetonius Aug. c.* 94. prodigium factum publice, quo denuntiabatur regem P. R. naturam parturire: senatum exterritum censuisse. *N. Heinsius* autem pro,

pro, *amplis*, conjiciebat: *exercita diris*, vel *miris*: ego non habeo, quod liqueat. Posterius tamen magis placet, fortassequia & nobis in mentem venit.

v. 94.

*Pierides, quarum castos altaria postes  
Munere saepe meo inficiunt, foribusque hyacinthi  
Deponunt flores, aut suave rubens narcissus,  
Aut crocus alterna conjungens lilia caltha:  
Sparsaque liminibus floret rosa.*

Quis unquam sic locutus est? *hyacinthi* deponunt flores *in templi foribus*. Aut vehementer fallor, aut vere correxi:

*foribusque hyacinthi*  
Dependent flores, *aut suave rubens narcissus*.

Ovidius Metam. VIII, 722.

*equidem pendentia vidi*  
Serta *super ramos, ponensque recentia dixi*.

& IV, 759.

*Sertaque dependent tectis*.

Similiter autem librarii confudere, *suspendit*, & *supponit*, in *Claudiani* libris in Eutrop. I, 208. *pendere*, & *ponere* v. 204. & *inpendit*, & *apponit*, de Mall. Conf. v. 66. *Hyacinthi* vero *flores* poëta dixit, ut *Horatius* Carm. II, 111, 13.

*nimum brevis*  
Flores *amoenos ferre jubes rosae*.

&, quem toties imitatur, *Catullus* Carm. LX. de N. M. v. 6.

*Cinge tempora floribus  
Suaveolentis amaraci*.

Nec aliter conjecit Criticorum princeps *N. Heinsius*, cujus optimas correctiones cum meis fere congruere video.

v. 129.

*Nec vero haec vobis custodia vana fuisset ,  
Nec fuerat : nisi Scylla novo correpta furore ,  
Scylla patris miseri patriaeque inventa sepulcrum ,  
O nimium cupidis si non inbiasset ocellis .*

Si diligenter haec attendamus , deesse nomen ejus , quem Scylla cupidis ocellis inhiaverit , intelligimus . Itaque *N. Heinſius* legēbat :

*Minoem cupidis si non inbiasset ocellis .*

v. Syll. Ep. *Burm.* T. iv. p. 162. ubi *Tollium* , qui eandem correctionem adhibuerat ad *Anſon.* Prof. p. 148. a se sumsisse dicit . Idem mihi in mentem venerat : sed cum poetas refugisse viderem a quarto casu *Minoem* , nec versum sic correctum cum praecedentibus congruere ,

*(nisi Scylla novo correpta furore ,  
Scylla patris miseri patriaeque inventa sepulcrum ,  
Minoem cupidis si non inbiasset ocellis.)*

mox aliam viam secutus ad id , quod quaerebam , facile perveni . Patuit enim commodius legi posse :

*nisi Scylla novo correpta furore ,  
Scylla patris miseri , patriaeque inventa sepulcrum ,  
O nimium cupidis Minoi inbiasset ocellis :*

in qua correctione manifesta vestigia praeae lectionis apparent . Nunc video mecum facere *N. Heinſium* . Sic enim vir eximius in brevibus notis : „ Lege : *Minoem cupidis si non inbiasset ocellis* : vel , *Minoi heu cupidis* . Sublegit mihi *Tollius* ad *Anſon.* „ p. 148. Sic infra , generum *Minoi* declinatione Graeca . f. O „ *nimium cupidis Minoi* .

v. 224.

*Et simul , o nobis sacrum caput , inquit , alumna .*

Vereor , ut alumna sacrum nutritici caput dici queat . Itaque malim trajecta litera corrigere , nobis eorum caput . Nihil usitatius , ac tritius . *Valerius Flaccus* II, 404.

Carius

Carius o mihi *patre* caput.

IV, 24.

*Stansque super carum tales caput edere voces.*

Ipse *Virgilius* Aen. IV, 354.

*Me puer Ascanius, capitisque injuria cari.*

Voces autem permutari *Burmmanus* ostendit ad *Ovid. Metam.* III, 156. Addo *Senec. Troad.* v. 643.

*Hinc gnatus, illinc conjugis cari cinis.*

ubi codex Flor. ultima vocis antecedentis litera pariter geminata, *conjugis* facri. Similiter *N. Heinsius* in *Silii* lib. VIII, 71. pro,

*Ecce autem Aeneas, sacro comitatus Julo,*

*caro* reponebat; ut in *Senecae Thyesta* v. 93.

*monco, ne cara manus*

*Violate caede:*

& *Phoenissis* v. 277.

*nemo sine caro feret*

*Illud cruore:*

pro *sacra caede*, &, *caro cruore*. v. *Advers.* p. 36, 37, 52. Hinc autem liquet librariorum consuetudinem fuisse, ut *carum* in *facrum* mutarent.

v. 225.

*Non tibi nequicquam viridis per viscera pallor*

*Ignotas tenui suffudit sanguine venas:*

*Nec levis hanc faciem (neque enim pote) cura subegit.*

*Haud fallor, quod te potius Rhamnusia fallit.*

*Nam qua te causa &c.*

In v. 228. mendum latere omnes intelligunt. Itaque *Nicol. Loënsis* Epiph. Misc. VIII, 26. corrigebat:

H 2

quod

quod te *potius Rhamnusia* fallat.

*Josephus* autem *Scaliger* veterem lectionem probabat :

*Haud fallor : quod te potius , Rhamnusia , fallar .*

„ id est , inquit , quod potius te precor , *Rhamnusia* , ut fallar .  
 „ sic , te , *Neptune pater* . eleganter subticetur , *precor* . „ Sed  
 sibi habeat istas elegantias : ego legam :

*Haud fallor : quod ut o potius , Rhamnusia , fallar !*

Pro multis argumentis est appositus , & similis ipsius poetæ locus  
*Aen.* x, 628.

*aut ego veri*  
*Vana ferar , quod ut o potius formidine falsa*  
*Ludar , & in melius tua , qui potes , orsa reflectas !*

Nam , *fallar* , MS. Basil. firmatur , qui , *fallor* , exhibet . *Heinsius* , ut nunc video , tentabat :

*Haud fallor : atque o potius , Rhamnusia , fallar !*

sed hanc correctionem nemo nostræ præferet , maxime si valde placuerit ingeniosissimi *Marklandi* sententia pro , *Rhamnusia* , scribendum putantis , *Amathusia* , ad *Stat. Sylv.* V, III, 258.

v. 297.

*Atque utinam Cereri , nec tantum grata Dianæ*  
*Venatus esces virgo sectata virorum ;*  
*Cnosia neu Partbo contendens spicula cornu*  
*Dictæas ageres ad gramina nota capellas :*  
*Nunquam tam obnixè fugiens Minoïs amores ,*  
*Praeceptis aërii specula de montis abisces.*

Primi versus haud dubie mendosi sunt . Nam *Diana* , non autem *Ceres* , venationis habebatur studiosa . *Taubmannus* quidem sic explicat : „ *Utinam non tantum Dianam tibi demeruisset* , sed &  
 „ *Cererem* , quæ te forte in alio negotio detinuisset , ne dum  
 „ venatui indulges , quæ virorum partes sunt , a *Minoë* conspe-  
 „ cta , & infeliciter amata fuisset : „ sed hæc , „ quæ te forte

in alio negotio detinuisset, „ in *Virgilio* frustra quaeras. Mihi corrigendum videtur:

*Atque utinam celeri non tantum grata Dianae  
Venatus eses virgo sectata ferarum.*

*celeri* debemus *Aldo*, & margini *Pith.* ed. in quo legitur itidem, *non tantum*. Illud autem confirmat *Ovidius* *Metam.* iv, 304.

*Solaque Naiadum celeri non nota Dianae:*

*venatus* vero *ferarum* *Silius* viii, 317.

*Haud illo levior bellis Vestina juventus  
Agmina densavit venatu dura ferarum.*

Nam *f* & *v* facpissime commutantur in MSS. codicibus. v. *Drakenb.* ad *Liv.* XXI, 11, 4. Pariter autem librarii, *feras*, in, *viros*, mutarunt in *Manil.* v, 180.

*Et Calydonea bellantem rupe puellam,  
Vincentemque viros; & quam potuisse videre  
Virgine majus erat, sternentem vulnere primo:*

quod non animadvertens *Bentlejus* huc illuc fluctuat: „ *quam* *feram*, *belluam*, vel, si mavis, *quem* *aprum*, vel *quod* *monstrum* —: „ quae *nauci* non sunt. Nec enim *ferri*, nec intelligi potest: *puella vincit viros*, & *sternit*, *quam*, *quem*, quod

*potuisse videre*  
*Virgine majus erat:*

id est, *feram*, vel *aprum*, vel *monstrum*. At facilis & perspicua est correctio sagacissimi *Marklandi* ad *Stat. Sylv.* I, 1, 65.

*Vincentemque feras, & quam potuisse videre  
Virgine majus erat, sternentem vulnere primo.*

vel illud, *quam*, docere poterat *feras* praecessisse. Contra, *feri*, pro, *viri*, mendose legitur in quibusdam libris MSS. *Proptertii* II, v, 16.

Caeterum *celeri* placuit itidem *N. Heinsio*, qui, monente ad *Ovid. l. c. Burmanno*, legebat:

*Atque utinam celeri ne tantum grata Dianae  
Venatus esjes virgo seclata virorum.*

Sane illud, *utinam ne*, elegans est dicendi modus: sed in locis *Ennii* p. 167. & 212. aliorumque verbum nullum, ut hic, *celeri*, interponitur. Quare praefereendum videtur: *utinam c. non* tantum g. D. Sic autem *Cicero* locutus est. Quo sensu vero Criticus nobilis ceperit, *venatus virorum*, non liquet. Si putaverit puellam cum viris, Atalantae more, venatum ivisse, falsus est. Comes enim Dianae, virginis castissimae, congressus virorum fugiebat. *Anton. Liberalis* c. 40. *ἄντη φούρεα τὴν ἐμυλίσαν τῶν ἀνδράπων ἡγάγεον διὰ παρθέτου ἑναι.* v. *Meurs.* in *Creta* p. 304. *Heinsius* quoque adscripserat in notis ineditis: possis &, *Veneri*. Idem conjecit antea *Barthius*, & exhibuit *Parrhasius* in *Quaest. per epist. xxx.* Et sane *venari*, & *venatus* a bonis scriptoribus sic usurpantur. v. *Interpr. Phaedri* IV, iv, 4. & *Burm. Anthol. T. i. p. 390.* Voces autem confundi patet ex *Heins.* ad *Ovid. Am. III, x, 47.* & *Maximiniani Eleg. i, 163.*

*Nec Veneris sunt grata mihi, nec munera Bacchi.*

nam *Hithofus* *Encaen. Crit. p. 315.* vere restituit, *Cereris*. Sed quam matri decorum sit, optare castissimae Dianae comiti, ut venetur viros, viderint prudentiores.

v. 333.

*Quod si non alia poteris ratione parentem  
Flectere: sed poteris: quid enim non unica possis?  
Tunc potius tamen &c.*

Atqui nullam rationem memoravit. Quis est itaque, qui legero dubitet, *aliqua*, vel potius, quia vocabulum v. 331. praecedat,

*Quod si non ulla possis ratione parentem  
Flectere?*

v. 378.

*Verum*



*Verum ubi nulla movet stabilem fallacia Nisum,  
Nec possunt homines, nec possunt flectere Duci.*

Similiter in *Livii* lib. IX, xxix, 2. *Nec erat ea tempestate gens alia, cujus arma terribiliora essent*, alii codices habent, aliqua; alii, ulla. v. *Drakenb.*

v. 416.

*Vinctane tam magni tranabo gurgitis undas?  
Vincta tot assidue pendebam ex ordine lucas?  
Non equidem me alio possum contendere dignam  
Supplicio: quod sic patriam, carosque penates  
Hostibus, immitique addixi ignara tyranno.  
Verum esto. haec, Minos, illos scelerata putavi,  
Si nostra ante aliquis nudasset foedera casus,  
Facturos: quorum direptis moenibus urbis,  
O ego crudelis flamma delubra petivi:  
Te vero victore prius vel sidera cursus  
Mutatura suos, quam te mihi talia captae  
Facturum metui.*

Sic v. 421. nunc exhibent *Scaligerum* secuti, qui exponit;  
„ *ὁμοῦ ἐστίν*. Nimis inepta fui, fateor, o Minos, quae putarim  
„ Deos haec mihi facturos, hoc est, in hoc scelere opem mihi  
„ laturus, quorum delubra ego hostibus diripienda; & incendenda tradidi.  
„ sed vir summus longissime aberravit a perspicua poetæ sententia, quam *Barthius* adolescentulus vidit illos interpretatus *Scyllae* parentes & cives. Quis autem illud, *verum esto*, sic positum ferre potest? In pervulgatis ante libris invenitur: *verum est hæc*, vel, *est hoc*: in MS. *Basil.* *verum est hoc*. Scribendum nempe parva mutatione facta:

*Verum isthæc, Minos, illos scelerata putavi  
Facturos:  
Te vero victore prius vel sidera cursus  
Mutatura suos, quam te mihi talia captae  
Facturum metui.*

*Catullus*, quem persæpe *Virgilius* in hoc poemate sequitur, *Carm.* LXVI, 36. & 42.

*Dixerit*

*Dixerit hic aliquis : Quî tu isthac , Janua , nosti.*

I hæc autem frequens imitatio facit , ut suspicer v. 448. leviter esse corrigendum :

*Jam fesso tandem fugiunt de corpore vires :*

pro, *fesæ*. sic enim Catullus de N. P. & T. v. 189.

*Nec prius a fesso secedent corpore sensus ;*

& ipse Virgilius Aen. IV, 522.

*Placidum carpebant fessa soporem*

*Corpora per terras.*

Eadem docet Heinsum , Graevium Syll. Burm. T. iv. p. 238. p. 242. & 243. & ante eos Barthium Adv. x, 12. & Jac. Nic. Loënsen Misc. Epiphyll. viii, 23. ex edito Leopardi libro recte v. 11. correxisse :

*Et leviter blandum liceat deponere amorem.*

Nam sic poëta Veronensis Carm. Lxxv, 13.

*Difficile est longum subito deponere amorem.*

Quo magis miror in mentem venisse viro cuidam doctissimo tentare :

*Et leviter blandum liceat deponere honorem :*

quasi de tyrocinio , quod *poni* & *deponi* dicitur , Virgilius loqueretur.

v. 459.

*Labitur interea revoluta a litore clasfis.*

Legendum videtur : *resoluta*. Mecum facit Heinsius.

v. 469.

*Et notas secum , heu frustra , respicit Athenas.*

*Jam procul e fluctu Minœa respicit arva ,*

*Florentisque*

*Florentisque videt jam Cycladas hinc Strophadasque.  
Hinc finis, hinc statio contra patet Hermionaea.  
Linguitur ante alias longe gratissima Delos  
Nereidum matri, & Neptuno Aegaeo.  
Prospicit incinctam spumanti litore Cythnon,  
Marmoreamque Paron, viridemque adlapsa Donyfam:  
Aeginamque simul serpentiferamque Seriphon  
Fertur, & incertis jaçtatur ad omnia ventis.*

Describitur iter Minois cum Scylla Megaris per Aegaeum mare Cretam navigantis. Quivis itaque, veteris Geographiae non imperitus, videat in his versibus non tantum insulas confuse & permixte dispersas esse, sed etiam memorari, quas Scylla, nave cursum tenente, nec praetervehi nec spectare potuerit. Dicat aliquis, navem crebra ventorum mutatione toto mari huc illuc jaçtatam fuisse, idque colligi ex v. 478.

*incertis jaçtatur ad omnia ventis:*

mihî negligentia poetæ videtur de verbis magis, quam de rebus, earumque ordine, laborantis. In simili quidem descriptione similia peccavit Statius Achill. II, 1.

*Jamque per Aegaeos ibat Laërta fluctus  
Puppis, & innumerae mutabent Cycladas auras.  
Jam Paros, Olearosque latent. jam raditur alta  
Lemnos, & a tergo decrescit Bacchica Naxos,  
Ante oculos crescente Samo: jam Delos opacat  
Aequor:*

in quibus versibus jam doctissimo *Wesfelingio* Lemnos Cycladibus immixta displicuit ad *Antonini* Itin. p. 528. sed gravius peccatum vidisset, si navigationem Ulyxis, & Diomedis, Aulide (I, 447, 491.) versus Seyron (II, 18.) proficiscentium, describi cogitasset, a quibus locis insulae, *Peros*, *Olearos*, *Naxos*, *Samos*, & *Lemnos* longe remotae sunt. Fuere tamen, quibus haec valde arriderent. Sic enim *Barthius* ad v. 1. „ In hac autem in-

„ fularum Aegaei descriptione incredibilem ingenii Papiniani fe-

„ licitatem agnoscit; eamque magna jucunditate ad tabulas do-

„etorum hominum industria concinnatas referendam bene omni-  
 „no judicat Nicolaus Gerbelius, praefatione Illustratae Grae-  
 „ciae, qui & imitationem Maronianam in his versibus indica-  
 „vit. „Quamvis vero *Virgilius* in hac insularum enumeratio-  
 „ne negligenter versatus esse videatur, nunquam tamen adducar,  
 „ut eum scripsisse credam,

*Florentisque videt jam Cycladas, hinc Strophadasque.*

Nam *Strophadas*, in Jonio mari sitas, ne Lynceus quidem, *Mega-*  
*ris* Cretam navigans, videre possit. Quid? quod *Seylla* dici ne-  
 quit *Cycladas*, & *Strophadas*, a se longissime remotas, eodem tem-  
 pore spectasse. Aut nihil in arte Critica certum est, aut poeta  
 scripsit:

*Florentisque videt jam Cycladas hinc, Sporadasque.*

Has enim scriptores conjungere solent, ut *Dionysius* Perieg. 525,  
 530. *Strabo* II. p. 186. x. p. 727. p. 742. p. 748. *Agathem.* I,  
 5. *Dicaearchus* p. 26. ed. *Hudf.* *Ampelius* c. 6. *Solinus* c. xi. *Pli-*  
*nius* IV, 22. p. 214. & ipse *Virgilius* Aen. III, 123. referens iter  
*Aeneae* relicta Delo Cretam petentis:

*Linquimus Ortygiae portus, pelagoque volamus,  
 Bacchataeque jugis Naxos, viridemque Donumam,  
 Olearon, nixamque Paron, sparsasque per aequor  
 Cycladas, & crebris legimus freta constita terris:*

ubi viridem Donumam, Paron, Cycladas, & Sporadas pariter con-  
 junctas videmus. Quid? quod de nonnullis insulis inter ipsos scri-  
 ptores disensio est, utrum inter Sporadas, an Cycladas referri de-  
 beant. v. *Eustathius* ad *Dionys.* v. 525, 530. & *Cellar.* G. A. II,  
 XIV, 159. Quid? quod *Priscianus* v. 130. Cycladas habet, ubi  
*Dionysius* v. 132. Sporadas. Quid? quod *Donumam* Mela, *Plinius*,  
 & *Eustathius* ad *Dionys.* v. 530. inter Sporadas numerant. Ete-  
 nim pro, *Novae*, *Posidius* ad *Mela*, & *Holsenius* ad *Steph. Byz.*  
 p. 102. reponunt, *Antiochia*. Videntur autem libra II *Sporadas*, in  
*Strophalas*, sibi notiores, mutasse, ut in *Mart. Capella* lib. VI. p.  
 213. ed. *Gret.* In *Myrtoe* autem mari *Cyclades* — Item *Strophas-*  
*des*,

*des, quarum Naxos Homeri sepulcro veneranda: quippe res ipsa, & Plinius IV, xxii. a quo negligenter sua descripsit, ostendunt corrigendum esse: Sporades. Nec aliter verba profert Salmas. ad Solin. p. 126. A Graeca tamen voce non refugere Mela, Plinius, Priscianus v. 550. & Avienus D. O. v. 190, 710.*

*Hinc Sporades crebro producant cespitem sese,  
Densa serenato ceu splendent sidera coelo:*

uti correxit *Witthofius* Spec. *Guntner.* p. 156. ignorans edit. *Madrit.* & *Hudson.* sic habere. *Sporadas* etiam *Burmanno* placuisse nuper ex notis ineditis intellexi. Sic enim vir eximius: „*Strophadasque*] Illae in Jonio. Leg. *Sporadasque.* „ Nec aliter, ut forte quadam fero vidi, dedit *S. Henr. Petri* in libris Basileae vulgatis A. 1613. & 1586. nulla tamen mentione correctionis facta. An *G. Fabricio* tribuenda est, qui Basileae A. 1547. & sequentibus *Virgilium* edidit? Ejus quidem praefationem A. 1547. scriptam *S. H. Petri* addidit. In aliis vero libris nihil tale reperitur. *Strophadas* enim dedere *Scaliger*, *Pitboeus*, & *Heinsius*; *Stropadas* autem, ut indicavit *Burmannus*, V. C. Vicet. A. 1479. Brixient. 1485. Ven. 1487. *Ald.* vero, & *Rob. Steph.* 1540. hinc *Venus* illi.





## C A P V T I V.

*Horatii quorundam loca correcta. Jurisconsulti cautores, non autem caupones dici quunt. Provisus cautor. Dubitatum de loquendi genere, divitias & acervos aeris rure, pro curare. Sinere, construere, & exstruere divitias, & nummorum acervos. Exstructi morientum acervi. Pindarus, quem Thebanum vocant, emendatus. Que recte excipitur voce, cujus primae literae sunt str. Rure, & struere confunduntur. Opprobria in aliquem fundere. Inleque. Disquisitio de verbis, uterque Poenus serviat uni. Poeni distinguuntur a Phoenicibus. De locis Manilii, Ciceronis & Plinii. Gaditani vocantur Poeni. Uterque pontus.*

Cum multi vel potius innumerabiles interpretes *Horatii* scripta commentariis illustrassent, aut correxissent, exortus est tandem *Bentleyus*, qui partes editoris & Critici sic implevit, ut ipse *Burmamnus* judicaret, „ a renatis literis non utiliore cuiquam „ poëtae operam fuisse impensam, neque certas magis & vi de „ monstrandi commendabiles emendationes a Critico quoquam pro „ latas. „ Et tamen adhuc plurima reperias loca, quae menda contineant, aut difficiles habeant explicatus. Fatebuntur hoc omnes, qui consideratum scriptorem diligenter, & attente legerint. Fateri certe non erubuit *Marklandus*, ad quem nunc primas Britannii deferunt. Sic enim Criticus, optime pariter de *Venulino* vate meritis, in *Explic. Veter. Aliq. Auctor. p. 261.* „ in *Horatio*, post „ omnia, quae in eum scripta vidi, innumera sunt, quae non intelligo. In toto opere vix una est Ode, Sermo, vel Epistola, „ in quibus hoc non sentio, dum lego. „

Operae itaque pretium erit paucas de multis emendationes in hoc opus consicere, caeteris in aliud tempus reservatis.

Initio *Sat. 1. lib. I.* quatuor inducuntur hominum genera, qui, non contenti suis rebus, alienas laudent, miles, mercator, jurisconsultus, & agricola:

*O fortunati*

*O fortunati mercatores, gravis annis  
 Miles ait, multo jam fractus membra labore:  
 Contra mercator, navem jactantibus Austris,  
 Militia est potior.  
 Agricola laudat juris legumque peritus,  
 Sub galli cantum consultor ubi ostia pulsat.  
 Ille, datis vadibus qui rure extractus in urbem est,  
 Solos felices viventes clamat in urbe.*

Iidem eodem ordine memorantur v. 16.

*eris tu, qui modo miles  
 Mercator: tu consultus modo, rusticus.*

Illis autem facete & urbane irrisus hoc modo pergit *Horatius*:

*Ille gravem duro terram qui vertit aratro,  
 Perfidus hic caupo, miles nautaeque:*

ubi jurisconsulto bis antea memorato praeter expectationem caupo substituitur. Aut igitur jurisconsultus hic *caupo* vocatur; aut *Horatius* in locum jurisconsulti cauponem substituit; aut turpe mendum in ea voce latet: at nemo repertus est, qui jurisconsultum vocaret *cauponem*; nam quivis videat plurimum differre illud apud *Ennium*,

*Non cauponantes bellum, sed belligerantes;*  
 atque illud apud *Claudianum*,

*Insitor imperii, caupo famosus honorum:*

nec *Horatius* in locum jurisconsulti *cauponem* substituit; nam pronomen demonstrativum *hic* satis indicat hominum genus ante inductum memorari: *cauponis* autem mentio facta non est: nec poeta consideratissimus tam negligenter & inconsiderate scribere potuit, nec tam subito oblivisci, quod paullo ante posuisset; ut nunc omitam, poetas in praecipuis hominum studiis & artibus nunquam *cauponias* numerare; nec *caupones* in eos commode referri, qui se magnis in laboribus exerceant,

*ſenes ut in otia tuta recedant:*

turpe igitur mendum in voce, *caupo*, latet. Id autem primus vidit *Marklandus*; ſed parum feliciter (pace Critici magni, & amabilis dixerim) corrigere conatus eſt. Quis eſt enim, cui perſuaderi poſſit ſub verbis, *Perfidus hic caupo*, latere, *Cauſidicus caſer hic*? Equidem vereor, ne Criticae non initiatis ridendo verum dixiſſe viſus ſit, cum „ Deo Riſui ſacra ſe facere „ ſcriberet Epist. Crit. p. 7: nullus autem dubito, quin reponi debeat,

*Perfidus hic cautor.*

Quis enim nescit jurisconfultos proprie dici ſuis clientibus & conſultoribus *cavere*? Pervulgati ſunt, & in ore multorum verſus *Ovidii*,

*Illo ſaepe loco capitur conſultus amore,  
Quique aliis cavit, rix cavet ipſe ſibi.*

Quid? quod *Cicero* jurisconfultos appellavit *cautos*? quid? quod nec ipſe nec *Plautus* a verbo, *cautor*, reſugit? Librariis tamen incognitum fuiſſe videtur, & ideo mutatum in uſitatus, *caupo*, quem *Flaccus*, ut alii, cum *nautis* conjunxit Serm. I, v, 4.

*nautis, cauponibus atque malignis.*

Erat itidem lapſus ab una voce ad alteram facillimus, quia compendia ſcripturae ſequebantur, & ſaepe *P* pro *T* ponebant. v. *Gronov.* Diatr. Stat. cap. 36. p. 232. laudatus a *Drakenb.* ad *Liv.* XXXVII, xv, 11. qui plura conſuſionis exempla ſuppeditat. Sic itaque, minima mutatione facta, quatuor hominum genera reducuntur, quae bis antea *Flaccus* memoravit, itemque *Prudentius*, cum ſecutus, Cathem. II, 41.

*Illum forenſis gloria,  
Hunc triſte raptat claſſicum,  
Mercator hinc ac ruſticus  
Avara ſuſpirant lucra.*

At enim *J. Jones*, Anglus, egregia deſenſione in notis ad h. l. nuper uſus eſt: „ Sic MSS. omnes; ex ductu literarum facit quidam:



dam: *Causidicus vaser hic*; quod ego improbandum censeo. At nū *juris* legumque peritus (v. 9. memoratus) hic per *cauponem* innuitur, *Horatius* characterem novum inducit, & quum prius nominarat quatuor, jam de tribus tantum disferit. Proscindit forsā quendam sui temporis causidicum, *causas* non agentem, sed *cauponantem*. Immo vero nihil ad argumenta *Marklandi* dixit, atque adeo nihil attulit, quo vulgata scriptura defendatur. Nec enim docuit jurisconsultum vocari *cauponem*; nec sensit, quatuor hominum generibus ubique memoratis, hoc uno loco certum hominem perstringi non posse.

At iniquum & indignum est, inquiet aliquis, juris & legum peritum vocari *perfidum cautozem*. Responderi posset, complures esse scriptores, in his *Appulejum*, & *Alumianum Marcellinum*, qui mentionem de causidiciis parum honorificam faciant, atque adeo *Senecam*, qui diversa hominum in urbibus viventium studia memoraret, eos graviter perstringere H. F. v. 172.

*Hic clamosi rabiosa fori  
Furgia tendens, improbus iras,  
Et verba locat.*

Sed, ut liberaliter agam, iusta causa non videtur, cur, quatuor hominum generibus ter memoratis, unus jurisconsultus uno loco poetæ iudicio notatus esse credatur. Statuant itaque juris & Criticæ periti, quid tribuendum sit huic conjecturae:

*Providus hic cautor.*

*Per*, &, *pro*, *f*, &, *v*, saepe; *fides* autem, & *vides*, interdum permutantur. v. *Drakenborchius* ad *Sil.* III, 622. & *Marklandus* ad *Stat. Sylv.* I, 1, 65. Quam bene vero *cautor* appelletur *providus*, ostendit consuetudo scriptorum, qui *providere* & *praecavere*, *cautos* *providosque*, & similia saepe conjungunt, & haec *Nasonis* Fast. II, 60.

*Cavit sacra provida cura Ducis.*

& ipsius *Horatii* Carm. III, v, 13.

*Hoc caverat mens provida Reguli.*

Serm.

Serm. II, v, 21.

*tu protenus, unde*  
Divitias, aerisque ruam, *dic, augur, acervos.*

Interpretes veteres, & quidam novi *ruam* sumunt pro, *eruum*. Sed quis unquam sic usurpavit *ruere divitias*, & *acervos aeris*? Aliis, *acervos ruere*, est, metiri, modio cumulos adaequare. v. *Cruquius, Pareus* in Lex. *Plant.* v. Ruere, *Vesfius* in Etym. v. Rutrum, qui *Scaligerum* fere sequuntur ad *Varron.* de L. L. iv. p. 58. Sed & huic similem loquendi modum desidero. Poëta quidem longissime diverso sensu dixit *Epist.* II, 1, 47.

*Dum cadat clusus ratione ruentis acervi.*

Quid? quod, *unde*, &, *divitias*, huic sententiae repugnant. Illud enim *Plauti* dissimile est *Rud.* II, vi, 57.

*Illic esse quaesitum maximum meretricibus;*  
*Ibi me corruiere posse ajebas divitias:*

nam notat, congregare. v. *Turneb.* Adv. xvi, 1. qui causam significationis exposuit. Differunt itidem, *ruere*, &, *corruiere*. Quapropter olim suspicabar *Horatium* dedisse:

*tu protenus, unde*  
Divitias, aerisque struam *dic, augur, acervos.*

Omnes enim norunt, quam trita sint Latinorum sermone, *struere rem, opes, thesaurum, divitias, construere, & extruere divitias.* v. *Petron.* cap. 84. de B. C. v. 85. *Pacat.* Paneg. cap. 26. *Anth.* *Burm.* p. 514. & *Douza* Comm. in *Horat.* cap. 5. Ipse *Horatius* *Carm.* II, iii, 19.

extructis in altum  
Divitiis *potietur heres.*

Et *Satyr.* II, iii, 96.

Divitiis *parent*, quas qui construxerit.

ubi v. *Dantejus*. Nec minus saepe dixerunt, *struere, construere,*  
&

& *exstruere acervum*. Varro de R. R. 1, 33. Cicero ad Att. 11, 2. Tibullus IV, 1, 134. & *Pindarus*, quem vocant Thebanum, v. 401.

*fugientibus ille*

*Instat, & exstructos morientum calcat acervos:*

ut olim pro, *exstinctos*, emendabam conjecturam secutus ex Ovidio ductam Metam. v, 88.

*Sternit, & exstructos morientum calcat acervos:*

ubi multi libri pariter habent, *exstinctos*: deinceps autem vidi conjecturam MS. codicis auctoritate confirmari. *Burmamnus* quidem, V. C. ad *Claud.* in Conf. Prob. v. 110. & *Ovid.* in hujus poetæ versu prætulit *adstructos* ex tribus libris: sed Latini sermonis consuetudine non probavit; *exstructos* autem *Pindarus* probat. Ipse *Moratus* Sat. I, 1, 34. loco perapposito:

*Parvula [nam exemplo est] magni formica laboris  
Ore trahit, quodcumque potest, atque addit acervo,  
Quem struit, baud ignara & non incauta futuri.*

Eodem pertinent loca *Calpurnii* Ecl. v, 113. *Silii* x, 548. *Senecæ* H. F. v. 1216. *Titruvii* 11, 8. & *Curtii* VIII, 14, 11. Si quis erit, qui dicat in his locis non agi de pecuniis, ei satisfacere poterit *Cicero* Philipp. 11, 38. *tanti acervi nummorum apud ipsum* construuntur; & *Loratus* Sat. I, 1, 44.

*At, ni id sit, quid habet pulchri constructus acervus:*

quibus testimoniis jam *Dentlejus* usus est ad Sat. II, III, 96. Illud autem præclare nostram correctionem confirmat, quod hæc librariorum consuetudo fuit, ut verba *ruere*, &, *struere*, confunderent. v. varias lectiones appositas *Virgil.* Aen. IV, 429. *Lucret.* IV, 405. & *Ovid.* Fast. IV, 534. Neminem vero movere debet, quod, *que*, sic excipitur voce, cujus primæ literæ sunt, *str*: etenim *Flaccus* a similibus non refugit Sat. I, III, 44.

*Si quod sit vitii, non fastidire: strabonem.*

& v, 35.

*Linquimus, infani ridentes praemia scribae.*

v. doctissimus *Lambinus* ad Sat. I, 11, 30.

Epist. I, xv, 28. de Maenio:

*Scurra vagus, non qui certum praesepe teneret,*

*Inpransus non qui citem dignosceret hoste;*

*Quaelibet in quocvis opprobria fingere saevus.*

N. *Heinsius* pro, *fingere*, legendum suspicabatur, *stringere*; *Cunningamus* autem fidenter edidit, *figere*. Utrumque *Jonesius* hac nota condemnat: „ Nil opus est, ut legas *stringere*; *figere* autem est ex solo typographi errore. „ Vellem causas attulisset. Mihi quidem parum placent conjecturae propterea, quod dubitari potest, an veteres dixerint, *opprobria stringere*, &, *figere in aliquem*. *Bentlejus* etiam censet *Heinsii* conjecturam non esse necessariam: pugnat autem pro recepta lectione *Tullii* & *Amiani* testimoniis, qui dixere, *crimina in aliquem fingere*. Majoris ponderis fuisset hoc *Ovidii*, poetam toties imitantis, *Heroïd.* XII, 177.

In faciem, moresque meos nova crimina fingis.

Sed haec non docent in usu fuisse, *opprobria in aliquem fingere*. Deinde scurrarum est non tam *fingere*, quam dicere *opprobria*. Quapropter in mentem venit suspicari poetam scripserisse:

*Quaelibet in quemvis opprobria fundere saevus.*

*Seneca* *Medea* v. 114.

*Festa* *dicax* fundat convicia *Fescenninus*.

*Ovidius*, imitator *Horatii*, *Metam.* XIII, 306.

*Neve* in me *stolidae* convicia fundere *linguae*  
*Admiremur eum.*

*Tacitus* *Ann.* VI, 42. simul probra in *Artabanum* fundebant; &, cuius auctoritate res conficitur, ipse *Flaccus* *Epist.* II, 1, 145.

*Fescennina*

*Fescennina per hunc invecsta licentia morem  
Versibus alternis opprobria rustica fudit;  
Libertasque recurrentes accepta per annos  
Lusit amabiliter : donec jam saevus apertam  
In rabiem coepit verti jocus.*

ubi *saevus* itidem *jocus* occurrit congruenter his verbis,

*opprobria fundere saevus.*

Voces autem permutari discimus ex *Latini Latini* Biblioth.  
Tom. II. p. 63. ubi ad Prop. IV, II, 63.

*potuisti fundere in usus,*

notatur: al. *ingere*.

Carm. I, VII, 5.

*Sunt, quibus unum opus est intactae Pallados arces  
Carmine perpetuo celebrare, &  
Undique decerptam fronti praeponere olivam.*

De versus ultimi lectione viri doctissimi inter se controversantur.  
*Erasmus* emendabat,

*Undique decerptae frondi praeponere olivam :*

in hanc autem opinionem Mss. libris repugnantem discescere *Lambinus*, *Marcilius*, *D. Heinsius*, *J. F. Gronovius* Syll. Epist. Burm. T. II. p. 554., *Dacierius*, alii. Sed eam rectissimis rationibus refellit *Bentlejus*, homo in primis acutus. „ Fatetur tamen *Gesnerus* se mal-  
„ le scripsisse, ut dedit *Erasmus*, quam, ut credere oportet libris,  
„ scripsisse *Horatium*: denique antiquam lectionem melius explica-  
„ tam fuisse a *Baxtero*. „ Nempe *Baxterus* explicabat: „ ubicun-  
„ que videt olivae folia, ea statim decerpit, & fronti suae praepo-  
„ nit; „ *Bentlejus* autem: „ ex eo argumento undiquaque exhausto  
„ coronam sibi poëticam quaerere. „ Et sane, licet *Britannus*  
*Aristarchus* clamet nihil in his esse, quod merito culpetur, aut  
morosissimi iudicis acumen reformidet, tamen interpretatio talis

est, ut plane ferri nequeat. Nam quis illi concedet, *unaique* notare posse, ex eo argumento undiquaque exhausto? quis *Horatianis* esse similia verba *Cicconis*: *Ut omni ex genere orationem aucuper, & omnes undique flosculos carpam ac delibem?* Si talis interpretandi licentia ducetur, nihil in prisca scriptoribus obscurum maneret. Quid? an poëta, celebratis Athenis, oleae ramum undique decerperet, cum in arce olea manere diceretur ab ipsa Pallade producta? Haec autem ratio valet itidem contra *Baxteri* explicationem, quam *Gesnerus Bentlejanae* praeferebat. In alia omnia *Sanadonius* discescit corrigere conatus:

*Carminē perpetuo celebrare, aut  
Undique decerptam fronti praepondere olivam:*

„ quae sic convertit: „ d'autres aiment a ceindre leur front  
„ de l'olive, qui immortalisa jadis tant de Héros aux jeux O-  
„ lympiques, & que tant de Poëtes ont vantée. „ Sed, ut alia non insequar, olivae sic positae nullus locus est inter Athenas, Argos, Mycenae, & alias urbes ab *Horatio* memoratas. Ne multa: lux & salus poëtae reddi potest hoc modo:

*Sunt, quibus unum opus est intactae Pallados arces  
Carminē perpetuo celebrare,  
Indeque decerptam fronti praepondere olivam:*

hoc est, ex Athenis celebratis, quae sempiternam in arce oleam, ab ejus praeside editam, tenere putabantur,

*decerptam fronti praepondere olivam.*

Perappositi sunt *Lucretii* versus ab *Horatio*, si *Bentlejum* iis abusum sequimur, expressi 1, 927. & IV, 3.

*juratque novos decerpere flores,  
Insignemque meo capiti petere inde coronam,  
Unde prius nulli velarunt tempora Musae.*

Pluribus verbis in re perspicua non utar. Creberrime autem voces, *inde*, & *unde*, confunduntur. v. *Drakenborch. ad Liv. XXXIX, xxxiii, 3.* Haec confusio causa corruptionis esse potuit,

tuit, praesertim in prima versus litera. Forsitan & illud, *indeque*, librarios aut inperitos correctores sic offendit, ut pro eo, quod magis usitatum esset, *undique*, reponerent, & adjecto, quod contextus carminis requireret. Ut ut est, veteres poëtae copulam, *que*, bisyllabis junxerunt *e* brevi terminatis. *Tullius* in secundo consulatus: (de Divin. I, 11.)

*Menteque divina coelum terrasque petesit.*

*Arat.* Phaen. v. 204.

*Ipseque caerulea contextus nube feretur.*

*Virgilius* Anth. *Burm.* p. 303.

*Cuncta, quibus gaudet Phoebi chorus, ipseque Phoebus.*

*Avienus Arat.* Progn. v. 274.

*Ipseque pone sequens radiorum luce carere.*

*D. O.* v. 63.

*Vix evecta dies illuminat, omneque late.*

v. 444.

*Incola Taurisci Scythia litoris, indeque rursus.*

v. 480.

*Tartesusque super suscollitur: indeque Cemps.*

v. 703.

*Tbresaque consurgit propter Samus. indeque rursus.*

v. 822.

*Vastius est Asiae diti caput, indeque sensim.*

v. 867.

*Atque Oretarum propter genus: indeque Achaei.*

*Lucanus* VI, 407.

*hinc maxima serpens  
Descendit Python, Cyrrhaeae fluxit in antra:  
Indeque Thesfalicae veniunt ad Pythia laurus:*

ut quidem liber *Turrian.* exhibet: in aliis enim *Inde* & ; in pervulgatis autem reperitur, *Unde* & . Trisyllabis itidem junxere. *Virgilius* Culice v. 304.

*Quae Trojae videre viri, videreque Graji.*

*Manilius* II, 479.

*Cernere ut inter se possent, audireque quaedam.*

Alia utriusque generis exempla ex *Tibulli* & *Propertii* carminibus adjungerem, nisi cuncta *Burmamnus* V. C. posuisset ad *Lotich.* p. 301.

Haec scripseram, cum, varias lectiones & doctorum conjecturas ab *J. Jonsio* notatas inspiciens, haec inveni: „Carm. „lib. I, VII, 6. omittitur & . 7. *Indeque decerptam, fronti, fonti.* „ Unde autem petita sint, penitus ignoro. Nam *Jonsius* plane sprexit, & *Erasmii* correctionem probavit: „*Decerptae frondi*, ut „simplicior lectio mihi maxime arridet. *Decerptam fronti* videtur „loco contraria. Num Latini dixerint, *fronti praepone*?, „Carm. II, II, 8.

*Latins regnes azidum domando  
Spiritem, quam si Libyam remotis  
Gadibus jungas, & uterque Poenus  
Serviat uni.*

De verbis, *uterque Poenus*, magna doctorum disensione certatur. Sunt autem quinque, nisi quae me forte fugiunt, sententiae.

Prima est *Reinesii* de *Lingua Punica* cap. II, 2. qui, vetera scholia secutus, „Phoenicas Asiaticos, & Africanos „intelligit.

Secunda *Turnebi* libr. xxx. Adv. cap. 5. qui vult *utrumque Poenum* significare Eoum & occiduum, qui sit Gaditanus.

Tertiam *Porphyriionis* *J. M. Gesnerus* sic ornavit: „*uterque Poenus*



„ *Poenus* accuratius forte a *Porphyrione* declaratur, tum qui Carthaginiem & Uticam habet in Africa, tum qui Gades condidit: ita erit epexegetis jucunda & erudita. Coloniae Carthaginiensis aliae in Hispania non excluduntur. „

Quarta est *Acronis* & Scholiastae *Cruquii*: „ Aliter. *Uterque Poenus*, quia alia fuit Carthago, in Africa condita a Didone, alia in Hispania ab Asdrubale, quam Spartariam vocant. „ Hanc autem *Dacierius*, & alii sequuntur: *Sanadonius* vero Carthaginiem Poenorum vult intelligi, quae nunc dicatur *villa Franca de Pauides* in Catalaunia. Sed Carthago Poenorum, quam *Plinius* III, iv. p. 141. memorat, est ipsa Carthago nova. v. *Cellar.* A. G. II, 1, 103. Veteris autem Carthaginis unus meminit *Ptolemaeus* G. II, vi.

Quinta est eorum, qui de Poenis „ ab utraque freti Herculei parte habitantibus „ intelligunt. Hanc fecit *Abr. Ortelius* in Thef. G. v. Bastuli: probavit autem *Lud. Nonius* in Hisp. cap. 8. Similis est fere ratio *Torrentii*: „ Tam is, qui in Africa, quam qui in Hispania est. Gaditana autem insula interjacet: oppositae enim Africae regiones a Poenis olim occupatae; „ & *Glareani*: „ illud autem, *uterque Poenus*, de imperio intelligo Carthaginensi & in Africa & in Hispania. „

Has sententias compluribus de causis probare nequeo. Et contra eos quidem, qui de Phoenicibus & Poenis accipiunt, facit, quod nemo, quantum scio, repertus est, qui rectis rationibus ostenderet, illos *Poenorum* nomine nuncupatos esse. Non me fugiunt haec *Salmasii* ad *Solin.* p. 936. „ Poeni origine sunt Phoenices, ut satis omnes sciunt. Graeci sane veteres *Φοινῆς* etiam videntur vocasse populos illos, qui aliis *Φοίνικες*. Nam idem prorsus *Φοινῆς*, & *Φοινῆξ*. — Non dubium inde nomen invenisse *Φοίνικας*, eosdemque antiquitus quoque appellatos *Φοινῆς*. Quod satis testantur in Africa Poeni, qui Phoenices fuisse, id est, *Φοινῆς*. „ Sed cum vir summus, & in Graecorum scriptis studiosus & multum volutatus, opinionem nullis exemplis probare potuerit, ea quaerenti reperta non esse patet.

Aperte tamen & ingenue confiteor tres me Romanos scriptores invenisse, qui *Salmasio* suffragari videantur.

Primus est *Cicero* de Republ. lib. 3. apud *Nonium Marcellum* p. 431. Poeni primi mercaturis & mercibus suis avaritiam & magnificentiam

*sicentiam, & inexplebiles cupiditates omnium rerum inportaverunt in Gracciam.*

*Alter Manilius I, 306.*

*Angusto Cynosurā brevis torquetur in orbe,  
Quam spatio, tam luce minor: sed iudice vincit  
Majorem Tyrio. Poenis haec certior auctor  
Non apparentem pelago quaerentibus oram.*

*Aratus enim, quem poëtae sequi solent, Phaen. v. 39.*

Τῇ δ' ἄρα Φοίνικες πίνυναι πέριπτοι θάλασσαν.

& v. 44.

Τῇ ἢ Σιδόνιαι ἰθύντατα ναυτίλουνται.

Sed dici posset poëtam nomina variasse, & pro Tyriis Carthaginenses, Cynosuram pariter sequentes, posuisse, praesertim cum nihil navigationibus horum nobilius esset. In *Ciceronis* autem loco *Phoenices* vulgo leguntur, quibus *Mercurns*, vestigia scripturae librorum Mss. *pione*, secutus, substituit *Poenos*, addens tamen: „ Potes etiam *Iones*, qui certe etiam Gracciam commercio corruperunt. „

Tertius est *Plinius* II. N. VII, (56) 57. *vehiculum cum quatuor rotis [invenere] Phryges: Mercatures Poeni*: nam *Scheffero* de Milit. Nav. I, 1. p. 10. & *Huetio* Hist. Comm. & Nav. Vet. cap. 8. & 15. *Poeni* sunt *Phoenices*, de quibus *Dionysius* Perieg. v. 907.

Οἱ πρῶτοι νήεσσιν ἐπαρήσαντο θαλάσσης,  
Πρῶτοι δ' ἐμπορεύς ἀλιθινὸν ἐμνηστάντο.

„ Sed vim, inquit *Harduinus*, asserunt orationi *Plinianae*, in qua de terrestribus tantum inventis nunc agitur, publicisque & longinquis per vehicula, de quibus proxime dictum est, mercaturis. „ Deinde *Plinius* v, (12) 13. haec inventa Phoenicum memorat: *Ipsa gens Phoenicum in magna gloria literarum inventionis, & fiderrum, navaliumque ac bellicarum artium*. Postremo, quod est maximi ponderis, nunquam *Phoenicas* vocat *Poenos*, sed distinguit, ut hoc ipso cap. 56. [*invenere*] *mercaturas Poeni*. [*invenisse dicunt*]

*cunt*] Phoenicas *balistam* & *fundam*. *Onerarias Hippus Tyrius invenit*, *lumbum Cyrenenses*, *cymbam Phoenices*: *siderum observationem in navigando Phoenices*: & III, 111. *In universam Hispaniam M. Varro pervenisse Iberos, & Persas, & Phoenicas, Celtasque & Poenos tradit.*

Cum constet igitur neminem perspicuis exemplis probasse, Phoenicas a Romanis scriptoribus uspiam *Poenos* esse dictos, atque adeo *Poenos* ab illis distingui, quivis videt, quæ tribuendum sit eorum sententiae, qui difficilia Venusini poetæ, Phoenicas nunquam *Poenos* vocantis, verba de Phoenicibus, & Carthaginienfibus, interpretantur.

A Gesnero V. C. faciunt hæc Horatii loca Carm. III, xvi, 29.

*Contractio melius parca cupidine*

*Vedigalia porrigam :*

*Quam si Mygdoniis regnum Alyattei*

*Campis continuem.*

& Epist. II, 11, 171.

*Quid tibi prosunt aut borrea? quidve Calabris*

*Saltibus adjecti Lucani?*

Nam vicinas regiones in his similiter conjungi videmus. Faciunt item, qui Citiacos, atque adeo Gaditanos, ex Phoenicia profectos, Poenorum nomine nuncupant. Cicero de Fin. B. & M. iv, 20. *Tuus ille Poenulus (scis enim Citiacos, clientes tuos, e Phoenicia profectos).* Sic enim correxere, pro, *Zenulus. Livius xxviii, 37. de Gaditanis: Suffetes eorum, qui summus est Poenis magistratus.* Cicero pro Balbo cap. 14. *Ignosco tibi, si neque Poenorum jura calles; id est, Gaditanorum.* v. Interpretes, & Huëtius Hist. Comm. & Navig. Vet. cap. 15. qui dubitat, utrum de Phoenicibus, an Gaditanis Horatius sit locutus. Erunt etiam fortasse, qui sic interpretentur *Avienum* D. O. v. 615.

*Barbara quin etiam Gades hanc lingua frequentat :*

*Poenus quippe locum Gadir vocat undique septum*

*Aggere præducto.*

& O. M. v. 267.

*Gadir hic est oppidum :  
Nam Punicorum lingua conscriptum locum  
Gadir vocabat ;*

& *Solinum* cap. 23. *Poeni lingua sua Gaddir, id est, septem nominant* : & *Plinium* N. II. IV, (22) 36. *nostri Tartesson appellant, Poeni Gadir, ita Punica lingua septem significante.*

Sed non probabile est ob unas Gades a Tyriis conditas *Horatium* dixisse,

¶ uterque Poenus  
*Serviat uni.*

Haec autem ratio valet etiam contra *Turnebum* ; valet itidem contra quartae sententiae patronos, qui de utroque Carthaginensi verba malunt accipere. Addit quidem *Gesnerus*, „ alias Carthaginensium colonias in Hispania non excludi : „ verum, si intelligendi, qui Gades condidere ; *Poeni*, qui Carthaginem & Uticam in Africa habent ; & coloniae Carthaginensium in Hispania, non video, qui in hos convenire possit ;

uterque Poenus  
*Serviat uni.*

Ab iis, qui Poenos, eorumque colonias in Hispaniam, maxime Baeticam, deductas intelligunt, stare dixeris cum alios scriptores, tum *Senecam* de Cons. ad *Helv.* cap. 6. *Tyrii Africam incolunt* : *Poeni Hispaniam* ; & praesertim *Plinium* III, (1) 3. *Oram eam universam originis Poenorum existimavit M. Agrippa.* Sed, ne plura, & hanc & caeteras interpretationes penitus evertit insolentia locutionis. In antiquis monumentis *utrique*, & *bini Aethiopes, utraque Armenia, utraque Frisiorum nationes, uterque Maurus, utraque Phrygia*, & *φύζες ἀμφότεροι*, occurrunt. At quis unquam incidit in *φύζες ἀμφότερες, utrosque Poenos, utrumque Poenum* ? Quid ? ne quidem dici potest *uterque Poenus*. *Uterque Maurus, φύζες ἀμφότεροι*, & *utraque Frisiorum nationes* dicuntur, quia duplex erat Mauritania, duplex item Phrygia, major & minor, & Frissi majores & minores : verum quis duas Poenorum regiones sic memoravit,

ravit, ut una major, altera minor appellaretur, aut alia ratione distinguerentur.

Cum itaque vulgata lectio tantum difficultatis habeat, & interpretes, maxime veteres, adeo fluctuent, ut nonnulli plures, easque contrarias & inter se pugnantes opiniones conjungant, probarem magis,

Uterque pontus  
*Serviat uni.*

Ad hoc autem conjectura raptus sum, cum versus *Horatianos* memoriter aliquando recitans, ipsa sententia duce, non aliter pronuntiarem. Sic vero poëtae quasi ex formula loquuntur. *Avienus* Phaen. v. 1078.

Oceano stellae circumvolvuntur utroque.

*Seneca* H. Oct. v. 1838.

*quaque purpureus dies*  
Utrumque clara spectat Oceanum face.

& v. 1902.

*Audiat ictus utraque Tethys.*

*Virgilius* in *Culice* v. 102.

Qua jacet Oceanum flammæ in utrumque rapaces.

& *Aen.* vii, 100.

*qua Sol utrumque recurrens*  
*Adspicit Oceanum.*

*Ovidius* A. A. i, 173.

Nempe ab utroque mari juvenes, ab utroque puellæ  
Venere; atque ingens orbis in urbe fuit.

*Catullus* Carm. xxxi, 1.

Peninsularum, Sirmio, insularumque

*Ocelle, quascunque in liquentibus stagnis,  
Mariusque vasto fert uterque Neptunus:*

ubi, *Neptunus uterque*, non est *marinus & palustris*, ut *Vulpius* interpretatur, sed *Ecus & Hesperius*, uti recte *Pärsératius* ad *Propert.* III. 9. p. 461. Nec aliter accipio verba *Nasonis*, quia sequitur:

*atque ingens orbis in urbe fuit.*

Adde, quod perspicuis exemplis *Senecae*, & *Maronis* ad eam interpretationem ducimur. Sed haec haec tenus. Inprimis autem correctionem firmat *Claudianus*, qui totum *Flacci* locum imitatione exprimens se, *pontus*, in suis libris invenisse ostendit, in *Ruf.* I, 196.

*Quo, vesane, ruis? teneas utrumque licebit  
Oceanum, laxet rutilos tibi Lydia fontes,  
Jungantur folium Cyri, Croesique tiaras:  
Nunquam dices cris, nunquam satiabere quaeestu.  
Semper inops, quicumque cupit.*

ubi, ne forte dubites, an scribenti carmen hoc in oculis, animoque versatum sit, vides verbum, *jungantur*, ex eodem sumtum, *Libyam remotis Gadibus jungas*, &, *Cyri folium*, petatum ex v. 17.

*Redditum Cyri folio Phraaten:*

illos enim sequor, qui lectionem MSS.

*folium Cyri, Croesique tiaras,*

praefereunt vulgatae,

*folium Croesi, Cyrique tiaras:*

quam *Venusini vatis* imitatio refutat. Accedit eodem *Nasonis*, eundem toties imitati, perappositus ad probandum locus *Metam.* XV, 329.

*Quid tibi barbariae gentes ab utroque jacentes  
Oceano numerem? quodcumque habitabile tellus  
Sustinet, hujus erit. pontus quoque serviet illi.*

Praeterea

Practerea *Witbofius* Praemet. Crit. p. 182. fimiliter curavit *Ovidium* Trift. III, XII, 51. pro,

*Hei mihi! jamne domus Scythico Nafonis in orbe?*  
*Jamque fuum mihi dat pro lare Poena locum?*

reftituens,

*Jamque tuum mihi das pro lare, Ponte, folum?*

Idemque, fub nomine *Claudii Civilis* latens, Obferv. Mifc. Nov. T. I. p. 136. vitiofiffimum ejusdem poëtae verfum (V, v, 31.)

*Confilium fugiunt caetera pene meum,*

fic emendavit:

*Confilio fugiunt aethera, Ponte, tuum:*

quae correptiones palmares, & oraculis Apollinis Pythii certiores ad noſtram confirmandam non parum adjuvant. Librarii voces itidem confuderunt in *Lucano* x, 475. ubi pro,

*non Pontus & inopia figna*

*Pharnacis,*

liber *Richel.* habet, *Poeni*, id eſt, *Poenus*. Omittimus enim, quod in *Horatii* Carm. III, xxiv, 4. pro,

*Tyrrhenum omne tuis & mare Apulicum,*

*Acron* & quidam codices ſubſtituunt, *Ponticum*; alii, *Punicum*.





C A P V T V.

*M.rita Broekhusii in Propertium. Ejusdem negligentia in variis editorum & scriptorum librorum lectionibus, conjecturisque & correctionibus Criticorum & Interpretum, ut Livineji & Pasferatii, notandis. Aliorum inventa sibi tribuit. Vastat serae. Broekhusius incertas & pravas multorum conjecturas in carminum Propertii contextum recepit. Indicantur vulgatae lectiones, quarum patrocinium Ti. Hemsterhusius suscepit. Broekhusius itidem pravos versuum trajectiones, a Scaligero factas, admisit. Disquisitio de trajectionibus. Conplura Propertii carmina non cobarent. De Vulpio, Auctoris Electorum Etonensium, N. Heinssii, Dorvilii, & Hemsterhusii meritis in poetam. Ejus liber primus aliquot locis emendatus. Perum & ignis pati. Adspice, ut veniant. Collustrare. Poetae ab oratione, quas aliunde pendet, ad absolutam transiunt. Meae sentire furores. Mea, tua. Rhythmus, N. t. Tyrrhena s. f. arena, non mutandus. Hercules ab Oetaeis rogis Hebe gavijus est. Statius imitatur Propertium. Duo Propertii versus trajecti. Non sic, nec sic, in oppositionibus conjungi solent. Scriptores, verbis ex uno versu in alterum trajectis, interdum commode sanantur. Teneri cortices. Versus Flori leviter curatus. Magni Camilli. Monitus fulminum. Motus penarum in aëre errantium. Lucanus imitatur Virgilium, versusque dimidius ab eo sumit.*

**I**N quo tempore *Propertius*, qui per multa secula latuerat, lucem vidit (vidit autem anno 1472.) bene de eo meriti sunt *Folscus, Beroaldus, Muretus, Canterus, Douzae, Livinejus, Scaliger, Pasferatius, Gebhardus, & Broekhusius*, qui pereruditis, & singulari lepore & festivitate conditis observationibus illustratum edidit. In iis enim vatis, cujus a teneris potissimum similis esse voluerat, reconditos sensus eruit; artificium carminis monstravit; imitandi vias, exemplorum copia de poeticis thesauris depromta, tradidit; & veteres & novos scriptores comparavit: deinde multorum pravas aut intempestivas correctiones refutavit; bonas autem rationibus firmavit & probavit: denique librorum scriptorum, quibus abundabat, auxilio saepe graviter laborantem poetam restituit; interdum solius ingenii viribus leviter aegrotantem leviter curavit. Quibus



Quibus meritis consecutus est, ut restitutor *Propertii* putetur, & observationes ab hominibus politis & elegantibus libentissime legantur, & honorifice praedicentur.

Non pauca tamen in laudato viro desideramus. Primum varias lectiones, quas in editis & scriptis libris invenit, negligenter annotavit; negligentius autem conjecturas & emendationes Criticorum, atque adeo vatis interpretum. Ne videatur hoc incredibile, supponemus exempla. *Joannes Livinejus* in notis, quas inchoatas reliquit, a *Gebhardo* demum vulgatas a. 1621., lib. I. Eleg. 11, 29. legit:

*Unica nec desit jucundis gratia dictis,  
Omnia quaeque Venus, quaeque Minerva probet.*

IV, 13.

*Ingenuus color, & multis decus artibus, & quae  
Gaudia sub tacita ducere veste licet:*

VIII, 13.

*Ut me defixum vacua patiaris in ora.*

ibid. v. 19.

*Et te felici —————*

II, 1, 3.

*Non haec Calliope, non haec mihi dicat Apollo:*

cui correctioni robur addunt *Boëthius* de Conf. Phil. I. M. 1, 3.

*Ecce mihi lacerae dictant scribenda Camenae,*

& ipse *Propertius* IV, 1, 133. atque adeo liber *Palatinus*, unde depromptam probat *Heins.* in Not. p. 677.

II, 58.

*& incedit vel Jove digna soror.  
Ut cum Munychias Pallas spatietur ad aras.*

XIX, 15.

*Qui nunc in tantum jactando venit honorem:*

quod & Guyeto placebat.

III, 11, 35.

*Haec hederae legit in thyrsos, haec carmina nervis  
Aptat; at illa manu texit utraque rosam:*

quod in mentem quoque Marklando venit ad Stat. Sylv. IV, v1,  
57. atque adeo reperitur in libris V. & Mosf.

III, 21.

*Pacis Amor Deus est: pacem veneramur amantes:  
Sat mihi cum domina praelia dura mea:*

quam correctionem lectoribus itidem proposuit ad Paneg. vii. p.  
340.

v, 7.

*Nam, dum te sequitur, primo miser occidit aëvo.*

ib. v. 41. Boscchi memorat emendationem, quam suam fecit Hein-  
sius Advers. p. 88:

*Ite, rates curvas lecti contexite causas.*

vi, 9. legit, Heinso probante:

*Quae mulier rabida jactat convicia lingua,  
Haec Veneris magnae volvitur ante pedes.*

ix, 46.

*Jura dare, & statuas inter & arma Mart:*

quo remedio Criticus laudatus itidem laboranti poetæ subvenien-  
dum putabat.

xvi, 25.

*Ille,*

*Ille, licet ferro cautus se condat & aere;  
Mors tamen inclusum protrahet inde caput.*

IV, 1, 73.

*Quo ruis imprudens? fuge dicere facta, Propertii?*

III, 13.

*Quae mihi deductae fax lumen praetulit, illa  
Traxit ab everso lumina nigra rogo.*

VI, 71.

*Candida nunc molli subeant convicia ludo:*

quod probavit *Heinsius*, qui *Guyetum* pariter emendasse notavit.

ib. v. 79. corrigit:

*Hic referat sero confectum foedere Partium:*

quod nec *Heinsium* fugit.

x, 19.

*Idem eques & frenis, idem et fuit aptus aratris:*

quod & *Guyetus* adscripserat.

xi, 49.

*Quamlibet auferas de me ferat urna tabellas:*

quae venusta conjectura firmatur excerptis Italicis, & *Guyeti*, *Heinsii*que consensu. v. Not. p. 760. Advers. p. 32. & Syll. *Burm.* T. iv. p. 227. ubi *Graevius* eandem valde laudat ab *Heinsio* suo repertam ratus. Idem *Livinejus* monet Eleg. xviii. lib. II. optime cohaerere cum superiore; & lib. III. Eleg. vi. versus valde perturbatos in ordinem redigit.

Omnēs hasce correctiones, quarum pleraeque magnis itidem Criticis in mentem venire, *Broekhusius* neglexit; qui frequenter ejusdem bene inventa partim libris, partim aliis, qui postea poetæ

manus admovere, tribuit. Etenim *Miraeus* in Elogiis refert notas ab adolescente scriptas esse, priusquam *Scaligeri* Castigationes & *Pasferatii* Praelectiones lucem vidissent: quod ipsius verbis confirmatur ad Paneg. vii. p. 340. „memini equidem, (quod nunc commodum mihi venit in mentem) observare etiam tum puer in *Properitio* emendandum videri. — „ *Scaligeri* quidem mentio fit p. 51, 55, 58, 131, 173. sed haec notis jam scriptis adjici potuit. ;

*Pasferatius* item, qui bonis libris usus est, ad lib. IV. Eleg. II, 1. diversam lectionem memorat:

*Qui mirare meas tot in uno corpore formas,  
Accipe Vertumni signa paterna Dei:*

quam merito *Guyetus* & *Heinsius* approbarunt; & ad III, 49.

*Omnis amor magnus, sed in apto conjuge major.*

ib. v. 75. rogat, an legendum?

*Cumque super sacros foeni flammantis aceruos  
Troscit imundos ebria turba pedes:*

quam correctionem *Guyetus* item libro adscripserat.

ib. v. 93. emendat:

*A dace Tarpeja mons est cognomen adeptus.*

Idem *Guyeto* visum. Nec dubitari potest, quin vulgatae lectioni, *Tarpejo*, praestet. *Basilius* autem, plaudente *Valpio*, corrigit, *A nece Tarpejae*.

vi I, 69. rogat, an legendum?

*Qua numerosa fides, atque aera recurva Cybeles.*

*Heinsio* placebant *cera incurva* Advers. p. 23.

vi I, 9. ex vet. libro profert:

*Turpis Aricina sonuit cum rixa tabernæ*

& v. 69.

*Lygdamus*

*Lygdamus ad plutei fulcra sinistra latens*

Eruitur:

quam pulcerrimam lectionem *N. Heinſius* auctoritate ſuorum librorum confirmavit p. 25.

Nihil tamen horum invenias apud *Broekhuſium*. Paris autem negligentiae exempla praelectiones in priores libros paſſim ſuppeditant; ſuppeditant item rudes *Guyeti* notae, in quibus tamen geminae latent, quarum nitor oculos *Heinſii* traxit.

Incredibilis vero negligentia non pauca dedit incommoda. Hinc enim factum eſt, ut interdum ſibi correctiones aliorum tribueret, ut hanc *Livineji* III, ix, 46.

*Jura dare et ſtatuas inter & arma Marſ;*

& hanc *Palmerii* III, xv, 2.

*Da mihi bacchato tela ſecunda pater;*

quam vir doctiſſimus ex codice *Peſſhii* protulit in Spicil. p. 186. Alias nunc omitto v. gr, I, viii, 9. Et te ſelici: & xx, 51. *monitus*, quas *Flamingius* ex ſchedis addidit. Hinc interdum quoque loca ab aliis feliciter correctæ corrumpit, ut IV, ix, 40.

*Quis facta Herculeae non audit fortia clauæ,*

*Et nunquam ad natas irrita tela feras:*

etenim ſiſenter in contextu poſuit *vatas feras*. Atqui nihil certius eſt *Pasſeratii* conjectura:

*Et nunquam ad vastas irrita tela feras.*

Hanc ſtat *Ovidius* Metam. 11, 194.

*Vastarumque videt trepidus ſimulacra ferarum;*

exhibent autem duo *Vossii* codices, ex quorum altero *N. Heinſius* Adverſ. p. 27. protulit ipſe tamen inopportune conatus emendare, *stratas feras*, & *Comel.* membranæ, quas toties memorat *Broekhuſius*, unde Auctor Elect. Eton. Maj. p. 173. in contextum bono judicio recepit. Erroris cauſa, quod librarii lineolam ſupra vocem, *vatas*, duxerunt, unde, *vatas*, quod habet Neap. codex apud *Heinſium*, & *natas*, profluxere.

Porro vir eximius in eo reprehendendus est, quod incertas & pravas correctiones in *Propertianorum* versuum contextum confidenter intulit. Hujus autem generis multa sunt exempla. Pauca dedit *Ti. Hemsterhusius* in *Observatis* in poëta, misfis ad *Mlamingium*, cum *Broekhusianam* editionem repetere pararet, in quibus id in primis egit, ut antiquas lectiones, a *Broekhusio* sine justa causâ rejectas, defenderet. Defendit autem vir magnus I, 1, 12.

*Ibat & hirsutas ille videre feras.*

ib. v. 31.

*Ios remanete, quibus facili Deus annuit aure.*

III, 43.

*Interdum graviter mecum deserta querebar.*

v. 46.

*Illa fuit lacrymis ultima cura meis.*

VI, 20.

*Et vetera oblitis jura refer fociis.*

VII, 1.

*Dum tibi Cadmeae dicuntur, Pontice, Thebae.*

VIII, 7.

*Tu pelibus teneris positas fulcire ruinas.*

XII, 9.

*Inciduae fuimus. num me Deus obruit? an quae caet.*

XV, 21.

*Conjugis Euaeae miseros clata per ignes.*

v. 26.

*Oblitos parce movere Deos.*

XVIII, 32.

*Sed qualiscunque es, resonent mihi, Cynthia, sylvae,*

*Nec deserta tuo nomine saxa vacent.*

XIX, 19.

*Quae tu viva mea possis sentire favilla.*

XX, 44.

*Innexus dextro plena trahens humero.*

II, 11, 49.

*Digna quidem facies, pro qua vel obiret Achilles,  
Vel Priamus, belli causa probanda fuit.*

VI, 11.

*Ab mea tum quales caneret tibi, Cynthia, somnos  
Tibia, funesta tristior illa tuba!*

X, 17.

*Quandocunque igitur vestros mors claudet ocellos.*

XIII, 49.

*Idistim' toto sonitus percurrere coelo?*

[IV, VIII, 85.

*Imperat & totas iterum mutare lacernas.]*

ib. v. 50.

*Fulminaque aetherea defluisse domo.*

XV, 21.

*Non tamen ut vastos ausim tentare leones.*

ib. 24.

*Stricto figere arcem calamo.*

XVIII, 59.

*pavonis caudae flabella superbae.*

XIX, 55.

*Sed tamen obstatam: teritur rubigine mucro.*

XXIII, 3.

*Tota erat in speciem Poenis digesta columnis.*

Nec dubitari potest, quin pleraeque defensiones sint justae. Idem jure rejicit caneret II, XIV, 7. *sublimine* XIX, 57. & durissimam, quam *Broekhusius* in contextum recepit, *Scaligeri* conjecturam II, 51.

*Carminaque aequaevis non putat esse suis;*

probat autem pulcherrimam *Volfi* restitutionem, a multis editam,

*Carminaque Erinnes non pulat aequa suis.*

conf. Jac. Wallius, poeta propter singulares virtutes, & Latini sermonis elegantiam legi dignissimus, ad Lyric. II, 11. Correctionem vero *Livineji* & *Scaligeri* II, VI, 15.

*Quod si Romanae comitarent castra puellae,*

praefert *Heinsianae*, quam *Broekhusius* recepit. Probat item, eundem timore, XVII, 70; et elegantissimam *Lipsii* conjecturam XXI, 36.

*Signa volutantes nec jacuisse duos.*

Nam politissimi *Rutgerfii* emendationem, quam divinam vocat, I, XXI, 48.

*Tum sonitum raptò corpore fecit: HYLA*  
*Cui procul Alcides iterat; responsa sed illi*  
*Nomen ab extremis sentibus aura refert.,*

minime felicem esse docuit *Dorvilus* Obs. Miscell. Vol. I. p. 134.

Maxime vero deliquit *Broekhusius*, quod, ne monito quidem lectore, cunctas *Scaligeri* traiectiones in contextu retinuit. Nempe *Scaliger*, cum primus vidisset, ut de se p. 191. praedicat, „ in secundo & ter- „ tio libro integras paginas & magnum numerum versuum loco „ luxata, „ licere sibi credidit, versus nonnullos in alia loca transferre, atque ex membris passim disiectis novas Elegias componere. Sed hanc licentiam Critici omnes uno ore damnarunt, in his *Ti. Hemsterhusius*, cujus hoc est gravissimum iudicium ad II, x-x: „ In hac autem Elegia constituenda, quod Principi Viro „ solenne est, mihi sibi indulgit *Scaliger*, & ante disjuncta, „ ordine sacis imperiose mutato, conjungere non veritus est: ego, „ tametsi laceras pluribus in locis & male cohaerentes *Propertii* „ reliquias ad nos pervenisse non dissiteor, huic tamen praecipiti „ consilio suffragari nequeo, nec dubito, quin, si vir maximus „ longius ad deliberandum spatium sumsisset. (nam se ne mentem quidem integrum in hosce tres poetas impendisset nobis im- „ putat) plurima multo aliter digestisset. „ Mili quidem permul-  
 ta



tae versuum trajectiones ab eo factae videntur damnandae, propterea quod iis admisis series rerum sententiarumque plane perturbatur, ut lib. II. Eleg. XIX, & XXIII. cui simile carmen si quis nunc scriberet, sensu communi carere diceretur. Jure igitur *Tulpius* in novissima poëtae editione, ut ante in *Tibulli*, trajectiones *Scaligeri* non exhibuit. Vellem tamen modum servasset in eo vellicando, nec trajectiones flagitia vocasset ad II, 1, 43. Peccavit, fateor, quod incertas & perspicue fallas trajectiones in contextu fidenter exhibuit: sed idem satis digne laudari non potest, quod haec arte toties salutem poëtae dedit. In pervulgatis enim scriptisque libris passim reperias elegiarum membra confuse & permixte dispersa, ut II, II, 1.

*Liber eram, & vacuo meditabar vivere lecto;  
At me composita pace fefellit Amor.  
[Cur haec in terris facies humana moratur?  
Jupiter, ignoro pristina furtiva tua.  
Fulca coma est.*

III, 41.

*Si quis vult fama tabulas anteire vetustas,  
Ilic dominam exemplo ponat in arte meam.  
Sive illam Hesperitis, sive illum ostendet Eöis,  
Uret & Eöös, uret & Hesperios.  
[Ilis saltem ut teneat jam finibus: aut mihi si quis,  
Acrius ut moriar, venerit alter amor.]  
[Ac voluti primo taurus detrectat aratra.]*

VI, 1.

*Non ita complerant Ephyreæ Laïdos aedes.  
Quin etiam falsos fingis tibi saepe propinquos,  
Cujula ne desint, qui tibi jure serant.  
Me juvenum pictae facies, me numina laedunt.  
Omnia me laedunt, timidus sum, ignosce timori,  
Ut miser in tunica suspitor esse virum.  
[His olli, ut fama est, vitis ad praelia ventum est:  
Ilis Trojana cides iunera principis.*

*Aspe-*

*Aspera Centauros eadem dementia iussit  
 Frangere in altersum pocula Pirithoum.  
 Cur exempla petam Grajam? tu criminis auctor  
 Nutritus duro, Romule, lacte lupae.  
 Tu rapere intactas decuisti impune Sabinas:  
 Per te nunc Romae quidlibet aulet Amor.]  
 Felix Admeti conjux, & lectus Ulyxis,  
 Et quaecunque viri semina limen amat.  
 Quos igitur tibi custodes, quae limina posam,  
 Quae nunquam supra pes inimicus eat?  
 Nam nihil incitae tristis custodia prodest:  
 Quam peccare pudet, Cynthia, tuta sat est.  
 [Uxor me nunquam, nunquam me ducet amica:  
 Semper amica mihi, semper & uxor eris.]*

VIII, 15.

*Equandone tibi liber sum visus? an usque  
 In nostrum jacies verba superba caput?  
 [Sic igitur prima moriere aetate, Properti?  
 Sed morere. interitu gaudeat illa tuo.  
 Exagitet nostros manes, scietur & umbras.*

ib. v. 25.

*Sed non effugies. mecum morieris. oportet  
 Hoc eodem ferro stillet uterque cruor.  
 Quamvis ista mihi mors est inbonesta futura,  
 Mors inbonesta quidem, tu moriere tamen.  
 [Ille etiam abrepta desertus conjuge Achilles  
 Cessare in tectis pertulit arma sua.]*

IX, 33.

*Non sic incerto mutantur flamine Syrtes;  
 Nec folia biberno tam tremefacta Noto;  
 Quam cito feminea non constat foedus in ira,  
 Sive ea causa gravis, sive ea causa levis.  
 [Nunc quoniam ista tibi placuit sententia, cedam.  
 Tela, precor, pueri promitte acuta magis.*

*Figite*

*Fugite certantes, atque hanc mihi solvite vitam.*

*Sanguis erit vobis maxima palma meus.*

*Sidera sunt testes, & matutina pruina,*

*Et furtim misero janua aperta mihi:*

*Te nihil in vita nobis acceptius unquam.*

*Nunc quoque eris, quamvis sis inimica mihi.*

*Nec domina ulla meo ponet vestigia lecto.*

*Solus ero, quoniam non licet esse tuum.*

*Atque utinam, si forte pios eduximus annos,*

*Ille vir in medio fiat amore lapis.*

[*Non ob regna magis diris cecidere sub armis*

*Thebani, media non sine matre, duces;*

*Quam mihi si media liceat pugnare puella,*

*Mortem ego non fugiam morte subire tua.]*

Plura taedet describere vulgari poëta, nedum *Propertio* penitus indigna. Haec tamen & alia multa generis ejusdem *Vulpus* defendit, & laborat, ut aptissime cohaerere videantur. Dum autem id agit, tandem delabatur, ut „elegiacorum poëtarum veram & propriam „ μέθεξιν esse pronunciet *μέθεξιν* „ ad II, III, 45. Tantum opinio praejudicata potest! Ego vero mirari satis nequeo, cur hanc veram scribendi rationem semper *Ovidius* spreverit, atque adeo *Propertius* in Elegiis non corruptis.

Caetera *Broekhusii* peccata nunc omitto, ne cupidius eximium virum reprehendisse videar. Nam satis abundanter, ut puto, demonstravi, quam multa in ejus *Propertio* jure desiderentur.

*Broekhusio* succcessit *Io. Antonius Vulpus*, poëta clarissimus, idemque *Venerum Propertianarum* scientissimus, qui scriptorem Patavii bis edidit, primum a. 1710. cum *Catullo*, *Tibullo*que, deinde separatim 1755. 2 vol. 4. In hac editione, quae *Passeratii* & *Broekhusii* commentarios immutatos & interpolatos, variasque lectiones ex duobus mss. codicibus excerptas, & Indicem verborum loquendique generum non inutilem exhibet, id egisse se profitetur, ut obscura & ignota patefaceret atque illustraret, & continuationem sententiarum ostenderet. Et ille quidem multis locis veram sui poëtae mentem explicavit: sed saepe longissime aberravit, etiam cum gloriose se jactaret, ut p. 495. in connectendis autem, quae dissi-

pata, plerumque & oleum & operam perdidit. Nec felicius cecit conatus corruptissima quaeque defendendi. Quamvis vero vehementer Criticorum audaciam infectetur, & ad I, xx, 44. p. 143. nihil mutandum esse pronunciet in scriptis antiquorum, libris non addicentibus: saepe tamen *Scaligeri*, *Broekhusii*, & aliorum correctiones perspicue falsas, & ne quidem Latinas recepit. Omitto virum politissimum penitus ignorasse, quid *Heinsius*, *Dorvilus*, *Marklandus*, alique praestiterint: quia queritur, „ejusmodi transalpinas „merces in Italiam perraro adveni.,

Nonnulla itidem *Propertii* carmina vir doctus, cujus nomen latet, notis minime spernendis illustravit in Electis Minoribus, & Majoribus ex *Ovidio*, *Tibullo*, & *Propertio*, quae variis annis in usum scholae *Etonensis* vulgavit: sed, qualis Criticus fuerit, & quam tritas aures habuerit notandis optimorum poetarum elegantis, ostendit, cum profiteretur sibi non displicere IV, vi, 63.

*E'dra Philetacis certet Romana corymbis:*

ut in *Ovidii* Nuce v. 95.

*Lamina mollis adhuc tenero dum lactet in utro;*

& conaretur corrigere I, 26.

*Unde Lycæa Fabi sacra Lupercal habent.*

v. 40.

*O quali vecta est Dardana pubis avi!*

v. 53.

*Ilias urna*

*Vivet;*

& III, vii, 44.

*Inter Callimachi sat erit placuisse libellos,  
Et cecinisse modis, dive Phileta, tuis.*

*Praeterea N. Heinsius*, felicissimus Latinorum poetarum restitutor,  
in

in Adversariis Notisque adjectis, & iis, quibus cacteros scriptores illustravit, plura loca fere correxit, quam plerique omnes simul editores. Dicat aliquis non paucas correctiones magis ingeniosas, quam veras videri; multasque in Notis exhibitas, perspicue falsas esse: ego miror in rudi & indigesta correctionum, diversissimis temporibus in usus privatos factarum, mole non plures hujus generis inveniri. Non paucas tamen, quae vel incertae vel falsae primo videbantur, deinde dignas esse judicavi, quarum ratio haberetur.

Laudem quoque meretur *Fac. Phil. Dorvilius*, vir longe eruditissimus, idemque felicissimus Umbri vatis imitator, cujus adnotationes per Observationes Miscellaneas dispersae sunt: paucissimis tamen vulneribus adhibuit remedia.

Plura sanavit *Ti. Hemsterbuisius*, qui non solum in Graecis principatum tenuit, sed & Latina feliciter attigit. Hujus autem correctiones, Observ. 1, 3. p. 29. laudatas, nostris inseram.

Praeter hos alii non pauci fuere, qui in libellis Criticis, & observationibus in antiquos scriptores quaedam menda tollerent: verum sic quoque multa vel potius innumera reperias, quae correctionis indigeant, atque adeo non integras Elegias, sed partes confuse permistaeque dispersas. Nec magnopere miror. Omnes enim scripti libri recentes sunt, & ex uno ducti, quem pessime habitum fuisse constat. Audiamus *Act. Sync. Sannazarium* apud *Alex. ab Alex. G. D. II, 1: .*, Jovianus Pontanus, vir multae eruditionis, antiquissimo firmabat testimonio, Propertii Elegias patrum nostrorum aetate, & se adolescentulo primum in lucem prodiisse, cum antea incititia temporum inkomptae forent & incognitae; opusque oblitteratum, & longissimo aevo absumentum, corrosis & labentibus literis in cella vinaria sub doliis inventum apparuisse, & cum libelli vetustate verbis & nominibus absumentis longo situ & senio, quod in diuturna obscuritate latuerat, veram lectionem assequi nequirent, effectum, ut mendosi inde codices prodirent; paulatimque discuti errores, & corrigi coepti sunt: nec tamen effici quisse, ut posteris omnino integri inoffensique darentur. „ Utinam tamen editores in variis lectionibus suorum librorum memorandis diligentiores fuissent, atque adeo liber, in cella vinaria repertus, auro contra non carus, indagari & e tenebris erui posset! Ex iis enim, quos versavi, patuit non paucas fuisse neglectas: unicus autem codex inspectus cum varias

de variis lectionibus controversias tolleret, tum certas vias monstraret ad versuum paginarumque transpositiones rite cognoscendas. Interea bonis concessis utemur, & pro virili succurremus scriptori, quem novi poëtae maxime nunc mirantur & imitantur, quemque „ integrum & emendatum legi reipublicae literariae interesset „ *Scaliger* olim iudicabat.

I, 1, 25.

Et vos, qui sero lapsus revocatis, amici.

Mihi legendum videtur,

Aut vos, qui sero &c.

Jubet, ut ego quidem arbitrator, sententiae justo ordine decurrentis nexus: attende enim: *In me tardus amor non ullas cogitat artes &c.* *At vos*, magae, *dominae mentem convertite nostrae &c.* Aut vos, amici, *quaerite non sani pectoris auxilia*: ego fortiter instrumenta exciendendo & exurendo amoris admota perpetiar, modo libertas sit in Cynthiam duram & ingrati egerendi, quae ira mihi amatori spreto ac repulso subministraverit. Sensum ut uberius explicarem Interpretes fecerunt, quorum fere, qui hunc attigerunt locum, nemo est, quin aliqua in parte peccaverit: nam *Barth.* Adverbi. iii, c. 14. c. nescio quibus antiquis editionibus restituentem, *quae velit illa*, & absurdissime interpretantem prudens praeterco. Ceterum *velit*, an *volet* legas, cecero non redemerim. *Ferrum & ignes medicorum*, quibus malum penitus infidens & sanas partes noxia contagione trahens extirpent atque exurant: *Iambl.* V. P. f. 34. θυράσιων πάση μηχανῇ, ἢ περιωπτίον πυρὶ ἢ σιδήρει ἀπὸ μὲν εὐμακροῦ νέον, ἀπὸ δὲ θυρήων ἀμείψαν. quae ex *Lyfideis* ad *Hipparchum* epistola sunt deformata, quam totam posuit f. 73. Hinc τέρμεναι καὶ καίειν dicuntur *Xenoph.* K. A. p. 217. v. 22. καὶ γὰρ ἰατροὶ τέρμεναι καὶ καίειν ἐπὶ ἀναδιδῆι neque aliter *Cebes* p. 79. apposite *Tertullian.* Scorp. p. 621. B. *Est* plane quasi saevitia medicinae de scalpello, deque cauterio, *de sinapis incendio*: non tamen secari & inuri & extendi idcirco malum, quia dolores utiles adfert. Sic *Demosthenes* *Aristogitonem*, civem pessimum, urbe expelli volebat, ἀσπερ ἰατρὸς ὅταν καρπὸν, ἢ τραχιδαναν, ἢ τῶν ἀναισθησάντων τι κακὸν ἴδωσιν, ἀπικανισαν, ἢ ἑλως ἀπικοῦσαν. *Propertius* etiam

etiam utilem hunc medicinae dolorem non reformidabat, dum modo solutus amoris vinculis ore libero in crudelem Cynthiam invehere-  
tur. His perpenſis in facili erit animadvertere, duo poni a poëta  
noſtro, quae cum utraque ſimul conſiſtere nequeant, alterutrum ut  
ſibi ſuccedat precatur. Primum, vos magae, Cynthiae mentem fle-  
ctite: alterum, ſi incantationibus Cynthia non cedat, Aut vos,  
amici, quaerite non ſani peſtoris auxilia. Si dubitas etiam, non  
refugio, quin *Propertium* capiamus arbitrum III, xxiii, 10.

*Quod mihi non patrii poterant avertere amici,  
Eluere aut vaſto Theſſala ſaga mari.*

## HEMSTERH.

II, 10.

*Et veniant* &c. Vetus liber *Acb. Statii*, ut: hujus lectionis, etſi  
nullus ceterorum Codd. adſtipuletur, rationem haberi oportuit, hoc  
ſaltem primo v. nam binis ſequentibus *et* legatur, an *ut* parum in-  
tereſt, quamquam illud malim: ſatis eſt adſtipulari *Propertium*,  
quem, ſuadeo, auctorem ſequamur: II, xviii, 35. Adſpice, ut  
*in toto nullus mihi corpore ſurgat Spiritus*: xxv, 55. Adſpice me &c.  
ut regnem *miſtas* &c. **HEMSTERH.** *Livinejus*, *Heiſius* Adverſ.  
II, 6. p. 247. *Vulpinus*, & *Heynius* ad *Tibull.* I, III, 29. itidem le-  
gebant, *ut veniant*; *Muretus* autem rejiciendam non putabat ſcriptu-  
ram libri *Statiani*, ut *veniant*; *ſurgat ut*; *ut ſciat*.

vf. 11.

Vir ſummus *R. Beatl.* ad *Horat.* I. od. xii, 45. praeſert *animofior*,  
vel *ſrondofior* arbutus, ne indecora repetitio *formoſa* v. 9. & *formo-  
ſius* cultiſſimum poëtam dehoneſtet: equidem haud ignoro, multis  
emendationibus iſtam vitandae repetitionis neceſſitatem praetexti,  
neque intercedo, quominus in quibusdam locis valeat: idem tamen  
aſſirmare non vereor, quantumvis delicatulas ac ſaſtidioſas aures hor  
quaſi vitium offendant, haud pauca vel in ipſo *Propertio* reperiri loca,  
ubi vocis intra brevem orationis ambitum repetitae correptionem ne-  
mo ſine magnae temeritatis culpa tentare ſuſtineat: hic etſi vulgata

lectione contentus sim, si quis tamen maluerit *formosior*, ut *καλῆ-  
κατέρον*, non refragabor. HEMSTERH. *Formosior* in quibusdam li-  
bris MS. inveniri testatur *Heins.* Advers. p. 247.

vf. 13.

*Litora nativos &c.* Ingentes turbas dedit hic versiculus, idque adeo propterea, quod gravissimae labis suspensionem mirifica veterum librorum varietas injiciat. Profecto non est, cur fastidiamus probatam *Barthio* lectionem,

*Litora nativis collucent picta lapillis,  
Et volucres nulla dulcius arte canunt.*

Potuit enim jure suo noster ab oratione aliorum pendente transire ad absolutam: quod si quis arbitretur concinnius fore, ut haec cum praecedentibus, *veniant, surgat, sciat*, congruant, in proclivi erit refingere,

*Litora nativi collustrent picta lapilli &c.*

*collustrent*, inquam, verbo perquam opportuno, cujus sedes in picturis est propria: *Cic.* Orat. § 36. *In picturis alios borrida, inculta, abdita & opaca, contra alios nitida, laeta, collustrata delectant.* Hoc tametsi pro certo venditare nolim, videtur enim a longo jam tempore labes profundior inolevisse, *Propertio* tamen indignum esse non arbitror. HEMSTERH. Ego conjecturae non probabili praefero perelegantem lectionem,

*Litora nativis collucent picta lapillis;*

quam liber *Voss.* in margine, in contextu autem *Leid.* & optimus *Groninganus* exhibent: nam *collucere* proprium & poeticum verbum est, non item *collustrare*. Conjunctivum vero modum minime necessarium esse perappositis ostendit *Ovidii* locus *Fast.* 1, 75.

*Cernis odoratis ut luceat ignibus aether:  
Et sonet accensis spica Cilissa focis.*

*Flamma*



*Flamma nitore suo templorum verberat aurum,  
 Et tremulum summa spargit in aede jubar.  
 Vestibus intactis Tarpejas itur in arces,  
 Et populus festo concolor ipse suo est:*

ubi in duobus libris pariter repositum, *verberet.*

## V.

Vereor, ut hujus Elegiae mentem, totumque complexum satis intellexerint Interpretes. Gallus *Propertium* pallidum, atque emaciatum irridebat ipse deliciarum Veneris experts & contemtor: quo tamen nostrum pungeret, eorum amoribus interventurum sese minabatur, ipsamque Cynthiam, cujus potestatem parum pendebat, ut liquet ex v. 31. tentaturum: nam quod magnus *Scaliger* Gallum precatorem sibi apud Cynthiam & rogatorem allumissile existimet, id nullo plane vestigio deprehendas. Invidum igitur Gallum appellat, qui bene compositi paris cursum interpellare non vereretur, eumque voces istas molestas comperescere jubet: dehortatur autem illum a proposito ac deterret primum vehementiam iratae Cynthiae, & importunas voces non toleraturae, ob oculos ponendo, tum, si vel maxime votis ejus iniqua non foret Cynthia, amoris miseras expungendo: neque enim dubium esse, quantumvis de forma ac potestate Cynthiae fecius existimet, quin, si ad illum ignem propius accesserit, amori victas manus sit daturus: *Illa feros animis alligat una viros.* Haec si vera sunt, ut opinor, jure contendere mihi posse videor v. 3. legendum esse, *meae* sentire furores: Cynthiae nimirum tibi molestisque tuis vocibus iratae furibundum animum: hoc sane liquet ex v. 7, 8. illa non similis est vagis puellis, ut temere tentari possit, *Molliter irasci nec sciet illa tibi:* Cynthiam ut laudibus perpetuis efflaret noster, impotentis tamen animi fuisse feminam & superbe iracundam minime dissimulat; hinc *expertae verberae saevitiae, injustas saepe tulisse minas*, tot jurgia, illaque gravis rixa venustissime descripta IV, 8. Deinde recte, *mea*: saepe *Terent. Propt.* El. seq. *Illa meam mihi se jam denegat:* & VIII, 32, 42, 44. τὴν ἐμὴν *Aristaen.* I. I. p. 6. pariter *tua* infra IX, 22. *Et nihil iratae posse negare tuae: Horat.* Carm. I, xv, 22. *Non hoc pollicitus tuae;* Hele-

Helenae: sic etiam, *ad latus esse* suae III, XI 1, 22. & 29. *At nostra ingenti &c.* Ovid. II. Am. El. v, 26. *cupido mollis amica suo* ex Codd. notat *Heins.* pro viro. vid. idem ad Remed. Amor. 492. Frigidior glacie fac videare *tuae.* τὰς ἐχούσας *Pausan.* VIII. p. 604. v. 15. Sed tu, cultissime Vlamingi, qui Latinas elegantias habes perspicacissimas, horum exemplorum gratiam mihi facis. Porro jam patet, quam commode lectum fuerit v. 9. in vetustis edd. *Quod si forte tuis non est contraria votis*, quem profecto sensum tota Elegiae *εικονική* postulat. *Scaligerum* probavit *Broekhusius*: at considera, quaeso, maximi viri interpretationem: aut pone illam mihi pro te precanti victas manus dedisse; hoc illud est, quod dixi, nullis argumentis, nulla ne quidem specie nixum Gallum orasse *Propertium*, ut sibi pararius esse vellet & proxeneta apud Cynthiam: duram sane conditionem, & os inpudens Galli, qui hoc tantum oneris amico suo imponere non dubitaverit. Verum non disliceor, in illa scripti libri, quam *Scaliger* protulit, lectione summopere mihi placere *aufa*, vocem in hoc loco convenientissimam & praecipuae virtutis: quare levi manu lubens resinxero, *Quod si forte ausis non est contraria veltis*: quod ego non vereor ne *Propertio* indignum videatur. HEMSTERII. Idem monuit *Heinsius* Not. p. 659.

VI, 22.

Praetulero, si per alios licet, *semper at armato cura fuit patriae*: tibi armato: Tu tuam aetatem, quae amori nunquam cessavit, in armis transegisti, ut patriam defenderes: *armata* patria quid sibi velit, non intelligo; si vel maxime Romanos armis civilibus inter se concurrentes interpreteris, huc tamen illa figura nihil faciet: firmat emendationem meam v. 29. ubi aliud sibi vitae genus & inbelliorem militiam a fatis attributam testatur. HEMSTERII.

VIII, 10 & seqq.

*Scaliger* mutavit ordinem versuum *Broekhusio* quidem cum aliis subscribente, sed libris refragantibus. Porro *Broekhusii* cruditas aures offendit *Tyrrhena arena*: ego, servato codicum ordine, huic etiam incommodo mederi conabor, itaque totum locum esse constituendum censeo:

*Nec*

*Nec tibi Tyrrhena solvatur funis ab ora,  
 Neve inimica meas elevet aura preces:  
 Atque ego non videam tales subsidere ventos,  
 Cum tibi provectas auferet unda rates:  
 Ut me defixum vacua patiaris arena  
 Crudelem infesta saepe vocare manu.*

nisi quis praehabuerit: Et *me defixum vacua* patieris arena etc. *arena* sane hoc versu tam commode sententiam ornat, ut nihil supra, quippe quae tristissimae solitudinis & aridae vastitatis imaginem excitet, quod utique miseriam amatoris, qui solus in arenoso litore destitutus abeuntem amicam prospectat, mirifice augeat. HEMSTERH. Favere videntur editiones veteres, & duo libri MSS. in quibus invenitur, v. p. *arena*, & librariorum vel correctorum consuetudo, qui talia saepe ingerunt, ut III, v, 58.

*In mare cui soli non valere doli,*

pro, *soliti*; verumtamen iusta mutandae lectionis causa non apparet. Similes enim sonos in hac collocatione non spreverunt *Homerus*, *Callimachus* [in Del. 66.], & *Virgilius*, quos noster imitari gaudet; *Ovidius* autem, cujus aures *Propertianis* non erant surdiores, etiam studiose persecutus est. v. *Casaub.* ad *Perf.* 1, 95. *Burm.* ad *Lotich.* p. 355. & 493. & *Vulp.* ad h. l. Quare nec accesserim viro doctissimo, qui nuper hoc amplius *Eleg.* xvii, 5.

*Quin etiam absenti profunt tibi, Cynthia, venti,*

*venti*, mutabat in, *flatus*. Plura exempla ex *Propertio* protulere *Douza* filius p. 93. & *Barthius* ad *Stat.* Theb. 11, 239. sed iis non utor. Vel enim corrupta sunt: vel nihil ad rem faciunt.

xii, 17.

Si quis legendum existimarit, *Aut* qui despectus &c. me quidem iudice, rem acu tetigerit: Nam *sunt quoque translato* &c. velut additum enthymema spectari debet, quemadmodum modo, *Non nihil adspersis* &c. HEMSTERH. *Heinsius* itidem *Advers.* p. 324:,,  
 O Præce-

Præcedentia exigunt, ut scribamus, *Aut qui despectus, vel, despectos.* „, conf. Not. p. 667.

XIII, 23.

*Nec sic coelestem flagrans amor Herculis Heben  
Sensit ab Octaeis gaudia prima jugis.*

ita Scaliger, approbantibus Broekbusio, Marklandoque [ad Stat. Sylv. IV, vi, 53.] correxit, cum legeretur, in *Octaeis jugis*: interpretantur autem, *ab Octaeis jugis*, postquam arsisset in monte Oeta: sed hoc verba Propertii significare nequeunt; significabunt autem, si corrigatur:

*Sensit ab Octaeis gaudia prima rogis.*

Correctionem facilem & perspicuam probat ejus imitator Statius Sylv. IV, vi, 53. de Hercule:

*Qualis ab Octaeis emissus in astra favillis  
Nectar adhuc torva lactus Junone bibebat:*

ut ex hoc ipso Propertii loco Marklandus reposuit pro, *et Octaeis favillis*; & III, i. 6.

*ceu taedis iterum lustratus honesti  
Ignis ab Octaea conscenderis aethera flamma.*

Permutantur autem voces III, ix, 8. ubi pro,

*Fama nec ex aequo ducitur una jugo,*

libri quidam habent, *rogo*; ut contra Avian. xxxix, 6. *jugo*, pro, *rogo*.

xv, 9.

*At non sic Ithaci digressu mota Calypso  
Desertis olim flexerat aequoribus.*

*Multos illa dies incomitis moesta capillis  
Sederat, injusto multa locuta salo;*

*Et, quamvis nunquam posthac visura, dolebat,  
Illa tamen longae conscia laetitiae.*

Alphe-

*Alphesiboea suos ulta est pro conjugē fratres,  
 Sanguinis & cari vincula rupit Amor.  
 Nec sic Aesoniden rapientibus anxia ventis  
 Hyppipyle vacuo constitit in thalamo.  
 Hyppipyle nullos post illos sensit amores,  
 Ut semel Haemonio tabuit hospitio.  
 Conjugis Euadne miseros elata per ignes  
 Occidit, Argivae fama pudicitiae.  
 Quarum nulla tuos potuit convertere mores,  
 Tu quoque uti fieres nobilis historia.*

Versus 15, & 16. *Alphesiboea suos caet.* ante 21. collocandi videntur hoc modo:

*At non sic Ithaci digressu mota Calypso  
 Desertis olim flevrat aequoribus, cct.  
 Nec sic Aesoniden rapientibus anxia ventis  
 Hyppipyle vacuo constitit in thalamo.  
 Hyppipyle nullos post illos sensit amores,  
 Ut semel Haemonio tabuit hospitio.  
 Alphesiboea suos ulta est pro conjugē fratres,  
 Sanguinis & cari vincula rupit amor.  
 Conjugis Euadne miseros elata per ignes  
 Occidit :*

nam puellae graviter dolentes amatorum discessu rectius conjunguntur; conjunguntur item rectius:

*Alphesiboea suos ulta est pro conjugē fratres,  
 Sanguinis & cari vincula rupit Amor.  
 Conjugis Euadne miseros elata per ignes  
 Occidit :*

in quibus, *conjugis*, venuste repetitur. Maxime vero trajectionem versuum postulat consuetudo poetarum, qui dissimilitudinem notantes, *non sic, nec sic*, jungunt & copulant, atque adeo *Propertii* II, XI, 1.

Non ita *Dardanio gavisus Atrida triumpho.*  
 Nec sic errore exacto laetatus *Ulyxes.*  
 Nec sic *Electre* ———  
 Nec sic incolumem *Minois Theſea* vidit.

& I, XIII, 21.

Non sic *Haemonio Salmonida miſtus Enipeo*  
*Taenarius facili preſit amore Deus.*  
 Nec sic coeleſtem flagrans amor *Herculis Heben*  
*Senſit ab Oetaeis gaudia prima rogis:*

ubi v. *Paſſerat.*

XVIII, 19.

*Vos eritis teſtes, ſi quos habet arbor amores,*  
*Fagus, & Arcadio pinus amica Deo.*  
*Ab! quoties teneras reſonant mea verba ſub umbras,*  
*Scribitur & veſtris CYNTHIA corticibus.*

*Gygetus* volebat, *virides umbras*, & , *teneris corticibus*; ego, ſi quid mutandum, trajectis vocibus malim legere:

*Ab! quoties veſtras reſonant mea verba ſub umbras,*  
*Scribitur & teneris CYNTHIA corticibus;*

ut *Gratius* Cyneg. v. 119.

tenero deſtriſſas cortice virgas.

Teneris enim corticibus amores inſcribebant. *Virgilius* Ecl. x, 53.

tenerisque meos incidere amores

Corticibus.

Poëta vetus, quem nonnulli *Florum* vocant, *Anthol. Burm.* T. I. p. 687.

*Quando ponebam novellas arbores mali, & pyri,*

Cortici

*Cortici summae notavi nomen ardoris mei.  
Nulla fit exinde finis vel quies cupidinis.  
Crescit arbor, gliscit ardor, ramus inplet literas:*

ubi rectius legetur:

*Nulla fuit exinde finis, vel quies cupidinis:*

jambus enim ferri nequit in carmine, quod trochaicum dicitur. *Scriptur*ius autem, qui post Amores *Baudii* p. 213. versus edidit ex Elect. *Lipsii* 1, 5. exhibet: *Nulla fit deinde finis*: sed apud *Lipsium* reperias, *fit exinde*. Parem vero medicinam *Lucano* 1, 587,

*Fulminis edoctus motus, venasque calentes  
Fibrarum, & monitus errantis in aëre pennae,*

*Graevius* facere voluit *Syll. Burm. T. iv. p. 241.* legens, *Fulminis monitus, & motus pennae*: quod *Heinsius* p. 242. & 446. probat, atque in suo libro semet ex scriptis adnotasse narrat. Robur addit *Tacitus Hist. 1, 3. coelo terraque prodigia, & fulminum monitus, & futurorum praesagia*; & *Propertius IV, 1, 101.*

*Aut si quis motas cornicis senserit alas.*

In *Lucani* itidem libro 11, 544.

*O rabies miseranda ducis! quum fata Camillis  
Te, Caesar, magnisque velint miscere Metellis.*

*Oiscl.* liber priore versu, *Metellis*, habet, posteriore autem,

*magnisque velint miscere Camillis:*

„ forte melius, inquit *Burmannus*, ut imitatus fuerit *Propertium* III, vii, 31.

*Crede mihi, magnos acquabunt ista Camillos.* „

Mihi videbatur imitatus *Virgilium* Georg. II, 169.

*haec Decios, Marios, magnosque Camillos:*

hunc enim saepius imitatur, atque adeo dimidios versus de libris sumit; ut I, 455.

*regit idem spiritus artis,*

de Aen. IV, 536.

*dum spiritus hos reget artus;*

& VII, 512.

*Inde faces & faxa volant,*

de Aen. I, 154.

*ſamque faces & faxa volant;*

& II, 577.

*Fervidus haec iterum circa praecordia sanguis  
Incaluit,*

de Georg. II, 484.

*Frigidus obſtiterit circum praecordia sanguis.*

In alia discedit *Bentlejus* ad V, 799. *Labitur infelix:]* „Atqui tertio abhinc verſu ruruſus habes, & in eadem caſura, *Non ſic infelix.* Dederit potius poëta, *Labitur exanimis* — quod loco aptius eſt, quàm illud *Infelix*, etiamſi non denuo rediret. *Virgiliuſ* quidem biſ habet, *Labitur infelix*, & appoſitiſſime: ſed vel ea cauſſa Noſter non ſic diceret: noluiſſet enim a *Virgilio*, quem acmulabatur, hemiſtichium mutuari. „ Sed exempliſ prolatis redarguitur.





## C A P V T VI.

*Emendati loci aliquot e secundo Propertii libro. Poëta Cynthiae togam non dedit. Contectus auro. Incedere, suspendi nequit a verbo longe remoto, si versus, qui sententiam absolvit, interponitur. Coa, & vestis Coa junguntur. Ovidius a prava correctionis vindicatus. Volumen de veste. Lyra carmen digitis percutere, Latinum non videri. Et, aut, traj. Amor artificem morbi non habet. Ovidius leviter curatus. Habere mulierem. Librarii vel correctores scriptorum verba & loquendi genera locis alienis reponunt. Ovidius a duplici correctione defensus. Graja juvenca. Terra mater. Amor candidus. Perjurum pectus. Omen augustum. Thebas disjectis componere. Thebarum muri non restituti sunt pecunia Phrynes. Quolibet ire. Non pauca loca, quibus mutatio personae Propertio frequens probatur, suspecta sunt. Penelope salva dici nequit, cujus pudicitia salva est. Solus. Nula apposta miramur membra lucerna. Attentare. Nox care venditur. Poscere grandia. Martialis imitatur Propertium.*

**P**ropertius II, 1, 5. de Cynthia sua:

*Sive togis illam fulgentem incedere Cois;*

hanc lectionem rejicit *Broekhusius*, quia „ meretrices & moechae damnatae; non autem puellae ingenuae togas gestabant. „ At, inquit, *Vulpius*, „ Cynthia, quamvis claro genere nata, meretricio tamen vitae genere & quaestu delectabatur. „ Concedo: verum quis poeta non stolidus amicae togam dedit, aut eam *togatam* vocavit? *Achillis* enim *Statii* commentum, qui *Tibulli* III, II, 15. reponere conabatur,

*Praefatae ante meos manes, animamque togatae,*

merita nota jam damnavit elegantissimus *Heynius*. Cur autem *togis*?

an una frigus arcere non poterat? quam pulchre vero puellae in togis prostitutae convenit *incedere*! Sed nimis multa de lectione libris scriptis repugnante, sine quibus ipse *Vulpus* nihil mutandum esse clamat: in iis enim reperitur,

*Sive illam Cois fulgentem incedere cogis,*

vel, *incedere togis*. Apage igitur commentum *Beroaldi Propertio* penitus indignum. *Broekbushius*, quem *Gesnerus* [in Thef. L. L.] secutus est, e variis lectionibus hanc veram non difficulter erui posse censebat:

*Sive illam Cois fulgentem incedere totis.*

Aliter visum *Vulpio*, & *Hemsterbushio*, qui notam adscripserat: „ulcus aliquod in hoc versu inveteratum latere codices satis ostendunt, cui vereor ut *Broekbushius* remedium tulerit. „ Docuit quidem *Martialem* dixisse,

*Lucebat totis cum tegetetur aquis :*

sed debuerat docere Latinos similiter dixisse, *Coa tota*, &, *Cois fulgentem incedere totis*. Nec probabilior est *Heinsii* conjectura,

*Sive illam tunicis fulgentem incedere totis.*

nimis enim, ne nunc alias asseram rationes, a vestigiis scripturae recedit. Modestior, & probabilior est altera, quam dedit ad *Virg.* Aen. x, 539.

*Sive illam Cois fulgentem incedere totam.*

Sic enim *Virgilius* :

Totus conluceus veste, atque insignibus armis;

& *Tibullus* I, 11, 69.

Totus ☿ argento contextus, totus ☿ auro

*Insideat celeri conspiciendus equo:*

abi lectio libri *Statiani*, *contectus*, debuerat admitti. *Curtius* VIII, ix, 29. *tantarum beluarum corpora* tota contegunt auro. conf. *Virgil.* Aen. VII, 278. & scriptor B. H. cap. 26. Hanc tamen & caeteras omnes conjecturas, ante memoratas, verbi defectus evertit. Unde enim, quaeso, pendet infinitivus *incedere*? Respondebit aliquis, *a vidi* v. 7.

*Seu vidi ad frontem sparsos errare capillos.*

Audirem, nisi vetaret perspicue loquendi consuetudo. Nam cum versus,

*Hoc totum e Coa veste volumen erit,*

interponatur, nemo, licet omnes adhibeat machinas, efficiet, ut haec,

*Sive illam Cois fulgentem incedere,*

suspendantur a, *vidi*, verbo longe remoto. Quare libenter amplexor scripturam, quam duo *Vossii* codices offerunt,

*Sive illam Cois fulgentem incedere vidi,*  
—— *e Coa veste volumen erit.*

Nihil tali verborum repetitione frequentius. *Coa* item, & *Coa vestis* eodem disticho venuste junguntur. *Ovidius* Art. Am. III, 189.

*Pulla decent niveas: Briseida pulla decebant;*  
*Cum rapta est, pulla tum quoque veste fuit.*

& II, 279.

*Sive erit in Tyriis; Tyrios laudabis amictus.*

& Fast. IV, 619.

*Alba decent Cererem: vestes Cerealibus albas*  
*Sumite.*

Nam quod *Burmannus*, *alba*, & *vestes albas*, inconcinne jungi ratus, corrigit, festis *Cerealibus alba sumite*, positis exemplis redarguitur. Caeterum illud, *vidi*, *Livinejus* e libro Vaticano jam notaverat: sed omnes praeter *Guyetum* sprevere. Necdum tamen locus *Propertii* perfanatus videtur. Offendunt enim *hoc volumen*; & *totum volumen e Coa veste*: blanditur autem scriptura eorumdem *Vossii* librorum,

Totum de *Coa veste* volumen erit:

quam Latinam esse, atque adeo *Propertianam* docere non debeo.

ib. vf. 9.

*Sive* lyrae carmen digitis percussit eburnis,  
*Miramur*, faciles ut premat arte manus.

Legendum, *lyra*: *Ovidius* [Trist. IV, x, 29.] ab ipso *Broekhusio* adductus:

*Dum ferit Ausonia carmina culta lyra.*

HEMSTERH. Eandem conjecturam fecit *Heinsius* in Not. & Advers. II, 1. sed mendosa *Nasonis* esse verba *Burmannus* existimat. Suspecta quoque sunt loca *Maronis* Aen. VI, 645.

*Nec non Threicius longa cum veste sacerdos*  
*Obloquitur numeris septem discrimina vocum,*  
*Jamque eadem digitis, jam pectine pulsat eburno;*

& *Calpurnii* Ecl. IV, 128.

*Seu cantare juvat, seu ter pede laeta ferire*  
*Carmina:*

nam *Modius* & *Demsterus* docuere *Calpurnium* scripsisse, *pede laeta* ferire Gramina; *Jer.* autem *Marklandus* ad *Stat.* Sylv. III, v, 65. in *Maronis* versu legebat,

*Jamque fidem digitis, jam pectine pulsat eburno:*

cui conjecturae robur addit *Statius* Paneg. in *Pison.* 164.

*Sive*

*Sive chelyn digitis et eburno pectine pulsas.*

Videant itaque, qui *Propertium* ex *Ovidio* secure corrigunt, ne fundamentum correctionis in loco suspecto, tanquam in aqua, positum sit. Videant item, ne loquendi genera inter se discrepent: ut enim probetur forte, *ferire carmen lyra*; non tamen probabitur, *lyra carmen digitis percutere*. Nam quis non offendatur duobus ablativis ita conjunctis?

ib. vf. 10.

*Miramur, faciles ut premat arte manus.*

si *regat* scriptum foret, ego quidem illud *premat* minime desiderarem. infra *Eleg.* xxv, 80. Graeci *χεῖρα ἐπιβάλλειν* & *χεῖροδεσίαν* vocant: saepius *Artemon* apud *Athen.* xiv. p. 637. *HEMSTERH.* Pariter eruditus *J. Jo. Struchtmeyerus* *Animadv. Crit.* p. 90. corrigendum putat; aut ad *Hypallagen* confugiendum, ut „*manus arte premat lyra*, positum sit, pro, *manibus arte premat lyram*: „ quod refutare non debeo. Nec deerunt forte, quibus audacior videatur correctio, *regat*. Poëta quidem dixit III, 10, 14.

*Et nitidas pressio pollice finge comas.*

ib. vf. 27.

*Nam quoties Mutinam, aut civilia busta Philippos,  
Aut canerem Siculae classica bella fugae;  
Everfosque focos antiquae gentis Etruscae,  
Et Ptolemaeeae litora capta Phari;  
Aut canerem Aegyptum, & Nilum cum tractus in urbem  
Septem captivis debilis ibat aquis.*

Aegyptus a Pharo disjungi nequit. Itaque trajectis voculis legendum videtur:

*Aut Ptolemaeeae litora capta Phari,  
Et canerem Aegyptum & Nilum.*

ib. vf. 59.

*Omnes humanos sanat medicina dolores:  
Solut amor morbi non amat artificem.*

Quintilianus Declam. xv, 11. p. 318. *Ex omnibus tamen, quae nobis patientibus extorquet adfectus, hoc saevissimum patimur, quod nemo vult in amore sanari: &, qui Propertium de more sequitur, & imitatur Janus Secundus Epigr. 1, 55.*

*Artifices herbae sanant genus omne malorum:  
Solut Amor medicam spernit & horret opem.*

& 57.

*Quom gemina sanetur ope quodcunque malorum,  
Solut Amor carmenque sacrum contemnit & herbas.*

& Sylv. iv.

*Hei mihi, quicquid est malorum  
Admittit medicas amatque curas,  
Nulla solus amor levatur arte,  
Non cantu perit, aut perit venenis,  
Spernit consilium fidele, spernit  
Quicquid mens bene suada prodit.*

At poeta sanari volebat. Ipse I, 1, 25.

*Aut vos, qui sero lapsum revocatis, amici,  
Quaerite non sani pectoris auxilia.  
Fortiter & ferrum, saevos patiemur & ignes.*

& hujus Elég. v. 67.

*Hoc si quis vitium poterit mihi demere, solus  
Tanteleae poterit tradere poma manu.*

Quare corrigendum videtur:

*Omnes humanos sanat medicina dolores:  
Solut Amor morbi non habet artificem.*

Correctionem probant vis & natura oppositionis, proximeque subsequencia, quibus ostendit omnes morbos sanari posse; sed amorem sanari non posse queritur:

*Tarda Philoëtetae sanavit crura Machaon,  
Phoenicis Chiron lumina Philyrides.  
Et Deus extinctum Cressis Epidaurius herbis  
Restituit patriis Androgeona focis.  
Mysus & Haemonii juvenis qui cuspidē vulnus  
Senserat, hac ipsa cuspidē sensit opem.  
Hoc si quis vitium poterit mihi demere, solus  
Tantaleae poterit tradere poma manu.  
Dolia virgineis idem ille repleverit urnis,  
Ne tenera assidua colla graventur aqua.  
Idem Caucaëa solvet de rupe Promethei  
Brachia, & a medio pectore pellet avem.*

Probat item consuetudo librariorum, qui saepe voces confundunt, atque adeo, *amare*, in locum verbi, *habere*, substituunt. v. *Burm.* Obs. Misc. Vol. iv. p. 221. Id autem fecere cum in aliis *Ovidii* locis, tum *Amor.* III xii, 6.

*Quae modo dicta mea est, quam coepi solus amare,  
Cum multis vereor ne sit habenda mihi:*

ubi in uno libro legitur, *amanda*; sed scribendum videtur:

*Quae modo dicta mea est, quam coepi solus habere,  
Cum multis vereor ne sit habenda mihi:*

hoc enim sententiae vis, & verbum longe fortius, *habenda sit*, requirunt. Videlicet „*habere mulierem* dicebatur, qui ad eam pro suo jure cum volebat, ventitabat, eaque ad arbitrium suum fruebatur, „ uti bene *Muretus* Var. Lect. vi, 7. Postremo robur correctioni *Propertianae* liber *Vossianus* addit, qui in contextu carminis offert, *habet*, in margine *amat*. Vix autem dubitari potest, quin error natus sit ex I, ii, 8.

*Nudus Amor formae non amat artificem.*

Solebant enim librarii vel correctores scriptorum verba, & loquendi genera locis alienis reponere, ut II, xxiii, 32. in duobus libris:

*Bifloniis olim rupibus ingemuit,*

ex I, I, 14.

*Saucius Arcadiis rupibus ingemuit;*

& III, xi, 61.

*atque utinam patriae sim verus aruspex,*

ex III, vi, 17.

*His ego tormentis animi sum verus aruspex;*

& II, iv, 9. in uno codice,

*Nunc est ira ruens, nunc est discedere tempus,*

ex III, xlii, 44.

*Nescit vestra ruens ira referre pedem.*

Haec autem consuetudo viris eruditissimis fraudi fuit. Non utar exemplorum, quae maxima est, copia: tantum duo ponam de Metamorphosin Ovidii sumpta: 111, 102. pro,

*Pallas adest: motaque jubet supponere terrae  
Vipereos dentes, populi incrementa futuri,*

pr. Mediceus habet, *matrique jubet supponere terrae*, ex I, 383.

*Ossaque post tergum magnae jactate parentis;*

& 393.

*Magna parens terra est.*

*matri*,



*matri* quidem placuit *Heinsio*; sed, ut nimis argutum, jure *Burmamnus* repudiavit. Similiter XI 1, 608. ubi vulgatur :

*ille igitur tantorum victor Achille*  
*Vinceris a timido Grajac raptore maritae?*

Basil. *juvencae* dat ex Heroïd. Ep. v, 117.

*Graja juvenca venit, quae te patriamque domumque*  
*Perdet. iò prohibe, Graja juvenca venit :*

quod elegantius *Burmanno* visum miror. Eleganter & crudite *Cassandra* vates *Helenam* vocat *Grajam juvencam*; sed prorsus invenuste & putide poëta sic vocaret.

III, 47.

*Ac veluti primo taurus detrectat aratra,*  
*Post venit adsueto mollis ad arva iugo:*  
*Sic primo juvenes trepidant in amore feroces,*  
*Debinc domiti post haec aequa, & iniqua ferunt.*  
*Turpia perpeffus vates est vincla Melampus,*  
*Cognitus Ipbicli surripuisse boves.*  
*Quem non lucra, magis Pero formosa coëgit,*  
*Mox Amythaonia nupta futura domo.*

IV, I.

*Multa prius dominae delicta queraris oportet:*  
*Saepe roges aliquid, saepe repulsus eas.*  
*Et saepe immeritos corrumpas dentibus ungues,*  
*Et crepitum dubio fuscitet ira pede.*

sic versus in pervulgatis & mss. libris ponuntur. At qui diligenter attenderit, statim sentiet finem Elegiae tertiae, & initium quartae cohaerere. Nihil itaque vetat versus conjungere, praesertim cum in mss. libris Elegiae modo jungantur, modo disjungantur. In alia tamen discessere *Scaliger*, & *Broekbussius*; qui v. 47. *Ac veluti* cet. cum septem sequentibus transtulerunt in Elegiam II.

II, 32.

Num tibi nascenti primis, mea vita, diebus  
Aridus argutum sternuit omen Amor?

Fratris tui membranæ *Non tibi* &c. *Aridus* a. *sternuit*, quod & *Sca- liger* ex suo codice notavit, sine interrogatione. Primum non dubito, quin legi debeat, *Nam tibi nascenti* &c. illo usu particulae perquam eleganti: nihil est mirum, tantis te dotibus tamque egregiis excellere, nam tibi nascenti sternuit omen Amor. deinde non dissimulo, haud paulo mihi meliorem videri vulgata lectionem illam, quam *Pontanus* ex *Macrobio* concinnatam rationibus haud poenitendis fulcivit: epitheton illud *Aureus*, quantumcunque metalli pretiosissimi titulo præfulgeat, si cum altero comparetur, hic certe longe deterius est: etenim ad sententiam poetæ juvandam nihil habet præcipui, cum contra *candidus* non nudum quoddam ac gratis sonorum sit epitheton, verum opportune significet Amorem faventem ac propitium, quod quam suo loco sit positum, ubi fausti ominis sit mentio, non est cur multis exponam. Porro non me præterit, quam interpretationem recipiat *argutum omen*: sed hoc equidem contendo, argutius hic poni & multo venustius, *augustum* omen: considera, quacſo, ſequentia, *Haec tibi contulerunt coelestia munera Diti* &c. jam me verum dixiſſe fateberis: iſtae dotes tantæ in Cynthiam ab iſſis Diis collatae, neque humani partus dona, merebantur proſecto *augustum* omen. Ceterum, quem ſæpe ſolet, expreſſit Noſter *Eid.* vii, 96. Σιμυχίδα μιν ἔρωτες ἐπέταξεν ibique mox ſequitur, Ἑσθλὸς ἀνὴρ μιν Ἀελαστis, ὃς οὐδὲ κεν αὐτὸς αἰδέειν Φαίβοι ἐν φοίμῳ γὰρ τριπλόδεσσι μετάρει, quod tu cum iſtis compone, *Par Aganippæae ludere docta lyrae*: *Eid.* xviii, 16. Ὀλβιε γὰρ βρῆ ἀγαθὸς τις ἐπέταξεν ἐρχομένῳ τι εἰς Σπάρταν — ubi miſiſſe poſitum ἀγαθὸς τις, ſive cum *D. Heinſio* capias ἀγαθὸν δαίμονα, ſive, quod mihi potius probatur, verum probum & δεξιῶτα, cujus miniſterio Dii non nolint alicui fauſtum ſignificare. HEMSTERII. *Augustum* omen *Sannazarius* imitatione ſua probavit *Eleg.* III, iii, 14.

*Candidaque augustum concinit omen arvis.*

Probavit item *candidus* *Eleg.* I, iii, 53.

Candi-

Candidus & pennis omina firmet Amor.

Nec aliter forte in antiquis, quibus utebatur, exemplaribus, invenit. In vetere quidem libro, *Candidus*, legi, testis est *Passeratius*.

IV, 21.

*Nec tibi perjuro scindam de corpore vestes.*

unus *Vossii* liber, *pectore*. *Naso* *Metam.* II, 705.

perjuraque pectora vertit

*In durum filicem.*

Idem saepe dixit, *vestes a pectore deripere*, *laniare*, *rumpere*. vid. *Metam.* IX, 635. XI, 681. *Art. A.* III, 707. *Corpus* autem saepe sedem vocabuli *pectus* occupavit; ut *Prop.* II, XXII, 37.

*Adspice, ut in toto nullus mihi corpore surgat  
Spiritus:*

ubi, *pectore*, legendum monuit *Marklandus* ad *Stat. Sylv.* p. 299. & ante *Marklandum* verisimiliter alii. In *Latini* quidem *Latini* *Biblioth. T.* II. p. 61. reperio: *Corpore*] *pectore*. Alias.

V, 5.

*Nec, quae deletas potuit componere Thebas,  
Phryne tam multis facta beata viris.*

Non tantum *Palatinus*, sed & plerique libri, quos vidimus, habent *delecta*. Quapropter aliquando suspicabar scriptum fuisse,

*disjectas potuit componere Thebas.*

*Virgilius Aen.* VIII, 290.

*Ut bello egregias idem disjecerit urbes  
Trojamque Oechaliamque.*

*Ovidius* *Heroïd.* 1, 47.

*At mihi quid prodest vestris disiecta lacertis*  
*Ilios?*

*Disiecta* quidem *disponi*, & *conponi* dicuntur; ut e contrario *conposita disjici*. Ad hunc autem locum *Passeratius* notat: „ quae ita potens & dives fuit, ut denuo conderet excisas & everfas ab Alexandro Thebas. *Athenaeus* libr. 13. cap. 22., „ *Vulpius* vero: „ muri Thebarum denuo excitati & conpositi sunt pecunia Phrynes. „ At nihil tale legitur apud *Athenaeum* XIII. p. 591; tantum, ἐπιδότει δὲ σφιδεαὶ ἢ Φρύνη δὲ διασχεῖτο τευχῶν τὰς Θήβας, ἰὼν ἐπιγυγῆσαι Θηβαίῃ, ΑΛΕΞΑΝΔΡΟΣ ΜΕΝ ΚΑΤΕΣΚΑΥΕΝ, ΑΝΕΣΤΗΣΕ ΔΕ ΦΡΥΝΗ ἢ ΕΤΑΙΡΑ, ὡς ἱστορεῖ ΚΑΛΛΙΣΤΟΣ ὁ ἐν τῷ περὶ ἑταιρῶν· quibus verbis congruenter *Bonon.* liber exhibet:

*deletas voluit conponere Thebas.*

Nihil etiam tale reperitur apud *Diodorum* Siculum XIX, 54. quo loco de Thebis a Cassandro restitutis exponit, atque eos commemorat, qui pecunias ad opus contulerunt.

ib. *vi.* 15.

*Felix Admeti conjux, & lectus Ulyxis,*  
*Et quaecunque viri femina limen amat.*  
*Templa Pudicitiae quid opus statuisse puellis.*  
*Si cuius nuptae quidlibet esse licet?*

Ante multos annos tentabam: *quolibet ire licet?* Sequebar autem conjecturam ex re, & conpluribus *Ovidii*, qui nostrum toties imitatur, locis ductam, maxime *Pont.* III, v, 48.

*Gratia Dīs, menti quolibet ire licet.*

sed *Toupius*, ad quem nunc Critici Britannii primas ex sua gente deferunt, occupavit *Emend. in Suid.* Vol. I. p. 23.

Gavisa est certe sublatam Cynthia legem,  
 Qua quondam edicta flemus uterque diu,  
 Ne nos divideret. quamvis diducere amantes  
 Non queat invitos Jupiter ipse duos.  
 At magnus Caesar. sed magnus Caesar in armis.  
 Devictae gentes nil in amore valent.  
 Nam citius paterer caput hoc discedere collo,  
 Quam possem nuptae perdere amore faces.  
 Anne ego respicerem tua limina clausa maritus,  
 Respiciens udis prodita luminibus?  
 Ab! mea tum quales caneret tibi tibia cantus:  
 Tibia funesta tristior illa tuba.

Rectius legas:

Gavisa es certe sublatam, Cynthia, legem.

Docent sequentia:

Anne ego transirem tua limina clausa maritus?  
 Ab! mea tum quales caneret tibi tibia cantus.

Erunt forte, qui dicant esse personae mutationem poëtae familia-  
 rem: sed pleraque ejus generis loca sunt corrupta, tanquam II,  
 VII, 47.

Nec non exanimem amplectens Briseïs Achillen,  
 Candida vesana verberat ora manu.  
 Et dominum lavit moerens captiva cruentum.  
 Foedavitque comas, & tanti corpus Achillei,  
 Maximaque in parva sustulit ossa manu:  
 Quum tibi nec Peleus aderat, nec caerula mater,  
 Scyria nec viduo Deïdamia toro:

vetus enim Passeratii liber offert, Quando ibi, quod merito Guye-  
 tus, & Douza conprobarunt. Et tamen Broekhusius affirmare non  
 dubitat „ omnes libros habere, Quum tibi.

Memorantur codices, qui praeferant, *Viderat ille Phrygas &c.* hec sile ad *Propertianam* manum perveniri posse existimo: Tu etiam atque etiam considera, hic versiculus, an felicissima poetæ nostri vena sit indignus:

*Viderat ille Phrygas, fractis, in litore, Achivis,  
Fervere & Hecorea Dorica castra face.*

Sane quid Achilli, heroi praeferoci, magis intolerandum videri potest, quam, fractis Achivis, Phrygas, navium stationi imminentes, in litore conspiciere: istos tamen hostiles insultus & furentis Hectoris faces generosus animus ut impune transmitteret, ereptae Briseidis dolor inperavit. HEMSTERH.

ib. vs. 41.

*Penelope poterat bis denos salva per annos  
Vivere, tam multis femina digna procis.*

*Passeratus*: „vivere *salva*, integra, & intacta permanere: *Salva*, cuius pudicitia nulla ex parte imminuta. Sic *Plautus* *Amphitr.* *signum salvum est.* id est, incorruptum, intactum. — *Livius* 1, 58. *Quaerentique viro, sat in salvae? quid enim salvi est mulieri, amissa pudicitia?* Nec aliter *Livinejus* & *Vulpus* interpretantur. At vitiose colligunt: etsi enim liquet, Latinorum sermone trita fuisse, *salvā virginitatem, salvā pudicitiam*; non tamen sequitur, ut *salvā* vocaverint *puellam*, cuius integra castitas esset. Rectius igitur viri doctissimi *Franc. Guyetus*, & *Jo. Arntzenius* ad *Script. de viris Illustr.* cap. 46. locum viciatum censuerunt. Et hic quidem corregebat, *sancta*; ille autem, *casta*. Sane voces permutantur apud *Tibull.* IV, iv, 16. nam pro, *salva* puella tibi est, *Vossii* liber in contextu, quem vocant, habet *casta*, superferiptum, *salva*. Mihi tamen non paullo propius ad vulgatam scripturam accedere, atque adeo melius loco congruere videbatur,

*Penelope poterat bis denos sola per annos  
Vivere, tam multis femina digna procis.*

*Solus* est, qui sine conjuge & amica degit. Apposite *Servius* ad *Virg. Aen.* IV, 82. *Sola demo mgeret vacua.*] *Sola sine eo, quem amabat;*

*amabat; nam regina sola esse non poterat. Est autem Plauti, qui inducit inter multos amatorem positum dicentem, quod solus sit: ut ipse alibi [Ecl. x, 48.] Me sine sola vides, — quam constabat Antonii castra comitatam; sed sola, sine amatore suo. conf. Præcæus ad Appul. Metam. i. p. 9. Hoc unice requirit oppositio:*

*Penelope poterat bis denos sola per annos*

*Vivere:*

*At tu non una potuisti nocte vacare*

*Impia; non unum sola manere diem.*

Recurrunt itidem verba XXIII, 113.

*Dic mihi, quis potuit lectum servare pudicum?*

*Quæ Dea, cum solo vivere sola Deo?*

voces autem commutari patet ex variis lectionibus adjectis ad *Lucret.* III, 696. & *Horat. Epist. I, 11, 10.*

*Quod Paris ut regnet salvus, vivatque beatus:*

ubi *Jones: solus V. L.*

Haec fere multis ab hinc annis scripseram, cum *Latini Latini* Bibliothecam nactus Tom. II. p. 59. notatum reperi: *salva*] *sola* alias. Neglexit tamen, ut alia, *Broekhusius*, qui viro doctissimo maluit insultare ad I, III, 31. quam bonis oblati uti.

X, 17.

Haec cum superioribus incommode satis cohaerere, *Broekhusio* libens adfentior: verum quem in locum opportuniorē migrare debeant, nunc subtilius anquirere superfedebō, ne iusto longiorē tibi fabulam contexam, & hac epistolari libertate abuti videar: illud autem, quod in propinquo positum est, monere non gravabor; sed decim præcedentes versus si priori Elegiae connectantur, nihil fore omnino, quod ad elegantiam carminis desiderari queat. HEMSTERH. Equidem diversis temporibus ita conjunctos versus legi: sed elegantiam nullam sentire potui. Aliud utriusque carminis est argumentum: nulla cohaerentia. Quid? Eleg. IX, 17. & seqq. us-

que ad finem *Propertius* alloquitur Amorem; initio decimae de eodem instituit sermonem. Alias rationes omitto. Melius carmen ex illis sedecim versibus contexi poterat.

XII, 7.

*Quam vario amplexu mutamus brachia! quantum  
Oscula sunt labris nostra morata tuis!  
Quam multa apposita narramus verba lucerna!  
Quantaque sublato lumine rixa fuit!*

*Ovidius* Amor. II, XI, 49.

*Illic apposito narrabis multa Lyaeo.*

sed aut vehementer fallor, aut inopportune *verba narrantur apposita lucerna*. Nec probabat *Guyetus*, homo sagax, & magni aestimandus. v. *Heinf.* Not. p. 691. An-scriptum fuit,

*Quam nuda apposita miramur membra lucerna?*

*Sannazarius* Eleg. I, 1, 33.

*At mihi tete avidis liceat vincire lacertis,  
Osculaque optata sumere longa mora.  
Et liceat posita mirari membra lucerna:*

qui forte non aliter legit. Etenim felix vatis imitator, idemque Criticus elegias ejus ipse pluribus in locis castigaverat, uti narrat *Alexander ab Alexandro* Genial. Dier. II, 1. Timidos & inperitos terrebunt vocum mutationes; sed verecundiae fines in corrigendo non transivimus. Nam *narramus* & *miramur* in mss. vix inter se differunt; *multus* autem & *nudus* permutantur apud *Stat.* Theb. x. 166. *verba* vero & *membra* apud *Juven.* x. 198. & alios saepissime. v. *Scal.* ad *Prop.* I, XIII, 17.

XV, 21.

*Non tamen ut vastos ausim tentare leones.*

*Vosfi*



*Vossii* liber, *attentare*. *Statius* Theb. IV, 71. de tauro:

*haud illum bello attentare iuvencis*

*Sunt animi:*

ubi pariter *Bebot*. liber exhibet, *tentare*.

XVIII, 65.

*Cernere uti possis vultum custodis amari,  
Captus & immunda saepe latere casa,  
Quam care semel in toto nox vertitur anno!*

*vertitur Broekhusio* displicuit: jure merito: vereor tamen, ut conjectura quamvis ingeniosa verum attigerit: lege, *Quam care semel in toto nox venditur anno?* illud *care* adjunctum prorsus emendationem firmat: nemo autem non, ut sciat, quid sit *noctem vendere*, explanatione mea facile carebit: hoc tam videtur in proclivi positum, ut mihi in mentem venisse primo vix credam. *HEMSTERII*. Correctionem, quae mihi pariter in mentem venerat, probavi & confirmavi *Oblerv.* I, 3. p. 28.

ib. vf. 69.

*Contra rejecto quae libera vadit amictu,  
Custodum & nullo septa timore, placet;  
Cui saepe immundo sacra conteritur via focco,  
Nec finit esse moram, si quis adire velit,  
Differet haec nunquam, nec poscet garrula, quae te  
Adstrictus ploret saepe dedisse pater.*

*Passeratius*: „*Garrula*; *Plauto*, *ninium tinniens*. *Eidem* & initio *Bacchidum*, *Luscinola*, *cui periculum non est, ne defuat cantio.*„ *Nec aliter interpretari poterat*. Sed id vocabulum cum *re*, de qua *Propertius* agit, non convenit. Conveniet autem:

*Differet haec nunquam, nec poscet grandia, quae te  
Adstrictus ploret saepe dedisse pater:*

quod confirmant, *adstrictus*, & *poscet*. *Horatius* Sat. I, II, 121. loco, si sententia spectetur, simillimo:

*hanc;*

*banc, Philodemus ait, sibi, quae neque magno  
Stet pretio, neque cunctetur, cum est iussa venire.*

*Poscet autem grandia firmari posset exemplis poetarum, atque adeo  
Martialis & Propertii, qui dixere, magna dare, rogare, grandia  
polliceri: sed Criticis pro omnibus exemplis erit unum Martialis  
V, vi, 10.*

*Nunquam grandia, nec molesta poscit.*

Hic enim plurima de *Propertii* carminibus sumsit, ut XI, xxxviii, 3.

*Cur nec Pompeja lentus spatiaur in umbra?*

de IV, ix, 75.

*Tu neque Pompeja spatiaur in umbra;*

& xiv, 2.

*Effemus Libyci nobile dentis onus,*

de II, xxi i, 12.

*Et valvae Libyci nobile dentis opus;*

Alia passim *Broekbuisius* annotavit. Et tamen II, xvi i i, 59. pro,

*Et modo pavonis caudae flabella superbae,*

dedit, *superbi*; quod hac nota damnavit *Hemsterbuisius*: „cur, *pavonis* caudae flabella *superbi*, pro *superbae*, praesertim cum ad manus esset poetæ Hispani locus, [xiv, 67.] *Alitis eximiae* cauda superba fuit?,,

\* \* \*

\* \*

\*



## C A P V T VII.

*Reliqua libri II Propertii correcta. Gaudere beatis. Inprobata versuum trajection. Gygae & Croesi flumina. Ne, neve. Dimissa somno, periclo. Heu vix usurpatur, nisi in re lugubri. Heu & o permutantur. Tenebrae, quae Propertii versus obscurare videbantur, unius literulae mutatione discussae. Rumor pervenit ad aures. M, si negligatur ecthlypsis, propter caesuram produci nequit. Loca Propertii & Tibulli, quibus opinio communis firmari putatur, corrupta sunt. Ecthlypsis Propertiana, jam impune. Juvenalis & Virgilius defensi. Latiae & Sabiniae junguntur. Juvenalis, trajectione versusum, curatus. Alia. Es, sequente vocali, non corripitur: versus, in quibus produci videtur, menda continent. Mirari. Dubitatum de loquendi genere, satius imitare Philetam. Satius est imitari Philetam. Satius & potius mutantur. Uvae virides sunt immaturae. Seges & uva rectius nitere & venire dicuntur, quam virere. Claudianus a prava correctione vindicatus. Propertius imitatur Virgilium, versusque dimidius ab eo sumit: usus multiplex hujus observationis.*

**P**ropercius II, XIX, 33. ad Cynthiam :

*Noli nobilibus, noli conferre beatis.  
Vix venit, extremo qui legat ossa die.*

*Heinsius* Advers. p. 348. „noli te offerre beatis, opinor. *Guyetus* haec, ut spuria confodiebat, sed injuria. „Novi aliquem, qui malit,

*Noli nobilibus, noli gaudere beatis.*

*Tibullus* II, VI, 31.

*Heu, heu divitibus video gaudere puellas :*

qui locus ad conjecturam probandam perappositus est.

ib. 47. *Et si secla forent cet.*

R

*Hein-*

*Heinsius* Advers. p. 349. „Scribe, Haec si secla forent. Sed accipio, quod optimi libri manu scripti cum quibusdam editis offerunt,

*At si secla forent antiquis grata puellis,  
Ejsem ego, quod nunc tu: tempore vincor ego.*

Alloquitur autem poëta rivalem. Sequor enim cum *Vulpio* libros, non trajectionum commenta, quibus *Scaliger* & *Broekhusius* de more cuncta turbaverunt, & saepe rebus clarissimis tenebras obduxerunt.

xs, 23.

*Non, si Cambyxae redeant, & flumina Croesi,  
Dicat: de nostro surge, poëta, toro.*

Insignis & pererudita est *Guyeti* conjectura:

*Non si Candaulae redeant & flumina Croesi.*

Sunt tamen magni Critici, qui nostram praeferant:

*Non si jam Gygae redeant, & flumina Croesi:*

ut enim plurimi divitias Croesi celebrant, sic Gygis, Lydiae regis, Graeci poëtae, tanquam *Alpheus*, *Anacreon*, & *Archilochus* versunoto

Ὅου μὲν τὰ Γύγει τοῦ πολυχρύσου μέλει·

quem *Gregorius Nazianzenus* expressit *Tom. II. Jamb. xviii. f. 205.*

Καὶ σοὶ τὰ Γύγει τοῦ πολυχρύσου παρῆ.

Similiter autem *Gyges* & *Croesus* junguntur ab *Strabone* xiv. p. 998. ὡς ὁ μὲν. ταύτα δὲ πλεονάζει, καὶ τῶν Πελοποννησίων, ἀπὸ τῶν — μεταξὺ ἐγένετο — ὁ δὲ Γύγει καὶ Ἀλυάττου καὶ Κροίσου ἀπὸ τῶν ἐν Λυδίας ἢ μεταξὺ Ἀταρτίων ἢ καὶ Περγάμου πολέων ἐγένετο ἐκμεταλλευμένα ἐχρύσεως τὰ χωρία. Illud vero, *jam redeunt*, frequens est, ut II, xxiv, 1.

*Tristia jam redeunt iterum sollemnia nobis.*

Caeterum fons erroris fuit librariorum consuetudo, qui voces dividendas saepe junxerunt, atque ita vitiosas & monstrosas lectiones finxerunt. ex. gr. I, vi, 3. *corripeos, coripeos, Corcyraeos*, pro,  
quod

quo *Riphaeos*. *Dorvilius* Obs. Misc. Vol. v. p. 304. corrigendum putabat:

*Non, si Cambyfes redeant, & flumina Croesi;*

vel, nulla mutatione facta, *Cambyfae*, numero plurali, capiendum: sed haec insequi vetant magnitudo meritorum in literas, & veteris in me amoris jucunda recordatio. Ex diebus enim, quos in vita vidi laetos, illi fuere laetissimi, quos jam inde ab adolescentia fere quotannis in amoenissima villa, a summo viro peramanter & comiter invitatus, exegi.

xx, 57.

*Quod mihi si ponenda tuo sit corpore vita,  
Exitus hic nobis non alienus erit.  
At vos incertam, mortales, funeris horam  
Quaeritis, & qua sit mors aditura via:  
Quaeritis & coelo Phoenicum inventa sereno,  
Quae sit stella homini commoda, quaeque mala:  
Seu pedibus Partbos sequimur, seu classe Britannos,  
Et maris, & terrae coeca pericla viae.  
Rursus & objectum fletis capiti esse tumultum,  
Quum Mavors dubias miscet utrimque manus.  
Praeterea domibus flammam, domibusque ruinam:  
Neu subeant labris pocula nigra suis.  
Solut amans novit, quando periturus, & a qua  
Morte: neque hic Boreae flabra, neque arma timet.*

Poëta vult non esse, quod amantes, more caeterorum mortalium, divinatione utantur ad tempus genusque mortis oppetendae praenoscendum. Mihi itaque, totum locum diligenter aliquando perpenderit, ratio postulare videbatur, ut v. 63. reponeretur:

*Seu pedibus Partbos sequitur, seu classe Britannos:*

homo nempe, de quo praecedente versu:

*Quae sit stella homini commoda, quaeque mala:*

hanc autem conjecturam postea duo libri confirmavere *Voss. & Groninganus*. Indidem vero *Livinejus* olim protulit; sed hac nota damnavit: „*Sequitur P. inepte. Loquitur ex persona Romanorum, Augusto adulantium, qui expeditionem parabat in Parthos.* „ Audirem, vir elegantissime, si legeretur: *At nos mortales quaerimus, flemus: nunc audire prohibet oppositio.*

XXII, 27.

*Ibat & hinc castae narratum somnia Vestae,  
Neu sibi, neve mihi quae nocitura forent.*

Dubito, an corrigam:

*Nec sibi, neve mihi quae nocitura forent.*

ita quidem locutus est I, III, 28. X, 21. & III, X, 10:

ib. 29.

*Talis visa mihi somno demissa recenti.*

an *dimissa*? quam dimisit somnus? ea locutione *Ovidius* usus [*Medic. F. 51. cum teneros somnus dimiserit artus.*] *HEMSTERH.* ut antea *Guyetus*. Nec aliter quidam codices exhibent, ut XXI, 59.

*Tu quoniam es, mea lux, magno dimissa periclo:*

quod vulgatae scripturae, *demissa periclo*, praeferrī debuerat.

ib. 31.

Prava distinctio loci venustatem obscurat: lego,

*Talis visa mihi somno demissa recenti,  
[Heu! quantum per se candida forma valet!]  
Quo tu matutinus, ait, speculator amicae?*

Talis visa mihi ait. *HEMSTERH.* Pariter *Douza* pater vs. 30. parenthesi monuit includendum.

ib. 30.

*Heu quantum per se candida forma valet?*

*Passera-*

*Passeratus*: „*Heu!* est hic admirantis, non ingemiscientis. „ *Vulpus* autem: „ Nihil vetat, *heu* hoc loco esse ingemiscientis. Potest enim poeta ingemiscere, quum cogitat formam Cynthiae sibi cruciatus causam esse, vel eam ornandi nullum finem facere. „ *Broekbusius* vero legebat:

*Et quantum per se candida forma valet!*

Equidem corrigere malim:

*O quantum per se candida forma valet!*

*Stattius* Achill. I, 168. loco perapposito:

*Forte & laetus adest. [O quantum gaudia formae  
Adjiciunt!]*

*Heu* vix adhibetur, nisi in re lugubri. v. *Markl.* ad *Stat.* Sylv. II, vii, 24. Voces autem saepe commutantur, ut *Prop.* IV, 1, 40.

*O quali vecta est Dardana puppis avi!*

ubi in quibusdam libris invenitur, *heu*, quod monere non neglexit praeclarus ille corrector *Gebhardus* addens: „ Legendum *Eu*, quod est Graecum εὐ, unde *Euge* manat. „ *Euge*, *euge*, *lepide!*

XXIII, 37.

*Hoc utinam spatium loco, quodcumque vacabis,  
Cynthia: sed tibi me credere turba vetat,  
Cum videt accensis devotam currere taedis  
In nemus, & Triviae lumina ferre Deae.*

Blanditur lectio libri Groningani:

*nam tibi me credere turba vetat.*

ib. 65.

*Num jam, dura, paras Phrygias nunc ire per undas,  
Et petere Hyrcani litora nota maris?*

R 2

*Spatium*

*Spargereque alterna communes caede penates,  
Et ferre ad patrios praemia dira lares?*

*Broekbusius:* „spissae mihi tenebrae hic sunt iter illud per Phrygium & Hyrcanum mare; caedes illa alterna, & dira caedis praemia. — Cynthia aliquando secuta est praetorem nescio quem, qui Illyriam teneret. Cum eo praetore in Pontum quoque pervenisse videtur. atque ibi duas tunc caedes factas fuisse vel constitit, vel rumor frequens distulit. Certe reversam Cynthiam statim fuisse beneficii postulatam, nec plene convictam, atque adeo absolutam, hi verficuli ostendunt:

*Non tua deprenso damnata est fama veneno.  
Testis eris puras, Phoebe, videre manus. „*

In haec, ne quid gravius dicam, convenit illud poëtae:

*Pergula pictorum, veri nihil, omnia falsa.*

Tenebras autem viro perspicacissimo *Scaligeranae* trajectiones objecere, quas sequi solet. Quid vero *Vulpus*? qui „nollet *Broekbusium* levisimis conjecturis, immo somniis, largiter indulsisse? „Sequitur editos & scriptos libros, qui sic connectunt [xxx, 16.]:

*Hic locus est, in quo, tibia docta, fones;  
Quae non jure vado Maeandri jacta natasti,  
Turpia quum faceret Palladis ora tumor.  
Num jam, dura, paras Phrygias nunc ire per undas? etc.*

interpretatur autem. „pergit alloqui tibiam, ad quam sermonem antea converterat. — Veteres porro in conviviis & in proeliis tibiam adhibebant: iccirco ait Propertius, ejus usum potiore esse in conviviis, quam in proeliis. — Quod autem *Phrygias undas* memorat, Hellespontum scilicet, alludit manifeste ad Themistoclis tibiam, qua ipsas Athenas in naves deduxit: — nemo nescit, Xerxem — super Hellespontum pontem construi jussisse, quem postea venti dirupere. Phryges praeterea, tibicines erant celeberrimi. — Quum & Persae igitur, & Graeci tibiam ducem in exercitu haberent, iccirco Noster Hyrcani maris mentionem facit, & ejus litora  
vocat



vocat *nota*, scilicet regiones ei mari adjacentes, inperio terrarum olim illustres. Nempe ἡ μεγάλη Μηδία Perside, Parthia, Hyrcania & mari Caspio sive Hyrcano claudebatur. Tribuit porro ipsi tibiae Umber poeta, quasi duci & imperatori, caedes alternas & promissuas, quod ea praeiret militibus in expeditionibus & proeliis. „Sed audire videor dicentes: *Obe, jam satis est ineptiarum*. In his tamen, & similibus magnifice se jactat, atque ostentat interpretes Patavinus. Ego Cimmerias tenebras, mutatione literulae, dispellere solebam legens,

*dure, paras Phrygias nunc ire per undas.*

Perficuum est enim quatuor versus,

*Num jam, dure, paras Phrygias nunc ire per undas,  
Et petere Hyrcani litora nota maris?  
Spargere & alterna communes caede penates,  
Et ferre ad patrios praemia dira lares?*

militaturo, non autem Cynthiae convenire. *Dure*, vero lectum fuit in libro *Beroaldi*, & aliis forte: sic enim *Passeratius* p. 375. „alii libri, *dure*, ut tibia ipsum *Propertium* objurget:, in quibus verbis fontem mihi videre videor erroris *Vulpiani*. Caeterum quatuor versus, *Num jam, dure, paras* — in editis & vulgatis libris cum praecedentibus & subsequen- tibus non cohaerent. Nec mirum. Tota enim elegia ex membris disiectis composita est. Non pessime tamen referri possunt ad eundem, quem principio carminis alloquitur:

*Quo fugis ab demens! nulla est fuga. tu licet usque  
Ad Tanaim fugias, usque sequetur Amor.*

ib. 73.

*Nuper enim de te nostras me laedit ad aures  
Rumor.*

Interpretes aestuant & laborant de constructione verborum, *nostras*

*me laedit ad aures Rumor.* Et *Passeratius* quidem plures, eosque contrarios tentat explicatus; *Guyetus* autem corrigere conatur, *il-ludit* ad aures; *Ileinsius* vero, *nostras mi venit ad aures*; vel, *eva-dit*; vel, *qui laederet*; vel, *se didit*; vel, *mi laeserat*; vel, *per-ta-dit*: sed omnes in explicationibus & emendationibus operam & oleum perdiderunt. Etenim poëta scripsit:

*Nuper enim de te nostras pervenit ad aures  
Rumor.*

*Ovidius*, qui sexcentis locis imitatur *Propertium*, Fast. III, 661.

*Haec quoque, quam referam, nostras pervenit ad aures  
Fama.*

& *Metam.* v, 256.

*Fama novi fontis nostras pervenit ad aures.*

Ut omnis autem dubitatio tollatur, ita perspicue legi testor in optimo libro, quem Groninga ad me miserunt officiosissimi & eruditissimi viri *Lennepius* & *Offerhausius*. Quis vero non demiretur gemmam in oculis multorum, tanquam *Palmerii*, *Modii*, atque adeo *Broekbussii*, positam tamdiu latere potuisse? Nimirum pauci sua bona norunt; multi autem,

*Carbonem, ut ajunt, pro thesauro venditant.*

ib. 101.

*Scaliger* corrigit:

*Haec eadem haec ante illam impune & Lesbia fecit.*

E contrario *Broekbussius*, ratus ecthlipsi neglecta, *lam*, propter caeturam produci posse, praefert antiquam lectionem:

*Haec eadem ante illam impune & Lesbia fecit;*

hunc autem sequuntur *Drakenborchius* ad *Sil.* 1, 109. & *Ouderd.* ad *Lucan.* v, 526. Ego vero non inficior in ea me esse haeresi, quae peni-

penitus a talibus abhorrere solet. Etenim nihil simile Grammatici, praestantiores quidem, tradunt, atque adeo loca, quibus eruditissimi viri se tuentur, aut suspecta sunt, aut perspicue mendosa; tanquam *Tibulli* 1, v, 33.

*Huc veniet Messala meus, cui dulcia poma  
Delia selectis detrahbet arboribus,  
Et tantum venerata virum, hunc sedula curet,  
Huic paret, atque epulas ipsa ministra gerat;*

& *Propertii* II, XII, 1.

*O me felicem, o nox mihi candida, & o tu  
Lectule deliciis facte beate meis.*

Quis est enim, qui non antiquam lectionem praeferat,

*O me felicem, nox o mihi candida?*

Quis tam patiens, ut ferre possit, cui detrahat, hunc curet, huic paret, gerat? Doctissimi quidem viri *Guyetus* & *Heynius* legere malunt, Haec t. v. v. nunc f. c. Nunc paret: *Witbofius* autem *Encaen.* Crit. p. 58--60. cui — detrahat,

*Et, tantum venerata virum, cui sedula curet,  
Cui paret, atque epulas ipsa ministra gerat.*

In hoc vero *Propertii* versu codices offerunt,

*Haec eadem ante illam jam impune & Lesbia fecit:*

quod libenter amplector. *Ecthlipsis* quidem, jam impune, *Propertiana* est: II, xxv, 43.

*Incipe jam angusto versus includere torno.*

XXII, 20.

*Et jam ad mandatam venimus ecce domum.*

XIII, 33.

*Tot jam abiere dies.*

XX, 4.

*Nec jam humore graves tollere possè comas.*

cui similes sunt, *cum amplexa*, II, xiv, 13. *cum insidiis*, IV, vii, 44. *sum Ausoniis*, IV, iv, 41. *sum Alciden*, ix, 38. *qui aestivos*, III, xix, 3. *quae ingrato*, I, iii, 15. Vides, erudite lector, quam levia sint tela, quibus hiatus patroni pugnant. Itaque non sequor *Hesfium*, qui vult *Furcena* dedisse xv, 7.

*Illic caeruleum, hic piscem fluminis;*

& *Virgil.* Aen. iii, 329.

*Me famulo famulam Heleno transmisit habendam;*

& II, 656.

*Nam quod consilium, aut quae fortuna dabatur?*

nec laudo *Broekhusium* Carm. p. 297. scribentem:

*Fausta potest manuum? heu quae suspiria moesto.*

Sunt tamen hodie, qui tales hiatus defendant, defendant autem? immo vero purissimas optimorum poetarum lectiones vitiosisimis mutant, & incautos juvenes in errorem trahant. Exempla nunc non profero: nam spero fore, ut errantes in viam comiter monstram tandem aliquando redeant.

ib. 103.

*Qui quaerit Tatios veteres, durosque Sabinos,  
Illic posuit nostra nuper in urbe pedem.*

Ante aliquot annos *Observ.* p. 80. corrigebam:

*Latias veteres, durasque Sabinas:*

nec

nec muto sententiam. Amico quidem doctissimo, *Latias*, non placet, quia *Sabinae* quoque *Latiae* fuere: sed primum, qui Geographica tractant, *Sabinos* *Latinis*, *Latii* veteris incolis, faciunt finitimos: deinde similiter populos *Ovidius* distinguit *Metam.* xiv. 832.

O *Æ* de *Latia*, o *Æ* de gente *Sabina*  
*Praecipuum* matrona decus.

ib. 105.

*Tu prius* *Æ* *fluctus* poteris *siccare* *marinos*,  
*Altaque* *mortali* *deligere* *astra* *manu*:  
*Quam* *facere*, *ut* *nostrae* *nohnt* *peccare* *puellac*.  
*Hic* *mos* *Saturno* *regna* *tenente* *fuit*:  
*Et* *cum* *Deucalionis* *aquae* *fluxere* *per* *orbem*,  
*Et* *post* *antiquas* *Deucalionis* *aquas*.  
*Dic* *mibi*, *quis* *potuit* *lectum* *servare* *pudicum*?  
*Quae* *Dea* *cum* *solo* *vivere* *sola* *Deo*?

*Douza* pater ad v. 108:., Puto punctum hic collocandum, & post sequentis pentametri finem, *Deucalionis* *aquas*, loco puncti comma arbitror poni debere, ut cum sequentibus construatur. „ Prius sequor. Etenim sub Saturno Pudicitia regnavisse dicitur. *Ovidius* *Her.* iv, 131.

*Ista* *vetus* *pietas*, *aevo* *moritura* *futuro*,  
*Rustica* *Saturno* *regna* *tenente* *fuit*.

*Juvenalis* *Sat.* vi, 1.

*Credo* *Pudicitiam* *Saturno* *rege* *moratam*  
*In* *terris* *visamque* *din*.  
*Paullatim* *deinde* *ad* *superos* *Astraea* *recessit*  
*Hac* *comite*, *atque* *duae* *pariter* *fugere* *sorores*.  
*Antiquum* *Æ* *vetus* *est* *alienum*, *Postume*, *lectum*  
*Concutere*, *atque* *sacri* *genium* *contemnere* *fulcri*.  
*Omne* *aliud* *crimen* *mox* *ferrea* *protulit* *actas*.  
*Viderunt* *primos* *argentea* *secula* *moechos*.

ubi, versibus trajectis, legendum videtur:

*Viderunt primos argentea secula moebos:  
Omne aliud crimen mox ferrea protulit aetas.*

Deinde, non tantum distinguendum, sed &, litera mutata, scribendum reor:

*At, quem Deucalionis aquae fluxere per orbem,  
Et post antiquas Deucalionis aquas,  
Dic mihi, quis potuit lectum fectare pudicum?*

Idem *Tuipio* visum; sed statim, mutata sententia, praetulit:

*Hic mos Saturno regna tenente fuit,  
Et quum Deucalionis aquae fluxere per orbem:  
At post antiquas Deucalionis aquas,  
Dic mihi cet.*

Infeliciter. nam, si poëtas audimus, Pudicitia, libidinum peccatorumque licentia graviter offensa, terras deseruerat,

*quum Deucalionis aquae fluxere per orbem.*

ib. 117.

*Quod si tu Grajas, sive es imitata Latinas.*

*Broekhusius:* „male correctores inficeti; seu sis imitata: *Albinovanus* etiam produxit: et in pulcherrima illa ad *Liviam* Elegia v. 379.

*Nata quod es alte, quod setibus aucta duobus.* „

Ego vereor, ne hoc advocato vir elegans causa cadat: aliter enim codices habent: *Heinsius* autem, *Burmanno* probante, dedit, *Nata quod en alte es*; scribendum vero putabat, *N. q. excelsa es*, vel, *Nata quod es celsa*; ut in illo *Statii*,

*et celsa natorum aequavit honore.*

Vereor itidem, ne libros *Propertii* *Broekhusius* inspicere neglexerit: in omnibus enim meis est, *Q. f. t. G. tuque es*; in quatuor autem, tuque

tuque es mirata *Latinas*, quod & in aliis fuisse docet Bibl. *L. Latinii* T. II. p. 61. Jam vero *Virgilius*, alique *mirari*, pro imitari, frequentant, atque adeo librarii saepe *mirari*, in, *imitari*, mutant. v. *Markl.* ad *Stat. Sylv.* V, 1, 76. Itaque sibi *Broekbuisius* habeat adamatum, & pugnaciter defensum, *es imitata*; ego tantisper, *es mirata*, retinebo, dum melius aliquid alius proferat.

XXV, 31.

*Tu fatius Musis meliorem imitere Philetam.*

Hoc loquendi genus secure *Broekbuisius* est imitatus *Carm.* p. 75.

*Tu fatius Coe versum tenuare sub antro*  
Incipe, & ad faciles orgia ferre choros.

At optimorum scriptorum consuetudo fert, ut dicatur, *Satius est imitari Philetam.* v. *Lucret.* v, 1126. *Virg. Ecl.* II, 14. & *Aen.* x, 59. *Propert.* II, ix, 19. xix, 51. & *Drakenb.* ad *Liv.* V, xx, 8. LIII, 8. XXXVII, iv, 8. Videant itaque Latinae linguae periti, num sit reponendum:

*Tu potius ——— imitere Philetam;*

aut, *imitare.* Librarii quidem voces permutant, ex. gr. II, ix, 19.

*Intactos isto fatius tentare veneno:*

ubi duo codices habent, *potius.*

ib. 67.

*Tu canis umbrosi subter pineta Galaeſi*  
*Thyrſin, & attritis Daphnin arundinibus;*  
*Utque decem possint corrumpere mala puellam,*  
*Missus & impressis boedus ab uberibus.*  
*Felix, qui viles pomis mercaris amores,*  
*Huic licet ingratae Tityrus ipse canat.*  
*Felix, intactum Corydon qui tentat Alexin*

S 3.

*Aggi-*

*Agricolae domini carpere delicias.  
 Quamvis ille suam lassus requiescat avenam,  
 Laudatur faciles inter Hamadryadas.  
 Tu canis Ascræi veteris praecepta poetæ.*

Verba,

*Felix, qui viles pomis mercaris amores,*

non cohaerent cum praecedentibus, *tu canis, ut decem mala corrumpere puellam possint*: at cohaerebunt, si refingantur hoc modo:

*Felix, qui viles pomis mercatur amores;*

ut,

*Felix, intactum Corydon qui tentat Alexin  
 Agricolae domini carpere delicias.*

ib. 78.

*Tu canis Ascræi veteris praecepta poetæ,  
 Quo seges in campo, quo viret uva jugo.*

Hoc imitati sunt Lotichius Eleg. I, 1, 7.

*Nec frugem segetes maturo tempore praebent,  
 Culta racemiferis nec viret uva jugis.*

& Sannazarius Epigr. I, III, 10.

*infernis non viret uva jugis.*

Illud tamen *viret* attento lectori negotium facessit. Saepissime quidem reperias, *virides Baccho colles, virides & virentes vites, viridem Lyaeum, viride merum, virides uvas*; sed *uvæ virides* sunt immaturæ. Cato Dir. v. 114.

*Aut roseis digitis viridem decerpserit uvam:  
 Dulci namque tumet nondum viticula Baccho.*

nec



nec aliter *viride merum Martialis* usurpat XII, 68.

*Galbula decipitur calamis & retibus ales,  
Turgēt adhuc viridi cum rudis uva mero.*

Nam locus *Columellae* XI, II, 76. *His diebus vindemiae pluribus regionibus fiunt, quarum maturitatem alii aliter interpretati sunt. quidam cum vidiſſent partem aliquam uvarum virescere, crediderunt tempeſtivam eſſe vindemiam, corruptus eſt, uti bene inonuit Caeſarius V. C.* Placetne igitur, erudite lector, *Maronem* dici canere, quibus collibus uvae proveniant immaturae? at rectius docuiſſet, quibus locis ruberent & matureſcerent. An uva ponitur pro vite, ut *Georg.* II, 60? at obſtat ſeges, quae paribus laborat incommodis: rectius enim docuiſſet, quo campo ſeges flavefceret, & matureſceret. An, viret, in, nitet, mutandum eſt? Id, opinor, multis arridebit. Etenim nitidas fruges, & nitentia culta reperias apud *Lucretium* & *Virgilium*: nitens vinetum apud *Juvenc.* III, 712. &, nitent *Panagaea Lyaeo*, apud *Auſon.* in *Mofell.* 158. Centies item verba permutantur. Novi tamen aliquem, qui ſuſpicietur *Umbroſum Callimachum* ſcripiſſe:

*Tu canis Aeſtracae veteris praecepta poetae,  
Quo ſeges in campo, quo venit uva jugo.*

ita dicet non tantum, quod *Varro* R. R. I, VI, 5. *ſegetes meliores exiſtimantur eſſe campeſtres, vineae collinae; & Manilius* II, 19. de *Meſſodo*:

*Quin etiam ruris cultus, legesque novandi,  
Militiamque ſoli, quod colles Bacchus amaret,  
Quod fecunda Ceres campos:*

verum etiam, quibus campis ſegetes, & quibus collibus uvae proveniant. Appoſite *Claudianus* de *Mall. Conf.* 178.

*Noſſe ſoli vires, nemori quae commoda rupes,  
Quis felix oleae tractus, quae gleba ſaveret  
Frugibus, aut quales tegeret vindemia colles:*

ubi non acceperim *Burmanni* conjecturam,

*quales legeret vindemia colles:*

etenim quaero, quis dixerit, *legit vindemia colles:* at, *tegeret vindemia colles*, loquendi genus est elegans, & *Ausoniano* simile *Mosell.* 157.

*Gauranum sic alma jugum vindemia vestit.*

Si quis erit, qui *Propertium* corrigenti non credat, forte *Virgilio* crearet *Georg.* 1, 54.

*Hic fegetes, illic veniunt felix uvae.*

Hunc quidem locis innumeris imitatur, versusque dimidios de carminibus sumit, ut 1, 11, 10.

*Ut veniant bederae sponte sua melius,*

de *Georg.* 11, 10.

*Namque aliae, nullis hominum cogentibus, ipsae  
Sponte sua veniunt.*

& III, XI, 41.

*Dique Deaque omnes, quibus est tutela per agros,*

de *Georg.* 1, 22.

*Dique Deaque omnes, studium quibus arva tueri.*

& v, 63.

*Sed thyae thalamo, aut Orycia terebintho,*

de *Aen.* x, 36.

*Inclusum buxo, aut Orycia terebintho.*

& II, XXI, 18.

*Sed quas ipse suis fecit Amor manibus,*

de

de Aen. XI, 74.

*Ipsa suis quondam manibus Sidonia Dido  
Fecerat.*

& IX, 5.

*Idem non frustra ventosas addidit alas,*

de Aen. XII, 848.

*ventosasque addidit alas.*

Ulus autem multiplex hujus observationis esse potest in emendandis  
poëtae versibus, ut III, III, 41.

*Me juvat in prima coluisse Helicon juvena,  
Musarumque choris implicuisse manus.  
Me juvat & multo mentem vincere Lyaeo,  
Et caput in verna semper habere rosa.  
Atque ubi jam venerem gravis interceperit aetas,  
Spars'erit & nigras alba senecta comas;  
Tum mihi naturae libeat perdiscere mores;  
Quis Deus hanc mundi temperet arte domum caet.*

ubi cum Guyeto, Critico sagacissimo, legerim, *Me juvet* coluisse,  
*me juvet* vincere; ut, *libeat perdiscere*: sic enim *Virgilius*, ad cujus  
sententiam versus suos conformavit, Georg. II, 475.

*Me vero primum dulces ante omnia Musae,  
Quarum sacra fero, ingenti percussus amore,  
Accipiant; coelique vias & sidera monstrent:  
Defectus solis varios, lunaeque labores: caet.  
Sin, bas ne possim naturae accedere partes,  
Frigidus obstit'erit circum praecordia sanguis;  
Rura mihi & rigui placeant in vallibus amnes;  
Flumina amem sylvasque inglorius:*

atque adeo *Propertius* II, XXV, 59.

Me juvet *hesternis positum languere corollis*,  
*Quem tetigit iactu certus ad ossa Deus.*  
*Actia Virgilium custodis litora Phœbi*,  
*Cæsaris & fortes dicere posse rates.*

Nec minor usus est in versibus a prava correctione vindicandis: sed de his [magna enim copia est] alius locus fortasse fuerit agendi.



## C A P V T VIII.

*Tertius Propertii liber aliquot locis emendatus. Liqueo rigat antra, & arca. Arca pomariis junguntur. Arca operosa. Pœtæ dici nequeunt carmen biare, vel, tantum operis biscre. Veli nave, non, a nave. Locus, cui videtur aliquid deesse, parva mutatione facta, correctus. Ornare domum per arma fixa; ornare limina multis donis. Medicina Virgilio facta. Media nominis Omphale syllaba brevis est. Omphalie. Brockhusius quaedam contra carminum leges commisit. Posuisse, & statuisse commutantur. Librarii verba proxime præcedentia in aliorum locum substituant. Mendum e libris Virgillii suliatum. Propertius ab eorundem verborum repetitione non refugit. Semiramis fuisse Baïra caput imperio subdere. Torrida limina. Quidam ferunt Gallos incendiisse Delphicum templum Pythia regna. Divia templa. The-sauri Delphici bello sacro penitus expilati dicuntur. Brenni tamen ætate non deerant, qui prædandi cupidinem possint incendere. Galli templum spoliavisse feruntur. Cassandra non credita. Dubitatum de loquendi genere, gyrum pulsat equis. Lacœni circum pulsat equis. Circus de hippodromo evariarum gentium ponitur. Venatores sedantur feras, non autem canes. Ilitori canis. Ovidius a prava correctione vindicatus. Lycinna Propertii rudes animas inluit per primas noctes cognita, non conscia. Prata Zethi. Prata late cruentantur. Hora dicitur jona. Cynthia sui vatis elegis, non oculis superba facta est.*

**P**ropertius III, 1, 51.

*Nec mea Phœacas æquant pomaria sylvas,*  
*Non operosa rigat Marcius antra liquor.*

Non damno loquendi genus, *liquor antra rigat*: similiter enim locutus est *Catullus* LXII, 27.

*Perge linquere Thespiæ  
Rupis Aonios specus,  
Lympha quos super inrigat  
Frigerans Aganippæ:*

quem *Sannazarius* aequè ac *Propertium* videtur imitatus *Æleg.* III, 1, 6.

*Aonidum* perluit antra liquor.

Poëta tamen, mea quidem sententia, scripsit,

*Non operosa rigat Marcus arva liquor:*

ut *Ovidius* *Amor.* III, vi, 46.

*Nec te praetereo, qui, per cava saxa volutus,  
Tiburis Argei pomifera arva rigas.*

ita pomariis apte junguntur *arva*, quae *pomosa*, & *pomifera* dicuntur. *Arva* autem *operosa* vocant *Plinius* H. N. XVIII, xv, 37. & *vicia* pinguescunt *arva*, nec ipsa agricolis *operosa*. & *Ovidius* A. Am. 1, 399.

*Tempora qui solis operosa colentibus arva  
Fallitur, & nautis adspicienda putat.*

v. *Burm.* ad *Amor.* II, xvi, 33. & quem laudat *Broekb.* ad *Tibull.* I, x, 8. *Antra* vero & *arva* permutari solere vidimus *Observ.* p. 27.

II, 4.

HEMSTERHVSIVS ad II, xvi 11, 6: versus ille sextus,

*Marmoreus tacita carmen biare lyra,*

cultissimo *Sannazario* imposuit, qui parum inspecta poëtae nostri proprietate, id sibi licere arbitratus est, ut similem ad formam scriberet I El. xi, 18. II El. 11, 12.

*Altilius docto pectore carmen hiet:*

iterumque:

*Incipiet posito carmen hiare mero:*

quae prava aemulatione ad *Propertianam* phrasin efformata haud satis Latine dici, egregie *Broekhusius* animadvertit: poterat quidem *Actius* alterius etiam loci praefidio se tueri III, 11, 4.

*Tantum operis nervis hiscere posse meis:*

sed vix induci possum, ut credam, hanc scriptionem a *Propertio* fuisse profectam: dixerit aliquis, Graecos imitatum videri, quorum *καρδία* pro *καρπία*, capere, complecti accipitur: verum illi tum duntaxat usurpant, si quid magno ac patente hiatu circumdatum contineatur: quocirca legendum arbitror,

*Tantum operis nervis dicere posse meis:*

nam *dicere* saepius ad poëtas propria virtute pertinet: *R. Bentl.* ad *Horat.* 1. Od. vii, 9. neque est, ut quis in voce tam cognita, tamque pervulgata vitium adhaesissè miretur; moveri poterat hic scrupulus, si nullis similibus exemplis testatissima foret librariorum insecitia.

111, 35.

*Haud ullas portabis opes Acherontis ad undas:*  
*Nudus ad infernas, stulte, vehere rates.*

*Scaliger:* „melior libri nostri lectio:

*Nudus ab inferna, stulte, vehere rate.* „

Immo vero melior conjectura nostra:

*Nudus at inferna, stulte, vehere rate.*

Quis enim bonus Latinitatis auctor dixit, *a nave tibi?*

V, 21.

*Paete, quid aetatem numeras? quid cara natanti  
Mater in ore tibi est?*

Forte scriptum fuit,

*Paete, quid aetatem memoras?*

Memoravit autem v. 13.

*Quo rapitis miseros primae lanuginis annos?*

VI, 11.

*Quae mulier rabida jactat convicia lingua,  
Et Veneris magnae volvitur ante pedes:  
Custodum gregibus seu quum se stipat euntem,  
Seu sequitur medias Maenas ut icta vias:  
Seu timidam crebro dementia somnia terrent,  
Seu miseram in tabula picta puella movet:  
His ego tormentis animi sum verus aruspex.  
Has certas didici saepe in amore notas.*

Broekbuisius ad v. 12: „Cetèrum in sequentibus aliquid excidisse, ostendit ipse orationis hiatus. Quae mulier convicia facit amatori suo, quae Veneris pedes advolvitur; quae custodes ponit; quae Bacchae more in publico lymphatur; quam sua terrent somnia; quam imago vel ignotae puellae in furorem dare potest: illa mulier haud dubie amat. ita credibile est cohaesisse quondam: nunc nihil tale. „ *Vulpus* autem: „suspenditur syntaxis ad v. 17. ubi deum est ἀνακλόουεν., at salva res est: etenim cuncta versibus inter se congruentibus cohaerebunt, si parva mutatione facta refinxeris:

*Quum mulier rabida jactat convicia lingua;  
Aut Veneris magnae volvitur ante pedes;  
Custodum gregibus seu quum se stipat euntem;  
Seu sequitur medias, Maenas ut icta, vias;  
Seu timidam crebro dementia somnia terrent;  
Seu miseram in tabula picta puella movet;*

*His ego tormentis animi sum verus aruspex.*

*Has certas didici saepe in amore notas.*

In hac autem correctione mecum fere consentit vir eruditissimus & amicissimus *P. Fonteinius*, qui pariter, *quae*, in, *quum*, putat esse mutandum. *Livinejus* & *Heinsius*, corrigere conabantur,

*Quae mulier rabida jactat convicia lingua,*

*Hacc Veneris magnae volvitur ante pedes:*

sed veram corrigendi viam non viderunt.

VII, 23.

*Quum tibi Romano dominas in honore secures,*

*Et liceat medio ponere jura foro:*

*Vel tibi Medorum pugnaces ire per hostes,*

*Atque onerare tuam fixa per arma domum.*

Ultimum versum laudans *Broekhusius* ad *Tibull.* I, 1, 54. recte dici vult, *onerare domum per arma*: sed idoneis exemplis non probat antiquos dixisse, *onerare domum, templa, spoliis, tropaeis, armis*. Quapropter olim congruenter menti poetæ corripgebam:

*Atque ornare tuam fixa per arma domum.*

ita Latini loquuntur. *Virgilius* *Cul.* 82.

*Non, spoliis dum sancta Deum fulgentibus ornet  
Templa.*

*Lucanus* VI, 260.

*Non tu bellorum spoliis ornare Tonantis  
Templa potes.*

*Silius* XIV, 653.

*Ilic Agathocleis sedes ornata tropaeis.*

*Sueto-*



*Suetonius Neron. c. 38. Tunc, praeter immensum numerum insularum, domus priscorum ducum arserunt, hostilibus adhuc spoliis adornatae. ita Graeci, tanquam Diodorus Siculus xix, 104. Ἐπὶ τὰς Συρακούσας, καὶ τῶν ναῶν τοῦς ἐπιφανεστάτους σκύλους ἐκόσμησε. Nec dissimilibus verbis & loquendi generibus utuntur alii, ut Ovidius Metam. viii, 154.*

spoliis decorata est regia fixis;

& Trist. III, 1, 33.

*video fulgentibus armis  
Conspicuos postes, tectaue digna Deo.*

sed, ut postea vidi, pariter correxere *Francius* apud *Burm. Anth. T. 1. p. 207. Heinsius ad Vell. Paterc. II, lxxxviii, 2. & ante utrumque Demsterus ad Rosin. v, 28. Eadem vero macula Virgiliis libris infidet Aen. x, 619. hoc eodem modo tollenda:*

*Et tua larga  
Saepe manu multisque ornavit limina donis.*

*Ciris* quidem loco simillimo v. 529. scripsit:

*Saepe Delum largo decorarat munere fedes.*

*Nec aliter Corippus iv, 282. Suetonius Aug. 30. Vulgatus Interpres Luceae xxi, 5. & Graeci, tanquam Theopompus apud Athen. vi. p. 231. F. ἢ γὰρ τὸ παλαιὸν τὸ ἱερὸν κεκοσμημένον χαλκοῖς ἀναθήμασιν.*

ix, 17.

*Omphale in tantum formae processit honorem,  
Lydia Gygaee tineta puella lacu.*

Satis constat mediam vocis, *Omphale*, syllabam semper esse brevem. Quare non dubito, quin v. 17. mendum contineat: nam *Daumii* non habeo rationem, qui confugit ad hiatum. v. Syll. *Burm. T. iv. p. 327. Tollunt autem turpe mendum libri Vossj. & Leid. qui nobis offerunt:*

*Omphale*

Omphale & in tantum formae processit honorem:

etsi nonnullis displicere possit, *Omphale* & processit, inter tot ἀνδρῶν collocatum:

*Colchis flagrantēs adamantina sub iuga tauros*

*Egit.*

*Ausa ferox ab equo contra oppugnare sagittis*

*Macotis Danaū Penthesilæa rates.*

*Omphale in tantum formae processit honorem.*

*Perfurum statuit Babylona Semiramis urbem.*

Tollit item regius liber, in quo, teste *Guyeto*, legitur, *Omphalie*; cui scripturae singulari permagnum pondus affert *Diotimus* in *Anthol.* mf.

Σαῦρὲ μοι, εἰβρὲ κύπασσι, τὸν Ὀμφαλίη ποτε Λυδῇ  
Λυσταμένη φιλότῃτ' ἦλθεν εἰς Ἡρακλείους.

sic enim dedit *Salmasius* ad *Tertull.* Pall. p. 301: sic habent apographa duo, quae possideo: sic Lipsiensis: nam *Reiskius* V. C. e conjectura, quae libris, & mf. *Propertii* repugnat, edere maluit, Ὀμφάλη, ἢ ποτε Λυδῇ. *Omphalie* autem, vel, *Omphalis*, quod nulla dote commendatur, *Guyetus* approbabat. *Heinsius* vero ratus „nomen *Omphales* supervacuum esse, idque ex proximo subsequente pentametro satis liquere, „ legendum putabat: *An non* —? vel, *Nonne etiam* —? vel, *Nec non* —; vel, *Quin etiam* —. v. Syll. *Burni.* p. 531, 532. & Not. p. 724. Sed haec nemini persuadebit. Non deerunt forte, qui mirentur *Broekhusium* non animadvertisse tam perspicuum mendum: sed mirari desinent, cum cognoverint cum ab hac parte nimis securum fuisse: dedit enim IV, viii, 39.

*Nilotes tibicen erat, crotalistris Philis.*

& XI, 40.

*Quique tuas proavus fregit, Achille, domos.*

& II, xxiii, 101.

*Haec*

*Haec eadem ante illam inpune & Lesbia fecit.*

& 117.

————— *sive* es imitata *Latinas*.

Nec minus negligenter scripsit Carm. p. 92. & 224.

*Aute tuos, mea vita, pedes cor ecce repono.*

& p. 252. 92. 59.

*Aut in gramineo temere sic cespite fultus.*

& p. 7.

*Hymen iö, Hymenace iö, quid gaudia differs?*

& p. 68.

*Non equidem strabo limo tua commoda visis.*

& p. 114.

*Non sterilem spondet Ilithyia domum.*

Haec autem pauca de multis exempla posuimus, non reprehendendi studio, sed ut adolescentes a talibus sibi caverent: nam *Broekbusium* tanti facimus, ut in humanioribus literis & poetica multum proficisse videantur, quibus ejus scripta vehementer placuerint.

ib. 19.

*Ut, qui pacato statuisset in orbe columnas,*

*Fam dura traheret mollia pensa manu.*

*Perfarum statuit Babylona Semiramis urbem.*

*Heinsius* Syll. *Burm.* T. iv. p. 532: „ — *statuit* odiose hic inculcatur, cum idem verbum praecesserit paulo ante. „ *Miror* eum non rescripsisse:

*Perfarum posuit Babylona Semiramis urbem.*

voces quidem commutantur II, v, 17.

V

*Templæ*

*Templa Pudicitiae quid opus statuiffe puellis:*

ubi in libro *Voss.* super, *statuiffe*, scriptum est, *posuiffe*: millies item librarii verba proxime praecedentia in aliorum locum substituunt, tanquam II, v, 25. in nonnullis libris:

*Non istis olim variabant tecta figuris:*

*Tum paries nullo crimine pictus erat.*

*Sed non immerito variavit aranea fanum:*

pro, *velavit*. Idem fecisse videntur Aen. *Virgil.* v, 252.

*Intextusque puer frondosa regius Ida*

*Velocis jaculo cervos, cursuque fatigat,*

*Acer, anhelanti similis: quem praepes ab Ida*

*Sublimem pedibus rapuit Jovis armiger uncis:*

nam scriptum fuisse,

*quem praepes ab aethra*

*Sublimem pedibus rapuit Jovis armiger uncis,*

probabiliter confici potest ex imitatione aperta *Valerii Flacci* I, 156.

*Talia contanti laetum Jovis armiger aethra*

*Advenit, & validis fixam erigit ungaibus agnem.*

& *Claudiani* B. Gild. 467.

*fulcensque Tonantis*

*Armiger ab liquida, cunctis spectantibus, aethra*

*Arreptum pedibus curvis innexuit hydram.*

Hanc autem conjecturam communicavi cum *Burmanno* V. C., quem correxisset *Anth. T.* I. p. 272. *praepes ab alto*; vel, *praepete penna*: sed ostendit jam se pariter tentavisse, „ vel, *aethra* „: quod nunc in *Addendis* legitur. Fateor tamen valde incertum esse illud *posuit*: nam *Propertius* a talibus repetitionibus non refugit I, vii, 5, 7. IV, ii, 28, 29, 33. iv, 40, 42. atque adeo, ne pluribus utar exemplis, hujus *Eleg.* 61, 63.

*Hanni-*

*Hannibalis spolia, & victi monumenta Syphacis.  
Curtius expletis statuit monumenta lacunis.*

Nec alii refugerunt; ut adolescentulus ostendi Anim. ad *Mus.* c. XIII. Itaque *Bentleji* temeritas est reprehendenda, qui trecentos *Lucani* versus, non alio nomine suspectos, emendare conatus est.

ib. 21.

*Persarum statuit Babylona Semiramis urbem,  
Ut solidum cocto tolleret aggere opus:  
Et duo in adversum immissi per moenia currus,  
Ne possent tacto stringere ab axe latus.  
Duxit & Euphraten medium, qua condidit arces,  
Fussit & imperio surgere Bactra caput.*

*Scaliger* Anim. in *Euseb.* p. 15:., *Propertius* ait *Semiramidem* constituisse *Bactra* inperii sui sedem, alienane fide, an *Poëtarum* licentia? „Sed, pace magni viri dixerim, non intellexit *Propertium*. *Passeratius* autem:., id est, voluit praecipuam urbem totius inperii esse, alias inter urbes caput efferre.„ Sed primum, quis hoc tradidit? Deinde jam tempore *Semiramidis* urbs erat florentissima, & nobilissima. *Diodorus Siculus* II, 6. ἡ γὰρ Βακτριανὴ χώρα πολλὰς καὶ μεγάλας οἰκουμένην πόλεις, μίαν μὲν ἔχει ἐπιφανεστάτην, ἐν ᾗ συνέβαινεν εἶναι τὰ βασιλείαι· αὕτη δ' ἐκαλεῖτο μὲν Βακτρά, μετέπειτα δὲ καὶ τῇ κατὰ ἀκρόπολιν ἐχυρότητι πολλὰ πασι δέφερε. Mox vero de more dubitans, & sibi ipse diffidens, quaerit: „an *surgere* pro assurgere imperio *Babylonis*? *caput*, ut, *orbis Roma caput*.„ Sed Latini dicunt, *caput inperii, rerum, terrae*, non autem nude, *caput*. Quis vero ferre possit loquendi genus, *fussit Bactra caput imperio surgere*, pro, assurgere? Caeteri interpretes de loco difficillimo tacent. nec admodum miror. Quotus enim quisque literatorum hominum invenitur, qui studeat historiae? Ne multa: congruenter historiae corripo:

*Fussit & imperio subdere Bactra caput:*

etenim *Semiramis*, cum *Bactrorum* obsidio traheretur, arcem, natura & arte munitam, cum delectis militibus improvise occupavit,

& omnibus subito terrore percussis, effecit, ut urbs in potestatem Nini repente veniret; hic autem, viraginis fortitudinem demiratus, eam non tantum dignis donis ornavit, sed & forma, simulacris omnibus emendatiore, captus, uxorem duxit. v. *Ctesias*, sive *Diodorus* l. 1. *Ctesian* autem poëtae sequuntur. ita vero structura Babylo- nis, & expugnatio Bactrorum, quae mulierem maxime nobilitant, aptissime junguntur.

xl, 53.

*Torrída sacrilegum testantur limina Brennum.*

*Dum petit intonsi Pythia regna Dei:*

*At mons laurigero concussus vertice diras*

*Gallica Parnasi sparsit in ora nices.*

*Torrída limina Burmannus* in Jov. Fulg. p. 342. interpretatur, ambusta fulmine divinitus in Gallos missò: sed, ut alias nunc omittam rationes, oppositio repugnat:

*At mons laurigero concussus vertice diras*

*Gallica Parnasi sparsit in ora nices;*

docet autem verba capienda esse de liminibus igne, quem Brennus injecerat, ambustis. Fuerunt enim, qui templum traderent iis temporibus arsisse. *Lucanus* v, 134.

*seu barbarica cum lampade Pytho*

*Arfit.*

v. illic *Oudend.* & *Wesseling.* ad *Simfon.* Chron. ad A. M. 3726. sed haec haecenus. *Pythia* *Passeratius* exponit „Delphos, quibus altus *Apollo Praesidet*: — regna, ubi quis dominatur & praesidet., Nec damno: sic enim poëtae loquuntur, in his *Lucanus* ii, 424.

*umbrosae Liris per regna Maricae.*

v. *Oudend.* ad iii, 86. Martem quoque templorum regem *Statius* vocat *Theb.* viii, 64. *Heinsius* autem templi, vel, *igna*, corrigebat:

bat; quorum postremum refutari non debet. Ego vero scripsissem:

*Torrida sacrilegum testantur limina Brennum,  
Dum petit intonsi ditia templa Dei:*

ut *Ovidius* *Metam.* II, 77.

delubraque ditia donis.

& *Lucanus* IX, 515.

*Non illic Libycae posuerunt ditia gentes  
Templa..*

templa placuissent, quia de *torridis liminibus* praecedente versu sermo est; *ditia*, quia epitheton multo melius est, quam *Pythia*: nam *Pythia* sententiam poëtae nihil adjuvat, cum subsecuta Parnasi mentio doceat agi de templo Delphico: at *ditia* & loco, & historiae congruit: loco, quia prolatis exemplis probat omnes, victa pietate, aurum colere: historiae, quia divitiae templi, fama celebratae, Brennum, Gallosque inpulerunt, ut bellum Delphis inferrent. *Isetes* *Hist. Chil.* XI, 393. *Schol. Callim.* ad H. in Del. 175. *Pausan.* I, IV, p. XI. *Diodor.* Sic. XXII, Ecl. XI 11. Non me fugiunt testimonia gravisimorum scriptorum de thesauris Delphicis, Phocensium scele-  
re penitus expilatis, ut *Ephori* apud *Athenaeum* VI, p. 232. E. Ὀνόμαρχος δὲ ἡ Φαίδων ἡ Φάλακκος, αὐτὸν μόνον ἀπαντα τὰ τοῦ θεοῦ ἐξεσώσαν, ἀπὸ τὸ τελευταῖον αἱ γυναῖκες αὐτῶν τὸν τε τῆς Ἑλεφύλης κόσμον ἔλαβον. & *Posidonii* apud *Strabon.* IV, p. 237. tradentis Delphicum templum κατ' ἐκεί-  
νους ἤδη τοὺς χρόνους ὑπάρχει κενὸν, τῶν τοιούτων σετυλημένων ὑπὸ τῶν Φακίων καὶ Ἰόν  
ἱερὸν πόλεμον· εἰ δὲ ἡ ἡ ἐλεφάντη, διασείσθαι πικρὸς. Sed primum testes, quos  
antea citavimus, affirmant Gallos voluisse τοῦ θεοῦ τὰ χεῖρματα διαρπάσσειν.  
Deinde post sacrilegia Phocensium superfuisset, quae praedandi cu-  
pidinem possent incendere, *Justinus* testatur XXIV, VI, 5, 10. VII,  
10. Brennus; ad acuendos suorum animos, praedae ubertatem omni-  
bus ostendebat, statuasque cum quadrigis, quarum ingens copia procul  
visebatur, solido auro fusas esse; plusque in pondere, quam in specie  
habere praedae adfirmabat: cui testimonio permagnum pondus addit  
aequalis Brenno *Callimachus* II. in *Apoll.* 35.

πολυχρύς & γὰρ Ἀπόλλων,  
Καὶ ἵε πολυκτίαν & Πυθῶνι τε τεκμηρίαις.

Postremo non desunt, qui templum a Brenno putent expilatum fuisse. v. *Hesseling*. ad *Simson*. Chron. A. M. 3726. *Diodorus Siculus* V, 21. Οὕτω γὰρ εἰσιν οἱ τὴν μὲν πόλιν ἐλόντες, τὸ δὲ ἱερὸν τὸ ἐν Δέλφοις συλῆσαντες. Nec aliter forte scripsit *Propertius*. Facilis quidem lapsus est a, ditia, ad, pitia; nam librarii d in p, sive D in P saepe mutant. v. *Markland*. ad *Stat.* Sylv. IV, v, 24. & *Drakenborch*. ad *Liv.* XLIII, vi, 9. Saepe itidem propria pro nominibus appellativis ponunt, ut *Propertii* I, xiv, 19. *Arabium* limen, pro, *auratum*, quod feliciter *Heinsius* reposuit; II, vi, 27. *Marte*, pro, *matre*; xx, 16. *Johanna*, pro, *puella*; xxiII, 103. *Drufo*s, pro, *duros*; III, v, 22. *Maria*, pro, *Mater*; IV, vi, 16. *Samos*, pro, *sinus*; viII, 23. *Volsi*, pro, *volsi*; x, 27. *Volscūm*, pro, *vos tum*; 10. *Hector*, pro, *horror*. Interdum quoque regna, & templa confundunt, ut II, xxi, 54.

*Et Thebae, & Priami diruta regna senis.*

ubi templa liber *Voss*. exhibet. Tutius tamen erit servare regna; quae boni scriptores opulenta & ditia vocare solent, v. gr. *Tacitus* Ann. xii, 29. fama ditis regni, quod *Vannius praedationibus & vectigalibus auxerat*.

ib. 61.

*Certa loquor, sed nulla fides. neque enim Ilia quondam  
Verax Pergameis Phoebas habenda malis.*

sic habent editi & manuscripti libri: nam *Brockhusius*, qui sentiret haec non cohaerere, codicis unius auctoritate maluit edere,

neque Ilia quondam  
*Verax Pergameis Phoebas habenda malis;*

quod explicat: „Ego quidem vera cano, sed nemo mihi credit: ita neque *Caassandrae* creditum est olim, quum tot mala patriae suae vaticina-



vaticinaretur., Sed quis illi dabit, *habenda verax*, notare, *verax habita fuit*? Quis feret hiatum, *neque Ilia*? scntentia postulat:

*Certa loquor, sed nulla fides. nec credita quondam  
Verax Perganeis Pbœbas habenda malis.*

ita veteres de Cassandra loquuntur. *Virgilius* Aen. II, 247.

*Tunc etiam fatis aperit Cassandra futuris  
Ora, Dei jussu non unquam credita Teucris.*

ubi v. *Cerda*. Haec autem conjectura, quae mihi videbatur audax, & cum sexcentis aliis in annum nonum premenda, felix amico videbatur, cujus judicio plurimum tribuo.

XII, II.

*Gyrum pulsat equis, niveum latus ense revincit,  
Virgineumque cavo praetegit aere caput.*

*Passeratius*: „Mirum genus loquendi, *pulsat gyrum equis*, pro pul-  
sando & verberando cogit in gyrum flecti. An est hypallage, pro  
*equos pulsat gyro*, inpellit & incitat in gyrum. vet. lib. *gyro, equo*.  
An, *gyro pulsat equos*? & *pulsat*, pro pellit?, ita fluctuabat. *Vul-*  
*pius* autem: *gyrum* pulsat equis. nempe campum, in quo flectebant  
& exercebant equos, hippodromum. „Sed quis ita locutus est? quis  
*gyrum* vocavit hippodromon? Ego dudum correxi:

*Circum* pulsat equis;

ut *Ovidius* Am. III, xv, 18.

*Pulsanda est nostris area major equis.*

Hoc quidem loquendi genus a superiore differt, quod in illo *Lacae-*  
*na circum pulsat equis*, in hoc *equi pulsan arcem*; sed similibus tamen  
probatur *Valerii Flacci* III, 20.

*Dindyma* —————

*Dum*

*Dum volucri quatit asper equo, sylvasque fatigat*  
Cyzicus;

v, 612.

*alipedi* pulfantem corpora curru  
Euryalen;

& Maronis Aen. x, 215.

*almaque* curru  
*Noctivago* Phoebe *medium* pulsabat Olympum.

Circus autem de hippodromis variarum gentium ponitur a poetis. v.  
*Virgilius* Aen. v, 551. *Statius* Theb. vi, 254, 492. *Silius* xvi,  
312, 322, 338, 398. *Sidonius Apollinaris* xiv, 12.

Haec scripseram, cum Bibliothecam *Latini Latini* nactus T. 11.  
p. 62. notatum reperi: Gyrum] *circum* alias.

xiii, 13.

*Et modo Taygeti crines adspersa pruina*  
*Seclatur patrios per juga longa canes.*

Quid? an venatrices *sequuntur canes*? quis vidit, aut scripsit? Apud  
*Virgilium* quidem, *Gratum*, *Ovidium*, *Senecam*, *Statium*, *Silium*,  
*Boetium*, & alios, venatores leguntur *sequi*, *seclari*, *consequi feras*.  
Exempla nonnulla posuere *Cerda* ad *Virg.* Ecl. 111, 75. & *Dra-*  
*kenborchius* ad *Sil.* xiv, 261. quibus permulta possemus adjungere,  
si tempus in docenda re nota consumere vellemus. Placet igitur  
corrigi,

*Seclatur patrias per juga longa feras?*

minime; sed ocyus reponendum censeo:

*Ilortatur patrios per juga longa canes:*

quod loquendi genus in hac re proprium est, & scriptoribus usita-  
tum. v. *Pricaeus* ad *Appul.* Metam. vii. p. 439. ad ix. p. 560. &  
*Titius* ad *Nemes.* Cyneg. 196.

*Nec*

*Nec non consuetae norint hortamina vocis:*

ubi monet, *hortari canes*, esse, incitare & clamando propellere.  
*Naso* Metam. x, 537.

*Hortaturque canes.*

& *Heroid.* iv, 40.

*In nemus ire libet, pressisque in retia cervis,*  
*Hortari celeres per juga summa canes.*

viden', erudite lector, totum pene versum de more imitatione expressum ex *Propertiano* per me restituto? Nec est, quod te terreat discrepantia verborum, *hortari*, &, *sectari*: nam librarii quidam pariter in *Ovidii* loco scripsere, *citari*, *sectari*; quod *Heinsio*, placere potuit: at redarguitur insolente loquendi genere, & *Euripidis* Hippol. v. 218.

Βαλ' αὖς ἐλάφοις ἐγχεῖν προμέναι,  
Πρὸς θεῶν ἱερὰ καὶ κυσὶ θάσσαι.

haec enim Graeca Romanum poetam expressisse dudum docuit *Wilius* ad *Nemes.* l. c.

XIII, 3.

*Ut mihi praetexto pudor evelatus amictu,*  
*Et data libertas noscere amoris iter,*  
*Illa rudes animos per noctes conscia primas*  
*Imbuit, ben! nullis capta Lycinna datis.*  
*Tertius, haud multo minus est, cum ducitur annus,*  
*Vix memini nobis verba coisse decem.*  
*Cuncta tuus sepelivit amor; nec femina post te*  
*Ulla dedit collo dulcia vincla meo.*

Haec docent *Propertium* cum *Lycinna* prius consuevisse, quam cum *Cynthia*. Itaque *Lycinna* non fuit conscia; sed

*rudes animos per noctes cognita primas  
Inbuit.*

ib. 35.

*Sera tamen pietas, natis & cognitus error.  
Digne, Jovis natos qui tueare, senex.  
Tu reddis pueris matrem, puerique trabendam  
Vinxerunt Dirce sub trucidis ora bovis.  
Antiope, cognosce Jovem. tibi gloria Dirce  
Ducitur, in multis mortem habitura locis.  
Prata cruentantur Zethi, victorque canebat  
Paeana Amphion rupe, Aracynthe, tua.*

Palmerius Antiq. Graec. p. 451: „Si non ad vulgarem vulgi trutinam, sed ad exactam artificis stateram examinetur *Propertii* locus, quis probabit, *Prata cruentantur Zethi*? Nam Zethus antea Thebanis incognitus & pro notho ab omnibus habitus prata aut praedia non poterat possidere in Thebarum vicinia sub Dirces inimicae imperio. cet., Huic incommodo medetur ex parte *Passeratius*, *prata Zethi*, interpretatus, „in quibus armenta pascere solebat:, nec tamen mentio *pratorum Zethi cruentatorum* valde placet post verba,

*tibi gloria Dirce  
Ducitur, in multis mortem habitura locis:*

*Meinli* enim correctio facta *Advers.* p. 92:

*incultis mortem habitura locis,*

refellitur loco *Nafonis* Trist. III, IX, 27.

*disculsaeque membra per agros  
Dissepant, in multis invenienda locis.*

Ergo congruenter antecedentibus scripissim:

*Prata cruentantur late;*

ut *Seneca* Hippol. 1093. loco perapposito:

*Late cruentat arva.*

Nec aliter forte scripsit poeta. *Zethus* quidem & *lactus* a librariis permutantur Anth. *Burm.* T. II. p. 317. & hoc ipso *Propertii* loco. In alia discessit *Guyetus* emendare conatus, *Prata cruentantur Zetho*; quod & *Beroaldo* placuisse creditur: at poeta convenienter aliis affirmat *Zethum* & *Amphionem* pariter *Dircen* ad bovem deligavisse: quid igitur, bove mulierem per diversa loca raptante, *Zethus* unus *prata cruentare* dicatur? In notis autem *Livineii* reperio: „*Prata cruentantur, Zethi victorque can.* puto;„ quod me non intelligere fateor.

XXI, 23.

*Hic Anio Tiburne fluit, Clitumnus ab Umbro  
Tramite, & aeternum Marcius humor opus;  
Albanusque lacus socii Neronensis ab unda,  
Potaque Pollucis nympha salubris equo.*

Praestaret,

*Hic Anio Tiburte fluit, Clitumnus ab Umbro  
Tramite.*

Illud reperitur in antiquis editionibus; hoc requirere videntur *Clitumnus*, *Marcius humor*, *Albanus lacus*, & *nympha Pollucis equo pota*.

XXII, II.

*Forſitan haec illis fuerint mandata tabellis:  
Iraſcor, caet.  
Aut dixit, Venias hodie, ceſſabimus una:  
Hoſpitium tota nocte paravit Amor.  
Et quaecunque volens reperit non ſtulta puella,  
Garrula cum blandis ducitur hora dolis.*

*Heinsius* Not. p. 738. legit e mſ.

*Garrula cum blandis ducitur hora jocis.*

Ego malim:

*Garrula cum blandis dicitur hora jocis;*

ut apud *Terentium*, *hic nuptiis dictus est dies.* *Dicitur* habet liber *Groninganus*.

XXI LI, I.

*Falsa est ista tuae, mulier, fiducia formae,  
Olim oculis nimium facta superba meis.  
Noster amor tales tribuit tibi, Cynthia, laudes:  
Versibus insignem te pudet esse meis.*

Cum juvenis in paucis ingeniosus de his *Propertii* versibus, a se conjectura tentatis, aliquando me consularet, ex tempore respondi poetam videri scripsisse:

*Falsa est ista tuae, mulier, fiducia formae,  
Olim elegis nimium facta superba meis.*

Nec sententiam muto. Nam subita conjectura loco congruit, & probatur v. 4.

*Versibus insignem te pudet esse meis;*

& IV, I, 135.

*At tu finge elegos, fallax opus;*

atque adeo *Fonteinii*, pariter corrigentis, consensu; cujus ego prudens limatumque judicium suspicio.





## C A P V T IX.

*Aliquot menda de quarto Propertii libro sublata. Apertus equi lignei venter non laesit penates. Desultor leve corpus alterno equo trajecit, non pondus. Sex versus in alium locum trajecit. Nomina Venturini. Britannia picto vultu, non curru. Amor major est in apta conjuge. Puella lanis colendis assueta. Non te terreat, quod classis remigat. Inprobata Curingani conjectura in Satio. Lethaeus liquor ora tingit, non terit. Versus Carminis, in Anthologia Burmanni editi, de Propertii, Sannazarique versus videtur sumtus. Lethaeus color ora tingit. Ordo versuum Propertianorum his immutatus. Mortientes ultionem sui commendabant. Nomas. Cacus incola fuit Aventini montis, accola Palatini. Voces permutantur. Valerius Flaccus correctus; tentati Tullius & Claudianus. Alia. Damnata versuum trajectio, quae Passeratius, Broekhusiusque placuit. Funera fides infernas intrant, non leges. Umbrosi loci dicuntur obscuri, non rogi. Ultra pedes implicat. Lenire senectam. Fama laudat emeritum torum, non rogem. Terus, conjux. Insignis trajectio versuum in ultimo carmine notata.*

**P**ropertius IV, 1, 39.

*Huc melius profugos misisti, Troja, penates.  
O quali vecla est Dardana puppis eve!  
Jam bene spondebant tunc omnia, quod nihil illam  
Laeserat abiegni venter apertus equi,  
Cum pater in gnati tremulus cervice pendit,  
Et verita est humeros urere flamma pios.*

Auctor Elect. Etonens. Maj. p. 161. ad v. 41: „Quam? Trojam? at profecto laesit, quam in cineres vertit. an puppim igitur, cum iste apertus est, nondum aedificatam? Unam nos hinc expediendi rationem cerno, si praecedenti versu *pubis*, non *puppis*, legendam censetur. Collectam sc. exilio *pubem*, mediis elapsam Achivis, non inepte dixerit nihil laesam ab erumpentibus ex equo durateo infidiis. Sic vero vitii quoque fontem cernimus, ignotum describen-

tibus nominativum. „ Placet argumentum, quo vir eruditus docet in verbis prolatis mendum latere, correctio non placet: nam quis in Augustei seculi poëta ferat,

*O quali recta est Dardana pubis arce?*

At certo certius est *Propertium* scripisse:

*ſam bene ſpondebant tunc omina, quod nihil illos  
Laeſerat abiegni venter apertus equi;*

hoc est, penates v. 39. memoratos:

*Iluc melius profugos miſiſti, Troja, penates.*

& v. 48.

*Felix terra tuos cepit, ſiſle, Deos.*

Nempe Troja, ſuperſtitibus Deis penatibus, nondum funditus everſa putabatur. v. *Heyn.* ad *Virg.* Aen. 1, 378. Exc. XII. qui erudite de penatibus his agit ad lib. II. Exc. IX. p. 248.

II, 35.

*Eſt etiam aurigae ſpecies Vertumnus, & ejus,  
Trajicit alterno qui leve pondus equo.*

Notum eſt, *pondus*, de ſeffore, ſive equite frequentari. v. *Burm.* Obſ. Miſc. Vol. I. p. 381. Vellem tamen interpretes docuiſſent, ipſum deſultorem commode dici, *leve pondus* trajicere. Mihi quidem non ſatiſfacit. quod ſi corrigas,

*Trajicit alterno qui leve corpus equo,*

loquendi genus ſatiſfaciet: ſimiliter enim locuti ſunt *Tibullus* IV; 1, 14.

*Ipſe tamen velox celerem ſuper edere corpus  
Gaudet equum.*



& Ovidius Fast. iv, 782.

Traicias *celeri* strenua membra *pede*.

& ipse Propertius iv, 76.

Traicit *immundos ebria turba pedes*.

ac video voces a librariis mixtas esse in Ovid. Metam. III, 621.

*Non tamen hanc sacro violari pondere pinum*  
Perpetiar :

ubi in uno libro scripsere , *corpore*.

ib. 37.

*Suppetat hoc, pisces calamo praedabor ; & ibo*  
*Mundus demissis infitor in tunicis.*  
*Pastorem ad baculum possum curare, vel idem*  
*Sirpiculis medio pulvere ferre rosam.*  
[Nam quid ego adjiciam, de quo mihi maxima cura est,  
Hortorum in manibus dona probata meis?  
Caeruleus cucumis, tumidoque cucurbita ventre  
Me notat, & junco brassica vineta levi.  
Nec flos ullus hiat pratis, quin ille decenter  
Impositus fronti langueat ante meae.]  
*At mihi, quod formas unus vertebar in omnes,*  
*Nomen ab exentu patria lingua dedit.*

Sex versus,

*Nam quid ego adjiciam, de quo mihi maxima cura est,*  
*Hortorum in manibus dona probata meis?*  
*Caeruleus cucumis, tumidoque cucurbita ventre*  
*Me notat, & junco brassica vineta levi.*  
*Nec flos ullus hiat pratis, quin ille decenter*  
*Impositus fronti langueat ante meae.*

non faciunt ad versam formam, de qua Vertumnus exponit, sed ad  
primi-

primitias olerum, florumque pratensium, quas Vertumnus, olitorum Deus, ab olitoribus sibi narrat offerri. Quapropter non dubito. quin eos librarii sua sede moverint; praesertim cum cuncta, sublati iis, praeclare cohaereant:

*Suppetat hoc, pisces calamo praedabor; & ibo  
Mundus demissis insitor in tunicis.  
Pastorem ad baculum possum curare, vel idem  
Sipiculis medio pulvere ferre rosam.  
At mihi, quod formas unus vertebat in omnes,  
Nomina Vertumni patria lingua dedit.*

Sunt autem reponendi post v. 18. hoc modo:

*Seu quia vertentis fructum praecepimus anni,  
Vertumni Tuscus credidit esse sacrum.  
Prima mihi variat licentibus uva racemis,  
Et coma lactenti spicea fruge tumet.  
Ilic dulces cerasos, hic autumnalia pruna  
Cernis, & aelivo mora rubere die.  
Insitor hic solvit pomosa vota corona,  
Cum pyrus invito stipite mala tulit.  
Nam quid ego adjiciam, de quo mihi maxima cura est,  
Hortorum in manibus dona probata meis.  
Caeruleus cucumis, tumidoque cucurbita ventre  
Me notat, & iunco brassica vineta levi.  
Neosfos ullus biat pratis, quin ille decenter  
Impositus fronti langueat ante meae.*

sic arborum primi fetus, & olerum florumque pratensium primitiae commode junguntur, ut *pomaria* & *horti* junguntur apud *Ovid.* *Metam.* xiv, 624, 689. & *Colum.* x, 228.

ib. 47.

*At mihi, quod formas unus vertebat in omnes,  
Nomen ab eventu patria lingua dedit.*

*Passeratius:* „ab eventu, ab effectu, (a vertendo scilicet) quia,  
quae

quae efficiuntur, eveniunt. Si talis interpretandi licentia detur, nihil erit, quod non faciles habeat explicatus. E contrario *Gygetus* haud dubitabat versus *ἰβελίξω*. tanta erat intelligendi desperatio. Sed immitis est medici laesam corporis partem, quae sanari possit, amputare: vulnus autem *Propertio* datum sic commode curari potest:

*At mihi, quod formas unus vertebar in omnes,  
Nomen Vertumni patria lingua dedit;*

aut,

Nomina Vertumni —————;

ut, nomina, pro, nomen, occurrit v. 50.

*Unde hodie Tuscus nomina vicus habet.*

& *Ovid. Fast. iv, 70.*

*Et quod adhuc Circes nomina litus habet.*

Causas nominis Deus adfert addens semper nomen Vertumni v. 9.

*At, postquam ille suis campum concessit alumnis,  
Vertumnus verso dicor ab amne Deus.*

& xi.

*Seu quia vertentis fructum praecepimus anni,  
Vertumni Tuscus credidit esse sacrum.*

Itaque & hic, ubi veram nominis causam se dare jactat, *Vertumni* nomen requiritur:

*At mihi, quod formas unus vertebar in omnes,  
Nomina Vertumni patria lingua dedit.*

III, 7.

*Te modo viderunt iteratos Baëtra per ortus;  
Te modo munito Sericus hostis equo;*

Y

*Hyber,*

*Hyberniæ Getae; pictoque Britannia curru;  
Ustus & Eöa decolor Indus aqua.*

Gentibus certa & propria dantur epitheta, aut aliquid tribuitur, quo distingui possint ab aliis. ita Getae vocantur *hyberni*; munito Sericus hostis equo; & Indus *decolor Eöis equis ustus*. At Britannis nec *Caesar*, nec *Tacitus*, qui magna cum cura de iis scripsere, nec alii, quod meminerim, *pictos currus* uspiam dedere. nam quod interpretes conferunt II, 1, 86.

*Esseda caelatis sistere Britannia jugis;*

miror eos non vidisse multum differre inter *pictos currus*, & *esseda caelatis jugis*; atque adeo Maecenatis *esseda* memorari. Itaque mendum latet in verbis,

*pictoque Britannia curru.*

Id autem, Criticis plaudentibus, hoc modo correxi:

*pictoque Britannia vultu:*

*pictos* enim *vultus* plurimi Britannis tribuere. v. Obscrv. 1, 1. *Martialis* XIV, 99.

*Barbara de pictis veni bascauda Britannis.*

*Claudianus* de Laud. Stilich. II, 247.

*Inde Caledonio velata Britannia monstro,  
Ferro picta genas.*

Pariter autem regiones pro gentibus ponuntur. *Manilius* IV, 750.

*laxo Persis amictu  
Vestibus ipsa suis haerens.*

715.

*Flava per ingentes surgit Germania partus.*

Gallia

*Gallia vicino minus est infecta rubore.  
Asperior solidos Hispania contrahit artus.*

720.

*Perque coloratas subtilis Graecia gentes  
Gymnasium praefert vultu, fortesque palaestras.  
At Syriam produnt torti per tempora crines.*

729.

Mauritania nomen  
Oris habet, titulumque suo fert ipsa colore.

Voces vero confunduntur in *Virgilii* Culice v. 326.

*Huic gerit averfos proles Laertia vultus;*

ubi quidam codices habent, *regit everfos currus*; unde *N. Heinsius* ad *Ovid. A. A.* II, 138. feliciter restituit:

*regit averfos proles Laertia currus.*

*Curru* forte librariis in *Propertii* loco placuit, ut *equis* congrueret.

ib. 49.

*Omnis amor magnus, sed aperto in conjugē major:  
Hanc Venus, ut vivat, ventilat ipsa facem.  
Nam mihi quo —*

*Conjux apertus* cum sententia non optime convenire videtur; nec, *amor in aperto conjugē*, satisfacit: ubi enim reperiatur, *amor in marito*, pro, *erga maritum*, ignoro. Utrique incommodo nostra correctio medebitur:

*Omnis amor magnus; sed in apta conjugē major.*

Sic enim Latini loquuntur. *Ovidius* *Heroid.* XVII, 191. *Pont.* I, VII, 32.

Metam. XIII, 756.

*Nec, si quaesieris, odium Cyclopi, amorne  
Acidos in nobis fuerit praesentior, edam.*

& IV, 254.

*Incidit Clytie, [neque enim moderatus in illa  
Solis amor fuerat.]*

uti recte *Barthius* & *Heinsius* e libris correxerunt. *Apta conjux*  
item vocatur, ut III, XXII, 44.

*venturae* conjugis aptus amor.

Deinde voces, *aptus*, &, *apertus*, saepissime commutantur. v. *Dra-*  
*kenborch.* ad *Liv.* XXXI, XXI, 8. qui cauillas explicat. Postremo  
*Passerarii* vet. lib. habuit, *in apto conjugis*.

ib. 53.

*Omnia furda tacent: rarisque asueta Kalendis  
Vix aperit clausos una puella lares.*

*Martialis*, Umbri vatis imitator, IV, LXVI, 3.

*Ilibus, & raris togula est excussa Kalendis.*

Sed, *puella raris Kalendis asueta*, ferri non potest. Et *Heinsius*  
quidem [Advers. p. 11.] tentabat, *radiis asueta coloque*, vel, *ar-*  
*visque asueta colendis*; *Struchmeyerus* autem, *lanis asueta*, *Ani-*  
*madv.* Crit. p. 166: me vero meae conjecturae, cum multis olim  
communicatae, nondum poenitet:

*Omnia furda tacent: lanisque asueta colendis  
Vix aperit clausos una puella lares.*

Loquendi genus, *lanas colere*, tuetur imitatio *Nasonis* A. A. 11,  
219.

*Inter*

*Inter Iōniacas calathum tenuisse puellas  
Creditor, & lanas excoluisse rudes.*

Similis item constructio reperitur Pont. III, III, 107.

*At tua supplicibus domus est adsueta iuvandis.*

*Assueta lanis* autem dicitur, ut *Virg. Aen. vii, 805.*

*non illa colo, calathisque Minervae  
Femineas adsueta manus.*

Sed hanc conjecturam *Wakkerus*, juvenis pereruditus, in his diebus occupavit Amoën. Liter. p. 103. cui, *pervenit*, quod poetæ II, XXI, 73. restitui p. 136. pariter placuisse [p. 88.] video.

VI, 47.

*Nec te, quod classis centenis remiget alis,  
Terreat: invito labitur illa mari.  
Quodque vehunt prorae Centauros saxa minantes,  
Tigna cava, & pictos experire metus.*

Imitatur *Broekhusius* Carm. p. 355.

*Nec te, quod cultu non sis speciosa decoro,  
Terruerit: lacrimis sic eris apta novis.*

Malim tamen,

*Nec te, quod classis centenis remigat alis,  
Terreat.*

Hanc mutationem confirmat primum v. 49.

*Quodque vehunt prorae Centauros saxa minantes;*

deinde *Vossii* liber, in quo super ultimas literas verbi, *remiget*, scriptum est, *at*; postremo *Statii* imitatio *Sylv. III, i, 110.*

*Nec te, quod solidus contra riget umbo maligni  
Montis,*

*Montis, & immenso non unquam exesus ab aëro,  
Terreat, ipse adero & conamina tanta jurabo:*

nam *Cuningamus* in notis ineditis, quas vir eruditissimus & amicissimus *Abbr. Gronovius* mecum communicavit, frustra tentabat,

qui *solidus contra* riget umbo.

VII, 3.

*Cynthia namque meo visa est incumbere lecto.  
Eosdem habuit secum, quibus est elata, capillos,  
Eosdem oculos: lateri vestis adusta fuit.  
Et solitam digito beryllon adederat ignis,  
Summaque Lethaeus triverat ora liquor.*

Ad hunc v. *Passeratius* notat: „i. e. aqua fluvii Lethes, quia mortui, ut *Virgilius* ait vi. Aen.

*Securos latices, & longa oblivia potant.*

*Triverat*, paulatim minuerat saepe bibendo; quia & flix liquore teritur. — *Ora summa*, primorem oris partem, i. labra ipsa saepe ea rigando & alluendo. „Sed quis labra nuper mortuorum *Lethaeo* liquore trita legit? Ego praeferrem,

*Summaque Lethaeus* tinxerat ora liquor.

*Sannazarius*, imitator *Propertii*, Eleg. I, vi, 19.

*Te non immemorem charae fore conjugis unquam,  
Et si Lethaeus tingeret ora liquor;*

qui forte non aliter legit; & Auctor carminis, quod exhibetur *Obsev. Misc. Vol. II. p. 403. & Anthol. Burm. T. II. p. 139.*

*Tu cave Lethaeo* continguas ora liquore,  
*Et cito venturi sis memor oro viri.*

Hoc tamen carmen, quod sagaciter item subodoratus est *Burmannus*,



*mus*, nuper confectum est, ut alia non pauca, quae simplicibus Itali, & Angli fallacissime venditant; versus autem, *T. c. Lethaeo continguas ora liquore*, de *Sannazarii* & *Propertii* carminibus est defumtus. Verba vero, *tinctus*, & *tritum* miscentur in *Ovidii* libris *Pont. IV*, vi, 34.

Sed forte non deerunt, qui loco congruentius hoc amplius corrigendum putent,

*Summaque Lethaeus tinxerat ora color;*

ut apud *Petronium* *Fragm.* p. 669.

*Tinctus colore noctis  
Manu puer loquaci.*

& *Silium* *XII*, 243.

*niveosque per artus*

*It Stygius color.*

*ibid.* 32.

*Cur nardo flammae non oluere meae?  
Hoc etiam grave erat, nulla mercede hyacinthos  
Injicere, & fracto busta piare cado.*  
[*Lygdamus* uratur: candescat lamina vernac.  
Sensi ego, cum infidiis pallida vina bibi.  
Aut *Nomas* arcanas tollat versuta salivas.  
Dicet damnatas ignea testa manus.]  
*Quae modo per viles inspecta est publica noctes,  
Haec nunc aurata cyclade signat humum.*  
*Et graviora rependit iniquis pensa quasillis,  
Garrula de facie si qua locuta mea est.*  
*Nostraque quod Petale tulit ad monumenta corollas,  
Codicis immundi vincula sentit anus.*  
*Caeditur & Lalage, tortis suspensa capillis,  
Per nomen quoniam est ausa rogare meum.*  
[*Te* patiente, meae conflavit imaginis aurum,  
Ardenti e nostro dotem habitura rogo.]  
*Non tamen insector, quamvis mereare, Properti.*

*Hoc*

Hoc ordine versus in pervulgatis & mss. libris disponuntur: at perturbatione peccatum videtur: ex verbis enim, *dotem habitura*, peripicuum est versus 47, & 48.

*Te patiente, meae conflavit imaginis aurum,  
Ardenti ex nostro dotem habitura rogo,*

pertinere ad amicam novam *Properti*; sed secundum ordinem, quo nunc disponuntur, pertinent ad *Lalagen*; quod absurdum: nam *Cynthiae* memoriam colebat, ideoque ab amica nova vexabatur;

*Caeditur & Lalage, tortis suspensa capillis,  
Per nomen quoniam est ausa rogare meum.*

Versus itaque 47 & 48. sic aptius post 39 & 40. ponentur:

*Quae modo per viles inspecta est publica noctes,  
Haec nunc aurata cyclade signat humum.  
Te patiente, meae conflavit imaginis aurum,  
Ardenti ex nostro dotem habitura rogo.*

Sic item praeclare cohaerebunt:

*At graviora rependit iniquis pensa quassillis,  
Garrula de facie si qua locuta mea est;  
Nostraque quod Petale tulit ad monumenta corollas,  
Codicis immundi vincula sentit anus.  
Caeditur & Lalage, tortis suspensa capillis,  
Per nomen quoniam est ausa rogare meum.  
Non tamen infector, quamvis mereare, Properti.*

Nam sequor *Marklandum*, qui, *et*, *in*, *at*, mutari volebat ad *Stat.* Sylv. p. 243.

Praeterea non dubito, quin versus 35. cum tribus subsequentibus

[*Lygdamus uratur: candescat lamina vernae:  
[Sensu ego, cum insidiis pallida vina bibi.]*

*Aut*

*Aut Nomas arcanas tollat versuta salivas.  
Ducet damnatas ignea testa manus.]*

alio pertineat. Mecum facit Scaliger, qui, sequente, ut semper fere, Brockhusio, post 42 collocat hoc modo:

*Caeditur & Lalage tortis suspensa capillis,  
Per nomen quoniam est ausa rogare meum.  
Lygdamus uratur. candescat lamina vernae.  
[Sensi ego, cum insidiis pallida vina bibi.]  
Aut Nomas arcanas tollat versuta salivas.  
Ducet damnatas ignea testa manus.  
Te patiente, meae conflavit imaginis aurum.*

sic autem exponit: „*Μύνης* ex persona ipsius novae amicae. Ura-  
tur Lygdamus, quia consuluit sagam Nomada super nova amica,  
quae fortasse ad ejus interitum spectabant, aut tale quid. „ quod per  
se perspicue falsum, & absolum est. Aptius vero post v. 72. aut  
76. collocabuntur hoc modo:

*Sed tibi nunc mandata damus.  
Nutrix in tremulis ne quid desideret annis  
Parthenie.  
Deliciae meae Latris, cui nomen ab usu est,  
Ne speculum dominae porrigat illa novae.  
Lygdamus uratur: candescat lamina vernae:  
[Sensi ego, cum insidiis pallida vina bibi.]  
At Nomas arcanas prodat versuta salivas:  
Ducat damnatas ignea testa manus.  
Et quoscunque meo fecisti nomine versus,  
Ure mihi.*

Eo ducunt conjunctivi, *desideret, porrigat, uratur, candescat, pro-  
dat*, ut bene Beroaldus, & liber m. ac *ducat*, pro quo viri docti re-  
ponunt, *siccet, urat, signet*. Ut autem morientes saepe scriptis  
aut voce vinctam sui mandabant, [v. Brissou. de Form. vii, 156.  
& auctor libri Reg. I, ii, 5, 8, 9.] sic Cynthia, quae Lygdamum &  
Nomada venenum sibi dedisse putabat, post mortem mandavisse fin-

gitur, ut ignis, arduentes laminæ, aliiqne cruciatus ad extorquendam veritatem veneficis admoverentur. Hæc vero mandata rectius in Cynthiam, quam novam amicam convenire, liquet ex Eleg. viii, 58, & 79. ubi pariter *Propertio* de Lygdami poena mandat:

*Lygdamus inprimis, omnis mihi causa querelæ,  
Veneat, & pedibus vincula bina trahat.*

Cacterum *Lygdamus*, & *Nomas* congruenter huic poetæ loco junguntur in Inscript. antiq. apud *Gruter.* p. cccclxxxiii. n. 3. ne quis cum *Vulpio* fomniat de Afra venefica.

IX, I.

*Amphitryoniades qua tempestate juvences  
Egerat a stabulis, o Erythea, tuis,  
Venit ad invictos pecorosa palatia montes,  
Et statuit fessos fessus & ipse boves,  
Qua Velabra suo stagnabant flumine, quaque  
Nauta per urbanas velificabat aquas.  
Sed non infido manserunt hospite Caco  
Incolumes: furto polluit ille Jovem.  
Incola Cacus erat, metuendo raptor ab antro,  
Per tria partitos qui dabat ora focos.  
Illic, ne certa forent manifestæ signa rapinae,  
Aversos cauda traxit in antra boves.*

Cacus tenebat Aventinum montem, non autem Palatinum. *Virgil.* Aen. viii, 230. *Ovid.* Fast. I, 551. vi, 81. *Columella* I, iii, 7. nisi *Autolyces* ille cuiquam potuit tolerabilis esse conterminus; aut Aventini montis incola, Palatinis ullum gaudium finitimis suis, Cacus attulit. Itaque legendum est:

Accola Cacus erat.

Apposite *Livius* I, 7. Palatinum, in quo ipse erat educatus, munit: sacra Diis aliis Albano ritu, Græco Iherculi, ut ab *Euandro* instituta erant, fecit. *Herculem* in ea loca *Geryoni* boves manu sua abegisse  
memo-

*memorant, ac prope Tiberim fluvium, qua, prae se armentum agens, nando trajecerat, loco herbido, ut quiete & pabulo laeto reficeret boves, & ipsum fessum via procubuisse. ibi quum eum cibo vinoque gravatum sopor oppressisset, pastor accola ejus loci nomine Cacus —: in quibus & alia simillima vides, ex. gr. ut pabulo laeto reficeret boves, & ipsum fessum via procubuisse, & statuit fessos fessius & ipse boves. Frequenter autem librarii vocem, incolam, in locum, accola, substituerunt, ut apud Curt. IV, v, 5. Indes Oceani accolas. P. incolas. & Claudian. Ep. v, 1. ad Gennadium:*

*Italiae commune decus, Rubiconis amoeni  
Incola:*

nam *Barthius, Heinsio, Gesnero*que conprobantibus, vere conjecit *accola*; de quo *Burmamnus* dubitare non debuerat. Vitium vero permanfit in *Statii Theb.* VII, 420.

*gemini maris incolam narrat  
Thebanum toto planxisse Palaemona ponto:*

quippe corrigendum est, uti nunc video *Burmamnus* corrigere ad *Claudiani* l. c.

*gemini maris accola narrat.*

Permanfit item in *Valerii Flacci* lib. IV, 513.

*Saxa vocant magni Strophadas nunc incolam ponti.*

Quis est enim, qui monitus mecum non faciat emendante,

*vocant magni Strophadas nunc accola ponti?*

Forte & in *Tullii* libro de *Senect.* cap. XXI. permanfit: *Audiebam Pythagoram, Pythagoreosque, incolas poene nostros, qui essent Italici philosophi quondam nominati, nunquam dubitasse —. nam rectius, opinor, legeretur, accolas poene nostros. Certe Tuscul. Quae est. IV, 1. de Romanis occurrit: erat enim illis poene in conspectu praestanti sapientia & nobilitate Pythagoras, qui fuit in Italia.*

Contra apud *Ausonium* Mosella v. 279. de Glauco,

*Carpathium subiit novus accola pontum,*

reponi debet *incola*, quod ipsa res postulat, & imitatio *Nasonis* Metam. xiii, 904.

*Ecce fretum findens alti novus incola ponti,  
Nuper in Euboica versis Anthedone membris,  
Glaucus adest.*

Non erat itaque, quod *Mariangelus Accursius*, auctor correctionis, dubitaret, & sibi ipse dissideret: *Ausonius* enim, quem „mutare forsitan, quem mutuari maluisse,, suspicatur, plurimos aliorum versus dimidios, atque adeo totos suis carminibus intexuit. In *Claudian* quoque carmine de iv. Conf. Hon. 450. pro,

*venit accola sylvae  
Bructerus Hercyniae,*

duo codices offerunt, *incola*, lectionem sequentibus congruentem,

*latisque paludibus exit  
Cimber, & ingentes Albin liquere Cberasci.*

Nihil tamen affirmo.

8, 17.

*Urbis, virtutisque parens sic vincere suevit,  
Qui tulit aprico frigida castra lare.  
Idem eques & frenis, idem & fuit aptus aratris,  
Et galea hirsuta comta lupina juba.  
Picta nec inducto fulgebat parma pyropo:  
Praebebant caesi baltea lenta boves.  
Cossus at insequitur Vejentis caede Tolumni,  
Vincere cum Vejors posse laboris erat:  
Nec dum ultra Tiberim belli sonus: ultima praeda  
Nomentum, & captae jugera pauca Corae.*

*Et*

*Et Vexi veteres, & vos tum regna fuistis,  
Et vestro posita est aurea sella foro.*

*Passeratius:* „ *Livius* lib. 1. [38.] Nomentum priscorum Latino-  
rum oppidum captum ait a Tarquinio Prisco, quod & refert *Dionysius*: [III, L.] Ergo hoc distichon male collocatum, nec referri  
potest commode ad Cornelii Costi tempora. „ *Dialectice!* Ego  
vero sic argumentabar: *Livius* & *Dionysius* consentiunt Tarquinium  
cepisse Nomentum: itaque de Romuli temporibus dici non potest,  
*ultima praeda Nomentum.* *Broekhusius* tamen argumentationem ve-  
hementer laudavit, atque adeo confidenter edidit:

*Picta nec inducto fulgebat parma pyropo:  
Praebant caesi baltea lenta boves.*  
[Nec dum ultra Tiberim belli sonus; ultima praeda  
Nomentum, & captae jugera pauca Corae.]  
*Cossius at insequitur cetera.*

O iudicium, quale te dicam bonum! Rectius monuisset in Gronin-  
gano libro meliorem lectionem servari:

*O Vexi veteres, & vos tum regna fuistis!  
Et vestro posita est aurea sella foro!*

*Et*, enim sordet natum ex subsequentibus, *et* vos, *Et* vestro.

XI, 3,

*Cum semel infernas intrarunt funera leges,  
Non exorato stant adamante viae.*

*N. Heinsius:* leges] „ *sedes lege.* male. „ Poëtam tamen scripisse,

*Cum semel infernas intrarunt funera sedes,*

tamdiu credam, quoad vulgatae scripturae defensor ostendet, bonum  
Latinitatis auctorem dixisse, *funera inrant leges.* *Ovidius* *Metam.*  
IV, 432.

*Est via declivis, funesta nubila taxo.  
Ducit ad infernas per muta silentia sedes.  
Quo simul intravit.*

ib. 7.

*ubi portitor aera recepit,  
Obferat umbrosos lurida porta rogos.*

sic habent non tantum quidam libri scripti; sed & vulgares editio-  
nes, quod *Hemsterhusium* fugisse miror ad *Lucian.* Tom. 1. p. 422.  
*rogos* autem *Passeratius*, & *Heinsius* interpretantur, manes, mor-  
tuos: sed cogitavisse non videntur, *manes umbrosos* commode dici non  
posse; nec *obferat* congruere *mortuis*: etenim *domus* & *fores obse-  
rantur*, non item *mortui*. *Hemsterhusius* vero l. c. „ minuendae  
difficultatis in emendatione sola spem ponebat,

*Obferat umbrosas lurida porta domos.* „

Ego vix dubito, quin *Propertius* scripserit:

*Obferat umbrosos lurida porta locos;*

ut I, XIX, 7.

*Illic Phylacides jucundae conjugis heros  
Non potuit caecis immemor esse locis.*

& *Seneca* Agam. 1, 1.

*Opaca linquens Ditis inferni loca.*

Pariter librarii quidam *Propertii* lib. I, XIX, 20. scripsere,

*Tum mihi non ullo mors sit amara rogo,*

pro, loco, & e contrario *Senecae* II. F. 508.

*Consumet unius igne subjecto locus,*

pro, rogos. Ubi vero, *domos*, &, *rogos*, permutentur, ignoro.  
*Locos*



*Locos item Vulpus* adolescens correxuit; sed deinde silentio suo damnavit.

ib. 15.

*Damnatae noctes, & vos vada lenta paludes,  
Et quaecunque meos implicat unda pedes.*

Conferunt III, v, 12.

*Et quaecunque meum degravat unda caput.*

*Implicat* tamen meam conjecturam juvare videtur,

*Et quaecunque meos implicat ulva pedes:*

quae multis valde placuit, in his *Koppiersio*, juveni pererudito, Observ. Philol. p. 155. & *Burmanno* V. C. ad *Lotich.* p. 363. ubi exemplis eam firmavit & probavit. A librariis autem saepe, *unda*, substitutum est in locum vocis, *ulva*. v. *Heins.* ad *Ovid. Metam.* XIV, 103.

ib. 89.

*Discite venturam jam nunc sentire senectam,  
Coelibis ad curas nec vacet ulla via.*

*N. Heinsius* emendabat, *fulcire*, vel, *farcire*: mihi placebat, *lenire senectam*; ut VIII, 33.

*His ego constitui noctem lenire vocatis;*

& *Ovid. Metam.* VI, 500.

*Et mihi sollicitae lenimen dulce senectae.*

Huic autem correctioni permagnum pondus addit eorundem verborum permutatio facta I, v, 3.

*Quid tibi vis, insane? meae sentire furores?*

nam *Vosſii* liber habet, *lenire*. Sed inventi gloria debetur viro doctissimo, cujus conjectura memoratur in *Elect.* Eton. Maj. p. 184.

ib. 97.

*Haec est feminei merces extrema triumphī,  
Laudat ubi emeritum libera fama rogūm.*

*Rogum Passeratius* explicat, manes, mortuam: mihi blanditur antiquissima conjectura, quam cum plurimis communicavi:

*Laudat ubi emeritum libera fama torum:*

sive capias pro conjugio, sive conjugē: *torus* enim frequenter a poetis hac potestate ponitur. v. *Heins.* ad *Ovid.* *Her.* xix, 100. Ipse *Propertius* III, x, 6.

*Et quisquis fido praetulit arma toro.*

Nec aliter *lectus* usurpatur II, v, 15.

*Felix Admeti conjux, & lectus Ulyxis,  
Et quaecumque viri femina limen amat:*

ubi Graecos pariter loqui politissimus *Livineius* ostendit. Ea vero librariorum consuetudo fuit, ut, *rogus*, ingererent pro, *torus*. v. *Heins.* ad *Ovid.* *Amor.* II, xiv, 39.

Caeterum versus hujus Elegiae foedisime perturbati sunt. Ipsa ratio tamen Criticos docere poterat, eam sic contextam fuisse, ut *Cornelia*, virum solata, causam oraret, causaque perorata, liberos illi commendaret, ipsosque officii & pictatis, patri praestandae, admoneret. Itaque laudandus est *Scaliger*, quod versus, *Filia tu specimen* cet. qui in scriptis libris ante commendationem liberorum collocantur, in finem carminis rejecit. Sed hoc amplius ultimi versus ponendi sunt ante versus, *Nunc tibi commendo* cet. hoc modo.

*Sed bene habet. Nunquam mater lugubria sumsi.  
Venit in exsequias tota caterva meas.*

*Causa*

*Causa perorata est. flentes me surgite testes,  
 Dum pretium vitae grata rependit humus.  
 Moribus & coelum patuit. sim digna merendo,  
 Cujus b. o. v. a.  
 Nunc tibi conumendo communia pignora natos.  
 Haec cura & cineri spirat iniusta meo.  
 Fungere maternis vicibus, pater. —*

*Quod mihi detractum est, vestros accedat ad annos.  
 Prole mea Paullum sic juvet esse senem.*

In hac autem insigni versuum traiectione magnis Criticis cumulate satisfeci.



## C A P V T X.

*Conplures versus Ovidio sunt suppositi. Causa. N. Heinsius in iis tollendis longe caeteris praestat Criticis. Plerosque tamen Witbofius retinet, sed re-  
 fectos. Exempla. Conatus refutatur. Phoenix Heliopolin venit. Alia.  
 Conceditur tamen Heinsium rejicere versus, qui, levi mutatione facta, re-  
 tineri possint; atque adeo, quos ipse carminum contextus esse servandos do-  
 ceat. Exempla. Tentatus Valerii Flacci versus. Phoebus, non Tethys,  
 sparsas sui currus partes, & equos collegit. Astaeon cornua sua solitis  
 in undis vidit. Milo male dicitur in amne fluidos lacertos spectasse. Inter  
 Ovidianos etiamnunc latent versus poetarum suppositi. Quosdam Burmannus in-  
 dicavit. Idem reprehenditur. Difficultas bujus Criticae partis.*

Satis constat, cum caeteris poetis, tum maxime *Nasoni*, versus ab hominibus male sedulis esse suppositos. Causam *Capoferreus* post alios explicat ad *Metam. x, 507*: „ In memoria habendum est, id „ quod viri docti jam pridem testificati sunt, in neminem poetarum „ plus sibi temeritatem quorundam sciolorum permisisse, quam in „ hunc, ut cui, pro candore ac facilitate sua uni omnium maxime „ inter manus versanti, facillime possent ineptiarum suarum sca- „ biei affricare. „ Quapropter editores in eo certatim elabora- runt, ut haec sordes abstergerentur, & libri magis magisque splende- rent.

In suppositis autem versibus notandis & submovendis quondam felicissimus fuit *N. Heinsius*, Criticus intelligentium iudicio probatissimus: unus enim plus praestitit, quam caeteri omnes. Pauci tamen, tanquam *Burmamnus* & *Witbofius*, audaciam reprehenderunt, & temeritatem; sed diversas ingressi sunt vias. Siquidem *Burmamnus*, in refutatione nimium saepe versatus, interdum notas, quas viri docti, in primis *Heinsius*, apposuerant ad suspectos versus, in editione postrema delevit; *Witbofius* autem plerosque versus, quos iidem notaverant, in officinis falsariorum factos rati, refecit, & inperitis venditavit.

Ne videatur hoc incredibile, pauca de multis exempla ex variis libellis & chartis, quas rari videre, collecta, supponam.

*Burmamnus* v. 95. ep. x. Heroid.

[Coelum restabat. timeo simulacra Deorum.]

gravi nota damnaverat: „Nescio quid spurii & non Ovidiani sonet „hic versus, qui forte a scio quodam ex centonibus aliunde con- „fusus est —. quare puto ejectum & loco motum genuinum ver- „sum, qui sequenti pentametro aptius cohaereat. continuissse vero „hunc sensum puto: sive deserta est & incolis vacua, destituor „praeda feris, sive colunt viri, diffidimus illis. „ Ultima tamen- „et si *Witbofius* [in Annotat. ad funebrem Laudationem *Simmermanni* p. 52.] probat, tamen apponit: „In eo vero Vir Celeb. errat, quod „putet, genuinum versum hinc loco fuisse motum, quasi is adhuc „alibi delitescat. Atqui certus sum, genuinum illum sub om- „nium literarum ductibus hujus scelerate interpolati versiculi te- „ctum latere. — ita Ovidius, nisi fallor, scripsit unice:

„Seu nihil hic exstat timidæ succurrere dignum. „

Sed nemo sibi persuadere poterit librariorum e verbis,

Seu nihil hic exstat timidæ succurrere dignum,

finxisse,

Coelum restabat. timeo simulacra Deorum.

Idem p. 53. in versibus *Heinsio* suspectis [41, 42. Ep. xii.] pro „

[Mar-

[Martis erant tauri plusquam per cornua saevi,  
Quorum terribilis spiritus ignis erat.]

reponit:

Martis erant tauri, *Colchis prope noxius ipsis caet.*

cujusmodi correctiones ne refutari quidem debent.

Tolerabilior est, quam [Annot. ad Laudat. Fun. *Pagenstecher* p. 63.] facere conatus est in Ep. xx, 101.

Testis erit Calydonis aper. nam scimus, ut illo  
Sit magis in natum saeva reperta parens.]

*Testis & Actaeon* —

*Quaeque superba parens* —

Nam distichon, quod *Heinsio* videbatur adulterinum, sic reformat:

Testis erit Calydonis aper, *tam saevus*, ut *isto*  
*Vix* magis —

in quo scripturae MSS. vestigia remanent; ejus autem sententiae  
versus, uti recte monet, subsequencia postulant:

*Testis & Actaeon* —

firmit vero simillimus locus xxi, 177.

*Nunquid in umbroso cum velles fonte lavari,*

*Imprudens vultus ad tua sacra tuli?*

*Praeteriine tuas de tot coelestibus aras?*

*Atque tua est nostra sprete parente parens?*

Sic quoque tamen, ut, quemadmodum sentio, loquar, *aper* ille  
*testis* mihi displicet, atque adeo totum distichon fordet.

Metam. 1, 545. legitur in pervulgatis libris:

*Victa labore fugae, spectans Peneidas undas,*

*Fer, pater, inquit, opem; si flumina numen habetis.*

[Qua nimium placui, tellus, aut hisce, vel istam,

Quae facit, ut laedar, mutando perde figuram.]

*Vix prece finitâ, torpor gravis adligat artus.*

Duos autem versus, qui diversis literis exarati sunt, ab *Heinsio*, non una de causa reiectos, hoc pacto [Praemet. Cruc. Crit. p. 113.] corrigere conatur:

*Cui nimium placui, vel eum tu fiste, vel istam,  
Quae facit, ut laedar, mutando perde figuram.*

Mihi vero videntur adulterini: primum, quod ridiculi sunt: deinde, quod non tantum trajiciuntur in libris, sed & 547. in antiquissimo Palatino deest, uterque autem in Gronoviano: tum, quod *Lactantius* in argumento fabulae non agnoscit: „*Ille patrem invocavit, ut virginitati suae, quam sibi permiserat, ferret auxilium. cuius ille auditis precibus, filiam Deorum auxilio, ut vim effugeret, ret, in laurum convertit.*“, denique, quod, illis ejectis, carmen sit elegantius:

*Fer, Pater, inquit, opem, si flumina numen habetis.  
Vix prece finita, torpor gravis adligat artus:  
Mollia cinguntur tenui praecordia libro.*

Nihil me movet haec argumentatio *Witthofii* p. 112: „preces antea, cessasse ostendunt verba, *Vix prece finita*. Nam illa duo, *Fer, opem*, tantum abest, ut preces possint dici sola, ut prorsus non indicent, quid *Daphne* petat, desideretque. At mos *Nasonis*, perpetuus est in talibus non modo certas preces praemittere, sed etiam ominosas & eventum quodammodo indicantes. Refutatur enim similibus precibus, quae reperiuntur *Metam.* vii 11, 849.

*Et vicina suas tendens super aequora palmas,  
Eripe me domino, qui raptae praemia nobis  
Virginitatis habes, ait. (haec Neptunus habebat.)  
Qui prece non spreta, quamvis modo visa sequenti  
Esset vero; formamque novat; vultumque virilem  
Induit, & cultus piscem capientibus aptos.*

Lib. viii, 286.

*Et setae densis similes hastilibus horrent,  
[Stantque velut vallum, vel ut alta hastilia setae.]*

Alteruter versus in libris non paucis omittitur; ideoque ab omnibus fere Criticis rejicitur. Haec tamen adeo nihil eum movent, ut in Annot. ad Laudat. Fun. *Pagenstecheri* p. 57—59. utrumque tueatur; sic autem reformet posteriorem:

*Stantque velut vallum, velut edita in hystrice tela.*

sed vel solae voces, *setae*, *hafilia*, sic repetitae falsarium patefacere queant. Hunc autem versum sinxisse posteriorem verisimile puto.

Idem Praem. Cruc. Crit. p. 183. versus *Heinsio* suspectos [XIII, 378, 379.]

*Per si quid superest, quod sit sapienter agendum,  
[Si quid adhuc audax, ex praecipitique petendum,  
Si Trojae fatis aliquid restare putatis,]  
Esse mei memores.*

hoc modo corrigere conatur:

*Si quid adhuc Calchas hac praecipit arte petendum,  
Si Trojae fatis aliquid restare putabit.*

Erunt tamen, quibus e geminatis rhythmis, *agendum, petendum; fatis, putatis*; ipsa monachorum claustra redolere videantur.

XV, 400.

*Se super imponit: finitque in odoribus aevum.  
Inde ferunt, totidem qui vivere debeat annos,  
Corpore de patrio parvum Phoenicia renasci.  
[Cum dedit huic aetas vires; onerique ferendo est;  
Ponderibus nidi ramos levat arboris altae:  
Fertque pius cunasque suas, patriumque sepulcrum;  
Perque leves auras Hyperionis urbe positus,  
Ante fores sacras Hyperionis aede reponit.]*

Quinque postremos versus sibi suspectos hoc iudicio damnavit Aristarchus Batavus ad 404: „Versus hic adulterinus est. Metuo, „ ne & proxime praecedens & tres sequentes ab aliena manu sint „ inculcati. ita duodecim versibus totam de Phoenice historiam Naso

„ absolverit. „ Ad probandam sententiam videbatur adjuvare repetitio verborum, *ferunt, ferendo, fert*; & *pius*, proxime *cunis* adjectum, cum *sepulcro* rectius adungeretur. Aliter atque ego *Wit-hofius* iudicabat in *Ephem.* Duisburg. a. 1746. n. 36. sic interpolans:

*Perque leves cunasque suas patriumque cubile  
Ungue ferens auras Hyperionis aede reponit.*

Enimvero tales interpolationes, meo iudicio, ne verisimiles quidem sunt; haec autem vehementer improbanda, propterea quod ejus fundamentum in aqua jactum est. Nam quod Phoenicem negat Helio-  
polin venisse, scriptores ajunt innumerabiles. v. *Burm.* ad *Lactant.* de Phoen. v. 121.

*Quam pedibus gestans contendit Solis ad urbem;*

uti feliciter restituit, pro, *ortum*; & qui plures jam testes citaverat, *Barthius* ad *Claudian.* de Phoenice v. 90.

*Ibid.* v. 422.

*sic magna fuit censuque virisque,  
Perque decem potuit tantum dare sanguinis annos,  
Nunc humilis veteres tantummodo Troja ruinas,  
Et pro divitiis tumulos ostendit avorum.*  
[Clara fuit Sparte: magnae viguere Mycenae:  
Nec non Cecropiae; nec non Amphionis arces.  
Vile solum Sparte est: altae cecidere Mycenae.  
Oedipodioniae quid sunt, nisi fabula, Thebae?  
Quid Pandioniae restant nisi nomen Athenae?]

Ultimi versus inopportuni sunt, & historiae repugnant; in veteribus autem libris vel hic, vel ille deest, atque adeo duo priores in unius margine ponuntur. Quid? quod tempus, quo versificatores in similibus delectabantur sonis, indicant. Quid? quod iis omis-  
sissime cohaeren:

*Nunc humilis veteres tantummodo Troja ruinas,  
Et pro divitiis tumulos ostendit avorum.  
Nunc quoque Dardaniam fama est consurgere Romam.*

*Ita-*



Itaque sequor *Heinsium*, qui tollendos esse censet. Contra *Withofius* Annot. in Laudat. Fun. *Pagenstecheri* p. 64. omnes retinet, sed crebris locis inculcatos & resectos hoc modo:

*Nunc humilis veteres quasdam modo Troja ruinas, caet.  
Clara sit ut Sparte, magnaeque in honore Mycenae, caet.  
Oediponionis quin nil, nisi nomina, Thebis,  
Nil Pandionis restare querentur Athenis.*

Credas cum voluisse Monachos reformare & velut recoquere.

Fast. vi, 751.

[Tunc cum observatas augur descendit in herbas;  
Ufus & auxilio est anguis ab angue dato.]

Et hos versus vir eximius „ spuriae iudicabat esse notae;,, sed *Withofius* in Ephem. Duisburg. a. 1752. n. 51. reponebat:

Tunc, cum more sagax augur *Polyidos eodem*  
Ufus.

Et miramur inveniri, qui Criticos facere dicant

*Candida de nigris* —

Pontic. II, 11, 31. vulgatur:

*Tuta petant alii. Fortuna miserrima tuta est:*

*Nam timor eventus deterioris adest.*

[Qui rapitur fati, quid praeter fata requirat?

Saepe creat molles aspera spina rosas.

Qui rapitur spumante salo, sua brachia cauti

Porrigit, & spinas duraque saxa capit.]

*Accipitrem metuens pennis trepidantibus ales,*

*Audet ad humanos fessa venire sinus.*

Aristarchus autem Batavus ad v. 33. notat: „ Nonnulli ex antiquis  
„ omittunt hoc distichon, quidam proximum. Alii ex ambobus  
„ unum faciunt, utroque mediorum versuum omisso. Ego utrum-  
„ que distichon superfluum & tollendum esse cenfeo. „ Utrumque  
vero

vero *Withofius*, antiquum obtinens, in *Ephem. Duisb. a. 1751. n. 20.* servat, sed prius ita mutatum:

Qui rapitur *ventis*, quid praeter *litora quaerit*?  
*Saepe licet multis aspera visa locis.*

Ego subirascor hominis obstinationi. Quis enim, nisi plane plumbeus sit in Criticis, dubitet, quin nebulo prius distichon e posteriore conflaverit? Quis autem credat librarios e verbis,

*Saepe licet multis aspera visa locis,*  
 fecisse,

*Saepe creat molles aspera spina rosas?*

Ad haec correctiones adjungi simillimae possunt, quas in *Silio, Statio, Juvenale*, & aliis fecit; sed omitto, ne quid injucunditatis habeat longa reprehensio. Quippe perspicuum puto, pessime rem gerere, qui semper laborent, quemadmodum versus merito suspectos, et in marginibus bonorum librorum scriptos, atque adeo penitus omisos, retineant.

Nec tamen *Heinsii* studiosus ac fautor omnes hujus generis correctiones, ab ingenioso viro factas, approbo; quippe qui fatear in conplures cadere illud poetae Cordubensis: *Excesit medicina modum*. Nam, ne dicam de singulis, interdum versus ejecit, qui, parva mutatione facta, retineri potuerant. Sic *Metam. vi, 537.*

*Omnia turbasti, pellex ego facta sorori:*  
*Tu geminus conjux.* [non haec mihi debita poena.]

„ hemistichium putat additum a sciolo, & lacunam esse relinquentem. „ Sed, ut mittam de saltâ dimidiorum versuum suspicione, plerique libri veteres offerunt; hostis *m. d. p.*: unde *Withofius* *Præmet. Cruc. Crit. p. 181.* feliciter eruit:

*hostis mihi debita* Proene.

Idem *p. 182.* versum eidem suspectum *Trist. III, xii, 52.*

[Jamque suum mihi dat pro lare Poena locum?]

præ-

praeclare correxit hoc modo:

Jamque *tuum* mihi *das* pro *lare*, *Ponte*, *solum*?

Sic V, 1, 15.

*Delicias si quis lascivaque carmina quaerit,*  
[Praemoneo, nunquam scripta quod ista legat.  
Aptior huic Gallus, blandique Propertius oris,]  
*Aptior, ingenium come, Tibullus erit.*

ad v. 16. hanc apposuit notam: „versus hic mihi pro Ovidiano non est, ut nec ille, qui mox sequitur.„ At *Witbofius* p. 141. ver-  
sum trajiciens, & alterum, quem sine causa damnavit, recipiens,  
admirabiliter restituit:

*Delicias si quis lascivaque carmina quaerit,*  
Aptior, ingenium come, Tibullus erit.  
Aptior huic Gallus, blandique Propertius oris,  
Totque alii, quorum nomina magna vigent.  
*Atque utinam numero ne nos essemus in illo!*

Gravius autem lapsus est, quod censoria nota damnavit, quos  
ipse carminis contextus haud esse damnandos docere potuisset; ut  
Heroid. xiv, 105.

*Inachi, quo properas? eadem sequerisque fugisque.*  
*Tu tibi dux comiti: tu comes ipsa duci.*  
*Per septem Nilus portus emissus in aequor*  
*Exiit insanae pellicis ora bovi.*  
[Ultima quid refero, quorum mihi cana senectus  
Auctor? dant anni, quod querar, ecce, mei.]  
*Bella pater patruusque gerunt: regnoque domoque*  
*Pellimur. ejectos ultimus orbis habet:*

nam si distichon, [109, 110.] ei „non uno nomine suspectum, „  
demas, carmen minus apte cohaerebit.

Pejus autem cohaerebunt ultima sequentis epistolae [xv, 211.]:

*Sive redis, puppique tuae votiva parantur*  
*Munera; quid laceras pectora nostra mora?*

*Solve ratem. Venus orta mari, mare sternet eunti.*

*Aura dabit cursum. tu modo solve ratem.*

*Ipse gubernabit residens in puppe Cupido:*

*Ipse dabit tenera vela, regetque manu.*

*Sive juvat longe fugisse Pelasgida Sappho;*

*(Non tamen invenies, cur ego digna fuga.)*

[*Hoc saltem miserae crudelis epistola dicat;*

*Ut mihi Leucadiae fata petantur aquae.]*

si postremum distichon, cujus sententiam non assequeretur, ejus imperio rejeceris. Sensit hoc Graevius Syll. Epist. Burm. T. iv. p. 599. prudenter & amice monens: „In notis tuis ad 219. justit distichon illud ultimum excindere tanquam adulterinum, & „cingulis id circumdediti: sed maxime genuinum mihi videtur „esse, & sine illo sententiam nullam esse illius loci. Sive, inquit, „abhorres a meo complexu, & longe hinc tibi fugiendi animus sit, „quamvis nihil invenias in me dignum fuga, hoc saltem mihi tua „nunciet epistola, te scilicet fugere meum conspectum, & nolle „unquam ad me redire, ut me conferam Leucatem in montem situm in aquis Leucadiis, & inde praecipitem me dem, ut amore lever:„ unde parum felix conjectura viri docti in notis ineditis pariter refutatur: *Hoc saltu miserae caet.*

Vehementer itidem N. Heinsius errat, quod versus 217, 218. *Sive juvat caet.* post 211, 212. poni vult hoc modo:

*Sive redis, puppique tuae votiva parantur*

*Munera;*

*Sive juvat longe fugisse Pelasgida Sappho;*

*(Non tamen invenies, cur ego digna fuga.)*

*Solve ratem. Venus orta mari, mare sternet eunti.*

*Ipse gubernabit residens in puppe Cupido.*

sic enim Sappho sibi nocitura peteret. Sed ad propositum redeamus.

Idem xx, 91.

*Nunc reus infelix absens agor; & mea, cum sit*

*Optima, non ullo causa tuente perit.*

[Hoc

[Hoc quoque, quod jus est, sit scriptum injuria nostrum:  
 Quod de me solo nempe queraris habes.]  
*Non meruit falli mecum quoque Delia. si non  
 Vis mihi promissum reddere, redde Deae.*

medium distichon censet esse adulterinum. Non ego: subsequens enim docet esse genuinum.

Eadem Epist. v. 207.

*Scribis, ut invalidum liceat tibi visere corpus.  
 Es procul a nobis: & tamen inde noces.*  
 [Mirabar, quare tibi nomen Acontius esset:  
 Quod faciat longe vulnus, acumen habes.]  
*Certe ego convalesci nondum de vulnere tali;  
 Ut jaculo, scriptis eminus icta tuis.*

nonnemo medios itidem versus poetæ non esse judicat. Ego, quam venusti sint, non disputo; sed ajo retinendos esse. Mecum facere sequentes ipse vir summus fatebitur, si velit diligenter attendere.

Artis Amat. I, 343. codices omnes exhibent:

*Ergo age, ne dubita cunctas superare puellas.  
 Vix erit e multis quæ neget una tibi.*  
*Quæ dant, quæque negant, gaudent tamen esse rogatæ.*  
*Ut jam fallaris, tuta repulsa tua est.*  
 [Sed cur fallaris? cum sit nova grata voluptas?  
 Et capiant animos plus aliena suis?]  
*Fertilior seges est alienis semper in agris:  
 Vicinumque pecus grandius uber habet.*

Heinsius tamen „metuit, ne distichon [347, 348.] sit ab interpo-  
 „latrici manu confectum, cum ad rem non satis faciat., sed se-  
 quens metuere verbat.

Metam. II, 394.

*Talia dicentem circumstant omnia Solem  
 Numina: neve velit tenebras inducere rebus,  
 Supplice voce rogant. missos quoque Jupiter ignes  
 Excusat, precibusque nimas regaliter addit.*

Bb 2

[Col-

[Colligit amentes, & adhuc terrore paventes,  
Phoebus equos, stimuloque domans & verberare saevit:  
Saevit enim, natumque objectat, & imputat illis.]

*At pater omnipotens ingentia moenia coeli  
Circuit: &, ne quid labefactum viribus ignis  
Corruat, explorat.*

Hic ad v. 398. notat: „ Mihi trium horum versiculorum fides non-  
,, nihil est suspecta, tertii inprimis. „ Offendebat forte repetitio  
verborum, *saevit, saevit*; & rhythmus, *amentes, paventes*. Eo  
certe graviter offensus *Withofius* Praemet. *Cruc. Crit.* p. 184. repo-  
nebat:

attonitos, & adhuc terrore paventes.

Ut ut est, rejectis duobus versibus, *Colligit - Phoebus equos-*, caete-  
ri non cohaerebunt:

*Jupiter ignes  
Excusat, precibusque minas regaliter addit.  
At pater omnipotens [Jupiter] ingentia moenia coeli  
Circuit.*

Tuetur itidem rejectos imitatio *Lucretii* manifesta v, 397.

*Ignis enim superavit, & ambens multa perussit,  
Avia cum Phaëthonta rapax vis Solis equorum  
Aethere raptavit toto, terrasque per omnes.  
At pater omnipotens ira tum percitus acri  
Magnanimum Phaëthonta repenti fulminis ictu  
Deturbavit equis in terram; Solque cadenti  
Obvius aeternam suscepit lampada mundi;  
Disjectosque redegit equos, junxitque trementes:  
Inde suum per iter recreavit cuncta gubernans.  
Scilicet, ut veteres Grajum cecinere poetae.*

Eadem quidem verba reperias: *At pater omnipotens.*

Hic autem locus in memoriam redigit haud dissimilem, sed sus-  
pectum, *Valerii Flacci* v, 430:

*Flebant populeae juvenem Phaëthonta sorores,*

*Ater*

*Ater & Eridani tepidum globus ibat in anmem:  
At juga vix Tethys sparsumque recolligit axem,  
Et formidantem patrios Pyroënta dolores:*

ut enim Tethys Solem in Iberum mare cadentem excipiat II, 36. sic juga Phoebei currus, & equos dispersos vix commode recolligit. Nonnemo certe congruenter Ovidio, Lucretio, Lucianoque T. I. p. 280. scripsisset:

*At juga vix Phoebus, sparsumque recolligit axem,  
Et formidantem patrios Pyroënta dolores:*

aut, Titan, quod nomen usitatum poëtae. Favet quidem vox, *patrios*. Sed in viam.

Lib. III, 198. nunc ex uno codice Leidenfi vulgatur:

*Additus & pavor est. fugit Autonoeius heros,  
Et se tam celerem cursu miratur in ipso.  
[Ut vero solitis sua cornua vidit in undis,]  
Me miserum! dicturus erat, vox nulla secuta est.*

antehac:

*Ut vero vultus et cornua vidit in undis.*

ad quae N. Heinſius: „versum hunc frigidum & insulsum meo tolle  
„periculo, quanquam scriptis, quotquot vidi, membranarum tenaci-  
„ter inhaerentem. nisi quod in uno Leidenſi,

*Ut vero solitis sua cornua vidit in undis,*

„aliquanto rectius legebatur. „Ego delicatissimum fastidium non  
fero, propterea quod Ovidius simillime de aliis loqui solet; ut de  
Narcisso III, 499.

*Ultima vox solitam fuit haec spectantis in undam.*

de Iō I, 619.

*Venit & ad ripas, ubi ludere saepe solebat,  
Inachidas ripas; novaque ut conspexit in undis*

Cornua, *pertinuit, seque externata refugit.*

& Heroïd. xiv, 89. de eadem:

*Adstitit in ripa liquidi nova vacca parentis,  
Cornuaque in patriis non sua vidit aquis.  
Conatoque queri mugitus edidit ore,  
Territaque est forma, territa voce sua:*

Metam. xv, 565. de Cipo:

*Aut sua flumine cum vidit Cipo in unda  
Cornua, (vidit enim) falsamque in imagine credens  
Esse fidem, digitis ad frontem saepe relatis,  
Quae vidit, tetigit.*

& de Milone v. 229.

*fletque Milon senior, cum spectat in amne  
Illos, qui fuerant solidorum mole tororum  
Herculeis similes, fluidos pendere lacertos.*

uti J. F. Gronovius corrigebat, pro, *inanes*; sed infelicit. Ut enim quisque vultum suum videat in amne, fonte, speculo; sic *lacertos*, oculis patentes, *in amne spectare* non necesse est. Praeterea contra N. Heinsum Senecae locus est, *Ovidium* pene ad verbum exprimentis, Oedip. 760.

*Donec placidi fontis in unda  
Cornua vidit vultusque feros:*

quo Gronovii conjectura firmari potest:

*Utque feros vultus & cornua vidit in undis.*

Plura colligere taedet argumenta, cum Criticis unum satis esse possit, ejecto versu caeteros non cohaerere.

Eodem ductus argumento vix dubito, quin plures versus, ad quos Aristarchus ille notas apposuit, *Ovidiani* sint; tanquam Metam. iv, 316.

[Cum



[Cum puerum vidit, visumque optavit habere:]

Trist. V, XII, 17.

[Ut patriae veniant, veniant oblivia vestri;  
Omnis ut admisit sensus abesse queat.]

& Pontic. IV, XIV, 31.

[Effet perpetuo sua quam vitabilis Ascera.]

Nec tamen ideo, more *Withofii*, tantum virum vehementius infector. Nam cujus iudicium tam prudens & certum est, ut interdum, ficta distinguere conatus a veris, nihil offendant? Equidem ab haerese *Withofiana* non tantum prorsus abhorreo; sed & multo plures nebularum versus inter *Ovidianos* adhuc latere censeo.

Mecum facit ipse *Burmannus*, exagitator audacium Criticorum. Quippe ut suspectos & spurios damnavit Heroïd. IV, 163--166.

[Est mihi dotalis tellus, Jovis insula, Crete.

Serviat Hippolyto regia tota meo.

Flecte feros animos. potuit corrumpere taurum

Mater. eris tauro saevior ipse truci?]

x, 95.

[Coelum restabat. timeo simulacra Deorum.]

in Ibin 401, 402.

[Ut qui terribiles pro gramen habentibus herbis  
Impius humano viscere pavit equos.]

439, 440.

[Utve ferox Phalaris, lingua prius ense resecta,  
More bovis, Paphio clausus in aere gemas.]

& Metam. x, 305.

[Gentibus Ismariis & nostro gratulor orbi:]  
Gratulor huic terrae, quod abest regionibus illis,  
Quae tantum genuere nefas.

ubi tamen multa peccat haec notans ad v. 305: „ Aberat hic versus „ a Florentino S. Marci: & certe mirum videri potest, gratulari „ poëtam Thraciae, ubi modo v. 83. Orpheus docuerat, *amorem* „ *in teneros transferre mares*; quasi *παίδεργα* minus scelus incesto „ esset, a quo tamen se alienum semper ostendit poëta. „ Quippe primum non poëta, sed ipse Orpheus, suae Thraciae gratulatur; dein, ut alia non tangam, semper reperti sunt, qui conjunctiones parentum cum liberis, jure naturae vetitas, damnarent; amores autem puerorum laudarent & celebrarent. Denique, etiam si versus omittatur, eadem tamen sententia manet. Si rejiciendus, ob *ταύτης λογιαν* rejiciendus est. Sufficit enim:

*Gratuler huic orbi, quod abest regionibus illis;*

quae scriptura codicis unius est venusta *Burmanno* visa. sed haec hactenus.

Itaque mihi deliberatum est nonnullas hujus generis correctiones in subsequencia distribuere capita. Diu me dubitasse fateor, an attingerem Criticae partem, quae putatur una esse omnium difficillima. Nam cum tota constet ex variis studiis & artibus, in quibus singulis excellere difficile est, tum in hac praesertim sagacitas, & quaedam divinatio, nec mediocris prudentia requiruntur. Movebar etiam clamoribus & conviciis minorum Criticorum, quibus invidi consecretantur ingeniosissimos homines; maxime vero deterrebar exemplis summorum virorum, velut *Heinsii*; quibus saepe parum prospere successisse noveram. Sed cum Criticis nobilissimis & iisdem poëtis non paucos hujusmodi versus merito notasse viderer, diutius dubitandum non putavi, quin notationes ederem, causasque subscriberem. Uberius autem multas explicavi, ut difficilibus & morosis cumulatisime satisfacerem. Non deerunt forte, quibus nonnulla rationum momenta videantur perlevia: sed ipsa sermonis barbaries; turbata rerum sententiarumque series; violatae carminum leges; atque adeo communis hominum sensus omnes, nisi plumbeos in Criticis, aut valde pertinaces, confiteri cogent, plerosque versus a me jure damnatos esse. Utcumque erit, gaudebo tamen exhibitas aegrotis & prope desperato poëtae curationes optimorum medicorum consensu probari.



## C A P V T XI.

*Aliquot versus adulterini de variis Ovidii libris sublati. Suspectum loquendi genus, esuri terna per ora canes. Conplures interpolatorum consuetudines indicantur. Eosdem versus alieno saepe loco reponunt. Reiectus Horatii versus. Nihil deest collationi, extincta Medae flamma ad Iäsonis aspectum revixit, ut scintilla solet a ventis alimentum resumere. Usus verbi exhalare. Aut, & vel, ab optimis poetis conjunguntur. Forma par animo respondet in illa, Latinum non est. Ingratae rerum verborumque repetitiones, indicant versus suppositos. Alia.*

**O**vidius Heroïd. ix, 33.

*Vir mihi semper abest; & conjuge notior hospes  
 Monstraque, terribiles persequiturque feras.  
 Ipsa domo viduâ, votis operata pudicis,  
 Torqueor, infesto ne vir ab hoste cadat.  
 [Inter serpentes, aprosque, avidosque leones  
 Jactor, & esuros terna per ora canes.]  
 Me pecudum fibrae, simulacraque inania somni,  
 Ominaque arcanâ nocte petita movent.*

Ante multos annos sensi versus,

*Inter serpentes, aprosque, avidosque leones  
 Jactor, & esuros terna per ora canes.*

non esse τῶ ποιητοῦ; sed παρεμβλημένους. Necdum muto sententiam. Quippe primum numeri non videntur *Ovidiani*,

*serpentes, aprosque avidosque leones.*

Deinde vehementer dubito, num Latinum sit, *esuros terna per ora canes*. Novi illa,

*Per tria partitos qui dabat ora focos;*

&, de Cerbero,

*vocis horrendae fragor*

*Per terna missus ora;*

& ,

*Latrantem in foribus per tria rostra canem:*

quae duo loca putantur *Heinsii* firmare correctionem. Sed inter haec, & inter, *edere per ora terna*, differt. Quam ridicule autem de uno Cerbero dicitur, *esuri terna per ora canes!* Quid vero ederent? an Herculem? Praestaret scriptura *Puteanei* codicis, *haesuros terna per ora canes*.

Praeterea votis, & pecudum fibris mulier inepte videtur interponere, se jactari

*Inter serpentes, aprosque, avidosque leones,*

*& esuros terna per ora canes:*

quae melius post somni simulacra legerentur. Auctor enim probabiliter ad somnia retulit; quo diversa lectio ducit,

*esuros cerno per ora canes.*

Postremo *monstra*, inter quae Deianira se jactari queritur, ante hoc tempus, atque adeo nuptias ejus, ab Hercule confecta traduntur. v. *Apollod.* II, vii, 6, 7. *Seneca* H. F. alii.

Itaque delendos censeo versus a nebulone fictos ex 61, 87, 95, 93:

*Inque canes totidem trunco digestus ab imo*  
*Cerberus.*

Huic autem praecedens occasionem fingendi dedisse videtur,

*Monstraque, terribiles persequiturque feras.*

iis vero versibus deletis, quae veritatis nota putatur, apte caeteri cohaerent:

*Vir mihi semper adest; & conjuge notior hospes*

*Monstraque, terribiles persequiturque feras.*

*Ipsa domo vidua, votis operata pudicis,*

*Torqueor, infesto ne vir ab hoste cadat.*

*Me*

*Me pecudum fibrae, simulacraque inania somni,  
Ominaque arcanâ nocte petita movent.*

Idem nuper placuit Auctori Specim. *Lucan.* II. p. 57.

Amor. I, x, 15.

*Et puer est, & nudus Amor. sine sordibus annos,  
Et nullas vestes, ut sit apertus, habet.*

*Quid puerum Veneris pretio prostare jubetis?*

*Quo pretium condât, non habet ille sinum.*

[*Nec Venus apta feris, Veneris nec filius, armis:*

*Non decet imbelles aera merere Deos.]*

*Stat meretrix certo cuivis mercabilis aere.*

Et hi versus,

*Nec Venus apta feris, Veneris nec filius, armis:*

*Non decet imbelles aera merere Deos.*

ad rem, quae tractatur, non faciunt: neque enim de feris armis agitur. Iis autem loco motis reliqui aptius congruunt, atque adeo venusta, & *Ovidio* familiaris restituitur repetitio verborum, *prostare*, & stat:

*Et puer est, & nudus Amor. sine sordibus annos,*

*Et nullas vestes, ut sit apertus, habet.*

*Quid puerum Veneris pretio prostare jubetis?*

*Quo pretium condât, non habet ille sinum.*

*Stat meretrix certo cuivis mercabilis aere.*

Interjectionis ansam dare potuit vox, *aere*, & praecedentis *Elegiae* versus 44:

*fusfit & in castris aera merere suis.*

II, xvii, 14.

*Aptari magnis inferiora licet.*

*Creditur & Nymphe, mortalis amore, Calypso,*

*Capta, reluctantem detinuisse virum.*

*Creditur aequoream Phthio Nereïda Regi,  
 Egeriam iusto concubuisse Numae;  
 Vulcano Venerem: quamvis, incude relictâ,  
 Turpiter obliquo claudicet ille pede.*  
 [Carminis hoc ipsum genus impar: sed tamen apte  
 Jungitur herous cum breviori modo.]  
*Tu quoque me, mea lux, in quaslibet accipe leges.  
 Te deceat medio jura dedisse toro.*

In disticho, quod diversis exaratur literis, risum vix tenere soleo.  
 Quippe, ut de numeris taceam,

*Carminis hoc ipsum genus impar: sed tamen apte,*

perridicula videtur argumentatio: *Parva magnis aptari licet. Calypso mortalem detinuit Ulyxen: Thetis cum Peleo concubuit; Egeria cum Numa; Venus cum Vulcano:* modus herous apte cum breviori jungitur; *Corinna item cum Nasone.* Quid multa? praestaret,

*Vulcano Venerem: quamvis, incude relictâ,  
 Turpiter obliquo claudicet ille pede.  
 Tu quoque me, mea lux, in quaslibet accipe leges.*

Ego quidem sic, omisso disticho, scripsissem. Forsan aliquis, qui nosset Elegiam dici *claudam*, & Elegos *claudos*, ad mentionem Vulcani claudicantis attexit,

*Carminis hoc ipsum genus impar: sed tamen apte  
 Jungitur herous cum breviori modo.*

Ex eo quidem fonte plurimae fluxerunt interpolationes; ut Trist. I,  
 III, 73.

*Dividor haud aliter, quam si mea membra relinquam:  
 Et pars abrumpi corpore visa suo est.*  
 [Sic Priamus [Metius] doluit, tunc cum in contraria versus  
 Ultores habuit proditiōis equos.]

III, xv, 1.

*Quae-*

*Quaere novum vatem, tenerorum mater Amorum:*

*Raditur hic Elegis ultima meta meis.*

*Quos ego composui, Peligni ruris alumnus:*

*Nec me deliciae dedecuerunt meae.*

[Si quid id est, usque a proavis vetus ordinis haeres,

Non modo militiae turbine factus eques.]

*Mantua Virgilio debet, Verona Catullo:*

*Pelignae dicar gloria gentis ego.*

Versus 5, & 6. commodiorem reponuntur loco Trist. IV, x, 5.

*Editus hinc ego sum: nec non, ut tempora nostris:*

*Cum cecidit fato Consul uterque pari.*

Si quid id est, usque a proavis vetus ordinis haeres;

Non modo Fortunae munere factus eques.

ubi in duobus libris, *militiae turbine*, pariter atque hic in quibusdam, *Fortunae munere*, reperitur. Hinc suspicor totos inde versus primum in marginem; dein in hujus Elegiae contextum migrasse. Cohærent quidem,

*Nec me deliciae dedecuerunt meae.*

*Mantua Virgilio debet, Verona Catullo:*

*Pelignae dicar gloria gentis ego.*

Similis tamen verborum constructio notatur Fast. IV, 309.

*Claudia Quinta genus Clauso referebat ab alto:*

*Nec facies impar nobilitate fuit.*

*Casti quidem, sed non & credita.*

Ut ut est, eodem conplures argumento ducti, maxime N. Heinsius, non paucos de libris Virgilii versus, in melioribus praesertim omisfos, sustulerunt; ut Ecl. I, 18. Aen. IV, 528. VIII, 46. IX, 28, 121, 151, 524.

Debuerant & tollere de Horatii lib. I. Ep. I. v. 56; qui loco commodiore [Sat. I, VI, 74.] recurrit. Etenim perridiculi videntur senes,

Laevo suspensi oculos tabulamque lacerto.

Mecum *Cuninganius*, *Sanadonus*, & *Jonesius* faciunt. Dissentit quidem *Marklandus* in Explic. Vet. Aliq. Auctor. p. 256. leviter corrigens:

*haec recinunt juvenes dictata, senesque, &  
Laevo suspensi loculos tabulamque lacerto.*

Sed, ut alia non tangam, vehementer dubitari potest, an, sic positi,

*Laevo suspensi loculos tabulamque lacerto,*

denotare queant *pueros*. Certe Satyr. I, vi, 74. legitur:

*Quo pueri, magnis e Centurionibus orti,  
Laevo suspensi loculos tabulamque lacerto,  
Ibant, octonis referentes Idibus aera.*

Dissentit itidem *Gesnerus*: „Hic illo [versu] Satirice utitur, ut in-  
„dicet, fenes etiam toto die puerili illa exercitatione computandi,  
„numeros & aera suarum rationum tractandi, occupatos esse. Ita  
„hic versus, qui insticius videri poterat, & visus est Cuningamo,  
„gratiam & Venerem addet orationi. „Sed talis argumentatio  
Criticis non satisfaciet.

Metam. v, 227.

*Quin etiam mansura dabo monumenta per aevum,  
Inque domo soceri semper spectabere nostri:  
[Ut mea se sponi soletur imagine conjux.]*

Ultimo versu *Perseus* non satis decore facetus videtur; praesertim cum subsequatur v. 236.

*Victor Abantiades patrios cum conjuge muros  
Intrat.*

Ego scripsissem:

*Quin etiam mansura dabo monumenta per aevum,  
Inque domo soceri semper spectabere nostri.*

Nec deerunt forte, qui non aliter *Ovidium* scripsisse judicent.

Lib. vi, 279.



*A quibus ad coelum liventia brachia tendens,  
 Pascere, crudelis, nostro, Latona, dolore;  
 Pascere, ait; satiaque meo tua pectora luctu:  
 [Corque ferum satia, dixit: per funera septem]  
 Efferor: exsulta; victrixque inimica triumphat.*

Heinsius ad 282: „ Cum ait jam praecefferit, otiosum est hoc lo-  
 „ lo τὸ dixit. quare tollatur meo periculo hic versus, quem com-  
 „ menti sunt, qui non intelligebant, quantum esset acuminis in il-  
 „ lo, Efferor. nisi mavis praecedentem tolli. „ Sed antecedentes,

*Corporibus gelidis incumbit; & ordine nullo  
 Oscula dispensat natos suprema per omnes.*

melius conveniunt v. 281. *Pascere, ait, quam sequenti, Corque  
 ferum satia, dixit.* Deinde dimidius versus huc translatus est ex  
 simillimo loco [ix, 175]:

*tendens ad sidera palmas,  
 Cladibus, exclamat, Saturnia, pascere nostris:  
 Pascere: & hanc pestem specta, crudelis, ab alto:  
 Corque ferum satia:*

qui cum positus esset ante oculos *Capoferrei*, tamen corrigere cona-  
 tus est:

*satiaque meo tua lumina luctu,  
 Corque ferum satia, vixi: —*

Servandus igitur est v. 281. delendus autem 282: quod inficeta rei  
 verborumque repetitio,

*Pascere, ait; satiaque meo tua pectora luctu:  
 Corque ferum satia, dixit —*

vel maxime confirmat. *Dixit, autem peti potuit e. v. 286. Dixe-  
 rat; ut, per funera septem Efferor, e 285. post tot quoque funera vivo.*  
 Lib. vii, 74.

*Ibat ad antiquas Hecates Perseidos aras:  
 Quas nemus umbrosum, secretaque silva tegebat.*

*Et*

*Et jam fortis erat, pulsusque residerat ardor;  
 Cum videt Aesoniden: extinctaque flamma revixit.  
 Erubescere genae; totoque recanduit ore.  
 Ut solet a ventis alimenta resumere, quaeque  
 Parva sub inductâ latuit scintilla favillâ,  
 Crescere; & in veteres agitata resurgere vires:  
 [Sic jam lentus amor, jam quem languere putares,  
 Ut vidit juvenem, specie praesentis inarsit.]*

*Heinsius* ad v. 83: „hic versus pro spurio *is κέρωνος* ablegandus. „  
*Burmamnus* autem: „Neque mihi satis placet versus; non enim re-  
 „cte dicitur ipse *amor inardere specie juvenis*: sed desiderari tamen  
 „alium, qui respondeat praecedenti, & sensum perficiat puto, &  
 „hunc forte pro vero suppositum. nam non solet noster ita compa-  
 „rationes claudere, ut scintilla solet resurgere in veteres iras, ita  
 „lentus amor; sed addi deberet, sic jam lentus amor & jam langue-  
 „re visus, nova incrementa capere, vel simile quid. „ Mihi pla-  
 „cet *Heinsii*, versum delentis, sententia; atque argumentum, quo  
*Burmamnus Heinsii* sententiam firmat. Illud non probo, quod *Hein-*  
*sius*, deleto v. 83. sequentem retinet. Etenim, sicut bene *Bur-*  
*mannus*, poeta „non solet ita comparationes claudere, ut scintilla  
 „solet resurgere in veteres iras, ita lentus amor; sed addi deberet,  
 „sic jam lentus amor & jam languere visus, nova incrementa cape-  
 „re, vel simile quid. „ Quod autem *Burmamnus* adjungit, „alium  
 „desiderari versum, qui respondeat praecedenti, & sensum per-  
 „ficiat, & hunc [*Ut vidit* —] forte pro vero suppositum, „non li-  
 „benter ei dederim. Nihil enim deest huic comparationi, sive, ut  
*Volssio* placebat, collationi: Amantis Medae restincta flamma ad  
 Aesonis adspectum revixit;

*Ut solet a ventis alimenta resumere, quaeque  
 Parva sub inductâ latuit scintilla favillâ,  
 Crescere; & in veteres agitata resurgere vires.*

Si quis tamen dubitet, eum poeta coget credere, qui similitum vel in  
 his libris copiam suppeditat; ut IV, 362. v. 570. XII, 276. VI, 46.

*Sed tamen erubuit; subitusque invita notavit  
 Ora rubor: rursusque evanuit; ut solet aër*

*Pur-*

*Purpureus fieri, cum primum Aurora movetur;  
Et breve post tempus candescere Solis ab ictu.*

Itaque non dubito, quin, duobus versibus ejectis, legendum sit:

*Et jam fortis erat, pulsusque residerat ardor;  
Cum videt Aesoniden: extinctaque flamma revixit.  
Erubere genae; totoque recanduit ore;  
Ut solet a ventis alimenta resumere; quaeque  
Parva sub inductâ latuit scintilla favillâ,  
Crescere, & in veteres agitata resurgere vires.*

At male feriat correctores, qui postremos versus ἀπόστατον esse crederent, ἀπόστατον subjecerunt;

*Sic jam lentus amor, jam quem languere putares,  
Ut vidit juvenem, specie praesentis inarsit:*

quam barbaries, & inficeta rerum verborumque repetitio redarguunt: verborum, *Cum videt Aesoniden, Ut vidit juvenem; rerum,*

*Et jam fortis erat, pulsusque residerat ardor,  
Cum videt Aesoniden, extinctaque flamma revixit;*

&

*Sic jam lentus amor, jam quem languere putares,  
Ut vidit juvenem, specie praesentis inarsit.*

ib. vf. 577.

*Semanimes errare viis, dum stare valebant,  
Adspiceres; flentes alios, terraeque jacentes;  
Lassaque versantes supremo lumina motu.  
[Membraque pendentis tendunt ad fidera coeli,  
Hic, illic ubi mors deprenderat, exhalantes.]*

*Capoferreus*, adulterinorum versuum diligens investigator, multis docuit argumentis in hoc numero ponendum esse 580.

*Membraque pendentis tendunt ad fidera coeli.*

Sed, eo sublato, vinculum deerit, quo copulentur,

Dd

Las-

*Lasfaque versantes supremo lumina motu,  
Hic, illic ubi mors deprenderat, exhalantes.*

Quapropter & hunc tollendum iudico, praesertim cum poeta sic illud, *exhalare*, non usurpaverit. Idem *N. Heinio* visum: sed dubitans, & revocans se subiecit: „nisi emendatione placet succurri, „ ut rescribatur:

„ *Hic, ubi mors, animam, deprenderat, exhalantes.* „

Infelicitur. Etenim mutatio non tolerabilis; omissa copula; ac turbatus ordo verborum repugnant. Ineptus autem versificator sua derivavit e libr. vi, 245.

*Ingemuere simul, simul incurvata dolore  
Membra solo posuere: simul suprema jacentes  
Lumina versarunt; animam simul exhalârunt:*

quod ignorans *Burmamnus* vehementer laborat, quomodo non tuenda tueatur.

Lib. viii, 355. de apro vulnerato:

*Ira feri mota est: nec fulmine secius arsit:*  
[Lux micat ex oculis, spiratque e pectore flamma.]

Hunc versum, cum, multis ductus argumentis, adulterinum esse docuissim, deinde vidi *Capoferreum* similibus olim confutasse. Silet tamen *Burmamnus*.

Lib. ix, 359. de Dryope mutata:

*Spectatrix aderam fati crudelis; opemque  
Non poteram tibi ferre, soror; quantumque valebam,  
Crescentem truncum, ramosque amplexa, morabar:*  
[Et (fateor) volui sub eodem cortice condi.]

Apud *Antoninum Liberalem* cap. vi. Periphante in avem mutato, coniux orat, ut in avem, ejus consuetudine utentem, mutetur; & apud nostrum *Metam.* iv, 592. Harmonia, cum maritus in anguem versus esset, rogat:

*cur non*

*Me quoque, coelestes, in eundem vertitis anguem?*

Novi tamen aliquem, cui suspectus fit versus,

Et, fateor, volui sub eodem cortice condi.

Quippe post, *aderam, poteram, valebam, morabar*, aptius seque-  
retur, *volebam*; *fateor*, autem vix patienter ferri potest. Patien-  
tius tamen ferri posset, admittā veteris amici conjecturā:

*Et pariter volui sub eodem cortice condi.*

ibid. v. 619.

*Quippe nec ille potest (ut jam mea vota relinquam)*

*Non tamen ausorum semper memor esse meorum.*

*Et, quia defierim, leviter voluisse videbor:*

[Aut etiam tentasse illum, insidiisque petisse.]

*Vel certe non hoc, qui plurimus urit, & ussit*

*Pectora nostra, Deo, sed victa libidine credar.*

Versus 622.

Aut etiam tentasse illum, insidiisque petisse,

mihi suspectus est, quia languet, nec commode pronunciari po-  
test; melius itidem cohaerent,

*Et, quia defierim, leviter voluisse videbor:*

*Vel certe non hoc, qui plurimus urit, & ussit*

*Pectora nostra, Deo, sed victa libidine credar.*

Fictus autem videtur ex 633.

*Cum pigeat tentasse, libet tentare, modumque*

*Exit.*

Erunt forte, qui mirentur me non argumentari; fictum esse versum,  
quem Latinitas non ferat. Negant enim, qui pure & emendate lo-  
quantur, *aut*, &, *vel*, conjungere. *Withofus*, ne plures comme-  
morem, Praemet. Cruc. Crit. p. 114: „Adde, quod in vulgata

„ lectione [Metam. *Ovid* 1, 546.] usus conjunctionis *aut* sequente  
 „ *τῆ* *vel* sit non adeo Latinus; veteres autem ex duobus illis *aut* &  
 „ *vel* alterutrum utrinque usurpare ament. — „ Sed mirari de-  
 finent, si consideraverint haec poëtae loca Metam. xv, 600.

*vos urbe virum prohibete, Quirites;  
 Vel, si dignus erit, gravibus vincite catenis:  
 Aut finite metum fatalis morte tyranni.*

in Ibin v. 285.

*Aut velut Euryali, qui sceptrum cepit ab illo,  
 Sint artus avidis anguibus esca tui.  
 Vel tua maturet, sicut Minoia fata,  
 Per caput infusae fervidus humor aquae.*

v. 299.

*More vel intereas capti suspensus Achaei,  
 Qui miser auriferâ teste pendit aquâ.  
 Aut, ut Achillidae cognato nomine clarum  
 Opprimat hostili tegula iacta manu.*

v. 463.

*Aut, ut Abantiades, aut, ut Cygnëus heros,  
 Clausus in aequoreas praecipiteris aquas.  
 Victima vel Phoebo sacras mactetis ad aras,  
 Quam tulit a saevo Theudotus hoste necem.  
 Aut te devoteat certis Abdera diebus.*

& Propertii III, xx, 25.

*Illic vel studiis animum emendare Platonis  
 Incipiam; aut hortis, doctæ Epicure, tuis:  
 Persequar aut studium linguae, Demosthenis arma.*

& II, 11, 58.

*Et incedit vel Jove digna soror:  
 Aut cum Munychias Pallas spatietur ad aras.*

Quamvis enim *vel*, &, *aut* in mss. libris interdum permutentur, ut  
*Propertii* III, xv, 10: tamen ipsa ratio, legesque carminis non fi-  
 nunt semper ad errores librariorum confugere.

xi, 560.

*tenet ipse manu, quâ sceptrâ solebat ;  
Fragmina navigii Cēyx: socerumque patremque  
Invocat (heu!) frustra. sed plurima nantis in ore  
Halcyone conjux. illam meminitque refertque:  
Illius ante oculos ut agant sua corpora fluctus,  
Optat; & exanimis manibus tumuletur amicis.  
(Dum natat; absentem, quoties finit hiscere fluctus,  
Nominat Halcyonen, ipsisque immurmurat undis.)  
Ecce super medios fluctus niger arcus aquarum  
Frangitur: & ruptâ mersum caput obruit undâ.*

Cui non sufficiant,

*Sed plurima nantis in ore  
Halcyone conjux. illam meminitque refertque;  
Illius ante oculos ut agant sua corpora fluctus  
Optat, & exanimis manibus tumuletur amicis?*

Repertus tamen est, qui, sufficere non ratus, adjiceret:

*Dum natat; absentem, quoties finit hiscere fluctus,  
Nominat Halcyonen, ipsisque immurmurat undis.*

At primum post, *Halcyone, illam, illius*, inopportune ingeritur, *Halcyonen*. Deinde idem narratur, videlicet nantem Cēyca nomen Halcyones in ore habuisse; quod itidem narratur v. 544. & 665. Praeterea, *nantis in ore Halcyone, &, Dum natat, nominat Halcyonen*, a vitio, quod vocatur *ταυτολογία*, vindicari nequeunt; nec grata est repetitio vocum, *fluctus, fluctus, fluctus; &, undis, undâ*. Postremo, quis ferat, *absentem Halcyonen*? Absentem fuisse noveramus ex serie narrationis, & v. 554.

*Cēycis in ore  
Nulla, nisi Halcyone est; &, cum desideret unam,  
Gaudet abesse tamen.*

Aufer itaque vilem pannum vesti pulchrae male assutum.

Non dissimilis interpolatio deprehenditur in his versibus [viii, 603.]:

Dd 3

Hanc

*Hanc quoque complectar. movit caput aequoreus Rex,  
 Concussitque suis omnes adfensibus undas.  
 Extimuit Nymphæ; nabat tamen. ipse natantis  
 Pectora tangebam trepido salientia motu.  
 Dumque ea contracto, totum durescere sensi  
 Corpus, & inductâ condî præcordia terrâ.  
 [Dum loquor, amplexa est artus nova terra natantes,  
 Et gravis increvit mutatis insula membris.]*

Nihil enim differunt,

*totum durescere sensi  
 Corpus, & inductâ condî præcordia terrâ,  
 &  
 Dum loquor, amplexa est artus nova terra natantes.*

Arguunt & repetitiones verborum, *natantis*, artus *natantes*; terra, *terra*; dum, *dum*; *complector*, (ita viginti codices, pro, *contracto*) *amplexa est*. Hinc & *Heinsius* ad v. 605. notavit: „Aut hi quatuor „versus sunt tollendi pro superfluis, aut illa duo, quorum initium, „*Dum loquor*, ne bis idem dicat. Miror interpretes non vidisse., Priori sententiae liber Francos. favet, in quo, sicut indicat *Burmannus*, „deerant versus 604, 605, 606. & duo sequentes mar- „gini adscripti., Sed, meo iudicio, si non v. 609. & 610. certe 609. delendus est. Quis enim ferat insicetum & stultum illud,

*movit caput aequoreus Rex,  
 Concussitque suis omnes adfensibus undas.  
 [Dum loquor, amplexa est artus nova terra natantes.]?*

Equidem miror *Heinsium* tulisse.

Fast. vi, 802.

*Unde trahit Marcia casta genus.  
 Marcia sacrificio deductum nomen ab Anco;  
 In quâ par facies nobilitate sua est.  
 [Par animo quoque forma suo respondet in illâ:  
 Et genus, & facies, ingeniumque simul.]  
 Nec, quod laudamus formam, tu turpe putâris.  
 Laudamus magnas hac quoque parte Deas.*

*Bur-*



*Burmannus* ad v. 806. *Et genus & faciès*]. „, In *Francos*. erat ad-  
 „ scriptum: Haec adulterina sunt: nam jam ante ideim dixerat; &  
 „ ita censebat *Broekhusius*. „ Quae sic posita sunt, ut ad unum v.  
 806. pertinere diceres. Totum tamen distichon *Broekhusio* suspe-  
 ctum fuisse videtur. Ut ut est, ego, licet *Burmannus* notam de  
 more parum curaverit, in adulterinis varias ob causas habendum esse  
 judico. Primum faciem tantummodo laudatam fuisse subsequencia  
 probant:

*Nec, quod laudamus formam, tu turpe putâris.*  
*Laudamus magnas hac quoque parte Deas.*

Deinde, *forma par animo respondet in illâ*, Latinum non est; tum  
 perverse dictum: nam dici debuerat: *animus quoque formae respon-*  
*det*; vel, *animus formae par est*: ut *Metam.* xiv, 322.

*Forma viro, quam cernis, erat.*  
*Par animus formae.*

Praeterea versificatoris infantiam prodit inficetæ rei repetitio. Nam,  
 quod adulterinis indicatur versibus, poëta jam praecedentibus ex-  
 plicaverat:

*Unde trahit Marcia casta genus.*  
*Marcia sacrificio deductum nomen ab Anco;*  
*In quâ par facies nobilitate suâ est.*

Prodit itidem jejuna vocum repetitio; *faciès, faciès; genus, genus;*  
*sua, suo.* Denique, duobus illis versibus sublatis, apte cohaerent:

*Unde trahit Marcia casta genus.*  
*Marcia sacrificio deductum nomen ab Anco;*  
*In quâ par facies nobilitate suâ est.*  
*Nec, quod laudamus formam, tu turpe putâris.*  
*Laudamus magnas hac quoque parte Deas.*

quibus similia reperias iv, 306.

*Claudia Quinta genus Clauso referebat ab alto;*  
*Nec facies inpar nobilitate suâ est.*

*Castia quidem, sed non & credita.*

Postremo magni ponderis est nota, quae reperitur in libro Francofurtensi.



## C A P V T XII.

*In Tristium libris aliquot versus adulterini notantur. Insignia in modis syllabarum vitia. de praestantissimorum poetarum carminibus nondum sublata sunt. Ultima corripit nequit in, responde, vide, vale. Contraria Martialis, Manilii, Valerii Flacci, Phaedri, & Catonis loca jam sunt correctata. De versu Persii, & modo vocis, videsis. Nec vale dicere, nec valedicere ferri potest in Ovidio. Meterea turba nusquam fuit. De Colchis, Euxino mari disjunctis, dici nequit, eos a Tomitis vix Danubio separari. Iäzyx tribus syllabis effertur a bonis poetis; a malis autem Jason, & Jaspis duabus pronuntiantur. Iulus. Iäpetionides. Prometheus ab Ovidio non vocatur Jäpetides. Multi, in his Hemsterhusius, refutati. Candor in amicis non est Ovidianum. Quaedam disticha diversis de causis improbata.*

**O**vidius Trist. I, viii, 17.

*Quid fuit, ingenti prostratum mole sodalem  
Visere, & adloqui parte levare tui?  
Inque meos si non lacrymam dimittere casus,  
Pauca tamen ficto verba dolore queri?  
[Idque, quod ignoti faciunt vale dicere saltem;  
Et vocem populi publicaeque ora sequi?  
Denique lugubres vultus, numquamque videndos  
Cernere supremo, dum licuitque, die?]  
Dicendumque semel toto non amplius aëro  
Accipere, & parili reddere voce, vale?  
At fecere alii nullo mihi foedere juncti;  
Et lacrymas animi signa dedere sui.*

Quamquam Critici nobiles in eo maxime elaborarunt, ut poetarum scripta correctata & emendata ederentur, nondum tamen curare potuerunt,

tuerunt, ut insignia in modis syllabarum vitia tollerentur. Ut enim nunc alia praetermittam, permanfit in hujus Elegiae v. 21.

*Idque, quod ignoti faciunt, vale dicere saltem.*

Scaliger quidem, Marcius, Scriverius, Vosius, Barthius, & Daumius in ea fuerunt haeresi, quae contendebat, imperativos verborum, *responde, vide, vale*, corripi posse; sed locis bonorum poëtarum suspectis aut perspicue mendosis decipiebantur. Nam *Martialis* III, iv, 7. pro,

*Si quando veniet, dicet: responde: poëta  
Exierat.*

e Mss. reponendum:

*veniet, tu respondeto: poëta caet.*

v. Gruterus, Gronovius, & Withofius ad Caton. Dist. iv, 5. ubi & in *Manilii* v, 736. pro,

*Sic etiam magno quaedam respondere mundo  
Haec natura facit.*

corrigit,

*quaedam respublica mundo est:*

quam palmarem correctionem *Bentlejus* itidem fecerat.

In *Valerii Flacci* lib. v, 595. legendum esse,

*viden' alta comantem*

*Pectora;*

non, vide lata *comantem*, *Pius*, *Carrio*, *Balbus*, *Heinsius*, & *Burmannus* consentiunt.

In *Phaedro* quoque III, vi, 3. *Burmannus* fidenter edidit:

*Vide, dolone ne collum pungam tibi;*

pro,

Vide, ne dolone *collum* compungam *tibi*.

Quid? in *Catonis* Distich. IV, XXV. *Erasmus*, & *Withofius* ferre nequiverunt:

*Hoc*, vide, ne *rursus levitatis crimine* damnes.

Ille enim, *fuge*; hic probabilius, *cave*, reponendum censuit.

Erunt forte, qui parem *Perfio* medicinam ferre velint I, 108.

*Aurículas?* vide sis, ne *majorum tibi forte*  
*Limina frigestant*.

Sane favet *Horatius* Satyr. II, 1, 80.

*Sed tamen ut monitus caveas*, ne forte *negotii*  
*Incutiat tibi quid sanctarum inscitia legum*.

Aliis tamen, *vide*, conpositum cum, *sis*, correptum videbitur. In locis quidem duobus *Terentii* corripitur *Heautont*. II, 111, 128.

*Sed heus tu*, vide sis, ne *quid imprudens ruas?*

& 133.

*Laudabo*. vide sis, *tutemet mirabere*.

Restat, *vale*; quod *Vossius* A. G. 11, XXV. *Barthius* ad *Grat.* v. 461. *Daumius* ad *Caton*. Distich. IV, 25. ex hoc potissimum loco docuere corrip: nam *versus*, qui legitur *Catal. Pith.* p. 126. [*Anthol. Burm.* T. 11. p. 154.]

*Semper perpetuo vale mi carissime conjux*,

hominis est barbari; *Maronis* autem,

*vale, vale, inquit, Iola*,

nihil probat. Ego vero diutius in *Ovidio* ferendum non puto, quod in *Manilio*, *Phaedro*, *Valerio Flacco*, & *Catone* Critici ferre noluerunt. Nec tamen sequor *J. M. Gesnerum*, qui in *Thef. L. L. v.*

*Va-*

*Valco* § 5. scribit: „ *Ultima in vale producitur.* — quod in *Valedico* „ *laudamus Ovidianum exemplum vel compositione excusatur, ut vide-* „ *sis, vel emendandum est.* *Ovidius, qui frequenter adeo utitur hoc* „ *verbo, semper alias producit.* „ & in v. *Valedico*: „ *Laudatur* „ *Ovid. Trist. 1, 7. (8) 21.* Idque, quod ignoti faciunt, *Valedi-* „ *cere saltem.* *Burm. divisim vale dicere: qui etiam refert annotatio-* „ *uem Francii, qui observat, postea v. 26. demum Vale illud ulti-* „ *mun memorari: hic legendum, benedicere. Recte sane. Valedi-* „ *cere illud Monachum sapit.* „ Etenim, *benedicere*, non tantum lo- „ co non congruit; sed & *Monachi doctrinam magis redolet.* Ne plu- „ ra; mihi minime dubium videtur, quin delendi sint versus:

*Idque, quod ignoti faciunt, vale dicere saltem;*  
*Et vocem populi publicaue ora sequi.*

Nam si divisis vocibus, *vale dicere*, legeris, insigne vitium in modo syllabae deprehendes; si, compositione conatus excusare, *valedicere*, verbum viris doctissimis, tanquam *Vossio, Cellarioque*, jure suspectum, ferre cogeris. Dein aeque suspecta loquendi genera sunt, *sequi vocem* & *ora publica*; & *populi publicaue*: aliud enim est, *peragar populi publicus ore reus* *Trist. I, 1, 24.* Praeterea fraudem ostendit ingrata verborum repetitio, *valedicere, dicendum vale; faciunt, fecere; vocem, voce.* Postremo,

*Dicendumque semel toto non amplius aëvo*  
*Accipere, & parili reddere voce, Vale.*  
*At fecere alii, nullo mihi foedere juncti:*

idem est, quod,

*Idque, quod ignoti faciunt, vale dicere saltem,*  
*Et vocem populi publicaue ora sequi.*

Hos autem versus *Wakkerus*, juvenis eruditus, itidem nuper *Amoen.* c. 13. p. 120. damnavit hac brevi nota: „ versus spurii videntur: ut res pateat, sequentes aliquot adscribam:

*Denique lugubres — „*

Sed hoc amplius distichon sequens non una de causâ suspectum est.  
Aptius quidem cohaerebunt:

*Quid fuit ingenti prostratum mole sodalem  
Visere, & adloqui parte levare tui?  
Inque meos si non lacrymam dimittere casus,  
Pauca tamen ficto verba dolore queri?  
Dicendumque semel toto non amplius aevo  
Accipere, & parili reddere voce, Vale?  
At fecere alii, nullo mihi foedere juncti,  
Et lacrymas animi signa dedere sui.*

II, 185.

*Mitius exsilium si das, propiusque, roganti;  
Pars erit e poenâ magna levata mea.  
Ultima perpetior, medios projectus in hostes:  
Nec quisquam patria longius exsul abest.  
Solutus ad egressus missus septemplex Isthmum,  
Parrhesiae gelido virginis axe premor.  
[Jazyges, & Colchi, Metereaque turba, Getaeque,  
Danubii mediis vix prohibentur aquis.]  
Cumque alii causa tibi sint graviore fugati,  
Ulterior nulli, quam mihi, terra data est.*

Duo versus inserti,

*Jazyges, & Colchi, Metereaque turba, Getaeque,  
Danubii mediis vix prohibentur aquis,*

venustatem carminis Ovidiani contaminant, ut

*Urbica Lingonicus Tyrianthina bardocucullus.*

Primum turbant sermonis seriem. Cohærent enim: solus ad exitus Isthmi missus Arcto premor, &, cum alii graviores ob causas exulent, ego longissime fugatus sum. Sed non cohaerebunt, si interpolaveris: Jazyges, — vix aquis Danubii prohibentur. Auctor cogitabat hostes v. 187. memoratos: at hostes nominantur v. 195.

Lon-

*Longius hac nihil est, nisi tantum frigus, & hostis.*  
*Haecenus Euxini pars est Romana sinistri:*  
*Proxima Basternae, Sauromataeque tenent.*

Effingere autem potuit e v. 203.

*Ne timeam gentes, quas non bene summovet Ister.*

& Pont. I, II, 77.

*Nec vacat, in quâ sunt positi regione Tomitae,*  
*Quaerere, finitimo vix loca nota Getae.*  
*Aut quid Sauromatae faciant, quid Iazyges acres,*  
*Cultaque Orestae Taurica terra Deae.*  
*Quaeque aliae gentes, ubi frigore constitit Ister,*  
*Dura meant celeri terga per amnis equo.*

& IV, VII, 9.

*Ipse vides, oerata ferox ut ducat Iazyx*  
*Per medias Istri plaustra bubulcus aquas.*

Deinde totus versus,

*Iazyges, & Colchi, Metereaue turba,*

tantam scriptoris inscitiam prodit, ut a doctis & elegantibus interpretibus tam dñu patienter ferri potuisse demirer. Nam quae *turba Meterea*? Respondet *Merula*: „ Aut urbem Meteream eam intellige, quam Ptolemaeus supra Thyram fluvium ponit penes Daciam, „ & Metonium appellat. Aut certe *Neurea* legas —. „ Sed *Metonium* (*Ptolem.* III, 5. *Μετωνιον*) & *Meterea* multum differunt; atque adeo nomen gentis, non urbis, requiritur. *Neurea* non penitus *Ortelio* displicet, propterea quod *Valerius Flaccus* VI, 121. *Neuros* & *Iazygas* conjungit: sed *Neureus* inusitatum est. Nec de *Neuris* dici potest, eos a Tomitis vix Danubio separari. Quis autem Colchos, Euxino mari disjunctos a Tomitis, ferre possit? *Merula* quidem aperte & ingenue confitetur, se — „ non intelligere, quo pacto „ Danubio ab his se arceri dicat *Ovidius*, „ atque ideo „ non *Colchi*, sed *Corfi* legendum arbitratur; *Corfos* enim Sarmatarum po-

„ pulos fuisse *Plinium* IV, 25. scribere. „ sed illic *Aorſi* reperiuntur. In alia *Micyllus* discedit haec notans: „ Colchos accipere etiam „ eos licet, qui Medeam fugientem perſecuti, cum illam apprehendere non potuiſſent, circa Tomos, & inſulas Brigeidas conſederunt, ut Apollon. lib. 4. „ Sed nec Colchos circa Tomos conſediſſe docuit; nec Tomos cis Danubium poni cogitavit; nec inſularum, in quibus *Apollonius* Rhodius Colchorum partem conſediſſe tradit, habuit notitiam. Si enim IV, 330.

Δοιξ: Ἀρτίμιδος Ὀβρυτίδας ἀγγέδει νήους,

cum 470, & 481. contuleris, Absyrtidas intelligi patebit. Absyrtidas autem veteres, novique ſcriptores ponunt in Hadriatico mari, longiſſime diſjuncto. v. Interpr. & *Cluver.* Ital. Ant. I, XXI. p. 214.

Poſtremo vox, *Iäzyges*, quatuor ſyllabis effertur. *Valerius Flaccus* VI, 122.

*Neurus, & expertes canentis Iäzyges aevi.*

& 281.

*Increpat, & ſtriſto ſic urguet Iäzygas enſe.*

*Ovidius* in Ib. 137.

*Pugnabunt jaculis dum Thraces, Iäzyges arcu.*

Pont. I, 11, 79.

*Aut quid Sauromatae faciant, quid Iäzyges acres.*

&, ut dubitatio praecidatur, IV, VI I, 9.

— *Ferox ut ducat Iäzyx.*

Deterioris autem ſeculi ſcriptores, *Jaſon*, *jaspis* caet. duabus ſyllabis efferebant; ex. gr. *Joſephus* Iſcanus de B. T. IV, 325.

*Jaſonium relegens Philoſtetes praeſcius acquir.*

& 455.

*Jaspide veſtitur.*

&



& ignotus verficator Anth. *Burm.* T. 1. p. 575.

*Auro quid melius? jaspis. quid jaspide? sensus:*

ut edi debuerat pro, *jaspis*, & *jaspide*. Vix itaque dubito, quin vox elata tribus syllabis,

Jazyges & —

indiciū ſeculi ſit.

A me diverſi ſunt *Vofſius* de Anal. 11, 5. *Dauſquejus* ad *Sil.* viii, 91. *Dreſemius* ad *Joſeph.* Iſcan. iv, 326. *Capoferreus* ad *Ovid.* Met. v, 111. *Waſius* de Licentia V. P. p. 204. *Dorvilius* in Vanno Crit. p. 402. & vir doctus Obſerv. Misc. Vol. vi. p. 355. ſed non audiendi. Dicit aliquis: Quid? tu contemnīs *Virgilium*, *Flaccum* & *Ovidium*, quos ſententiæ locupletiffimos habent auctores? Ego vero poëtās eximios non contemno: verumtamen exemplis, quæ prolata ſunt, non moveor. Cur autem non movear, paucis docebo.

*Virgilii* locus *Aen.* I, 288.

Julius a magno demiffum nomen Iūlo,

non magni ponderis eſt. Ut enim nunc alias rationes omittam, probari deberet, *Iūlus*, nomen e tribus ſyllabis conpoſitum, duabus efferri.

In *Horatii* Carm. IV, 11, 1.

*Pindarum quisquis ſtudet æmulari,*  
Jule, ceratis —

*Heinſius* ad *Sil.* viii, 91. corrigebat:

*Pindarum quisquis ſtudet æmulari, I-*  
ūle, ceratis. —

Nec aliter complures edidere, tanquam *Gesnerus*, *Sanadonius*, *Cuningamius*, &, auctore *Paſſeratio*, *Lambinus*.

In *Ovidii* *Metam.* iv, 631.

*Læpctionides Atlas* fuit:

*Capo-*

*Capoferreus* ad v. 111. legendum censebat; *Japetionides*: quod octo codicum firmatur auctoritate. Sed quis tam perversus est, ut, repertis frugibus, glande pasci velit? Nihil sincerius est edito, *Iäpetionides*. hoc usi *Hesiodus* *Θεογ.* 528, 543. *Apollonius Rhodius* III, 1086. *Fulianus Anth. Gr.* IV, VIII, 1, 6. & *Claudianus* in *Eutrop.* 11, 49<sup>1</sup>.

*Iäpetionidas generis primordia nostri  
Disimili finxisse manu.*

quod ipsum stupore librariorum multis in libris depravatum est.

Ejusdem operis lib. v, 111.

*Tu quoque, Japetide, non hos adhibendus ad usus:*

quo *Wassius* & *Capoferreus* abutuntur, *Heinsius* & *Burmmanus* edidere, *Tu quoque, Iäpetide*; in aliis autem libris est, *Japetion, Lampetie*. Ego non habeo, quod liqueat; folis tamen luce clarius videtur *Ti. Heinsius* vehementer errare, qui scribat ad *Aristoph.* *Plut.* p. 207: „Japeti filius Prometheus non tantum *Japetides Ovi-* „*dio* *Metam.* v, 11. [111.] ubi quae scripsit *Capoferreus* partim bona sunt, partim mala; sed etiam *Ἰαπετιονίδης Hesiod. E. 521 H. v.* „54. quomodo *Japetionides Atlas* eidem *Ovidio*. „Quippe paucis in verbis tria peccata non mediocriter animadverto: unum, quod Prometheus sedes tribuit apud Cephēnas: alterum, quod inauditum nomen fingit: tertium, quod carminis legem negligit: *Iäpetus* enim &, *Iäpetionides*, prima producta, secunda brevi pronuntiantur.

Ex disputatis, nisi fallor, illud jam perspicuum est, *Ovidium* duobus versibus eiectionis, dedisse:

*Solus ad egressus missus septemplex Istri,  
Parrhasiae gelido virginis axe premor;  
Cumque alii causa tibi sint graviore fugati,  
Ultior nulli, quam mihi, terra data est.*

ita cuncta, quod unicum veritatis argumentum putatur, praeclare inter se cohaerent.

## III, VI, 7.

[Quique erat in caris animi tibi candor amicis,  
Cognitus est illi, quem colis ipse, viro.]

Hoc quoque distichon mihi suspectum est. In antecedentibus & sequentibus agitur de amore mutuo Nasonis & amici. Itaque non erat, cur hoc amici *candor in amicis* celebraretur, nec cur amicus propter candorem laudaretur, poeta, qui semper jure de suo praedicat candore, non item. Quid? quod, *candor in amicis*, non est *Ovidianum*. Quid? quod candoris commemoratio seriem sermonis turbat? Quid? quod similiter turbat, *cognitus est*, inter, *erat*, &, *ce- labas, dabas, eras*, positum. Quid? quod noster scripsisset,

*Cognitus est ipsi, quem colis usque, Deo:*

quemadmodum *N. Heinsius*, sed immuni mutatione factâ, corrigebat. Quid? quod repetitae voces, *notus, cognitus; erat, erat; carior, caris*; indicia fraudis ostendunt. Quid? quod, expunctis versibus, praeclare cohaerent:

*Foedus amicitiae nec vis, carissime, nostrae;  
Nec, si forte velis, dissimulare potes.  
Donec enim licuit, nec te mihi carior alter,  
Nec tibi me totâ junctior urbe fuit.  
Isque erat usque adeo populo testatus, ut esset  
Pene magis quam tu, quamque ego, notus amor.  
Nil ita celabas, ut non ego conscius essem;  
Pectoribusque dabas multa tegenda meis.  
Cuique ego narrabam secreti quicquid habebam,  
Excepto quod me perdidit, unus eras.*

## VII, 13. ad Perillam:

*Nam tibi cum fatis mores Natura pudicos,  
Et raras dotes, ingeniumque, dedit.  
Hoc ego Pegasidas deduxi primus ad undas,  
Ne male fecundae vena periret aquae.  
[Primus id adspexi teneris in virginis annis:  
Utque patet, venae duxque comesque fui.]*

Ff

Ergo,

*Ergo, si remanent ignes tibi pectoris idem,  
Sola tuum vates Lesbia vincet opus.*

Ante v. 19. *Ergo si* — multi codices exhibent:

Tunc quoque (sed forsā nostrum deleuit amorem  
Tempus) eram nimio jūctus amore tibi:

quos versus Critici jure sustulerunt: sed hoc amplius tollendi videntur antecedentes:

Primus id adspexi teneris in virginis annis:  
Utque patet, venae duxque comesque fui.

Nam vix quicquam dicitur, nisi quod in prioribus continetur:

*Hoc ego Pegafidas deduxi primus ad undas,  
Ne male fecundae vena periret aquae.*

Voces autem, *venae, dux*, inuenuste repetuntur post, *vena, deduxi*; serum vero nimis, *adspexi ingenium*, post,

*Hoc ego Pegafidas deduxi primus ad undas.*

Mitto, quod intelligi non potest, *Utque patet* —.

IV, IV, 45.

*Idque Deus sentit: pro quo nec lumen ademptum est,  
Nec mihi detractas possidet alter opes.*

*Forstā hanc ipsam (vivat modo) finiet olim,  
Tempore cum fuerit lenior ira, fugam.*

*Nunc precor hinc alio jubeat discedere, si non  
Nostra verecundo vota pudore carent.*

*Mitius exsilium, pauloque propinquius, opto;  
Quique sit a saevo longius hoste, locum.*

[Quantaque in Augusto clementia; si quis ab illo  
Hoc peteret pro me, forstā ille daret.]

*Frigida me cobibent Euxini litora Ponti:  
Disclus ab antiquis Aeneas ille fuit.*

Sem-

Semper animus aliquot de causis offenditur in versibus 53, 54:  
primum quod frigida sunt & jejuna,

*si quis ab illo*  
*Hoc peteret pro me, forsitan ille daret:*

deinde, quod invenuste repetuntur, *ab illo, ille, illo*: tum etiam, quod inopportune nomen Augusti videtur ingeri, cum Deus epistola tota vocetur (20, 45, 88.); & *sentit, vivat, finiet, jubeat*, ab ipsa voce, *Deus*, v. 45. posita, pendeant. Accedit, quod cohaerent:

*Mitius exsilium, paulloque propinquius, opto,*  
*Quique sit a saevo longius hoste, locum.*  
*Frigida me cohibent Euxini litora Ponti.*  
*Sunt circa gentes, quae praedam sanguine quaerunt.*

ut Trist. II, 185.

*Mitius exsilium si das, propiusque, roganti;*  
*Pars erit e poena magna levata mea.*  
*Ultima perpetior medios projectus in hostes,*  
*Nec quisquam patria longius exsul abest.*  
*Solus ad egressus missus septemplexistri*  
*Parrhasiae gelido virginis axe premor:*

qui locus simillimus & maxime geminus *Francio* repugnat, qui v. 55. *Frigida me cohibent* — initium novae Elegiae esse credebat. Itaque parum abest, quin ejiciam versus; ad quos fingendos ansum dare potuit poeta Pont. III, vii, 3.

*Magna quidem res est, quam non audetis, amici.*  
*Sed, si quis peteret, qui dare vellet, erat.*

& hujus Eleg. v. 47.

*Forsitan banc ipsam (vivat modo) finiet olim,*  
*Tempore cum fuerit lenior ira, fugam.*

ibid. v. 81.

*Laeta Deae signum, crudelia sacra perosae,  
Transtulit ex illis, in meliora, locis.*

[Haec igitur regio, magni penetralia mundi,  
Quam fugere homines Dique, propinqua mihi est.  
Atque meam terram prope sunt funebria sacra,  
Si modo Nafoni barbara terra sua est.]  
*O utinam venti, quibus est ablatas Orestes,  
Placato referant & mea vela Deo!*

*N. Heinsius* ad v. 85: „Distichon etiam hoc Ovidianae venae vix est ut censeatur.„ Sane languet; nec ferri queunt, *propinqua, prope est*. Quid? quod supra dictum v. 63.

*Nec procul a nobis locus est, ubi Taurica dira  
Caede pharetratae pascitur ara Deae.*

Sed hoc amplius iisdem ferme de causis antecedens suspectum esse potuerat. Ego quidem scripsissem:

*Laeta Deae signum, crudelia sacra perosae,  
Transtulit ex illis, in meliora, locis.  
O utinam venti, quibus est ablatas Orestes,  
Placato referant & mea vela Deo!*

quod suavius esse qui non sentit, nihil sentit. Simile illud Trist. III, 1, 47.

*Causa superpositae scripto testata coronae  
Servatos cives indicat hujus ope.  
Adjice servatis unum, Pater optime, civem.*

& V, XI 1, 67.

*Scribimus, & scriptos absumimus igne libellos.  
Exitus est studii parva favilla mei.  
Nec nisi pars casu flammis erepta, dolore,  
Ad vos ingenti pervenit ulla mei.  
Sic utinam, quae nil metuentem tale magistrum  
Perdedit, in cineres Ars mea versa foret.*



## C A P V T XIII.

In libello, quo devovetur Ibis, adulterini versus latent. Nonnulli certis indicis monstrantur. Salvagnii & Sanctii sententiae rationibus novis affirmantur. Poëtae refugerunt a verbo, dynastes. Danaïdum poenae mulieribus, non autem viris, constitutae sunt. Earum crudelitas praecipue notatur. Locutus Senecae defensio. Burmannus & Wesselingius, de quodam disticho dissentientes, refutantur. Supplicia, quae tyranni de miseris sumserunt, & aliis dederunt, eodem carmine referuntur. Inprobatur loquendi genus, herba gramen habens. Intolerabilis videtur barbaries, Quique tenent pontem, quae tibi major erit. Ovidius, inimicum devovens, optat; Temporibus autem Futuris non utitur. Inficetae rerum verborumque repetitiones saepe spurios versus indicant. Tereïdes, inauditum Romanis nomen, improbat. A Tercus formari debet Terides. Tereos. Heinsius, Micyllus, & Burmannus refelluntur. Quae, vel qui Macedo fulmine cum conjuge sit percussus, intelligi nequit. *Μακεδνός*. Interpolatorum consuetudo fuit, ut exemplis, ab Ovidio relatis, alia subinde intempestive subtexerent. Burmanni de ficto disticho sententia probata. Aglauros, livore macerata, se praecipitasse fertur. De verbis, Phryx & venator sis Berecyniades. Attis. Novum poenae genus in his Diris solo versu pentametro non effertur. Conatus Heinssii repressus. An Ovidius exemplum suum quovis supplicii & mortis genere gravius & intolerabilius declaraverit? Versuum, quos Critici damnavere, comites saepe digni sunt, qui pari nota notentur.

Ovidius in Ibin v. 237.

*Aut, velut Euryali, qui sceptrum cepit ab illo,  
Sint artus avidis anguibus esca tui.  
Vel tua maturet, sicut Minoia fata,  
Per caput infusae fervidus humor aquae:  
[Utque parum mitis, sed non impune, Prometheus,  
Aërias volucres sanguine fixus alas.]  
Aut velut Etracides, magno ter ab Hercule quintus,  
Caesus in immensum projiciare fretum.*

Egregie Salvagnius ad 291: „Hi duo Nafonis versus expungendi „ mihi videntur, tum quod absunt a membranarum San-Victorianis „ optimae notae, tum quod eadem imprecatio repetitur elegantius „ ad v. 454. „ Quid? quod Prometheus ridicule *parum mitis* appel-

latur. Quid? quod inter, *Aut — vel — Aut —* minus apte poni videtur, *Utque — alas*: licet huic incommodo diversâ lectio medeatur, Ac, *velut Etracides*—. *Witthofius* tamen, in intolerabilem juvenis temeritatem vehementer invecus, in Annot. ad Orat. Fun. *Simmermanni* p. 46. corrigat:

*Utque parum mitis Samiorum impune dynastes  
Aërias volucres arbore fixus alas.*

Sed, ut mittam, quod historia Polycratidis aptius poneretur ad v. 299.

*More vel intereas capti suspensus Achaei,  
Qui miser auriferâ teste pendit aquâ;*

&, quod poëtae semper refugerint a vocabulo, *dynastes*, immanes ejusmodi mutationes referre, est refutare. *N. Heinsius* conabatur emendare, *parum miti sanguine*; vel,

*Utque parum metuens, sed non impune, Deorum.*

Sed & hic operam & oleum perdidit. Ut enim taceam de mutatione non toleranda, *Promethei supplicium* v. 543. memoratur:

*Fixus & in duris carparis viscera saxi:  
Ut cui Pyrrha sui filia fratris erat:*

in his autem *Diris* poëta bis idem non dicit.

Prudenter itaque *Sanctius* ad 563.

*Vel videas, quod jam, cum flammae cuncta tenerent,  
Heclorens patria vidit ab arce puer:*

„ Suspicio hoc distichum non esse *Ovidii*, sed e margine in contextum irreplisse. Nam de *Astyanacte* e turri praecipitato jam „ antea [v. 496.] dictum est. insulsum distichon & nullius imprecationis nec salis. „ ad quod argumentum multa possunt adjungi, quibus sagacissimi viri sententia confirmetur: sed in his non morabor, unum posuisse contentus: inter infelices & incestos amores visum pueri pessime collocari:

*Nec tibi, si quid amas, feliciter Haemone cedat:*

*Ut-*



*Utque suâ Macareus, sic potiare tuâ.*  
 [Vel videas, quod jam, cum flammae cuncta tenerent,  
 Hecoreus patriâ vidit ab arce puer.]  
*Sanguine prœbra luas, ut avo genitore creatus,*  
*Per facinus soror est cui sua facta parens.*

Faceffant itaque, qui nihil, ut *Salvagnius* & *Withofus* in Annot. memoratis, afferre possunt, quo versus infiticii defendantur.

v. 353.

*Dî quoque tam faciant possis gaudere fideli*  
*Conjuge, quam Talai, Tyndareique gener.*  
 [Quaeque, parare suis letum patruelibus ausae,  
 Belides, asfiduâ colla premuntur aquâ.]  
*Byblidos & Canaces, sicut facis, ardeat igne:*  
*Nec, nisi per crimen, sit tibi nota soror.*

*Burmannus* ad v. 356: „colla premantur pr. edit. premaris unus P., tav. & tunc *Heinsius* priori versu volebat, *quamque*, vel, *utque* „parare.„ Sed *Ovidius* optat, ut Ibis uxore gaudeat infideli, & cum libidinosa sorore corpus misceat. Ipsius igitur Ibis supplicium memorare nihil attinebat. Quid? quod poëtae Danaïdum poenas mulieribus, non autem viris, constituunt. *Horatius* Carm. III, x1, 25.

*Audiat Lyde scelus atque notas*  
*Virginum poenas.*

Hinc *Cornelia* apud *Propert.* IV, xi, 27.

*si fallo, poena sororum*  
*Infelix humeros urgeat urna meos.*

& *Deianira* apud *Senec.* H. Oet. v. 948.

*Vacat una Danaïs. has ego explebo vices.*

Ego miror homines sagaces non sensisse subditicium distichon esse, cum turbata carminis series fraudem posset ostendere. Requirebatur enim: Dii faciant, gaudere possis uxore tam fideli, quam gavisi sunt Aegypti filii; ut v. 353.

*D!*

*Dī quoque tam faciant possis gaudere fideli  
Conjuge, quam Talai, Tyndareique gener.*

At inpostor, de versibus inter se neſtendis ſecurus, ad hos appoſuit,

*Quaeque, parare ſuis letum patruelibus auſae,  
Belides, aſſiduā colla premuntur aquā.*

Deinde non tam notatur infidelitas, quam crudelitas Danaïdum. *Hyginus* f. 255. *Quae impiae fuerunt. Scylla, -- Ariadne -- Progne --* Danaïdes, conjuges ſuos patruelos occiderunt. *Ovidius* Pont. III, 1, 119.

*Quid trepidas? quid adire times? non impia Progne,  
Filiave Aeëtæ voce movenda tuā eſt:  
Nec nurus Aegypti, nec ſæva Agamemnonis uxor;  
Scyllave, quae Siculas inguine terret aquas:  
Telgonive parens, vertendis nata figuris;  
Nexave nodofas angue Meduſa comas.*

& ſupra v. 177.

*Quaeque gerunt humeris perituras Belides undas  
Exulis Aegypti, turba cruenta, nurus.*

*Seneca* II. Oct. 958.

*ſi qua reſperſit manus  
Iri cruore, nec memor caſtæ facis  
Stricto cruenta Belias ferro ſtetit.*

& II. F. v. 498.

*Nunc, nunc cruentæ Regis Aegypti nurus,  
Adeſte, multo ſanguine infectæ manus.*

Hic quidem *Gronovius*: „ — Quid? ſi, *cruenti* Regis?, ſed conjecturam *Fortinus* reſutat in *Ephem. Britann.* T. XVIII. p. 85: reſutat *Nafōnis* imitatio: reſutat ipſe *Seneca* l. c.

Erunt etiam forte, qui ducant argumentum e v. 177, 178. quibus Belides memorantur:

*In loca ab Elysiis diversa fugabere campis;  
 Quasque tenent sedes noxia turba, coles.  
 Sisyphus est illic saxum volvensque petensque;  
 Quique agitur rapidae vinctus ab orbe rotæ:  
 Quæque gerunt humeris perituras Belides undas,  
 Exulis Aegypti, turba cruenta, nurus.  
 Poma pater Pelopis præsentia quaerit, & idem  
 Semper eget, liquidis semper abundat aquis.  
 Fugeribusque novem qui summus distat ab imo,  
 Visceraque adfidaæ debita præbet avi.*

Sane Ovidius iisdem exemplis in brevi carmine non utitur. At his versibus inimico Belidum poenas non precatur; sed in inpiorum sedibus collocandum prædicit, ubi Sisyphus, Ixion, Belides, Tantalus & Tityus criminum poenas luant. Conplures autem, qui noxiorum supplicia apud inferos describunt, Belidas commemorant, ut *Lucretius* III, 1021. *Virgilius* in *Culice* v. 244. *Horatius* *Carm.* III, XI, 29. *Tibullus* I, III, 79. *Seneca* H. F. v. 757. & ipse *Ovidius* *Metam.* IV, 461. Ego tamen eas et v. 177, 178. omissem ob v. 189.

*In te transcribet veterum tormenta reorum:  
 Manibus antiquis caussa quietis eris.  
 Sisyphæ, cui tradas revolvibile pondus, habebis:  
 Versabunt celeres nunc nova membra rotæ.  
 Hic erit, & ramos frustra qui captet & undas:  
 Hic inconsumto viscere pascet avem.*

ubi quatuorviri, quos antea memoravit, eodem ordine, sine Danaïsin, reducuntur. Omisit autem forsitan, ut *Seneca* *Hipp.* v. 1229. & Auctor *Octaviae* v. 621. propterea, quod ipsarum poena mulieribus constituta putabatur.

Caeterum versus 355, 356. fingi potuerunt ex *Art. Am.* I, 73.

Quæque parare necem miseris patruelibus ausæ  
 Belides.

& *Metam.* IV, 461.

*Molirique suis letum patruelibus ausæ  
 Asfidaæ repetunt, quas perdant, Belides undas.*

& *Propertio* II, 1, 69.

*Dolia virgineis idem ille repleverit undis,  
Ne tenera assiduâ colla graventur aquâ.*

ibid. v. 401:

*Ut qui terribiles pro gramen habentibus herbis  
Impius humano viscere pavit equos.*

*Burmamnus*: „locus suspectus; quia de Diomede jam egit v. 381. „E contrario *Wesselingius* ad *Itin. Hieros.* p. 603: „ *Ovidius* in *Ibi* 383.

„ *Ut qui Threicii quondam praesepia regis  
„ Fecerunt dapibus sanguinolenta suis.*

„ & vers. 403.

„ *Ut qui terribiles pro gramen habentibus herbis  
„ Impius humano viscere pavit equos.*

„ quos versus miror suspectos fuisse viro clarissimo ex ea causa, quod  
„ in prioribus, quos adscripsimus, Diomedis jam esset facta men-  
„ tio illi enim non impii regis caedem, sed miserabile eorum exi-  
„ tium, quos equi adederant, exponunt; hi crudelissimi regis me-  
„ ritas poenas: ut adeo diversae sint poëtae in *Ibi* imprecationes. „  
At humanum viscus est hominum, quibus tyrannus pavit equos; ut  
*Heroïd.* ix, 67.

*crudi Diomedis imago,  
Efferus humanâ qui dape pavit equos:*

nam si Diomedis intelligi deberet, scriptum fuisset,

*ipse suo viscere pavit equos:*

ut v. 489.

*Quam ferus ipse suo periit mactatus in antro  
Proditus inclusae Cacus ab ore bovis.*

& 367.

*Ut*

*Ut qui perfusam miserorum saepe procorum  
Ipse suo melius sanguine tinxit humum.*

Itaque sententia foret: Pereas, ut Diomedes periit,

*qui terribiles pro gramen habentibus herbis  
Impius humano viscere pavit equos:*

Diomedis autem miserorumque, quos equis objecit, supplicia memorarentur eodem carmine, ut v. 365.

*Ut juvenes pereas, quorum fastigia vultus  
Olim Pisaee sustinere foris.  
Ut qui perfusam miserorum saepe procorum  
Ipse suo melius sanguine tinxit humum.*

& 393.

*Ut jacet Aënio luctator ab hospite fusus,  
Qui (mirum) victor, cum cecidisset, erat.  
Ut quos Antaei fortes presere lacerti.*

Sed poëta poenas Diomedis inimico precaturus, distichon, in illas inpendendum, non inpendisset in aliorum supplicia, praesertim memorata v. 381. Quid? quod Latinum non est: *pro gramen habentibus herbis.* Burmannus quidem clamat: „Immerito Savagnio info-  
„ lens videtur locutio, *pro gramen habentibus herbis.* ita enim & Me-  
„ tam. 1, 633. *terra, gramen habens.* & 4, 215. *Ambrosiam pro*  
„ *gramine habent.*„ Sed hic clamor neminem movebit, nisi doceatur, *herbam* nihil a terra differre. Quapropter adulterinum distichon esse judico.

ibid. v. 411.

*Quaeque Ceres vidit laeto pereuntia vultu  
Corpora Theſea Cercyonea manu.  
Haec tibi, quem meritis precibus mea devovet ira,  
Eveniant, aut his non levia mala.  
Qualis Achaemenides Sicula desertus in Aetnâ,  
Troica cum vidit vela venire, fuit.*

G g 2

[Qua-

[Qualis erat nec non fortuna binominis Iri,  
 Quique tenent pontem, quae tibi major erit.]  
*Filius & Cereris frustra tibi semper ametur.*

In his versibus apte connectendis alii laborent: ego satis scio v. 418 *Nasonis* non esse. Nam mendicantibus *ad pontem* locus dari nequi in ejus carmine, qui v. 251. precatur, ut inimicus *crucietur exentis aevi prioris*: intolerabilis autem barbaries videtur,

*Quique tenent pontem, quae tibi major erit.*

*Heinsius* quidem legit, *pejor erit*; *Burmamms* autem V. C. *eat*: sed laterem lavant. Displicet itidem, *nec non*, sic positum; nec arri-det, *fortuna binominis Iri*. Forte non deerunt olim, qui & hunc & alios suspicentur esse fictos.

ibid. v. 431.

[*Foeda Lycaëniae repetes convivia mensae,*  
*Tentabisque cibi fallere fraude fovem.*  
*Teque aliquis posito tentet vim numinis opto:*  
*Tantalides tu sis, Tereïdesque puer.]*

*Heinsius* ad 432: „Hunc & proximum versum suspectos habeo., Sed versus pentametri & hexametri diverforum distichorum raro sic fingi solebant. Ego non dubito, quin omnes sint expungendi. Primus quidem petitus videtur e *Metam.* 1, 165.

*Foeda Lycaëniae referens convivia mensae:*

in his autem *Diris* optat poëta; non autem futuris temporibus utitur. Erunt forte, qui nobis objiciant v. 613.

*Quodque dolore necis patriae pia filia fecit,*  
*Vincula per laquei sac tibi guttur cant.*

& 427.

*Nec dapis humanae subeant fastidia; quaque*  
*Parte potes, Tydeus temporis hujus eris.*

Sed

Sed prius distichon mendosum videtur; *eris*, autem in, *eas*, mutandum; quod vel antecedens, *subeant*, & subsequens, *facias*, docere possint. ita *N. Heinsius*, *eris*, mutavit in, *eas*, in *Senec. H. Oct.* 1939. *Claudian. Epith. Pall.* 137. *erunt*, in, *eant*, *B. Gild.* 94. ut contra *Gronovius Senec. H. Oct.* 771. e codice Florent. dedit, *erit*, pro, *eat*. Futura verficator e superioribus (v. 159. & seqq.) forte petiit; sed non cogitavit ibi poëtam vaticinari; non optare. Reprehendenda igitur est *Heinsii* inconsiderantia, qui praecipiat: „Lege, *venient*. „ Praeterea rei & vocis ejusdem repetitio non toleranda fraudis indicium ostendit: rei, *tentabis cibi fallere fraude Jovem*; aliquis *te posito tentet vim numinis*: vocis; *tentabis, tentes*. Postremo, *Tereides*, quod *Heinsius* & *Burmannus* ex uno libro recepere, Latinum non est. Ut enim ab *Atreus*, *Coroneus*, *Cretheus*, *Lyuceus*, *Neleus*, *Oeneus*, *Peleus*, *Pentheus*, *Phineus*, *Theseus*, *Tydeus*, formantur *Atrides*, *Coronides*, *Crethides*, *Lyncides*, *Nelides*, *Oenides*, *Pelides*, *Penthides*, *Phinides*, *Thesides*, *Tydides*, mediâ syllabâ semper productâ, sic a *Tereus*, formari debet *Terides*, non autem, *Tereides*. Praestaret: Tereos atque *puer*, quod *Micyllus* inperite damnat. Nam *Tereos* invenitur apud *Martial.* IV, XLIX, 4. *Orpheos* apud ipsum *Nasonem* in *Ibin* 600. *Pentbeos* *Trist.* V, III, 40. *Theseos* *Metam.* VIII, 268. *Typhoëos* *Fast.* IV, 491. Praestaret itidem: *Threïciusque puer*, quod *Sanctius* in *Annotationibus* (*Oper. T. I. p.* 235.) conjecit, & *Constantius* *Fanensis* in libro *MS.* reperit. Sed codicum varietas, qui fere contra metrum dant, *tu Tereique puer*, & inopportuna *Itys* mentio, versum suspectum faciunt. Nam *Lycæon* & *Tantalus* quidem *Jovem*, *Deosque* *cibi fraude fallere* tentarunt; *Procne* & *Philomela*; non item. Qui legunt,

*Tantalides ut sis, Threïciusque puer;*

ridiculum faciunt poëtam. Quippe si positus esset *Ibis*, precari necesse non erat, ut *Pelops*, & *Itys* fieret. Quod autem *Burmannus* non ineptam judicabat codicis *Sarraviani* lectionem,

*Tecum aliquis positus tentet vim numinis opto,  
Tantalides ut sis,*

eamque sic explicabat, „conviva tecum recubans, optet, ut Deus vi sua te faciat Pelopem vel Ityn, „ ne quidem cogitabat, quid scriberet. Itaque, spuriis rejectis, sic genuinos versus conjungo:

*Nec dapis humanae subeant fastidia; quaque  
Parte potes, Tydeus temporis hujus eas.  
Atque aliquid facias —  
Et tua sic latos spargantur membra per agros.*

Quod si displiceat, *eas, Atque a. facias, Et spargantur*, ex uno codice, & una editione recipi possit,

*Aut aliquid facias.*

ib. 469.

*Aut Fovis infesti telo feriare trifulco:  
Ut satus Hipponöo, Dositboësque pater.  
Ut soror Autonöes, ut cui matertera Maja est:  
Ut temere optatos qui male rexit equos.  
Ut ferus Aeolides, ut sanguine cretus eodem,  
Quo genita est, liquidis quae caret Arctos aquis.  
[Ut Macedo rapidis icta est cum conjuge flammis;  
Sic, precor, aetherei vindicis igne cadas.]*

Et hujus distichi constructio suspicionem fraudis injicit. Etenim praeclare cohaerent: *Fulmine feriaris; ut, -- ut, -- ut Macedo*. Non itaque erat, cur ad hoc attexeretur,

*rapidis icta est cum conjuge flammis;*

& insuper, tanquam non sufficeret,

*Sic, precor, aetherei vindicis igne cadas.*

Equidem non inficior additamento priori convenire videri v. 493.

*Nel de praecipiti venias in Tartara saxo,  
Ut qui Socraticum de nece legit opus.  
Ut qui Thesaeae fallacia vela carinae  
Fidit: ut Iliaci missus ab arce puer.*

Ut



*Ut teneri nutrix, eadem matertera, Bacchi:*

*Ut cui causa necis serra reperta fuit.*

*Lydia se scopulis ut virgo misit ab altis,*

*Dixerat invito quae mala verba Deo.*

& 365.

*Ut juvenis pereas, quorum fastigia vultus*

*Olim Pisacae sustinere foris.*

*Ut jacet Aënio luctator ab hospite caesus.*

*Ut quos Antaei fortes pressere lacerti.*

*Frater ut Antaei, quo sanguine debuit, aras*

*Tinxit; & exemplis occidit ipse suis.*

*Ut qui terribiles pro gramen habentibus herbis*

*Impius humano viscere pavit equos.*

itemque posteriori 621.

*Aethalion vitâ spoliavit ut Isidis hospes,*

*Quem memor a sacris nunc quoque pellit Iôn.*

*Utque Melantheâ tenebris a caede latentem*

*Prodidit officio luminis orba parens;*

*Sic tua coniectis fodiantur pectora telis;*

*Sic, precor, auxiliis impediare tuis.*

& 637.

*Denique, Sarmaticas inter Geticasque sagittas,*

*His, precor, ut vivas & moriari locis.*

Sed exempla quaedam suspecta sunt; omnia autem differunt ab hoc,

*Ut Macedo rapidis icta est cum conjuge flammis,*

*Sic, precor, aetherei vindicis igne cadas:*

quo bis ac saepius idem dicitur: *Fulmine pereas; ut Macedo fulmine periiit: sic, precor, fulmine pereas.*

Praeterea, quae, vel, qui Macedo fulmine cum conjuge sit percussus, intelligi nequit. Erit forte, qui sic argumentetur: *Ilygi-*  
nus,

nus. Nicol. Damascenus, Tzetzes, & Apollodorus Lycaonis filios ab Jove fulmine percussos esse tradunt: in his autem Μακεδνῶς ab Apollodoro III, VIII. 1. numeratur: hic igitur est

*Macedo rapidis ictus cum conjuge flammis:*

etenim Μακεδνῶς idem putatur esse, qui Μακεδων. v. Salmas. in Comment. de Hellen. p. 279. qui contractum statuit ex Μακί'ων. Sed, ut alia nunc omittam, poeta fatum filii vel filiorum Lycaonis Arcadis antecedente jam disticho memoraverat:

*Ut ferus Aeolides, ut sanguine cretus eodem,  
Quo genita est, liquidis quae caret Arctos aquis.*

aut, ut Salvagnius ex uno libro,

— — — — nati sanguine eodem.

Quid multa? tollendum videtur distichon a nugatore fictum, qui videret superiore fratrem, vel fratres Callistūs fulmine percussos, & sciret in his a nonnullis *Macedonum* numerari.

Ea quidem consuetudo versificatorum fuit in his praesertim Diris, ut exemplis, ab Ovidio relatis, alia subinde intempestive subtexerent, velut 401, 402. 431—434. 499, 500. 637, 638. 353.

*Dī quoque tam faciant possis gaudere fideli  
Conjuge, quam Talai, Tyndareiue gener.  
[Quaeque, parare suis letum patruclibus aufae,  
Belides, adfiduā colla premuntur aquā.]*

415.

*Qualis Achaemenides Siculā desertus in Aetnā,  
Troica cum vidit vela venire, fuit.  
[Qualis erat nec non fortuna binominis Iri,  
Quique tenent pontem, quae tibi pejor erit.]*

505.

*Isque vel exanimis faciat tibi vulnus: ut illi,  
Ora superfixi quem cecidere suis.  
[Sive idem simili pinus quem morte peregit:  
Phryx & venator sis Berecyntiades.]*

Ejus-

Ejusdem generis additamentum reperitur v. 437.

*Aere Perilleo veros imitere juvencos,  
Ad formam tauri conveniente sono.*

[Utve ferox Phalaris, linguâ prius ense resectâ,  
More bovis, Paphio clausus in aere gemas.]

Non enim videtur dubitandum, quin auctor ad *aeris Perillei* mentionem posterius distichon e priore finxerit, & Trist. V, 1, 53.

*Ipse Perilleo Phalaris permisit in aere  
Edere mugitus, & bovis ore queri.*

Hoc docet inficeta rei verborumque repetitio: *more bovis, ad formam tauri; aere, aere*: hoc argumenta, quibus *Burmamnus* motus „ suspectum esse posse, „ judicavit.

ib. 493.

*Vel de praecipiti venias in Tartara saxo,*

*Ut qui Socraticum de nece legit opus.*

*Ut, qui Thesaeae fallacia vela carinae*

*Vidit: ut Iliacâ missus ab arce puer.*

*Ut teneri nutrix, eadem matertera, Bacchi:*

*Ut cui causâ necis ferra reperta fuit:*

[Lydia se scopulis ut virgo misit ab altis,

*Dixerat invito quae mala verba Deo.]*

Cohaerent,

*Vel de praecipiti venias in Tartara saxo,*

*ut, -- ut, -- ut -- ut -- ut -- ut virgo livida.* Itaque causâ non erat, cur attexeretur, *se scopulis misit ab altis.* Deinde, *missus*, v. 496. praecedit. Denique *Metam.* II, 830. mutata legitur in saxum. Criticos enim sequor, qui corrigunt:

*Livida se scopulis ut virgo misit ab altis,*

*Dixerat invito quae mala verba Deo;*

et Aglauron intelligunt, quae, livore macerata, se praecipitasse fertur.

tur. v. *Meurs.* de R. Athen. I, xi. p. 57. Quid? si versificator exemplo Tali simile, quod eadem suppeditabant Athenae, supposuit.  
ib. 503.

*Quique Lycurgiden letavit & arbore natum,  
Idmonaque audacem, te quoque rumpat aper.  
Isque vel exanimis faciat tibi vulnus; ut illi,  
Ora super fixi quem cecidere suis.*  
[Sive idem simili pinus quem morte peregit:  
Phryx & venator sis Berecyntiades.]

*Salvagnius:* „ Non dubium, quin Attis Calai Phrygis filius, a Be-  
„ recynthia Dea sive Cybele adamatus intelligi debeat, nam & illum  
„ ab apro discriptum scribunt Hermesianax Elegorum scriptor,  
„ Pausanias in Achaicis, Nicandri Scholiastes initio Alexipharma-  
„ con. „ Hoc si constaret, satis esset argumenti, distichon, diver-  
fis literis exaratum, non esse *Nasonis*. Ut enim nunc mittam, quod  
Attis v. 455. memoretur:

*Deque viro fias nec femina, nec vir, ut Attys;  
Et quatiens molli tympana rauca manu:*

&, quod in pinum versus sit a poeta *Metam.* x, 103. memorari debuerat post v. 503.

*Quique Lycurgiden letavit, & arbore natum,  
Idmonaque audacem, te quoque rumpat aper.*

non autem post 505, 506, 507. quibus fata diversissima referuntur. Sed ut de eo non constet, distichon tamen aliquot de causis improbandum iudico: primum, quod libri fere discrepantes exhibeant lectiones, easque perridiculas; tum, quod, *Sive idem* — &, *Phryx & venator sis Berecyntiades*, male cohaereant cum praecedentibus, *ut illi* —; deinde, quod hoc solo loco *Berecyntiades* probetur; praeterea, quod, *Phryx*, &, *Berecyntiades*, prorsus idem sit; denique, quod poeta non soleat pentametros ita claudere; postremo, quod novum poenae genus minore versu non absolvat. Fallor? an nugator, qui legeret aliquem capite pendentis apri superincidente vulneratum esse, subtexere voluit alterius fatum, qui pinci pomi casu per-

periisset; quippe quem saepe noxum fuisse vel e *Martiale* sciret  
XIII, xxv. *Nuces pineae.*

*Poma sumus Cybeles; procul hinc absiste, viator,  
Ne cadat in miserum nostra ruina caput.*

Ut ut est, cuculi videtur, cujus fetum non dissimilem rejecimus v.  
434.

*Tantalides tu sis Tereïdesque puer.*

At enim *N. Heinſius* distichon, jam *Salvagnio* suspectum, feliciter  
correxit, & explicavit: „vide, ne Naso intellexerit de Aty filio  
„ Croesi Lydorum regis, quem Adraſtus Midæ filius imprudens in-  
„ ter venandum, dum aprum insectatur, jaculo confodit. — ut scri-  
„ bendum videatur:

„ *Phryx venator Atyn ut Berecynthiaden.* „

Immo vero laterem lavit & multa peccavit. Etenim verecundiae  
fines in mutando transiit; nec tamen versus poëta dignos finxit: nec  
docuit Atyn Lydum vocari posse *Berecynthiaden*; nec sensit pessime  
cohaerere,

*Isque vel exanimis faciat tibi vulnus; ut illi,  
Ora super fixi quem cecidere suis.  
Idaea aut simili pinus quem morte peremit,  
Phryx venator Atyn ut Berecynthiaden.*

nec cogitavit, nova factorum genera solo versu pentametro non ef-  
ferri.

ib. 635.

*Utve Remo muros auso transire recentes,  
Noxia sint capiti rustica tela tuo.*

[Denique, Sarmaticas inter Geticasque sagittas,  
His, precor, ut vivas & moriare locis.]

*Salvagnius*: „ Postquam Ibidi suo gravissima quaeque mala Naso no-  
„ ster inprecatus est, ei porro deportationem in Sarmatiam, quasi  
IIh 2 „ dira-

„ dirarum suarum corollarium inprecatur. Quo certe epilogo nihil  
 „ argutius in toto hoc poematio mihi visum est. Quum enim Ovi-  
 „ dius ne vel minimam Augustum ad commiserationem flectendi  
 „ occasionem praetereat, quid ingeniosius ab eo dici, aut excogi-  
 „ tari potuit, quam ut exsilium suum quovis supplicii & mortis ge-  
 „ nere gravius ac intolerabilius declararet. Conferre potuerat  
 Trist. III, 21, 71.

*Fortuna miserrima nostra est.  
 Omne trahit secum Caesaris ira malum.  
 Quod magis ut liqueat, neve hoc tibi fingere credar;  
 Ipse velim poenas experiare meas.*

Ego vero non credo *Nasōnem* tam delirum fuisse, ut „ exsilium  
 „ suum quovis supplicii & mortis genere gravius & intolerabilius  
 „ declararet. Ut enim mala sua cum laboribus Iasonis & Ulyxis  
 Pont. I, IV, 25. & Trist. I, v, 57. contulerit, & graviora putaverit;  
 plurimum tamen interest inter haec, & inter cruces, tormenta, mor-  
 tesque teterrimas. Nec id verba aperte indicant. At, nisi disti-  
 chon hanc habeat sententiam, laudata clausulae virtus tollitur, &  
 admiratio decrescet. Quis negat? Sed hoc viderint, qui *Nasōnis*  
 esse statuunt. Ego autem suspicor adulterinum esse, quod ejus ge-  
 neris additamentum redoleat, quod ad v. 475. notavimus. Etenim  
 telis Remo noxiis versificator *Sarmaticas sagittas* similiter adjunxit.  
 Quid? quod verbum, *precor*, redundat. Nam versus, eo sublato,  
 non tantum congruenter poëtae mori, sed & aptius ex antecedenti-  
 bus pendent hoc modo:

*Nec tu, quam Rhesus, somno meliore fruaris:  
 Cliniaedaeve modo circumdatus ignibus atris  
 Membra feras Stygiae semicremata rati.  
 Utve Remo muros auso transire recentes,  
 Noxia sint capiti rustica tela tuo:  
 Denique Sarmaticas inter Geticasque sagittas,  
 His, ——— ut vivas & moriare locis.*

Quid? quod praecedat v. 626.

Sic,

*Sic, precor, auxiliis impediare tuis.*

Quid? quod nusquam sic ponitur, nisi in versibus pariter suspectis 475, 476.

*Ut Macedo rapidis ista est cum conjuge flammis,  
Sic, precor, aetherei vindicis igne cadas.*

Quid? quod in quatuor Mss. & pr. edit. loco, longissime remoto, collocantur. Quid? quod socios & comites suspectos in Mss. habent. *Burmamnus* ad 341. *Viscera sic* --: „Ante hoc distichon in „Franc. & tribus aliis & pr. Edit. sequebatur,

„ *Denique Sarmaticas inter Geticasque sagittas*  
„ *His precor ut vivas & moriari locis.*

„ — deinde in plurimis & pr. Edit. sequebatur 441.

„ *Utque ferox Phalaris &c.*

„ Et tunc in quatuor & pr. Edit. 463. *Aut ut Cassandra &c.* Ad-  
„ debat pr. Edit.

„ *Aut pereas, periit sicut Cassandrius ille,*  
„ *Quem sua gens merito merfit in anne Lyci.,*


Nam versus, *Aut pereas*, -- & *Utque ferox Phalaris*, suppositi sunt. Usus autem me docuit, saepe damnatis sententia Criticorum meliores non esse comites. Quid? quod in quorundam librorum margine ponuntur. Quid? quod quibusdam desunt. Sed argumentandi finis sit, ut satietati lectoris occurratur. Argumentis autem multis uti placuit, ut universis inter se connexis certe, si non singulis, Critici moverentur. Auctori vero facile fuit hos versus fingere ex Pont. II, II, 47.

*Aut ego Sarmaticas videor vitare sagittas.*

& Trist. V, vii, 23.

*Atque utinam vivat, sed non moriatur in illis!*

FINIS EMENDATIONVM.



INDEX



# I N D E X

## SCRIPTORVM VETERVM,

Quibus in Praefatione, & Emendationum libro  
lux & falus est reddita.

<b>A</b> NTHOLOGIA GRAECA. 152.	119. 193—200. 201—246.
———— LATINA. 32.	Pr. 22, 23. 55.
109. 174. 223. Pr. 37.	PERSIUS. - - - 218.
ARATUS. - Pr. 18.	PETRONIUS. - - 46. Pr. 33.
ATHENAEUS. 25.	PLINIUS. - - - 80.
AVIENUS. 67. Pr. 28—34. 55—58.	PROPERTIUS. 87—185.
AUSONIUS. 180.	RUTILIUS. - Pr. 33.
CALLIMACHUS. - Pr. 19.	SCRIPTOR Epitomes Iliados Ho-
CATONIS Disticha. 218.	mericae, qui PINDARUS The-
CATULLUS. 1—16. 84. Pr. 20.	banus vocatur. 73. Pr. 42.
CICERO. - 80. 179.	— Pervigilii Veneris. 20. Pr. 33.
CLAUDIANUS. 143, 144, 179, 180.	SENECA. 232. Pr. 23—26. 39, 44.
Pr. 44.	SIDONIUS. - - Pr. 33.
GERMANICUS. Pr. 55, 56.	STATIUS. 174. 179. Pr. 27, 28.
HORATIUS. 68—85. 20. Pr. 22.	THEOCRITUS. - Pr. 20.
JUVENALIS. 138. 140. Pr. 51.	TIBULLUS. - - 113. 137.
LUCANUS. 109. 155. Pr. 26. 44.	VALERIUS FLACCUS. 179. 197.
MANILIUS. 23. 61. 80. 217. Pr.	Pr. 37, 38, 45.
47—51.	VIRGILIUS. 8, 9. 16—29. 32.
MARTIALIS. - Pr. 46.	35—40. 45. 50—53. 64.
MAXIMIANUS. - Pr. 56.	138. 151. 154.
ORPHEUS. Pr. 4—18. 56.	Pr. 21, 22. 34. 39. 40. 42.
OVIDIUS. 85. 98. 114. 117—	44. 51—54.

# INDEX

## SCRIPTORVM NOVO RVM,

Qui laudantur, notantur, & refutantur.

- J. Arntzenius.** . . . 124.  
*Auctor Electorum Etonensium.* 91. 98.  
 166.  
*Casp. Barthius.* 19. 47. 49. 100.  
*Rich. Bentlejus.* 23. 61. 68. 75. 101.  
 110. 155. Pr. 22.  
*Sam. Bochartus.* . . . 30.  
*Herm. Boerhavius.* . . . 20.  
*Jan. Broekhusius.* 9. 20. 86—98. 104.  
 130. 134. 138—141. 152—154. 159.  
 181. Pr. 41.  
*Petr. Burmannus.* 38. 39. 67. 114.  
 119. 186. 200. 210. 235. 236. 238.  
 Pr. p. 4. & seqq. 41—48.  
 ———— *Secundus.* 3. 9. 16.  
 27. 54. 190. Pr. 60.  
*Jo. Gul. Capoferreus.* . . . 209.  
*Jo. Clericus.* . . . Pr. 31.  
*J. P. Corradinus de Allie.* 4. 5. Pr.  
 21. 33.  
*Gottl. Cortius.* . . . Pr. 21.  
*Christ. Crusius.* . . . Pr. 33.  
*Jac. Phil. Dorcilus.* 4. 22. 99. 31.  
*Raph. Eglinus.* . . . 46. 47.  
*Just. Fontaninus.* 33. 48—53.  
*Petr. Fonteinus.* 150. 164. Pr. 60.  
*Petrus Francius.* . . . Pr. 58.  
*Jan. Gebhardus.* . . . 133.  
*Jo. Matth. Gesnerus.* 219. Pr. 4—18.  
 45. 46.  
*Abrah. Gronovius.* . . . 174.  
*Jo. Frid. ———* 23. 198. 232. Pr.  
 26. 34—36.  
*Jan. Grotius.* . . . Pr. 60.  
*Franc. Guyetus.* 91. 124. 126. 130.  
 145. 169. Pr. 54.  
*Nicol. Heinsius.* 3. 24. 26. 50. 57. 58.  
 62. 91. 98. 99. 186. 191—200.  
 210. 214. 230. 236. 237. 243. Pr.  
 37—40. 55.  
*Ti. Hemsterbuisius.* 26. 92. 99. 102.  
 114. 115. 125. 224.  
*Chr. Gottl. Heynius.* 33. 111. 166. Pr.  
 22. 54. 60.  
*Sidronius Hoesebius.* . . . Pr. 43.  
*Jo. Hudsonus.* . . . Pr. 31.  
*J. Jones.* . . . 71.  
*Jo. Fortinus.* . . . Pr. 35.  
*Petr. Henr. Koppierfus.* . . . 183.  
*Lat. Latinus.* . . . 125.  
*Jo. Dan. Lemnepius.* . . . 136.  
*Jo. Livinejus.* . . . 89. 132. 184.  
*Jerem. Marklandus.* 14. 60. 61. 68.  
 70. Pr. 28.  
*Jac. Miccyllus* . . . 222. 237.  
*Jac. Nicolaus, Loënsis.* . . . 37.  
*Oldius* . . . Pr. 32.  
*Leon. Offerhausius.* . . . 136.  
*Franc. Oudendorpius.* . . . Pr. 26.  
*Franc. Oudinus.* . . . 17.  
*Mart. Onitius.* . . . Pr. 29.  
*J. M. Palmerius.* . . . 91.  
*Jan. Passeratius.* . . . 90. 181.  
*Jo. Jac. Reiskius.* . . . Pr. 31.  
*Car. Ruacius.* 17. 30. 41—44. 54.  
*Dav. Rubenionius.* . . . Pr. 51—54.  
*Claud. Salvatius.* . . . 79.  
*Dion. Salvegius Boesfiur.* 229. 231.  
 N. E.

<i>N. E. Sanadonus.</i>	76.	<i>Henr. Verheykius.</i>	Pr. 54.
<i>Franc. Sanctius.</i>	230.	<i>P. Vlamingius.</i>	104.
<i>Ad. Sync. Sannazarius.</i>	126. 147.	<i>Bav. Voorda.</i>	Pr. 60.
<i>Jof. Scaliger.</i>	4. 17. 18. 24. 29.	<i>If. Vosfius.</i>	2. 15. Pr. 34.
41—44. 60. 63. 93—95. 98. 103.		<i>Jo. Ant. Vulpius.</i>	3. 95. 97. 98. 134.
104. 155. 178. 184.			135. 140. 178.
<i>Achilles Statius.</i>	4. 111.	<i>Jac. Phil. de Medenbach Wakker.</i>	173.
<i>Auguft. van Staveren.</i>	25.		219.
<i>M. El. Stoeberus.</i>	Pr. 47—50.	<i>Jac Wallius.</i>	94. Pr. 41. 43.
<i>J. Jo. Struchtmeijerus.</i>	115.	<i>Petr. Wefelingius.</i>	65. 234.
<i>Rob. Titius.</i>	40.	<i>Car. Ant. Wefttenius.</i>	Pr. 60.
<i>Jac. Tollius.</i>	58.	<i>Jo. Hild. Witbofius.</i>	3. 85. cap. x.
<i>Jo. Toupius.</i>	122. Pr. 57, 58.		230, 231.
<i>L. C. Valkenaerius.</i>	Pr. 59, 60.		



# I N D E X

## VERBORVM ET RERVM.

## A.

**A**barbarea mater Euphorbi fuit,  
non Heleni. . . . . Pr. 51.  
Absyrtides. . . . . 222.  
Accola, &, incolae, confunduntur. 179,  
180.  
Additus, &, editus, permutantur. 24.  
— navi decus Addita pinus. 23.  
Adspice, ut veniant. 101.  
Ae, sequente vocali, non corripitur  
in, Erythraeus, Maeotis. . . . . 3.  
Aegaea litora. . . . . 29.  
Aetbra, &, Ida, confunduntur. 154.  
Aglauros, livore macerata, se praecipitasse fertur. 241.  
Alia, &, ulla, confunduntur. 63.  
Aloidae conati sunt coelum rescindere,  
non incendere. . . . . 19.  
Amare, &, habere, confunduntur. 117.  
Milo male dicitur fluidos lacertos in  
Anne spectasse. . . . . 198.  
Amor in conjugem, pro, erga conjugem,  
improbatur. 171.  
Amor artificem morbi non habet. 116.  
liquor rigat Antra. . . . . 147.  
Apta conjux, amor. . . . . 172.  
Arenas & sidera numerare. . . . . 7.  
Argæus. . . . . 23.  
— Argivus, &, Argous, eonfunduntur. 23.  
Argous, &, Argæus, permutantur. 23.  
Aroa operosa. . . . . 174.  
— pomariis junguntur. 147.  
— liquor rigat. . . . . 147.  
As, in, Pbias, producit. Pr. 38.  
Assueta lanis colendis. . . . . 173.  
Atri Laestrygones an dicantur? 28.  
Attentare leones. . . . . 127.  
Attis. . . . . 242.  
Augustum omen. . . . . 120.  
— &, \*Ἰσχυρὸς, confunduntur. 16.

Aut, &, vel, ab optimis poetis  
junguntur. . . . . 212.

## B.

Semiramis jussit Baëtra caput inferio  
subdere. . . . . 155.  
Baratrum siccat solum emulsa palude. 11.  
an, Batavus, media syllaba longa,  
pronuntiatur? . . . . . Pr. 26, 27.  
Berecyniades. . . . . 242.  
Britannia picto vultu, non, curru. 170,  
171.  
Britomartis sectabatur venatus ferarum,  
non, virorum. . . . . 62.  
Bructerus accola, an, incolae sylvae  
Hercyniae? . . . . . 180.

## C.

Cacus incolae fuit Aventini montis,  
accola Palatini. . . . . 178.  
Calpurnius imitatur Catullum. . . . . 8.  
Camilli magni. . . . . 109.  
Candidus Amor. . . . . 120.  
Ira Carmen digitis percutere. . . . . 114.  
Care noctem vendere. . . . . 127.  
Carum caput. . . . . 58, 59.  
— mutatur in, sacrum. . . . . 59.  
Casandra non credita. . . . . 59.  
poetae refugerunt a Casu quarto,  
Minoem. . . . . 58.  
Catullus obiit juvenis. . . . . 47.  
— non scripsit Cirin. . . . . 46-48.  
Caupo. . . . . 69.  
Causidici male audiunt. . . . . 71.  
Causidicus ab Horatio cautor proxi-  
dus, non autem, caupo perfidus,  
vocatur. . . . . 69-71.  
Cau-

*Cantor providus.* 68--71.  
*Celer Diana.* 61.  
*Celides* prima producta nequit offer-  
 ri. Pr. 45.  
*Circus*, hippodromus. 160.  
 — *Lacaena Circum pulsata equis.* 159.  
*Ciris* a multis valde laudatur. 29, 30.  
 — a paucis reprehenditur. 30.  
 — obscuritatis causae. 31.  
 — male Calullo tribuitur. 46--48.  
 — Gallo ——— 48--53.  
 — scriptori Nafone recen-  
 tiori ——— 54.  
 — adjudicatur Virgilio. 31--46.  
 — post Culicem videtur edita,  
 priusquam componeretur Eclo-  
 gae. 44.  
 — opus supremum non fuit. 41--44.  
*Claudianus* imitatur Horatium. 84.  
*Cognita* Lycinna. 162.  
 de Colchis dici nequit, eos a To-  
 mitis vix Danubio separari. 222.  
*Colere* lanas. 172.  
 nihil deest Collationi: *extincta Me-*  
*deae flamma ad Iasonis aspectum*  
*revixit, ut scintilla solet a ventis*  
*alimentum resumere.* 208.  
*Colluviare.* 102.  
*Κάλλιν Αἰσώτην* numerare. 7.  
*Construere* divitias, acervum. 72, 73.  
 singularis verborum Constructio. 205.  
*Contactus* euro. 111.  
*Corpus*, & *pectus*, confunduntur. 121.  
 — *pondus*, ——— 167.  
 — *defultor corpus trajicit.* 166.  
*non Credita* Casandra. 159.  
*poetae* sequuntur Ctesiam. 156.  
*Culex* est Virgilii. 16--18.  
 — Ruaci & Oudini sententiae  
 de eo refutatae. 17, 18.  
*Currus*, & *vultus*, permutantur. 171.  
*Cyclades* & *Sporades* junguntur, &  
 confunduntur. 66.

D.

*Danaëdum* poenae mulieribus, non  
 autem viris, sunt constitutae. 231.  
 — crudelitas praecipue nota-  
 tur. 232.

*volumen De veste.* 114.  
*Delos*, & *tellus*, confunduntur. 39.  
*Delphicum* templum fertur a Gallis  
 incensum. 156.  
 — — spoliatum. 158.  
 — — thesauri bello sacro peni-  
 tus expilati dicuntur. 177.  
 — — Brenni tamen  
 aetate non decrant, qui cupidi-  
 nem praedandi poscent incendere. 157.  
*Demetrius Moschus* refutatur. Pr. 15.  
*flores* *Dependent* feribus. 57.  
*Deponere* amorem. 64.  
*bora* *Dicitur* jocis. 169.  
*Dimissa* somno, periculo. 132.  
*Disiectas* Thebas componere. 121.  
*Ditira* templa. 157.  
 — regna. 158.  
*Dryantides* dicitur, non autem, *Dry-*  
*antides.* Pr. 23.  
*Dynastes*, Ovidio perperam tribuitur. 230.

E.

*E in*, *Dioneus*, & similibus corrip-  
 nequit. 3, 4.  
 — *responde, vide, vale*, semper  
 producitur. 217--219.  
*Ecthliplis* Propertiana, jam impune. 137.  
*Elegis*, non oculis, Propertii Cynthia  
 superba facta est. 164.  
*Eöus*, mutato nomine, *Hesperus*. 15.  
 — utrumque nomen venuste  
 ponitur. 15.  
*Eretrius* non dicitur prima syllaba  
 longa. 6.  
*Erythrii pulvis*, ferri nequit. 2.  
*Es*, sequente vocali, non produci-  
 tur. 140.  
*Esuri* terna per ora canes, suspectum  
 loquendi genus. 201.  
*Exbalare.* 210.  
*Exstincti*, & *exstructi* acervi, con-  
 funduntur. 73.  
*Exstruere* divitias. 73.  
 — — *exstructi* acervi. 73.  
 — — & *exstincti*, con-  
 funduntur. 16.  
*Exterritus* prodigiis, monstris. 56.

## F.

- Feri*, &, *viri*, permutantur. 61, 62.  
*Ferrum* & *ignes* pati. 100.  
*Fessum* corpus. 64.  
*Fides*, &, *vides*, confunduntur. 71.  
*Fingere*, &, *fundere*, permutantur. 75.  
*Flores amaraci*, *rosae*. 57.  
*Fundere* *opprobria* in aliquem. 74.  
 ——— &, *fingere*, confunduntur. 75.  
*Futura*. Ovidius in *Diris* optat; *Tem*  
*poribus* autem *Futuris* non utitur. 236.

## G.

- Gallus* non scripsit *Cirin*. 38—43.  
 ——— *Fontanus* ei ficta & com-  
 mentitia carmina tribuit. 51, 52.  
 — an plures uno versus ab  
 eo scripti superint? 53.  
*Gaudere* *beatiss*. 129.  
*Grandia* *poscere*. 127.  
 in, *Gratuitus*, *i*, producit. Pr. 27.  
*Gyrum* *pulsat* *equis*, *suspectum* lo-  
 quendi genus. 159.  
*Gygae* & *Croesi* *flumina*. 130.

## H.

- Helenus* *Priamides*. Pr. xi.  
 ——— *vates* fuit, & *prudencia* cla-  
 rus. ib.  
 ——— cum *Graecis* *ducibus* *vixit*. 12.  
 causa. ib.  
 ——— *Priamo* *Trojanisque* *inimicus*  
*fata* *Trojae* *Graecis* *indica-*  
*vit*. ib.  
 ——— *eius* *sermo* cum *Philocteta* ex-  
 ponitur in libello *Orphei* de  
*Lap*. xi, 26 —xx, 14.  
*Habere* *mulierem*. 117.  
 ———, &, *amare*, confunduntur. ib.  
*Harpyia* male quatuor syllabis ef-  
 fertur. Pr. 40.  
*Herba* *gramen* *habens*, loquendi ge-  
 nus *suspe-*  
*ctum*. 235.  
*Hylas* *ixarx*, & non est *Apollo*. Pr. 17.

- Hesperus* idem est, qui mane *Eos*,  
 mutato nomine. 15.  
 ——— utrumque nomen *venuste* po-  
 nitur. 16.  
*Heu* vix usurpatur, nisi in re lugu.  
 ——— &, *o*, permutantur. 133.  
 poetæ non dicuntur *Hiare carmen*. 147.  
 148.  
*Hieronymi* errores notati. 47.  
 poetæ non dicuntur *Hiscere tan-*  
*tum operis*. 148.  
*Hortari* *canes*. 160, 161.  
 ———, &, *seclari*, confunduntur. 161.  
*Hortulus* *Cecropius* est *Epicuri*. 31.

## I.

- Iam*, *jam*, non, *jam*, *jam* *janque*. 28.  
*Janus* *Secundus* imitatur *Propertium*. 116.  
*Japetides* ab *Ovidio* non vocatur *Pro-*  
*metheus*. 224.  
 ——— Pr. 46.  
*Japetionides*, non, *Japetionides*. 224.  
*Jason*, male duabus syllabis effertur. 222.  
*Jaspis* ——— ibid.  
*Jazyx* effertur tribus syllabis. ibid.  
*Ida*, &, *aetbra*, confunduntur. 154.  
*Ilitbyia* quatuor syllabis pronuntiatur.  
 Pr. 41.  
*Imitari*, &, *mirari*, permutantur. 140.  
 141.  
*In*, &, *re*, confunduntur. 19.  
*candor* *In amicis*, non videtur *Ovidia-*  
*rum*. 225.  
*Incendere*, &, *rescindere*, permutan-  
 tur. 19.  
 ——— *mundum* non conati sunt  
*Aloidae*. ib.  
*Incola*, &, *accola*, confunduntur. 179.  
 180.  
*Indeque*. 76—78.  
*Interpolatorum* complures indicantur  
*consuetudines* cap. xi. & seqq.  
*Iu*, *iambus* est. Pr. 46.  
 ——— errores variorum notati. ib. & 45.  
*Ira* *Hectoris*. 27.  
*Istbaec*. 63.  
*Iulius*. 223.  
*Iubet*, &, *lubet*, confunduntur. 10.  
 Ju.

*Jugis*, &, *regis*, permutantur. 106.  
*Juvenca Graja*. 119.  
*Juvenis*. 45.  
 — *juvenes anni*. 45.

L.

*prata Late* *cruentantur*. 162. 163.  
*Latiae & Sabinae* *junguntur*. 138. 139.  
*junera* non dicuntur *intrare Leges in-*  
*fernas*. 181.  
*Lenire senectam*. 183.  
 — &, *sentire*, confunduntur. 183.  
*Librarii* scriptorum *verba & loquendi*  
*genera locis alienis reponunt*. 117. 119.  
 — *verba proxime praecedentia*  
*in aliorum locum substituunt*. 154.  
*Ligus pernix*. Pr. 29. 30.  
*Loci umbrosi* dicuntur *obsideri*, non  
*rogi*. 182.  
 — &, *rogi*, confunduntur. ibid.  
*Lotichius* imitatur *Propertium*. 142.  
*Lucanus* imitatur *Virgilium*. 110.  
*Lubet*, &, *jubet*, permutantur. 10.

M.

M, si negligatur *ecthipsis*, propter  
*caesuram* produci nequit. 136. 138.  
*Macedo*. 240.  
*Maximè*. 240.  
*Magnus sanguis*. 21. 22. *Terra manat*  
*magno sanguine*, non legitur apud  
*optimos Latinitatis auctores*. 22.  
 — &, *multus* confunduntur. 21. 22.  
*Male falsus*, &, *falsus male*. 15.  
*Martialis* imitatur *Propertium*. 128. 172.  
*Mater terra*. 118.  
*Mea, tua*. *Meae sentire furor*. 103. 104.  
*Membra*, &, *verba*, confunduntur. 126.  
*Μεταμεινεις* *tertia syllaba brevi pro-*  
*nuntiatur*. Pr. 19.  
 — &, *μεταμεινεις*, confundun-  
 tur. 16.  
*Valerii Mesalae aetas*. 43. *mortis*  
*tempus*. 54.  
*Metare loca*. 28.  
*Meterca turba* nusquam fuit. 221.

*Miramur*, &, *narramus*, confun-  
 duntur. 126.  
*Mirari*, &, *imitari*, permutantur. 141.  
*Monitus fulminum*. 109.  
*Morientes ultionem sui mandabant*. 177.  
*Motus pennarum in aëre errantium*. 109.  
*Multus*, &, *magnus*, confunduntur. 21.  
 — *nudus*, — 126.  
 — *terra manat multo sanguine*. 21. 22.  
*tantum Mutatus*. 12.

N.

*Narramus*, &, *miramus*, confusa. 126.  
*Ne, neve*. 134.  
*Nictantia sidera*. 55.  
*Nitet ura*. 149.  
*Nomas*. 178.  
*Nomina appellativa mutantur a libra-*  
*riis in propria*. 8—9. 156.  
*Nomina Veruummi*. 169.  
*Nudus*, &, *multus*, confunduntur. 126.  
*Numerare arenas & sidera*. 7. 8.

O.

O, &, *heu*, permutantur. 133.  
*ab Oetis rogis Hebe gavissus est Her-*  
*cules*. 106.  
*Omphalie*. 152.  
*Operosa arva*. 147.  
*Oregai*, &, *Augai*, confunduntur. Pr. 9.  
*Oritbyia* quinque syllabis male pro-  
 nuntiatur. Pr. 40.  
*Ornare domum per arma fixa*. 150.  
 — *limina multis donis*. 151.  
*Ovidius* imitatur *Horatium*. 74. 84.  
 — *Propertium*. 122. 136.  
 — 161.  
 — *iisdem exemplis in Ibide non*  
*utitur*. cap. 13.  
 — *novum poenae genus solo*  
*versu pentametro non effert*. 242.  
 — *an exsilium suum quovis sup-*  
*plicii & mortis genere gravius*  
*declaraverit?* 243.

## P.

P, pro, T, saepe ponitur a librariis. 70.  
*παλαμίδας*, & *Πριαμίδας*, confunduntur. Pr. 11.  
*παμφόλοι*, media syllaba longa pronuntiat. Pr. 20, 29.  
 — & *παμφόλοι*, permutantur. ib.  
*Pedius*, & *corpus*, confunduntur. 121.  
*equi lignei venter apertus non laesit* *Pe nates*. 166.  
*Penei*, duabus syllabis efferrinequit. Pr. 21, 22.  
*Peneu* rejicitur. Pr. 22.  
*lyra carmen digitis Percussit*, Latinum non videtur. 115.  
*Periboea*, Alcaetho filia, Telamoni nupit. 25.  
 — mater Ajacis. ib.  
 — *Eriboea*. ib.  
*Perjurum pedius*. 121.  
*Personae mutatio frequens* *Propertio* probatur locis suspectis. 123.  
*rumor Pervenit ad aures*. 136.  
*Philostetes*. Pr. 12.  
 — *Herculis* *Ἡρακλῆως*. 14.  
 — *Ἡρακλῆως*. 13.  
*Pblis*, bisyllabum, prima longa. Pr. 38.  
*Phoebus*, non *Tethys*, sparsas sui curru partes & equos collegit. 197.  
*Phoenix* *Iliopolin* venit. 190.  
*Poeni* distinguuntur a *Phoenicibus*. 79-81.  
*Poenus*, & *pontus*, confunduntur. 85.  
*Poëtae* ab oratione, quae aliunde pendet, ad absolutam transeunt. 102.  
 in *Poëtarum* carminibus insignia in modis syllabarum vitia permanent. Pr. 4—30.  
*Pondus*, & *corpus*, confunduntur. 167.  
*desultor leve Pondus alterno equo tra-*  
*ficere* non dicitur. 166.  
*Pontus*, & *Poenus*, confunduntur. 85.  
*Posuisse*, & *statuisse*, permutantur. 153.  
*Potius*, & *satiis*, confunduntur. 141.  
*Praeter*, & *propter*, permutantur. 47.  
*Premere manus*. 115.  
*Πριαμίδας*, & *Παλαμίδας*, confunduntur. 11.  
*Priamides Helenus*. Pr. 11.  
 in *Priapejis* versibus, Catullo tribu-

tis, quarta sede semper fere tro-  
 chaeus apparet. 13, 14. Pr. 20.  
*Propertius imitatur Theocritum*. 120.  
 — *Virgilium*. 141—146.  
 — ab eorundem verborum  
 repetitione non refugit. 154, 155.  
*Propter*, &, *praeter*, confunduntur. 27.  
*Protboënor*, non, *Protenor*. Pr. 23.  
*Providus cautior*. 71.  
*Prudentius imitatur Horatium*. 70.  
*Pudicitia* sub Saturno regnavisse dici-  
 tur. 139.  
*Pulsare circum equis*. 159, 160.  
*Pulvis aëthereus*. 6.  
 — *aridus*. 6—8.  
 — *Eretrius* rejicitur. 5.  
 — *Euboeicus*. 5.  
 — *siccus*. 6.  
*Pulvis Erythrii* rejicitur. 2.  
 — *Servius* non tradidit *Veteres*  
*declinavisse, hic pulvis, bu-*  
*jus pulvis*. 9.  
*Pythia* regna. 157.

## Q.

*Que*, recte excipitur voce, cujus pri-  
 mae literae sunt, *str*. 74.  
 — bisyllabis jungitur e brevi ter-  
 minatis, ut, *Indeque, Menteque*. 77.  
 — & trisyllabis, ut, *audireque, vi-*  
*dereque*. 78.  
 — *non te terreat, Quod clasfis remi-*  
*gat*. 173.

## R.

*Re*, &, in confunduntur. 19.  
 — Incaute agunt, qui, *recubat,*  
*reparat, remittit, resistere,* pri-  
 ma syllaba producta, poëtis in-  
 gerunt, aut, *reponit, restituit*. Pr.  
 43.  
*Regiones* pro gentibus ponuntur, ut,  
*Britannia picto vului*. 170, 171.  
*Regna ditia*. 157.  
 — *Pythia*. 156.  
 Regna



*Regna*, &, *templa*, confunduntur. 158.  
*Reperi*, prima longa pronuntiatur. Pr. 41.  
*Reperio*, — brevis — Pr. 43.  
 Repetitio verborum: *Cois*, *de Coave-*  
*ste*. — 113.  
 — ab Repetitionibus eorundem ver-  
 borum Propertius aliique non refu-  
 gerunt. 154, 155.  
*Repuli*, prima longa pronuntiatur. Pr. 42.  
*Repello*, — brevis — Pr. 43.  
*Reiuli*, prima longa pronuntiatur. Pr. 42.  
*Refero*, — brevis — Pr. 43.  
*Rescindere coelum*. — 19.  
*classis a litore Resoluta*, non, *revoluta*. 60.  
*forma par animo Respondet in illa*, La-  
 tinum non est. 215.  
*Rhythmus*, *N. t. Tyrrhena s. f. are-*  
*na*, non mutandus. 115.  
*Rogis*, &, *jugis*, permutantur. 156.  
*Rogi*, &, *loei*, — 181.  
*Rogus*, &, *torus*, — 184.  
*Ruere divitias*, &, *aceruos aeris*, in-  
 probatur. 72.  
 — &, *struere*, confunduntur. 73.  
*Rutilius* notatus. Pr. 40.

## S.

*Sacrum*, &, *carum*, confunduntur. 59.  
 — *alumna* male dicitur *caput nu-*  
*trici sacrum*. — ib.  
*Saepe munera ferre*. — 12.  
 — &, *semper*, permutantur. 12. 14.  
*male Salsus*. — 15.  
*Salva Penelope dici* nequit, cuius pu-  
 dicitia salva est. — 124.  
 — &, *sola*, confunduntur. 125.  
*Sanguis multus*. 22. *magnus*. ib.  
*Sannazarius* imitatur Propertium. 126.  
 142. 147. 174.  
*Satius est imitari Pbletam*. 141.  
 — Dubitatum de loquendi gene-  
 re, *satius imitare Pbletam*. 16.  
 — &, *potius*, confunduntur. 141.  
*venatores Sectantur feras*, non *zu-*  
*tem canes*. — 160.  
*Sectari*, &, *bortari*, permutantur. 161.  
*funera Sedes infernas intrant*. 181.  
*Seneca Tragicus* imitatur Ovidium. 193.

*Sentire*, &, *lenire*, confunduntur. 183.  
 non *Sic*, nec *sic*, in oppositione con-  
 jungi solent. 107, 108.  
*Sidera* & *arenas numerare*. 7.  
*Aethaon cornua Solitis in undis vi-*  
*dit*. — 197, 198.  
*Solus*, &, *salvus*, confunduntur. 145.  
*Sola Penelope*. 124.  
*Sophie sedes habet in colle*. 49.  
*Sporades*, &, *Strophades*, permutan-  
 tur. 66.  
 — Cyclades conjungun-  
 tur, & confunduntur. 67.  
*Statis* imitatur Propertium. 106. 173.  
 — notatur. 65.  
*Statuisse*, &, *posuisse*, confunduntur. 153.  
*Strophades in Sporadas a librariis mu-*  
*tatae*. 66, 76.  
*Subter*, &, *super*, confunduntur. 20.  
 — capellae *Subter dumos*, & *ge-*  
*nefas cubant*, non *super*. 19-21.  
*Strigare* prima brevis pronuntiatur. Pr.  
 36, 37.  
*Struere divitias*, *aceruos aeris*. 72.  
 — &, *ruere*, confunduntur. 73.  
*Subdere caput imperio*. 155.  
*Super*, &, *subter*, confunduntur. 20.  
*Superba cauda*. 128.  
*Supplicia*, quae tyranni de miseris  
 sumserunt, & aliis dederunt, eo-  
 dem carmine referuntur. 235.  
*Suspiciere ad sidera*. 55.

## T.

*Telamon* habuit in matrimonio *Pe-*  
*riboeam*, Regis Alcathoi filiam. 25.  
*Templa diina*. 156.  
 — &, *regna*, confunduntur. 158.  
*Teneri cortices*. — 108.  
*Tereos*. — 237.  
*Tereides*, improbat. — ibid.  
*Tellus*, &, *Delos*, confunduntur. 39.  
*Teucer* nothus ex Hesionae captiva  
 procreatus est. 26.  
*Thalassio jubet servire*. 10.  
*Thalassius*, improbat. ib.  
*Thebarum muri* non sunt restituti *pe-*  
*nia Phrynes*. 122.  
*Thiodamas*, Priami filius, nunquam  
 fuit.

_____ fuit.	Pr. 15.
_____ ei male tribuitur Heleni	
_____ sermo apud Orpheum.	15, 16.
<i>Leibazus liquor</i> <i>Tingit ora</i> , non, <i>te</i> .	
_____ rit.	174.
_____ color _____	175.
<i>Tinctus</i> , &, <i>tritatus</i> , confunduntur.	175.
<i>Togam</i> <i>Cynthiae</i> non dedit <i>Proper-</i>	
<i>tius</i> .	111.
<i>Torrida limina</i> .	156.
<i>Torus</i> , conjugium, conjux.	184.
_____ emeritus.	ib.
_____ &, <i>rogus</i> , permutantur.	ib.
<i>Tritus</i> , &, <i>tinctus</i> , confunduntur.	175.

## V.


nec <i>Vale dicere</i> , nec <i>Valedicere</i> fer-	
ri potest in Ovidii versu.	217—219.
<i>Vastae</i> <i>ferae</i> .	91.
<i>Vebi nave</i> , non <i>a nave</i> .	148.
<i>Vel</i> , et, aut, ab optimis poetis jun-	
guntur.	214.
<i>Venari viros</i> .	62.
<i>Venatus ferarum</i> .	61.
<i>Venit uva</i> .	143.
<i>Verba</i> , & <i>membra</i> , confunduntur.	126.
Versus e multis spondeis facti. Pr.	57, 58.
<i>Vestibuli testu</i> ferri nequeunt.	11.
<i>Vides</i> , &, <i>fides</i> , confunduntur.	71.
<i>Viduis</i> .	218.
<i>dona multum</i> <i>Vigilata</i> .	31.
<i>Vindemia tegit</i> colles, non autem	

<i>legit</i> .	144.
<i>Virgilius scripsit</i> <i>Culicem</i> .	61.
_____ <i>Cirin</i> .	31—54.
_____ in <i>Ciri</i> <i>Lucretium</i> imitatur.	49. 55.
_____ <i>Catullum</i> imitatur.	64.
_____ notatur.	65.
_____ <i>Epicureae</i> se <i>Philosophiae</i> de-	
didit.	31.
_____ primis annis audivit <i>Epicu-</i>	
reum <i>Syronem</i> .	29.
_____ <i>Musis</i> aliquando nuntium re-	
mit.	32.
_____ iisdem versibus bis utitur.	54.
<i>Virides uvae</i> , sunt immaturae.	147.
<i>Ulla</i> , &, <i>alia</i> , confunduntur.	63.
<i>Ulua pedes implicat</i> .	183.
_____ &, <i>unda</i> , permutantur.	ib.
<i>Unda</i> , &, <i>Ulua</i> , confunduntur.	ib.
_____ quoa <i>Ut o potius fallar!</i>	60.
<i>Uterque</i> <i>Poenus</i> , improbat.	78—83.
_____ <i>Pontus</i> .	83, 84.
<i>Utinam ne!</i>	62.
<i>Uva nitet</i> .	143.
_____ venit.	143, 141.
_____ <i>viridis</i> ; <i>viret jugis</i> .	142.
<i>Vultus</i> , &, <i>curvus</i> , confunduntur.	171.

## Z.

<i>Zanclaea</i> <i>Charybdis</i> .	26. 27.
<i>Zeten</i> , utraque syllaba producta pro-	
nuntiatur.	Pr. 37.
<i>Zetbi prae</i> .	162.









**University of Toronto  
Library**

---

**DO NOT  
REMOVE  
THE  
CARD  
FROM  
THIS  
POCKET**

---

**Acme Library Card Pocket  
LOWE-MARTIN CO. LIMITED**

